

(Early 2014) **SPECIAL ANNOUNCEMENT** for Ordinary Form Masses.

*To learn about this forthcoming announcement, visit: [ccwatershed.org/vatican](http://ccwatershed.org/vatican)*

**H**ERE PRESENTED is the complete\* *Missale Romanum Cum Lectionibus*. Very little has changed since this was first printed in the 1970s. For instance, the most current edition of the Missal still retains all the rubrics telling the priest when he must face “ad orientem” (e.g. cf. numbers 133-134).

These four (4) volumes seem to have been designed for traveling priests. They include the texts and readings that must be spoken in “read Masses.” In other words, they include the so-called *Spoken Antiphons*. When Pope Paul VI officially promulgated the *Novus Ordo Missae* on 3 April 1969, he noted that these “adapted” texts (called *Spoken Antiphons*) are to be used in “Masses without music.” But, the Pope also stressed that the *Graduale Romanum* (revised in 1970 by the *Ordo Cantus Missae*) must be used for sung Masses.

If you would like to “sing the Mass” (instead of “replacing the Mass”) as the Second Vatican Council desired, you might consider the *Lalemant Propers*: a collection of very simple settings (in English) for all three Liturgical Years (ABC) and published with Ecclesiastical approval. **[CCWATERSHED.ORG/LALEMANT](http://CCWATERSHED.ORG/LALEMANT)** — *Free online, also available in print!*



\* This is the Second Edition of the Roman Missal, approved on 27 March 1975. Minor changes were made from the First Edition (1970), for example, the elimination of the subdeacon's role (e.g. cf. §65 and §142-152). Pope John Paul II would promulgate the Third Edition, which also contained minor changes, such as the addition of Masses for recently canonized saints.

**MISSALE ROMANUM  
CUM LECTORIBUS**

# MISSALE ROMANUM CUM LECTIONIBUS

EX DECRETO SACROSANCTI CECUMENICI  
CONCILII VATICANI II INSTAURATUM  
AUCTORITATE PAULI PP. VI PROMULGATUM

## I

TEMPUS ADVENTUS - TEMPUS NATIVITATIS  
TEMPUS PER ANNUM ANTE QUADRAGESIMAM



EDITIO IUXTA TYPICAM ALTERAM

LIBRERIA EDITRICE VATICANA  
MCMLXXVII



Revisione rite peracta, concordat  
cum originali adprobato.

E Vicariatu Civitatis Vaticanæ, die 21 novembris 1975.

✠ Petrus Canisius van Lierde, Vic. Gen.

## CONSTITUTIO APOSTOLICA

MISSALE ROMANUM  
EX DECRETO CONCILII CECUMENICI VATICANI II  
INSTAURATUM PROMULGATUR

PAULUS EPISCOPUS  
SERVUS SERVORUM DEI  
AD PERPETUAM REI MEMORIAM

Missale Romanum, ex decreto Concilii Tridentini a Decessore Nostro S. Pio V anno MDLXX promulgatum,<sup>1</sup> nemo non suscipit in multis iisque mirificis utilitatibus fructibus esse numerandum, qui ex eadem Sacrosancta Synodo in universam Christi Ecclesiam dilapsi sunt. Per quattuor enim saecula, non modo illud ritus latini sacerdotes pro norma habuerunt, ad quam Eucharisticum Sacrificium facerent, sed sacri etiam Evangelii nuntii in omnes fere terras inveniunt. Innumeri praeterea sanctissimi viri animorum suorum erga Deum pietatem, haustis ex eo sive Sacrarum Scripturarum lectionibus sive precationibus, copiosius aluerunt, quarum praecipuam partem sanctus Gregorius Magnus in certum digesserat ordinem.

Sed ex quo tempore latius in christiana plebe increbescere et invalescere coepit sacræ fovendæ liturgiæ studium,

TYPIS POLYGLOTTIS VATICANIS

<sup>1</sup> Const. Apost. *Quo primum*, die 14 iulii 1570 data.

quod, de Decessoris Nostri ven. rec. Pii XII sententia, ostendere visum est, æque providentis Dei erga huius ætatis homines propensissimæ voluntatis indicium, æque Sancti Spiritus per Ecclesiam suam salutiferum transitum,<sup>2</sup> palam pariter eluxit, Missalis Romani formulas tum aliquatenus recognoscendas tum accessionibus esse locupletandas. Cuius rei faciendæ initium idem Decessor Noster attulit Vigilia paschali et Ordine Hebdomadæ sanctæ instauratis,<sup>3</sup> qui proinde primum quasi gradum posuit ad Missale Romanum novis huius temporis animi sensibus accommodandum.

Recens autem Concilium œcumenicum Vaticanum II, edita Constitutione a verbis « Sacrosanctum Concilium » incipiente, generalis renovationis Missalis Romani fundamenta locavit: statuens, ut primum « textus et ritus ita ordinarentur ut sancta, quæ significarent, clarius exprimerent »;<sup>4</sup> deinde, ut « Ordo Missæ ita recognosceretur, ut singularum partium propria ratio necnon mutua conexio clarius paterent, atque pia et actuosa fidelium participatio facilior redderetur »;<sup>5</sup> tum ut, « quo ditior mensa verbi Dei pararetur fidelibus, thesauri bibliici largius aperirentur »;<sup>6</sup> ut postremo « novus ritus concelebrationis conficeretur, Pontificali et Missali Romano inserendus ».<sup>7</sup>

Attamen huiusmodi Missalis Romani renovatio nequam ex improviso inducta putanda est; cum ad eam haud dubie viam munierint progressiones in disciplinis liturgicis, proximis hisce quattuor sæculis, factæ. Nam si, post Concilium Tridentinum celebratum, ad Missalis Romani recognitio-

<sup>2</sup> Cf. Pius XII, *Allocutio iis, qui primo Conventui ex omni natione de Liturgia pastorali, Assisi habitu, interfuerunt*, die 22 septembris 1956: *A.A.S.* 48 (1956) p. 712.

<sup>3</sup> Cf. S. Congr. Rituum, Decr. *Dominicae Resurrectionis*, 9 febr. 1951: *A.A.S.* 43 (1951) pp. 128 ss.; Decr. generale *Maxima redemptionis nostræ mysteria*, 16 nov. 1955: *A.A.S.* 47 (1955) pp. 838 ss.

<sup>4</sup> Conc. Vat. II, Const. de Sacra Liturgia, *Sacrosanctum Concilium*, n. 21.

<sup>5</sup> Cf. *ibid.*, n. 50.

<sup>6</sup> Cf. *ibid.*, n. 51.

<sup>7</sup> Cf. *ibid.*, n. 57.

nem non parum adiuvarunt evoluti et inspecti « vetusti Bibliothecæ Vaticanæ aliisque undique conquisiti codices », uti confirmatur Constitutione Apostolica « Quo primum » a Decessore Nostro S. Pio V data, posthæc nimurum hinc vetustissimi liturgici fontes et reperti et foras emissi sunt, hinc liturgicæ Orientalis Ecclesiæ formulæ altius sunt investigatae; ita ut optarent multi, ut huius generis cum doctrinæ tum pietatis divitiae, non modo in tabulariorum tenebris non iacerent, sed e contrario in lucem prolatæ christianorum mentes animosque illustrarent et pascerent.

Nunc vero, ut novam Missalis Romani compositionem, summis saltē lineamentis, quasi præfiniamus, in primis animadvertisimus, « Institutione Generali », qua in libro tamquam procēmio usi sumus, novas normas Eucharistici Sacrificii celebrandi proponi, sive quoad ritus persolvendos et officia uniuscuiusque astantis et participis propria, sive quoad suppellectiles et loca rei divinæ peragendæ necessaria.

Præcipua instaurationis novitas in Precatione eucharistica, quam vocant, versari existimanda est. Quamvis enim in romano rito prima eiusdem Precationis pars, hoc est præfatio, varias, sæculis volventibus, suscepérunt formulas, altera tamen pars, quam Canonem Actionis appellabant, per illud tempus, quod a IV ad V sæculum actum est, immutabilem induit formam; cum, e contrario, Liturgiæ Orientales in ipsas Anaphoras quandam varietatem recipieren. Hac autem in re præterquam quod Precatio eucharistica aucta est copia præfactionum, vel ex antiquiore Romana Ecclesiæ traditione sumptarum, vel nunc primum compositarum, quibus et peculiares partes mysterii salutis clarius patetierent, et plura uberioraque gratias agendi argumenta præberentur, præterea ut eidem Precationi tres novi Canones adderentur statuimus. Attamen sive ut pastoralibus, quas nominant, rationibus consuleretur, sive ut concelebratio expeditius procederet, iussimus verba dominica in qualibet Canonis formula una eademque esse. Itaque in quavis Precatione eucharistica illa sic proferri volamus: supra panem: « Accipite et manducate ex hoc omnes: Hoc est enim Corpus meum, quod pro vobis tradetur »;

et supra calicem: « Accipite et bibite ex eo omnes: Hic est enim calix Sanguinis mei novi et æterni testamenti, qui pro vobis et pro multis effundetur in remissionem peccatorum. Hoc facite in meam commemorationem ». Verba autem « Mysterium fidei », de contextu verborum Christi Domini deducta, atque a sacerdote prolata, ad fidelium acclamationem veluti aditum aperiunt.

Quoad Ordinem Missæ, « ritus, probe servata eorum substantia, simpliciores facti sunt ».<sup>8</sup> Ea namque prætermissa sunt, « quæ temporum decursu duplicata fuerunt vel minus utiliter addita »,<sup>9</sup> præsertim circa titus oblationis panis et vini, et circa ritus fractionis panis et Communionis.

Huc accedit quod « restituuntur ... ad pristinam sanctorum Patrum normam nonnulla quæ temporum iniuria deciderunt »;<sup>10</sup> cuius generis sunt homilia<sup>11</sup> et oratio universalis seu oratio fidelium<sup>12</sup> et ritus pænitentialis, seu reconciliationis cum Deo et cum fratribus, initio Missæ peragendus: cui, ut oportebat, suum redditum est momentum.

Ad hæc, iuxta illud Concilii Vaticani II præscriptum, quo præcipiebatur « ut intra præstitutum annorum spatium, præstantior pars Scripturarum Sanctarum populo legeretur »,<sup>13</sup> totum lectionum corpus diebus dominicis legendarum, in trium annorum ordinem tributum est. Præterea diebus utecumque festis, lectioni Epistole et Evangelii alia præponitur, ex Veteri Testamento, vel, tempore paschali, ex Actibus Apostolorum sumpta. Hac enim adhibita ratione, enucleatius mysterii salutis continuus processus illustratur, verbis Dei revelatis demonstratus. Quæ amplissima lectionum biblicalarum copia, qua diebus festis præstantior Sacramentum Scripturarum pars fidelibus proponitur, accessione profecto completetur reliquarum librorum sacrorum partium, quæ diebus profestis recitantur.

<sup>8</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 50.

<sup>9</sup> Cf. *ibid.*, n. 50.

<sup>10</sup> Cf. *ibid.*, n. 50.

<sup>11</sup> Cf. *ibid.*, n. 52.

<sup>12</sup> Cf. *ibid.*, n. 53.

<sup>13</sup> Cf. *ibid.*, n. 51.

Quæ sane omnia hoc modo ordinata sunt, ut magis ac magis in christifidelibus ea verbi Dei famæ<sup>14</sup> extimuletur, qua, Spiritu Sancto duce, novi foederis populus ad perfectam Ecclesiæ unitatem veluti urgeri videatur. Hisce ita compositis, illud etiam vehementer fore confidimus, ut sacerdotes et fideles simul sanctius animum suum ad Cenam Domini præparent, simul, Sacras Scripturas altius meditati, verbis Domini uberioris in dies alantur. Exinde denique sequetur, ut, iuxta Concilii Vaticanii II monita, divinæ litteræ sive quasi quidam spiritualis vitæ fons perennis, sive præcipuum christianæ doctrinæ tradendæ argumentum, sive demum cuiusvis theologicæ institutionis medulla ab omnibus habeantur.

Verumtamen in hac Missalis Romani instauratione, non solum tres, de quibus adhuc diximus, partes, hoc est Precaatio eucharistica, Ordo Missæ et Ordo lectionum, mutatae sunt, sed ceteræ etiam, in quibus idem constat, recognitæ et valde variatae sunt, id est: Temporale, Sanctorale, Commune Sanctorum, Missæ rituales et Missæ votivæ, quæ vocant. In quibus peculiaris quædam diligentia ad orationes adhibita est, quæ non solum numero auctæ sunt, ut novis horum temporum necessitatibus novæ responderent, sed etiam vetustissimæ ad antiquorum textuum fidem redditæ. Ex quo factum est, ut singulis præcipiis temporum liturgicorum feriis, scilicet Adventus, Nativitatis, Quadragesimæ et Paschæ, diversa cotidie adiceretur oratio.

Quod reliquum est, licet textus Gradualis Romani, ad cantum saltem quod attinet, non fuerit mutatus, tamen, facilioris intellectus gratia, sive psalmus ille responsorius, de quo S. Augustinus et S. Leo Magnus sæpe commemorant, sive antiphonæ ad introitum et ad communionem in Missis lectis adhibendæ, pro opportunitate, instaurata sunt.

Ad extremum, ex iis quæ hactenus de novo Missali Romano exposuimus quiddam nunc cogere et efficere placet. Cum Decessor Noster S. Pius V principem Missalis Romani editionem promulgavit, illud veluti quoddam unitatis litur-

<sup>14</sup> Cf. Amos 8, 11.

gicæ instrumentum idemque tamquam genuini religiosique cultus in Ecclesia monumentum christiano populo repræsentavit. Haud secus Nos, etsi, de præscripto Concilii Vaticani II, in novum Missale « legitimas varietates et aptationes »<sup>15</sup> ascivimus, nihilo tamen secius fore confidimus, ut hoc ipsum a christifidelibus quasi subsidium ad mutuam omnium unitatem testandam confirmandamque accipiatur, utpote cuius ope, in tot varietate linguarum, una eademque cunctorum precatio ad cælestem Patrem, per summum Pontificem nostrum Iesum Christum, in Spiritu Sancto, quovis ture fragrantior ascendat.

Quæ Constitutione hac Nostra præscripsimus vigere incipient a die XXX proximi mensis Novembbris hoc anno, id est a Dominica I Adventus.

Nostra hæc autem statuta et præscripta nunc et in posterum firma et efficacia esse et fore volumus, non obstantibus, quatenus opus sit, Constitutionibus et Ordinationibus Apostolicis a Decessoribus Nostris editis, ceterisque præscriptionibus etiam peculiari mentione et derogatione dignis.

Datum Romæ, apud S. Petrum, die IIII mensis aprilis, in Cena Domini N. I. C., anno MCMLXIX, Pontificatus Nostri sexto.

PAULUS PP. VI

<sup>15</sup> Cf. Conc. Vat. II, Const. de Sacra Liturgia *Sacrosanctum Concilium*, nn. 38-40.

## INSTITUTIO GENERALIS MISSALIS ROMANI

### PROCÆMIUM

1. Cenam paschalem cum discipulis celebraturus, in qua Sacrificium sui Corporis et Sanguinis instituit, Christus Dominus cenaculum magnum, stratum (Lc 22, 12) parari mandavit. Quod quidem iussum etiam ad se pertinere Ecclesia semper est arbitrata, cum de iis statuebat, quæ, in disponendis hominum animis, locis, ritibus, textibus, ad sanctissimæ Eucharistiaæ celebrationem spectarent. Normæ quoque hodiernæ, quæ, voluntate Concilii Ecumenici Vaticani II innixæ, præscriptæ sunt, atque novum Missale, quo Ecclesia ritus Romani in Missa celebranda posthac utetur, iterum sunt argumentum huius sollicitudinis Ecclesiæ, eius fidei immutatique amoris erga summum mysterium eucharisticum, atque continuam contextamque eius traditionem, quamquam res novæ quædam inductæ sunt, testantur.

### Testimonium fidei immutatae

2. Missæ natura sacrificialis, a Concilio Tridentino, quod universæ traditioni Ecclesiæ congruebat, sollemniter asserta,<sup>1</sup> rursus enuntiata est a Concilio Vaticano II, quod circa Missam hæc significantia protulit verba: « Salvator noster in Cena novissima Sacrificium eucharisticum Corporis et Sanguinis sui instituit, quo Sacrificium Crucis in sæcula, donec veniret, perpetuaret, atque adeo Ecclesiæ dilectæ Sponsæ memoriale concrederet Mortis et Resurrectionis suæ ».<sup>2</sup>

Quod sic a Concilio docetur, id formulis Missæ continenter exprimitur. Etenim doctrina, quæ hac sententia

<sup>1</sup> Sessio XXII, 17 sept. 1562; DS 1738-1759.

<sup>2</sup> Const. de Sacra Liturgia, *Sacrosanctum Concilium*, n. 47; cf. Const. dogm. de Ecclesia, *Lumen Gentium*, nn. 3, 28; Decr. de Presbyterorum ministerio et vita, *Presbyterorum ordinis*, nn. 2, 4, 5.

Sacramentarii Leoniani presse significatur: «quoties huius hostiae commemoratio celebratur, opus nostræ redemptoris exercetur»,<sup>3</sup> apte accurateque explicatur in Precibus Eucharisticis; in his enim sacerdos, dum anamnesin peragit, ad Deum nomine etiam totius populi conversus, ei gratias persolvit et sacrificium offert vivum et sanctum, oblationem scilicet Ecclesiæ et hostiam, cuius immolatione ipse Deus voluit placari,<sup>4</sup> atque orat, ut Corpus et Sanguis Christi sint Patri sacrificium acceptabile et toti mundo salutare.<sup>5</sup>

Ita in novo Missali lex orandi Ecclesiæ respondet perenni legi credendi, qua nempe monemur unum et idem esse, excepta diversa offerendi ratione, Crucis Sacrificium eiusque in Missa sacramentalem renovationem, quam in Cena novissima Christus Dominus instituit Apostolisque faciendam mandavit in sui memoriam, atque proinde Missam simul esse sacrificium laudis, gratiarum actionis, propitiatorium et satisfactorium.

3. Mirabile etiam mysterium præsentiae realis Domini sub speciebus eucharisticis, a Concilio Vaticano II<sup>6</sup> aliisque Ecclesiæ Magisterii documentis<sup>7</sup> eodem sensu eademque sententia, quibus Concilium Tridentinum id credendum proposuerat,<sup>8</sup> confirmatum, in Missæ celebratione declaratur non solum ipsis verbis consecrationis, quibus Christus per transubstantiationem præsens redditur, sed etiam sensu et exhibitione summae reverentie et adorationis, quæ in liturgia eucharistica fieri contingit. Eadem de causa populus christianus adducitur, ut feria V Hebdomadæ sanctæ in Cena Domini et in sollemnitate Ss.mi Corporis et Sanguinis Chri-

<sup>3</sup> Cf. Sacram. Veronense, ed. Mohlberg, n. 93.

<sup>4</sup> Cf. Prex Eucharistica III.

<sup>5</sup> Cf. Prex Eucharistica IV.

<sup>6</sup> Const. de Sacra Liturgia, *Sacrosanctum Concilium*, nn. 7, 47; Decr. de Presbyterorum ministerio et vita, *Presbyterorum ordinis*, nn. 5, 18.

<sup>7</sup> Cf. Pius XII, Litt. Enc. *Humani generis*, A.A.S. 42 (1950) pp. 570-571; Paulus VI, Litt. Enc. *Mysterium Fidei*, A.A.S. 57 (1965) pp. 762-769; *Sollemnis Professio Fidei*, 30 iunii 1968, nn. 24-26: A.A.S. 60 (1968) pp. 442-443; S. Congr. Rituum, Instr. *Eucharisticum mysterium*, 25 maii 1967, nn. 3 f, 9: A.A.S. 59 (1967) pp. 543, 547.

<sup>8</sup> Cf. Sessio XIII, 11 oct. 1551: DS 1635-1661.

sti hoc admirabile Sacramentum peculiarem in modum excolat adorando.

4. Natura vero sacerdotii ministerialis, quod presbyteri proprium est, qui in persona Christi sacrificium offert cœtumque populi sancti præsidet, in ipsis ritus forma, e præstantiore loco et munere eiusdem sacerdotis eluet. Huius vero muneric rationes edicuntur et perspicue ac fusius explanantur in gratiarum actione Missæ chrismatis, feria V Hebdomadæ sanctæ; quo videlicet die institutio sacerdotii commemoratur. In illa enim collatio potestatis sacerdotalis per manuum impositionem facta illustratur; atque ipsa potestas, singulis officiis recensitis, describitur, que est continuatio potestatis Christi, Summi Pontificis Novi Testamenti.

5. Sed hac sacerdotii ministerialis natura etiam aliud quiddam, magni sane faciendum, in sua luce collocatur, id est regale sacerdotium fidelium, quorum sacrificium spiritale per presbyterorum ministerium in unione cum sacrificio Christi, unici Mediatoris, consummatur.<sup>9</sup> Namque celebratio Eucharistiae est actio Ecclesiæ universæ; in qua unusquisque solum et totum id agat, quod ad ipsum pertinet, respectu habito gradus eius in populo Dei. Quo efficitur, ut etiam rationes quædam celebrationis magis attendantur, quibus sæculorum decursu interdum est minor cura adhibita. Hic enim populus est populus Dei, Sanguine Christi acquisitus, a Domino congregatus, eius verbo nutritus, populus ad id vocatus, ut preces totius familiæ humanae ad Deum admoveat, populus, qui pro mysterio salutis gratias in Christo agit eius Sacrificium offerendo, populus denique, qui per communionem Corporis et Sanguinis Christi in unum coalescit. Qui populus, licet origine sua sit sanctus, tamen per ipsam participationem consciam, actuosa et fructuosa mysterii eucharistici in sanctitate continenter crescit.<sup>10</sup>

<sup>9</sup> Cf. Conc. Vat. II, Decr. de Presbyterorum ministerio et vita, *Presbyterorum ordinis*, n. 2.

<sup>10</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 11.

### Traditio non intermissa declaratur

6. Cum præcepta enuntiaret, quibus Ordo Missæ recognosceretur, Concilium Vaticanum II præter alia mandavit quoque, ut ritus nonnulli restituerentur « ad pristinam sanctorum Patrum normam »,<sup>11</sup> iisdem videlicet usum verbis ac S. Pius V in Constitutione Apostolica « Quo primum » inscriptis, qua anno 1570 Missale Tridentinum est promulgatum. Ob hanc vero ipsam verborum convenientiam notari potest, qua ratione ambo Missalia Romana, quamvis intercesserint quattuor sæcula, æqualem et parem complectant traditionem. Si autem huius traditionis pendentur interiora elementa, intellegitur etiam, quam egregie ac feliciter prius perficiatur altero.

7. Temporibus sane difficilibus, quibus catholica fides de indeole sacrificali Missæ, de ministeriali sacerdotio, de reali et perpetua Christi sub eucharisticis speciebus præsentia in discrimen fuerat adducta, id S. Pii V imprimis intererat, ut recentiorem traditionem, immerito oppugnatam, servaret, minimis tantummodo ritus sacri mutationibus inducitis. Re quidem vera Missale illud anni 1570 paulum admodum distat a primo omnium anno 1474 typis edito Missali, quod vicissim fideliter quidem repetit Missale temporis Innocentii PP. III. Codices insuper Bibliothecæ Vaticanae, quamquam aliquot intulerant locutionum emendationes, haud tamen permiserunt, ut in illa pervestigatione « veterum et probatorum auctorum » plus quam liturgici commentarii media ætatis inquirerentur.

8. Hodie, contra, illa « sanctorum Patrum norma », quam sectabantur Missalis S. Pii V emendatores, locupletata est innumerabilibus eruditorum scriptis. Postquam enim Sacramentarium Gregorianum anno 1571 primum editum est, vetera Sacramentaria Romana et Ambrosiana critica arte sæpe typis sunt divulgata, perinde ac vetusti libri liturgici Hispani et Gallicani, qui plurimas preces non levis præ-

<sup>11</sup> Ibid., n. 50.

stantiae spiritalis, eo usque ignoratas, in conspectum produxerunt.

Traditiones pariter priscorum sæculorum, antequam ritus Orientis et Occidentis constituerentur, nunc idcirco melius cognoscuntur, quod tot reperta sunt documenta liturgica.

Præterea progredientia sanctorum Patrum studia theologiae mysterii eucharistici lumine perfuderunt doctrinæ Patrum in antiquitate christiana excellentissimorum, uti S. Irenæi, S. Ambrosii, S. Cyrilli Hierosolymitani, S. Ioannis Chrysostomi.

9. Quapropter « sanctorum Patrum norma » non postulat solum, ut conserventur ea, quæ maiores nostri proximi tradiderint, sed ut comprehendantur altiusque perpendantur cuncta præterita Ecclesiæ tempora ac modi universi, quibus unica eius fides declarata est in humani civilisque cultus formis tam inter se differentibus, quippe quæ vigerent in regionibus Semiticis, Græcis, Latinis. Amplior autem hic prospectus cernere nos sinit, quemadmodum Spiritus Sanctus præstet populo Dei mirandam fidelitatem in conservando immutabili fidei deposito, licet permagna sit precum rituumque varietas.

### Ad novas rerum condiciones accommodatio

10. Novum igitur Missale, dum testificatur legem orandi Ecclesiæ Romanæ, fideique depositum a Concilis recentioribus traditum tutatur, ipsum vicissim magni momenti gradum designat in liturgica traditione.

Cum enim Patres Concilii Vaticanii II asseverationes dogmaticas Concilii Tridentini iterarunt, in longe alia mundi ætate sunt locuti; qua de causa in re pastorali valuerunt afferre proposita et consilia, quæ ante quattuor sæcula ne prævideri quidem potuerunt.

11. Agnoverat iam Tridentinum Concilium magnam utilitatem catecheticam, quæ in Missæ celebratione continetur; unde tamen colligere omnia consecaria, ad vitæ usum quod attinet, nequibat. A multis reapse flagitabatur,

ut sermonem vulgarem in Sacrificio eucharistico peragendo usurpari liceret. Ad talem quidem postulationem, Concilium, rationem ducens adiunctorum illa ætate obtinendum, sui officii esse arbitrabatur doctrinam Ecclesiæ tralaticiam denuo inculcare, secundum quam Sacrificium eucharisticum imprimis Christi ipsius est actio, cuius proinde efficacitas propria eo modo non afficitur, quo fideles eiusdem fiunt participes. Idcirco firmis hisce simulque moderatis verbis edictum est: «Etsi Missa magnam contineat populi fidelis eruditionem, non tamen expedire visum est Patribus, ut vulgari passim lingua celebraretur».<sup>12</sup> Atque condemnandum esse pronuntiavit eum, qui censeret «Ecclesiæ Romanæ ritum, quo submissa voce pars Canonis et verba consecrationis proferuntur, damnandum esse; aut lingua tantum vulgari Missam celebrari debere». <sup>13</sup> Nihilominus, dum hinc vetuit in Missa lingue vernaculae usum, illinc animarum pastores eius in locum congruentem substituere catechesim iussit: «Ne oves Christi esuriant ... mandat sancta Synodus pastoribus et singulis curam animarum gerentibus, ut frequenter inter Missarum celebrationem vel per se vel per alios, ex his, quæ in Missa leguntur, exponant atque inter cetera sanctissimi huius sacrificii mysterium aliquod declarant, diebus præsertim dominicis et festis». <sup>14</sup>

<sup>12</sup> Propterea congregatum, ut Ecclesiam aptaret ad proprii muneric apostolici necessitates hisce ipsis temporibus, Concilium Vaticanum II funditus perspexit, quemadmodum Tridentinum, didascalicam et pastoralem indolem sacræ Liturgiæ.<sup>15</sup> Et, cum nemo catholicorum esset, qui legitimum efficacemque ritum sacrum negaret lingua Latina peractum, concedere etiam valuit: «Haud raro linguae vernaculae usuratio valde utilis apud populum existere possit», eiusque adhibendæ facultatem dedit.<sup>16</sup> Flagrans illud studium, quo

<sup>12</sup> Sessio XXII, Doctr. de SS. Missæ Sacrificio, can. 8: DS 1749.

<sup>13</sup> *Ibid.*, can. 9: DS 1759.

<sup>14</sup> *Ibid.*, can. 8: DS 1749.

<sup>15</sup> Cf. Const. de Sacra Liturgia, *Sacrosanctum Concilium*, n. 33.

<sup>16</sup> *Ibid.* n. 36.

hoc consultum ubivis est susceptum, profecto efficit ut, ducibus Episcopis atque ipsa Apostolica Sede, universæ liturgiæ celebrationes quas populus participaret, exsequi liceret vulgari sermone, quo plenius intellegeretur mysterium, quod celebraretur.

<sup>13</sup>. Verumtamen, cum linguae vernaculae usus in sacra Liturgia instrumentum sit, quamvis magni momenti, quo aperius exprimeretur catechesis mysterii, quæ in celebratione continetur, Concilium Vaticanum II admonuit præterea, ut aliqua Tridentini præscripta, quibus non omnibus locis erat obtemperatum, ad exitum deducerentur, veluti homilia diebus dominicis et festis habenda<sup>17</sup> et facultas inter ipsos sacros ritus quasdam monitiones intericiendi.<sup>18</sup>

Potissimum vero Concilium Vaticanum II, a quo suadebatur «illa perfectior Missæ participatio, qua fideles post communionem sacerdotis ex eodem sacrificio Corpus dominicum sumunt»,<sup>19</sup> incitavit, ut aliud optatum Patrum Tridentinorum in rem transferretur, ut scilicet ad sacram Eucharistiam plenius participandam «in singulis Missis fideles adstantes non solum spirituali affectu, sed sacramentali etiam Eucharistiæ perceptione communicarent».<sup>20</sup>

<sup>14</sup>. Eodem quidem animo ac studio pastorali permotum, Concilium Vaticanum II nova ratione expendere potuit institutum Tridentinum de communione sub utraque specie. Etenim, quoniam hodie in dubium minime revocantur doctrinæ principia de plenissima vi communionis, qua Eucharistiæ sub una specie panis suscipitur, permisit interdum communionem sub utraque specie, cum scilicet, per declarationem signi sacramentalis formam, opportunitas peculiaris offerretur altius intellegendi mysterii, quod fideles participarent.<sup>21</sup>

<sup>17</sup> *Ibid.* n. 52.

<sup>18</sup> *Ibid.* n. 35, 3.

<sup>19</sup> Cf. Const. de Sacra Liturgia, *Sacrosanctum Concilium*, n. 55.

<sup>20</sup> Sessio XXII, Doctr. de SS. Missæ Sacrificio, can. 6: DS 1747.

<sup>21</sup> Cf. Const. de Sacra Liturgia, *Sacrosanctum Concilium*, n. 55.

**15.** Hoc pacto, dum fida permanet Ecclesia suo muneri ut magistræ veritatis, custodiens « vetera », id est depositum traditionis, officium quoque explet considerandi prudenterque adhibendi « nova » (cf. Mt 13, 52).

Pars enim quædam novi Missalis preces Ecclesiæ aperiens ordinat ad temporis nostri necessitatibus; cuius generis sunt potissimum Missæ rituales et pro variis necessitatibus, in quibus traditio et novitas opportune inter se sociantur. Itaque, dum complures dictiones integræ manserunt ex antiquissima haustæ Ecclesiæ traditione, per ipsum sæpius editum Missale Romanum patesfacta, alia plures ad hodierna requisita et condicione accommodate sunt, aliae, contra, uti orationes pro Ecclesia, laicis, operis humani sanctificatione, omnium gentium communitate, necessitatibus quibusdam nostræ ætatis propriis, ex integro sunt contextæ, sumptis cogitationibus ac sæpe ipsis locutionibus ex recentibus Concilii documentis.

Ob eandem porro aestimationem novi status mundi, qui nunc est, in vetustissimæ traditionis textuum usu, nulla prorsus videbatur inferri iniuria tam venerando thesauro, si quædam sententiæ immutarentur, quo convenientius sermo ipse cum hodiernæ theologiae lingua concineret referretque ex veritate condicionem disciplinæ Ecclesiæ præsentem. Hinc dicta nonnulla, ad existimationem et usum bonorum terrestrium attinentia, sunt mutata, haud secus ac nonnulla, quæ exterioris quandam pænitentiæ formam probabant aliarum Ecclesiæ ætatum propriam.

Hoc denique modo normæ liturgicæ Concilii Tridentini pluribus sane in partibus completae et perfectæ sunt normis Concilii Vaticani II, quod ad exitum perduxit conatus ad sacram Liturgiam fideles proprius admovendi, qui per hæc quattuor sæcula sunt suscepti, præsertim vero recentiore ætate, maxime studio rei liturgicæ a S. Pio X eiusque Successoribus promoto.

## Caput I

### DE CELEBRATIONIS EUCHARISTICÆ MOMENTO ET DIGNITATE

**1.** Celebratio Missæ, ut actio Christi et populi Dei hierarchice ordinati, centrum est totius vitæ christianæ pro Ecclesia tum universa tum locali, ac pro singulis fidelibus.<sup>1</sup> In ea enim culmen habetur et actionis qua Deus in Christo mundum sanctificat, et cultus quem homines exhibent Patri, eum per Christum Dei Filium adorantes.<sup>2</sup> In ea insuper mysteria Redemptionis ita per anni circulum recoluntur, ut quodammodo præsentia reddantur.<sup>3</sup> Ceteræ autem actiones sacræ et omnia opera christianæ vitæ cum ea cohærent, ex ea profluent et ad eam ordinantur.<sup>4</sup>

**2.** Maxime proinde interest ut celebratio Missæ seu Cenæ Dominice ita ordinetur, ut ministri atque fideles, illam pro sua condicione participantes, eos fructus plenius exinde capiant,<sup>5</sup> ad quos obtainendos Christus Dominus sacrificium eucharisticum sui Corporis et sui Sanguinis instituit illudque, velut memoriale passionis et resurrectionis suæ, Ecclesiæ dilectæ sponsæ concredidit.<sup>6</sup>

**3.** Quod apte fiet si, attentis natura aliisque adiunctis uniuscuiusque cœtus, universa celebratio ita disponatur, ut

<sup>1</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 41; Const. dogm. de Ecclesia, *Lumen gentium*, n. 11; Decr. de Presbyterorum ministerio et vita, *Presbyterorum ordinis*, nn. 2, 5, 6; Decr. de pastorali Episcoporum munere, *Christus Dominus*, n. 30; Decr. de Æcumenismo, *Unitatis redintegratio*, n. 15; S. Congr. Rituum, *Instructio Eucharisticum mysterium*, 25 maii 1967, nn. 3 e, 6: A.A.S. 59 (1967) pp. 542, 544-545.

<sup>2</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 10.

<sup>3</sup> Cf. *ibid.*, n. 102.

<sup>4</sup> Cf. Conc. Vat. II, Decr. de Presbyterorum ministerio et vita, *Presbyterorum ordinis*, n. 5; Const. de Sacra Liturgia, *Sacrosanctum Concilium*, n. 10.

<sup>5</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 14, 19, 26, 28, 30.

<sup>6</sup> Cf. *ibid.*, n. 47.

consciam illam, actuosam atque plenam participationem fidelium inducat, corporis nempe et animi, fide, spe et caritate ferventem, quæ ab Ecclesia exoptatur et ab ipsa celebrationis natura postulatur, et ad quam populus christianus vi baptismatis ius habet et officium.<sup>7</sup>

4. Quamvis fidelium præsentia et actuosa participatio, quæ ecclesiale celebrationis naturam apertius manifestant,<sup>8</sup> aliquando non possint haberi, eucharistica celebratio sua efficacia et dignitate semper est prædicta, quippe quæ sit actus Christi et Ecclesiæ,<sup>9</sup> in quo sacerdos semper agit pro salute populi.

5. Cum autem Eucharistiae celebratio, sicut et universa Liturgia, fiat per signa sensibilia, quibus fides alitur, robatur et exprimitur,<sup>10</sup> maxime curandum est eas formas et elementa ab Ecclesia proposita seligi et ordinari, quæ, attentis personarum et locorum adjunctis, actuosam et plenam participationem intensius foveant et fidelium utilitatì spiritali aptius respondeant.

6. Hæc itaque Institutio eo spectat ut tum lineamenta generalia præbeat, quibus Eucharistiae celebratio apte ordinetur, tum regulas exponat, quibus singulæ celebrationis formæ disponantur.<sup>11</sup> Conferentiæ autem Episcopales, iuxta Constitutionem de sacra Liturgia, normas pro sua dictione statuere possunt, quæ ad traditiones et ingenium populo-rum, regionum et diversorum cœtuum attendant.<sup>12</sup>

<sup>7</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 14.

<sup>8</sup> Cf. *ibid.*, n. 41.

<sup>9</sup> Cf. Vat. II, Decr. de Presbyterorum ministerio et vita, *Presbyterorum ordinis*, n. 13.

<sup>10</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 59.

<sup>11</sup> Cf. pro Missis in cœtibus particularibus: S. Congr. pro Cultu Divino, Instr. *Actio pastoralis*, 15 maii 1969; *A.A.S.* 61 (1969) pp. 806-811; pro Missis cum pueris: Directorium de Missis cum pueris, 1 novemboris 1973; *A.A.S.* 66 (1974) pp. 30-46; de modo uniendi Horas Officii cum Missa: Institutio generalis de Liturgia Horarum, ed. typ. 1971, nn. 93-98.

<sup>12</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 37-40.

## Caput II

### DE STRUCTURA MISSÆ EIUSQUE ELEMENTIS ET PARTIBUS

#### I. De generali structura Missæ

7. In Missa seu Cena dominica populus Dei in unum convocatur, sacerdote præside personamque Christi gerente, ad memoriale Domini seu sacrificium eucharisticum celebrandum.<sup>13</sup> Quare de huiusmodi sanctæ Ecclesiæ coadunatione locali eminenter valet promissio Christi: « Ubi sunt duo vel tres congregati in nomine meo, ibi sum in medio eorum » (Mt 18, 20). In Missæ enim celebratione, in qua sacrificium Crucis perpetuatur,<sup>14</sup> Christus realiter præsens adest in ipso cœtu in suo nomine congregato, in persona ministri, in verbo suo, et quidem substantialiter et contineenter sub speciebus eucharisticis.<sup>15</sup>

8. Missa duabus partibus quodammodo constat, liturgia nempe verbi et eucharistica, quæ tam arcte inter se coniunguntur, ut unum actum cultus efficiant.<sup>16</sup> Siquidem in Missa mensa tam verbi Dei quam Corporis Christi paratur e qua fideles instituantur et reficiantur.<sup>17</sup> Quidam autem ritus celebrationem aperiunt et concludunt.

<sup>13</sup> Cf. Conc. Vat. II, Decr. de Presbyterorum ministerio et vita, *Presbyterorum ordinis*, n. 5; Const. de Sacra Liturgia, *Sacrosanctum Concilium*, n. 33.

<sup>14</sup> Cf. Conc. Trid., Sess. XXII, cap. I: DS 1740; cf. Paulus VI, sollemnis professio fidei, 30 junii 1968, n. 24: *A.A.S.* 60 (1968) p. 442.

<sup>15</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 7; Paulus VI, Litt. Enc. *Mysterium Fidei*, 3 sept. 1965: *A.A.S.* 57 (1965) p. 764; S. Congr. Rituum, Instructio *Eucharisticum Mysterium*, 25 maii 1967, n. 9: *A.A.S.* 59 (1967) p. 547.

<sup>16</sup> Cf. Conc. Vat. II, Const. de Sacra Liturgia *Sacrosanctum Concilium*, n. 56; S. Congr. Rituum, Instructio *Eucharisticum Mysterium*, 25 maii 1967, n. 10: *A.A.S.* 59 (1967) p. 547.

<sup>17</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 48, 51; Const. dogm. de divina Revelatione, *Dei Verbum*, n. 21; Decr. de Presbyterorum ministerio et vita, *Presbyterorum ordinis*, n. 4.

## II. De diversis elementis Missæ

### De lectione verbi Dei eiusque explanatione

**9.** Cum sacræ Scripturæ in Ecclesia leguntur, Deus ipse ad populum suum loquitur et Christus, præsens in verbo suo, Evangelium annuntiat.

Ideoque lectiones verbi Dei, quæ elementum maximi momenti liturgiæ præbent, cum veneratione ab omnibus sunt audiendæ. Quamvis autem verbum divinum in lectionibus sacræ Scripturæ ad omnes homines cuiusque temporis dirigitur iisque intelligibile sit, eius tamen efficacitas expositione viva, idest homilia, utpote parte actionis liturgicæ,<sup>18</sup> augetur.

### De orationibus aliquisque partibus ad sacerdotem pertinentibus

**10.** Inter ea quæ sacerdoti tribuuntur, primum locum obtinet Prex eucharistica, quæ culmen est totius celebrationis. Accedunt deinde orationes, idest collecta, oratio super oblata et oratio post communionem. Hæ preces a sacerdote, qui cœtu personam Christi gerens præest, ad Deum diriguntur nomine totius plebis sanctæ et omnium circumstantium.<sup>19</sup> Merito igitur « orationes præsidentiales » nominantur.

**11.** Item ad sacerdotem, munere præsidis cœtus congregati fungentem, spectat proferre quasdam monitiones atque formulas introductionis et conclusionis in ipso ritu prævisas. Natura sua hæ monitiones non exigunt ut omnino ad verbum proferantur forma qua in Missali exhibentur; unde expedire poterit, saltem in aliquibus casibus, veris

<sup>18</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 7, 33, 52.

<sup>19</sup> Cf. *ibid.*, n. 33.

communitatis condicionibus aliquatenus eas aptare.<sup>20</sup> Sacerdoti præsidi etiam spectat verbum Dei nuntiare, necnon benditionem finalem impertire. Ipsi insuper licet, brevissimis verbis, introducere fideles in Missam diei, antequam celebratio inchoetur; in liturgiam verbi, ante lectiones; in Precem eucharisticam, ante præfationem; necnon universam actionem sacram, ante dimissionem, concludere.

**12.** Natura partium « præsidentialium » exigit ut clara et elata voce proferantur et ab omnibus cum attentiōne auscultentur.<sup>21</sup> Proinde dum sacerdos eas profert aliae orationes vel cantus non habeantur, atque organum vel alia instrumenta musica sileant.

**13.** Sacerdos vero non solum tamquam præses nomine totius communitatis preces effundit, sed etiam aliquando nomine dumtaxat suo, ut ministerium suum maiore cum animi attentiōne et pietate adimpleat. Huiusmodi preces secreto proferuntur.

### De aliis formulis in celebratione occurrentibus

**14.** Cum Missæ celebratio natura sua indolem « communitarianam » habeat,<sup>22</sup> dialogis inter celebrantem et cœtum fidelium necnon acclamationibus magna vis inhæret:<sup>23</sup> etenim non sunt tantum signa externa celebrationis communis, sed communionem inter sacerdotem et populum fovent et efficiunt.

**15.** Acclimationes et responsiones fidelium salutationibus sacerdotis et orationibus illum participationis actusæ gradum constituunt, qui in omni Missæ forma a fidelibus

<sup>20</sup> Cf. S. Congr. pro Cultu Divino, Litt. circ. de Precibus eucharisticis, 27 aprilis 1973, n. 14: *A.A.S.* 65 (1973) p. 346.

<sup>21</sup> Cf. S. Congr. Rituum, *Instructio Musicam sacram*, 5 martii 1967, n. 14: *A.A.S.* 59 (1967) p. 304.

<sup>22</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 26, 27; S. Congr. Rituum, *Instructio Eucharisticum mysterium*, 25 maii 1967, n. 3 d: *A.A.S.* 59 (1967) p. 542.

<sup>23</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 30.

congregatis præstandus est, ut actio totius communitatis clare exprimatur et foveatur.<sup>24</sup>

16. Aliæ partes, ad actuosam fidelium participationem manifestandam et fovendam valde utiles, que universo cœtu tribuuntur, sunt præsertim actus pænitentialis, professio fidei, oratio universalis et oratio dominica.

17. Demum ex aliis formulis:

a) nonnullæ ritum seu actum per se stantem, uti hymnus **Glória**, psalmus responsoriū, **Alleluia** et versus ante Evangelium, **Sanctus**, acclamatio anamneseos, cantus post communionem, constituant;

b) nonnullæ vero, uti cantus ad introitum, ad offertorium, ad fractionem (**Agnus Dei**) et ad communionem, ritum aliquem comitantur.

### De modis proferendi varios textus

18. In textibus clara et elata voce proferendis sive a sacerdote sive a ministris sive ab omnibus, vox respondeat generi ipsius textus, prout hic est lectio, oratio, admonitio, acclamatio, cantus; necnon formæ celebrationis et sollemnitati cœtus. Ratio insuper habeatur indolis diversarum linguarum et ingenii populorum.

In rubricis ergo et in normis quæ sequuntur, verba « dicere » vel « proferre » intellegi debent sive de canto sive de recitatione, servatis principiis supra propositis.

### De momento cantus

19. Ab Apostolo monentur christifideles qui in unum conveniunt exspectantes adventum Domini sui, ut una simul cantent psalmis, hymnis et canticis spiritualibus (cf. Col 3, 16). Cantus enim est signum exultationis cordis (cf. Act 2, 46). Unde S. Augustinus recte dicit: « cantare amantis est »,<sup>25</sup> et iam antiquitus in proverbium venit: « bis orat qui bene cantat ».

<sup>24</sup> Cf. S. Congr. Rituum, Instructio *Musicam sacram*, 5 martii 1967, n. 16 a; A.A.S. 59 (1967) p. 305.

<sup>25</sup> Sermo 336, 1: PL 38, 1472.

Magni ergo fiat usus cantus in celebrationibus, attentis ingenio populorum et facultatibus cuiuslibet cœtus, ita tamen ut non necessarium semper sit omnes textus cantu proferre qui per se cantui destinantur.

In seligendis tamen partibus quæ revera canantur eæ præferendæ sunt quæ maioris sunt momenti, et præsertim quæ a sacerdote vel ministris, populo respondente, canendæ sunt, aut a sacerdote et populo simul proferendæ.<sup>26</sup>

Cum autem frequenter in dies fideles ex diversis nationibus inter se convenient, expedit ut iidem fideles aliquas saltem partes Ordinarii Missæ, præsertim vero symbolum fidei et orationem dominicam, modulus adhibitis facilioribus, lingua latina simul cantare sciant.<sup>27</sup>

### De gestibus et corporis habitibus

20. Communis corporis habitus, ab omnibus participibus servandus, signum est communitatis et unitatis cœtus: mentem enim et sensus animi participantium exprimit eosdemque fovet.<sup>28</sup>

21. Ad uniformitatem in gestibus et corporis habitibus obtinendam, fideles monitionibus obtemperent, quas diaconus, vel sacerdos vel alias minister, durante celebratione proferunt. Insuper in omnibus Missis, nisi aliter caveatur, stent ab initio cantus ad introitum, vel dum sacerdos accedit ad altare, usque ad collectam inclusive; ad cantum **Alleluia** ante Evangelium; dum ipsum Evangelium proclamatur; necnon dum professio fidei et oratio universalis fiunt; atque ab oratione super oblata usque ad finem Mis-

<sup>26</sup> Cf. S. Congr. Rituum, Instructio *Musicam sacram*, 5 martii 1967, nn. 7, 16; A.A.S. 59 (1967) pp. 302, 305; cf. Missale Romanum, Ordo cantus Missæ, ed. typ. 1972, Prænotanda.

<sup>27</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 54; S. Congr. Rituum, Instructio *Inter Ecumenici*, 26 septembris 1964, n. 59; A.A.S. 56 (1964) n. 891; Instructio *Musicam sacram*, 5 martii 1967, n. 47; A.A.S. 59 (1967) p. 314.

<sup>28</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 30

sæ, præter ea quæ infra dicuntur. Sedeant autem dum proferuntur lectiones ante Evangelium et psalmus responsoriū; ad homiliam et dum fit præparatio donorum ad offer torium; atque, pro opportunitate, dum sacrum silentium post Communionem servatur. Genuflectant vero, nisi ob angustiam loci vel frequentiorem numerum adstantium alias rationabiles causas impediантur, ad consecrationem.

Est tamen Conferentiae Episcopalis gestus et corporis habitus in Ordine Missæ romanæ descriptos ingenio populorum aptare.<sup>29</sup> Attendum tamen erit, ut sensui et indoli cuiusque partis celebrationis respondeant.

**22.** In gestibus numerantur etiam actiones, quibus sacerdos altare adit, dona afferuntur, atque fideles ad communionem accedunt. Convenit ut huiusmodi actiones de core peragantur, dum cantus ipsis propria fluit, iuxta normas pro singulis statutas.

### De silentio

**23.** Sacrum quoque silentium, tamquam pars celebrationis, suo tempore est servandum.<sup>30</sup> Eius autem natura a tempore pendet, quo in singulis celebrationibus occurrit. In actu enim pænitentiali et post invitationem ad orandum singuli ad seipso convertuntur; lectione autem vel homilia peracta, ea quæ audierunt breviter meditantur; post communionem vero in corde suo Deum laudant et orant.

## III. De singulis Missæ partibus

### A) Ritus initiales

**24.** Ea quæ liturgiam verbi præcedunt, scilicet introitus, salutatio, actus pænitentialis, *Kýrie*, *Glória* et collecta, characterem habent exordii, introductionis et præparationis.

<sup>29</sup> Cf. *ibid.*, n. 39.

<sup>30</sup> Cf. *ibid.*, n. 30; S. Congr. Rituum, *Instructio Musicam sacram*, 5 martii 1967, n. 17: *A.A.S.* 59 (1967) p. 305.

Finis horum rituum est, ut fideles in unum convenientes communionem constituant et recte ad verbum Dei audiendum digneque Eucharistiam celebrandam sese disponant.

### Introitus

**25.** Populo congregato, dum ingreditur sacerdos cum ministris, cantus ad introitum incipitur. Finis huius cantus est celebrationem aperire, unionem congregatorum fovere, eorumque mentem in mysterium temporis liturgici vel festivitatis introducere atque processionem sacerdotis ministrorumque comitari.

**26.** Peragitur autem a schola et populo alternatim, vel simili modo a cantore et populo, vel totus a populo vel a schola sola. Adhíberi potest sive antiphona cum suo psalmo in Graduali romano vel in Graduali simplici extans, sive alius cantus, actioni sacræ, diei vel temporis indoli congruus, cuius textus a Conferentia Episcopali sit approbatus.

Si ad introitum non habetur cantus, antiphona in Missali proposita recitat sive a fidelibus, sive ab aliquibus ex ipsis, sive a lectore, sin aliter ab ipso sacerdote post salutationem.

### Salutatio altaris et populi congregati

**27.** Cum ad presbyterium pervenerint, sacerdos et ministri altare salutant. Venerationis autem significandæ causa, sacerdos et diaconus ipsum altare osculantur; et sacerdos, pro opportunitate, illud incensat.

**28.** Expleto cantu ad introitum, sacerdos et universus cœtus signant se signo crucis. Deinde sacerdos communati congregatæ præsentiam Domini per salutationem significat. Qua salutatione et populi responsione manifestatur Ecclesiæ congregatæ mysterium.

### Actus pænitentialis

**29.** Salutatione populi facta, sacerdos vel alijs minister idoneus potest brevissimis verbis introducere fideles in

Missam illius diei. Postea sacerdos invitat ad actum pænitentiale, qui a tota communitate confessione generali perficitur, absolutioneque sacerdotis concluditur.

### Kýrie, éléison

**30.** Post actum pænitentiale incipitur **Kýrie, éléison**, nisi forte locum iam habuerit in ipso actu pænitentiali. Cum sit cantus quo fideles Dominum acclamant eiusque misericordiam implorant, de more peragitur ab omnibus, partem nempe in eo habentibus populo atque schola vel cantore.

Acclamatio quæque de more bis dicitur, non tamen excluso, ratione ingenii diversarum linguarum necnon musicæ artis vel rerum adiunctorum, maiore numero, vel brevi « tropo » intercalato. Si **Kýrie** non cantatur, recitetur.

### Glória in excélsis

**31.** **Glória** est antiquissimus et venerabilis hymnus, quo Ecclesia, in Spiritu Sancto congregata, Deum Patrem atque Agnum glorificat eique supplicat. Cantatur vel a cœtu fidelium, vel a populo alternatim cum schola, vel ab ipsa schola. Si non cantatur, recitandum est ab omnibus simul aut alternatim.

Cantatur autem vel dicitur diebus dominicis extra tempus Adventus et Quadragesimæ, necnon in sollemnitatibus et festis, et in peculiaribus celebrationibus sollemnioribus.

### Collecta

**32.** Deinde sacerdos populum ad orandum invitat; et omnes una cum sacerdote parumper silent, ut consciī fiant se in conspectu Dei stare, et vota sua in animo possint nuncupare. Tunc sacerdos profert orationem, quæ solet « collecta » nominari. Per eam indoles celebrationis exprimitur et precatio verbis sacerdotis ad Deum Patrem, per Christum in Spiritu Sancto, dirigitur.

Populus precatio se coniungens, illique assentiens, acclamatione **Amen** suam facit orationem.

In Missa unica dicitur collecta; quod valet etiam de orationibus super oblata et post Communionem.

Collecta concluditur conclusione longiore, idest:

si dirigitur ad Patrem: **Per Dóminum nostrum Iesum Christum Fílium tuum, qui tecum vivit et regnat in unitate Spíritus Sancti, Deus, per ómnia sécula sæculórum;**

si dirigitur ad Patrem, sed in fine ipsius fit mentio Filii: **Qui tecum vivit et regnat in unitate Spíritus Sancti, Deus, per ómnia sécula sæculórum;**

si dirigitur ad Filium: **Qui vivis et regnas cum Deo Patre in unitate Spíritus Sancti, Deus, per ómnia sécula sæculórum.**

Orationes vero super oblata et post Communionem concluduntur conclusione breviore, idest:

si diriguntur ad Patrem: **Per Christum Dóminum nostrum;**

si diriguntur ad Patrem, sed in fine ipsarum fit mentio Filii: **Qui vivit et regnat in sécula sæculórum;**

si diriguntur ad Filium: **Qui vivis et regnas in sécula sæculórum.**

### B) Liturgia verbi

**33.** Partem præcipuam liturgiæ verbi constituunt lectiones e sacra Scriptura desumptae cum cantibus inter eas occurrentibus; homilia autem, professio fidei et oratio universalis seu oratio fidelium illam evolvunt et concludunt. Nam in lectionibus, quas homilia exponit, Deus populum suum alloquitur,<sup>31</sup> mysterium redemptionis et salutis patefacit, atque nutrimentum spiritale offert; et ipse Christus per verbum suum in medio fidelium præsens adest.<sup>32</sup> Hoc verbum divinum populus suum facit cantibus, et ipsi adhaeret professione fidei; eo autem nutritus, oratione uni-

<sup>31</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 33.

<sup>32</sup> Cf. *ibid.*, n. 7.

versali pro necessitatibus totius Ecclesiæ et pro totius mundi salute preces fundit.

### Lectiones biblicæ

**34.** In lectionibus mensa verbi Dei paratur fidelibus et thesauri biblici iis aperiuntur.<sup>33</sup> Cum ex traditione officium legendi lectiones non sit munus præsidentialle sed ministeriale, convenit ut, de more, diaconus vel, eo deficiente, alias sacerdos legat Evangelium; lector vero alias lectiones. Deficiente tamen diacono vel alio sacerdote, Evangelium a sacerdote celebrante legatur.<sup>34</sup>

**35.** Lectioni evangelicæ maximam venerationem esse tribuendam, ipsa Liturgia docet, cum eam præ ceteris lectionibus speciali honore insigniat, sive ex parte ministri ad eam annuntiandam deputati et per benedictionem vel orationem sese præparantis; sive ex parte fidelium, qui per acclamations Christum præsentem sibique loquentem agnoscunt et profitentur, et lectionem ipsam stantes auscultant; sive ex ipsis signis venerationis libro Evangeliorum tributis.

### Cantus inter lectiones occurrentes

**36.** Post primam lectionem sequitur psalmus responsoriū, seu graduale, quæ est pars integralis liturgiæ verbi. Psalmus de more sumitur e lectionario, eo quod singuli eius textus directo conectuntur cum singulis lectionibus: electio igitur psalmi e lectionibus pendet. Attamen, ut populus responsum psalmodicum facilius proferre valeat, textus aliqui responsorum et psalmorum pro diversis temporibus anni aut pro diversis ordinibus Sanctorum selecti sunt, qui adhiberi valent, loco textus lectioni respondentis, quoties psalmus cantu profertur.

Psalmista, seu cantor psalmi, in ambo vel alio loco apto profert versus psalmi, tota congregatione sedente et

<sup>33</sup> Cf. *ibid.*, n. 51.

<sup>34</sup> Cf. S. Congr. Rituum, *Instructio Inter Ecumenici*, 26 septembris 1964, n. 50: *A.A.S.* 56 (1964) p. 889.

auscultante, immo de more per responsum participante, nisi psalmus modo directo, id est sine responso, proferatur.

Si canitur, præter psalmum in lectionario assignatum, sumi potest vel graduale e Graduali romano, vel psalmus responsoriū aut alleluiaiticus e Graduali simplici, sicut in his libris describuntur.

**37.** Secundam lectionem sequitur **Alleluia** vel alter cantus, prout tempus liturgicum postulat.

a) **Alleluia** cantatur omni tempore extra Quadragesimam. Inchoatur sive ab omnibus sive a schola aut a cantore, et, si casus fert, repetitur. Versus sumuntur e lectionario vel e Graduali.

b) Alter cantus consistit in versu ante Evangelium aut in altero psalmo seu tractu, prout inveniuntur in lectionario vel in Graduali.

**38.** Quando una tantum habetur lectio ante Evangelium:

a) tempore quo dicendum est **Alleluia**, haberi potest aut psalmus alleluiaiticus, aut psalmus et **Alleluia** cum suo versu, aut tantum psalmus vel **Alleluia**;

b) tempore quo **Alleluia** non est dicendum, haberi potest aut psalmus aut versus ante Evangelium.

**39.** Psalmus post lectionem occurrentis, si non cantatur, recitetur; **Alleluia** vero vel versus ante Evangelium, si non cantantur, omitti possunt.

**40.** Sequentiæ, præter quam diebus Paschæ et Pentecostes, sunt ad libitum.

### Homilia

**41.** Homilia est pars liturgiæ et valde commendatur:<sup>35</sup> est enim ad nutrimentum vitæ christianæ necessaria. Sit oportet explicatio aut alicuius aspectus lectionum sacrae

<sup>35</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 52.

Scripturæ aut alterius textus ex Ordinario vel Proprio Missæ diei, ratione habita sive mysterii, quod celebratur, sive peculiarum necessitatum auditorum.<sup>36</sup>

**42.** Diebus dominicis et festis de præcepto homilia habeatur in omnibus Missis, quæ concurrente populo celebantur; ceteris vero diebus commendatur, præsertim in fériis Adventus, Quadragesimæ et temporis paschalis, necnon in aliis festis et occasionibus, in quibus populus frequentior ad ecclesiam convenit.<sup>37</sup>

Homilia de more ab ipso sacerdote celebrante habeatur.

#### Professio fidei

**43.** Symbolum, seu professio fidei, in celebratione Missæ eo tendit ut populus verbo Dei, in lectionibus et per homiliam auditio, assentiat et respondeat, et regulam fidei sibi revocet in mentem antequam Eucharistiam celebrare incipiat.

**44.** Symbolum autem dicendum est a sacerdote cum populo diebus dominicis et in sollemnitatibus; dici potest etiam in peculiaribus celebrationibus sollemnioribus.

Si vero in cantu profertur, de more ab omnibus aut alternatim cantetur.

#### Oratio universalis

**45.** In oratione universalis, seu oratione fidelium, populus, sui sacerdotii munus exercens, deprecatur pro omnibus hominibus. Expedit ut huiusmodi oratio in Missis cum populo de more habeatur, ita ut obsecrations fiant pro sancta Ecclesia, pro iis qui in potestate nos regunt, pro iis qui variis premuntur necessitatibus, ac pro omnibus hominibus totiusque mundi salute.<sup>38</sup>

<sup>36</sup> Cf. S. Congr. Rituum, Instructio *Inter Ecumenici*, 26 septembris 1964, n. 54: *A.A.S.* 56 (1964) p. 890.

<sup>37</sup> Cf. *ibid.*, n. 53: *A.A.S.* 56 (1964) p. 890.

<sup>38</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 53.

#### 46. Intentionum series de more sint:

- a) pro necessitatibus Ecclesiæ,
- b) pro rem publicam moderantibus et salute totius mundi,
- c) pro oppressis quacumque difficultate,
- d) pro communitate locali.

Attamen in celebratione aliqua particulari, uti Confirmatione, Matrimonio, Exequiis, ordo intentionum pressius respicere potest particularem occasionem.

**47.** Est sacerdotis celebrantis precationem moderari, brevi monitione fideles ad orandum invitare ipsamque oratione concludere. Expedit ut intentiones a diacono vel a cantore vel ab alio proferantur.<sup>39</sup> Totus cœtus vero precationem suam exprimit sive invocatione communī post intentiones prolatas, sive oratione sub silentio.

### C) Liturgia eucharistica

**48.** In Cena novissima, Christus sacrificium et convivium paschale instituit, quo sacrificium crucis in Ecclesia continua præsens efficitur, cum sacerdos, Christum Dominum representans, idem perficit quod ipse Dominus egit atque discipulis in sui memoriam faciendum tradidit.<sup>40</sup>

Christus enim accepit panem et calicem, gratias egit, fregit deditque discipulis suis, dicens: Accipite, manducate, bibite; hoc est Corpus meum; hic est calix Sanguinis mei. Hoc facite in meam commemorationem. Proinde Ecclesia totam celebrationem liturgiæ eucharisticæ partibus hisce Christi verbis et actibus respondentibus ordinavit. Siquidem:

<sup>39</sup> Cf. S. Congr. Rituum, Instructio *Inter Ecumenici*, 26 septembris 1964, n. 56: *A.A.S.* 56 (1964) p. 890.

<sup>40</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 47; S. Congr. Rituum, Instructio *Eucharisticum Mysterium*, 25 maii 1967, n. 3, a, b: *A.A.S.* 59 (1967) pp. 540-541.

1) In præparatione donorum, ad altare afferuntur panis et vinum cum aqua, ea nempe elementa, quæ Christus in manus suas accepit.

2) In Prece eucharistica Deo pro toto opere salutis gratiae aguntur, et oblata Christi Corpus et Sanguis flunt.

3) Per fractionem unius panis unitas fidelium manifestatur, et per communionem fideles accipiunt Corpus et Sanguinem Domini eodem modo ac Apostoli de manibus ipsius Christi.

#### Præparatio donorum

49. Initio liturgiæ eucharisticæ dona, quæ Corpus et Sanguis Christi efficientur, ad altare afferuntur.

Imprimis altare, seu mensa dominica, quæ centrum est totius liturgiæ eucharisticæ,<sup>41</sup> præparatur, cum corporale, purificatorium, missale et calix, nisi ad abacum paratur, in eo collocantur.

Oblationes deinde afferuntur: panis et vinum laudabiliter a fidelibus præsentantur, a sacerdote autem vel a diacono loco opportuno accipiuntur et super altare deponuntur comitantibus formulis statutis. Quamvis fideles panem et vinum ad liturgiam destinata non iam de suis proferant sicut olim, ritus tamen illa deferendi vim et significationem spiritalem servat.

Etiam pecunia vel alia dona pro pauperibus vel pro ecclesia a fidelibus allata vel in ecclesia collecta accepta habentur; quapropter loco apto extra mensam eucharisticam collocantur.

50. Processionem, qua dona afferuntur, cantus ad offertorium comitur, qui protrahitur saltem usquedum dona super altare deposita sunt. Normæ de modo cantandi eadem sunt ac pro introitu (n. 26). Si non cantatur, antiphona ad offertorium omittitur.

<sup>41</sup> Cf. S. Congr. Rituum, Instructio *Inter Ecumenici*, 26 septembris 1964, n. 91: *A.A.S.* 56 (1964) p. 898; Instructio *Eucharisticum mysterium*, 25 maii 1967, n. 24: *A.A.S.* 59 (1967) p. 554.

51. Dona in altari collocata, et ipsum altare, incensari possunt, ut oblatio Ecclesiæ eiusque oratio sicut incensum in conspectum Dei ascendere significantur. Etiam sacerdos et populus incensari possunt a diacono vel alio ministro, post incensata oblata et altare.

52. Deinde sacerdos manus lavat, quo ritu desiderium internæ purificationis exprimitur.

53. Depositione oblatorum facta et ritibus qui eam comitantur perfectis, per invitationem ad orandum una cum sacerdote et per orationem super oblata præparatio donorum concluditur et Prex eucharistica præparatur.

#### Prex eucharistica

54. Nunc centrum et culmen totius celebrationis initium habet, ipsa nempe Prex eucharistica, prex scilicet gratiarum actionis et sanctificationis. Sacerdos populum ad corda versus Dominum in oratione et gratiarum actione elevanda invitat eumque sibi sociat in oratione, quam nomine totius communitatis per Iesum Christum ad Deum Patrem dirigit. Sensus autem huius orationis est, ut tota congregatio fidelium se cum Christo coniungat in confessione magnalium Dei et in oblatione sacrificii.

55. Præcipua elementa e quibus Prex eucharistica constat, hoc modo distingui possunt:

a) Gratiarum actio (quæ præsertim in præfatione exprimitur) in qua sacerdos nomine totius populi sancti Deum Patrem glorificat et ei gratias agit pro toto opere salutis vel aliqua eius ratione particulari, secundum diversitatem diei, festi vel temporis.

b) Acclamatio: qua tota congregatio, cœlestibus virtutibus se iungens, cantat vel recitat *Sanctus*. Hæc acclamatio, quæ partem ipsius Precis eucharisticæ constituit, ab omni populo cum sacerdote profertur.

c) Epiclesis: qua per invocationes peculiares Ecclesia virtutem divinam implorat, ut dona ab hominibus oblata

consecrentur, seu Corpus et Sanguis Christi fiant, et ut hostia immaculata, in Communione sumenda, sit in salutem eorum qui illam participaturi sunt.

d) Narratio institutionis et consecratio: verbis et actionibus Christi sacrificium peragitur, quod ipse Christus in Cena novissima instituit, cum suum Corpus et Sanguinem sub speciebus panis et vini obtulit, Apostolisque manducandum et bibendum dedit et iis mandatum reliquit idem mysterium perpetuandi.

e) Anamnesis: per quam, mandatum adimplens, quod a Christo Domino per Apostolos accepit, Ecclesia memoriam ipsius Christi agit, recolens præcipue eius beatam Passionem, gloriosam Resurrectionem et ad cælos Ascensionem.

f) Oblatio: per quam in ipsa hac memoria Ecclesia, eaque præsertim hic et nunc congregata, in Spiritu Sancto hostiam immaculatam Patri offert. Intendit vero Ecclesia ut fideles non solummodo immaculatam hostiam offerant sed etiam seipso offerre discant, et de die in diem consummentur, Christo mediatore, in unitatem cum Deo et inter se, ut sit tandem Deus omnia in omnibus.<sup>42</sup>

g) Intercessiones: per quas exprimitur Eucharistiam celebrari in communione cum tota Ecclesia tam cælesti quam terrestri, oblationemque fieri pro ipsa et omnibus eius membris vivis atque defunctis, quæ ad participandam redemptionem et salutem per Christi Corpus et Sanguinem acquitam vocata sunt.

h) Doxologia finalis: qua glorificatio Dei exprimitur, quæque acclamatione populi confirmatur et concluditur.

Prex eucharistica exigit, ut omnes reverentia et silentio eam auscultent, eandem vero participant per acclamations in ipso rito prævisas.

<sup>42</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 48; Decr. de Presbyterorum ministerio et vita, *Presbyterorum ordinis*, n. 5; S. Congr. Rituum, Instructio *Eucharisticum mysterium*, 25 maii 1967, n. 12: A.A.S. 59 (1967) pp. 548-549.

### Ritus Communionis

56. Cum celebratio eucharistica convivium paschale sit, expedit ut, iuxta mandatum Domini, Corpus et Sanguis eius a fidelibus rite dispositis ut cibus spiritalis accipientur.<sup>43</sup> Ad hoc tendunt fractio aliisque ritus præparatorii, quibus fideles ad Communione immediate adducuntur:

a) Oratio dominica: In ea panis cotidianus petitur, quo christianis etiam Panis eucharisticus innuitur, atque purificatio a peccatis imploratur, ita ut sancta revera sanctis dentur. Sacerdos invitationem ad orationem profert, omnes vero fideles orationem una cum sacerdote dicunt, et sacerdos solus embolismum adiungit, quem populus doxologia concludit. Embolismus, ultimam petitionem ipsius orationis dominicæ evolvens, liberationem a potestate mali pro tota communitate fidelium expedit. Invitatio, oratio ipsa, embolismus et doxologia qua populus hæc concludit, cantu vel clara voce proferuntur.

b) Sequitur deinde ritus pacis, quo fideles pacem et unitatem pro Ecclesia et universa hominum familia implorant et mutuam caritatem sibi exprimunt, priusquam unum pacem participant.

Ad ipsum ritum pacis quod attinet, modus a Conferentiis Episcopalibus, secundum ingenium et mores populorum, statuatur.

c) Gestus fractionis a Christo in ultima cena peractus, tempore apostolico toti actioni eucharisticae nomen dedit. Hic ritus non habet tantum rationem effectivam, sed significat nos multos in Communione ex uno pane vitæ, qui est Christus, unum corpus effici (cf. 1 Cor. 10, 17).

d) Immixtio: Sacerdos partem hostiæ in calicem immittit.

e) **Agnus Dei:** Dum fractio panis et immixtio peraguntur, invocatio **Agnus Dei** a schola vel a cantore, populo re-

<sup>43</sup> Cf. S. Congr. Rituum, Instructio *Eucharisticum mysterium*, 25 maii 1967, nn. 12, 33 a: A.A.S. 59 (1967) pp. 549, 559.

spondente, de more cantatur, vel elata voce dicitur. Hæc invocatio repeti potest quoties necesse est ad fractionem panis comitandam. Ultima vice concluditur verbis **dona nobis pacem.**

f) Præparatio privata sacerdotis: Sacerdos oratione secreta se præparat, ut Corpus et Sanguinem Christi fructuose accipiat. Fideles idem faciunt silentio orantes.

g) Deinde sacerdos panem eucharisticum in Communione suscipiendum fidelibus ostendit eosque ad Christi convivium invitat; simul autem cum fidelibus actum humilitatis, verbis utens evangelicis, elicit.

h) Valde optandum est, ut fideles ex hostiis, in eadem Missa consecratis, Corpus Dominicum sumant et in casibus prævisis calicem participant, quo etiam per signa Communio melius appareat participatio Sacrificii, quod actu celebratur.<sup>44</sup>

i) Dum Sacramentum a sacerdote et fidelibus sumitur, fit cantus ad Communionem, cuius est spiritalem unionem communicantium per unitatem vocum exprimere, gaudium cordis demonstrare et processionem ad Corpus Christi suscipiendum magis fraternalm reddere. Cantus inchoatur cum sacerdos se communicat, et protrahitur, dum fideles Corpus Christi sumunt, quoisque videtur opportunum. Si tamen hymnus post Communionem habetur, cantus ad Communionem tempestive claudatur.

Adhiberi autem potest aut antiphona ex Graduali romano sive cum psalmo sive sola, aut antiphona cum psalmo e Graduali simplici, aut aliis cantus congruus a Conferentia Episcopali approbatus. Cantatur sive a schola sola, sive a schola vel cantore cum populo.

Si autem non habetur cantus, antiphona in Missali proposita recitatur sive a fidelibus, sive ab aliquibus ex ipsis,

<sup>44</sup> Cf. *ibid.*, nn. 31, 32; *A.A.S.* 59 (1967) pp. 558-559; de facultate bis eodem die communicandi: cf. S. Congr. de Disciplina Sacramentorum, Instr. *Immense caritatis*, 29 ianuarii 1973, n. 2: *A.A.S.* 65 (1973) pp. 267-268.

sive a lectore, sin aliter ab ipso sacerdote postquam ipse communicavit, antequam Communionem distribuat fidelibus.

j) Distributione Communionis expleta, pro opportunitate sacerdos et fideles per aliquod temporis spatium in corde suo orant. Si placet, etiam hymnus vel psalmus vel alius cantus laudis a tota congregazione persolvi potest.

k) In oratione post Communionem, sacerdos pro fructibus mysterii celebrati deprecatur. Populus acclamatione **Amen** orationem facit suam.

#### D) Ritus conclusionis

##### 57. Ritus conclusionis constat:

a) Salutatione et benedictione sacerdotis, quæ quibusdam diebus et occasionibus oratione super populum vel alia sollemniore formula ditatur et exprimitur.

b) Dimissione ipsa, qua cœtus dimittitur, ut unusquisque ad opera sua bona revertatur, collaudans et benedicens Dominum.

## Caput III

## DE OFFICIIS ET MINISTERIIS IN MISSA

**58.** In cœtu, qui ad Missam congregatur, unusquisque ius habet et officium participationem suam afferendi diverso modo pro diversitate ordinis et muneris.<sup>45</sup> Omnes itaque sive ministri sive fideles, munere suo fungentes, solum et totum id agant, quod ad ipsos pertinet,<sup>46</sup> ita ut ex ipsa celebrationis ordinatione appareat Ecclesia in suis diversis ordinibus et ministeriis constituta.

## I. De officiis et ministeriis Ordinis sacri

**59.** Omnis legitima Eucharistiae celebratio dirigitur ab Episcopo, sive per seipsum, sive per presbyteros adiutores ipsius.<sup>47</sup>

Cum Episcopus Missæ interest, ubi populus est congregatus, decet ipsum cœtu præsidere, et presbyteros sibi in celebratione consociare, quantum fieri potest cum ipsis concelebrando.

Quod fit non ad sollemnitatem exteriorem ritus augendam, sed ad significandum vividiore luce mysterium Ecclesiae, quæ est unitatis sacramentum.<sup>48</sup>

Si vero Episcopus Eucharistiam non celebrat, sed alii hoc faciendum attribuit, tunc convenienter ipse liturgiam verbi moderatur, et in fine Missæ benedictionem impertit.

**60.** Etiam presbyter, qui in societate fidelium sacra Ordinis potestate pollet sacrificium in persona Christi offe-

<sup>45</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 14, 26.

<sup>46</sup> Cf. *ibid.*, n. 28.

<sup>47</sup> Cf. Conc. Vat. II, Const. dogm. de Ecclesia, *Lumen gentium*, nn. 26, 28; Const. de Sacra Liturgia, *Sacrosanctum Concilium*, n. 42.

<sup>48</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 26.

rendi,<sup>49</sup> exinde cœtu congregato præest, eius orationi præsedit, illi nuntium salutis proclamat, populum sibi sociat in offerendo sacrificio per Christum in Spiritu Sancto Deo Patri, fratribus suis panem vitæ æternæ dat, ipsumque cum illis participat. Cum igitur Eucharistiam celebrat, debet Deo et populo cum dignitate et humilitate servire, et in modo se gerendi et verba divina proferendi præsentiam vivam Christi fidelibus insinuare.

**61.** Inter ministros primum locum obtinet diaconus, cuius ordo iam ab initio Ecclesiæ in magno honore habitus est. In Missa enim diaconus proprias habet partes in Evangelio nuntiando et quandoque verbo Dei predicando, in oratione universalis fidelibus præeundo, in ministrando sacerdoti, in Eucharistia fidelibus distribuenda, præcipue sub specie vini, et in gestibus et corporis habitibus totius cœtus aliquando innuendis.

## II. De officio et munere plebis Dei

**62.** In celebratione Missæ fideles efficiunt plebem sanctam, populum acquisitionis et sacerdotium regale, ut gratias Deo agant et immaculatam hostiam, non tantum per sacerdotis manus, sed etiam una cum ipso offerant et seipso offerre discant.<sup>50</sup> Curent autem id manifestare per profundum sensum religiosum et per caritatem erga fratres, qui eandem celebrationem participant.

Vitent proinde omnes species vel singulariæ vitæ vel divisionis, præ oculis habentes se unicum Patrem habere in cælis, omnesque propterea esse inter se fratres.

Unum autem corpus efficiant sive verbum Dei audiendo, sive in orationibus et in cantu partem habendo, sive præsertim in communis oblatione sacrificii et in communis par-

<sup>49</sup> Cf. Conc. Vat. II, Decretum de presbyterorum ministerio et vita, *Presbyterorum ordinis*, n. 2; Const. de Ecclesia, *Lumen gentium*, n. 28.

<sup>50</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 48; S. Congr. Rituum, *Instructio Eucharisticum mysterium*, 25 maii 1967, n. 12: *A.A.S.* 59 (1967) pp. 548-549.

icipatione mensæ Domini. Hæc unitas pulchre appetet ex gestibus et corporis habitibus a fidelibus communiter servatis.

Ne rnuant autem fideles populo Dei cum gaudio servire, quoties rogantur, ut aliquod peculiare ministerium in celebratione præstant.

**63.** Inter fideles suum munus liturgicum exercet schola cantorum vel chorus, cuius est de partibus sibi propriis, iuxta diversa genera cantuum, debite exsequendis, curare, et actuosam fidelium participationem in canto fovere.<sup>51</sup> Quæ de schola cantorum dicuntur, valent, servatis servandis, pro aliis etiam musicis, præsertim vero pro organario.

**64.** Decet adesse cantorem vel magistrum chori ad cantum populi dirigendum et sustentandum. Immo, cum deficit schola, cantori competit diversos cantus moderari, populo pro sua parte participante.<sup>52</sup>

### III. De ministeriis peculiaribus

**65.** Acolythus ad servitium altaris et in adiutorium sacerdotis et diaconi instituitur. Ipsius præcipue est altare atque vasa sacra parare et Eucharistiam, cuius est minister extraordinarius, fidelibus distribuere.

**66.** Lector ad proferendas lectiones sacræ Scripturæ, Evangelio excepto, instituitur. Potest etiam intentiones orationis universalis proponere et, deficiente psalmista, psalmum inter lectiones proferre.

Lector proprium munus in celebratione eucharistica habet, quod ipse per se exercere debet, quamvis adsint ministri gradus superioris.

Ut fideles ex auditione lectionum divinarum suavem ac vivum sacræ Scripturæ affectum<sup>53</sup> in corde concipient, ne-

<sup>51</sup> Cf. S. Congr. Rituum, Instructio Musicam sacram, 5 martii 1967, n. 19; *A.A.S.* 59 (1967) p. 306.

<sup>52</sup> Cf. *ibid.*, n. 21; *A.A.S.* 59 (1967) pp. 306-307.

<sup>53</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 24.

cesse est ut lectores tale ministerium exercentes, etsi institutionem non receperunt, revera apti sint et sedulo præparati.

**67.** Psalmistæ est psalmum vel aliud canticum biblicum, quod inter lectiones invenitur, proferre. Ad suum munus recte implendum necesse est, ut psalmista et arte psallendi et facultate recte pronuntiandi et dicendi polleat.

**68.** E ceteris ministris, alii diversa munera in presbyterio exercent, alii extra presbyterium.

Primis annumerantur qui ad sacram Communionem ministrandam deputati sunt ut ministri extraordinarii<sup>54</sup> necnon qui missale, crucem, cereos, panem, vinum, aquam, turibulum deferunt.

Aliis autem:

a) Commentator, qui explicationes et admonitiones proponit fidelibus, ut in celebrationem introducantur et ad eius intellegentiam melius disponantur. Oportet monitiones commentatoris sint adamussim præparatæ et sobrietate perspicuae.

In suo munere adimplendo, commentator stat loco apto coram fidelibus, sed minus congruit eum ascendere ad ambonem.

b) Ii qui, aliquibus in regionibus, fideles ad portas ecclesiæ recipiunt eosque in locis ipsis convenientibus disponunt, et eorum processiones ordinant.

c) Qui collectas in ecclesia faciunt.

**69.** Expedit ut, præsertim in maioribus ecclesiis et communitatibus, aliquis designetur qui curet de actionibus sacris congrue disponendis et cum decore, ordine et pietate per ministros exercendis.

**70.** Omnia ministeria infra ea quæ propria sunt diaconi a viris laicis, etsi institutionem non receperunt, exerceri

<sup>54</sup> Cf. S. Congr. de Disciplina Sacramentorum, Instr. *Immensæ caritatis*, 29 Ianuarii 1973, n. 1; *A.A.S.* 65 (1973) pp. 265-266.

possunt. Ministeria quæ extra presbyterium peraguntur etiam mulieribus committi possunt, iuxta prudens iudicium rectoris ecclesiæ.

Conferentia tamen Episcopalis permittere potest ut mulier idonea lectiones quæ præcedunt Evangelium et intentiones orationis universalis proferat et pressius determinare locum congruum, e quo verbum Dei in cœtu liturgico annuntiet.<sup>55</sup>

**71.** Si plures adsunt qui idem ministerium exercere possunt, nihil vetat, quominus diversas partes eiusdem ministerii inter se distribuant et peragant. Ex. gr., alias diaconus adhiberi potest pro partibus in cantu proferendis, et alias pro ministerio altaris; si plures lectiones habentur, inter plures lectores eas distribuere iuvat, et sic de ceteris.

**72.** Si in Missa cum populo unus tantum minister adest, ipse diversa munera exercere potest.

**73.** Effectiva cuiusque celebrationis liturgicæ præparatio concordi animo fiat inter omnes quorum interest sive quoad ritus, sive quoad rem pastoralem et musicam, rectore ecclesiæ moderante et auditis quoque fidelibus pro iis quæ ad ipsos directe pertinent.

<sup>55</sup> Cf. S. Congr. pro Cultu Divino, Instr. *Liturgicæ instauraciones*, 5 septembri 1970, n. 7: *A.A.S.* 62 (1970) pp. 700-701.

## Caput IV

### DE DIVERSIS FORMIS MISSAM CELEBRANDI

**74.** In Ecclesia locali primus sane locus tribuatur, propter eius significationem, Missæ cui præest Episcopus a suo presbyterio et ministris circumdatus<sup>56</sup> et in qua plebs sancta Dei plene et actuose participat. Ibi enim habetur præcipua manifestatio Ecclesiæ.

**75.** Magni etiam habeatur Missa quæ cum aliqua communitate, præsertim vero paroeciali, celebratur, utpote quæ Ecclesiam universalem repræsentet tempore et loco statutis, præcipue vero in communی celebratione dominicali.<sup>57</sup>

**76.** Inter Missas autem ab aliquibus communitatibus celebratas peculiarem locum obtinet Missa conventualis, quæ pars est Officii cotidiani, aut Missa, quæ « Communitatis » dicitur. Et quamvis hæ Missæ nullam speciale formam celebrationis præ se ferant, maxime tamen decet eas cum cantu fieri, præcipue cum plena participatione omnium sodalium communitatis sive religiosorum sive canonicorum. In iis proinde munus suum exerceant singuli iuxta Ordinem vel ministerium receptum. Expedit ideo ut omnes sacerdotes, qui pro utilitate pastorali fidelium singulariter celebrare non tenentur, in iis, quantum fieri potest, concelebrent. Omnes insuper ad eam communitatem pertinentes sacerdotes, qui officio in bonum pastorale fidelium singulariter celebrandi tenentur, Missam quoque conventualem aut « Communitatis » eadem die concelebrare possunt.<sup>58</sup>

<sup>56</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 41.

<sup>57</sup> Cf. *ibid.*, n. 42; S. Congr. Rituum, Instructio *Eucharisticum mysterium*, 25 maii 1967, n. 26: *A.A.S.* 59 (1967) p. 555; Conc. Vat. II, Const. dogm. de Ecclesia, *Lumen gentium*, n. 28; Decr. de Presbyterorum ministerio et vita, *Presbyterorum ordinis*, n. 5.

<sup>58</sup> Cf. S. Congr. Rituum, Instructio *Eucharisticum mysterium*, 25 maii 1967, n. 47: *A.A.S.* 59 (1967) p. 565; S. Congr. pro Cultu Divino, Decl. de concelebratione, 7 augusti 1972: *A.A.S.* 64 (1972) pp. 561-563.

## I. DE MISSA CUM POPULO

**77.** Missa cum populo ea intellegitur quæ cum fidelium participatione celebratur. Convenit autem ut, quantum fieri potest, præsertim vero diebus dominicis et festis de præcepto, cum cantu et congruo numero ministrorum celebra-tio peragatur;<sup>59</sup> attamen etiam sine cantu et cum uno mi-nistro perfici potest.

**78.** Expedit autem ut sacerdoti celebranti de more ad-sint acolitus, lector et cantor: quæ forma in sequentibus « typica » appellabitur. Ritus vero qui infra describitur fa-cultatem prævidet amplioris etiam numeri ministrorum.

In qualibet celebrationis forma adesse potest diaconus suo munere fungens.

### Præparanda

**79.** Altare una saltem tobalea cooperiatur. Super ipsum vero aut circa ipsum duo saltem, vel etiam quattuor, aut sex, vel, si Episcopus diœcesis celebrat, septem candelabra cum cereis accensis ponantur. Item super altare vel prope ip-sum habeatur crux. Candelabra autem et crux in proces-sione ad introitum afferri posunt. Super ipsum altare poni potest, nisi in processione ad introitum deferatur, liber Evangeliorum, a libro aliarum lectionum distinctus.

**80.** Item parentur:

- a) Iuxta sedem sacerdotis: missale et, pro opportuni-tate, libellus cantuum;
- b) In ambone: liber lectionum
- c) In abaco: calix, corporale, purificatorium et, pro opportunitate, palla; patena et pyxides, si necessariæ sunt, cum pane pro Communione sacerdotis, ministrorum, et po-puli; urecoli cum vino et aqua, nisi hæc omnia a fidelibus

<sup>59</sup> Cf. S. Congr. Rituum, Instr. *Eucharisticum mysterium*, 25 maii 1967, n. 26; A.A.S. 59 (1967) p. 555; Instructio *Musicam sacram*, 5 martii 1967, nn. 16, 27: A.A.S. 59 (1967) pp. 305, 308.

ad offertorium præsententur, patina pro communione fide-lium; et ea quæ necessaria sunt ad manus lavandas. Calix cooperiatur velo, quod potest esse semper coloris albi.

**81.** In secretario, pro diversis formis celebrationis, pa-rentur sacræ vestes sacerdotis et ministrorum:

- a) Pro sacerdote: alba, stola et planeta.
  - b) Pro diacono: alba, stola et dalmatica, quæ tamen, ob necessitatem vel minorem gradum sollemnitatis, omitti pot-est.
  - c) Pro ceteris ministris: albæ vel aliæ vestes legitime approbatæ.
- Omnes qui albam induunt, cingulum adhibeant et amic-tu utantur, nisi aliter provideatur.

### A) Forma typica

#### Ritus initiales

**82.** Populo congregato, sacerdos et ministri, sacris vestibus induti, ad altare procedunt hoc ordine:

- a) Minister cum turibulo fumigante, si incensum adhi-betur.
- b) Ministri qui, pro opportunitate, deferunt cereos, et inter eos, si casus fert, alias minister cum cruce.
- c) Acolyti et alii ministri.
- d) Lector, qui potest librum Evangeliorum deferre.
- e) Sacerdos Missam celebraturus.

Si incensum adhibetur, sacerdos antequam procedatur, incensum in turibulo imponit.

**83.** Dum fit processio ad altare, cantus ad introitum per-agitur (cf. nn. 25-26).

**84.** Cum ad altare pervenerint, sacerdos et ministri faciunt debitam reverentiam, id est profundam inclinationem, vel, si adest tabernaculum cum Ss.mo Sacramento, genu-flexionem.

Crux forte in processione delata iuxta altare, vel alio loco oppotuno, ponitur; candelabra vero a ministris portata iuxta

altare, vel super abacum, collocantur; liber Evangeliorum super altare ponitur.

85. Sacerdos ad altare ascendit ipsumque veneratur osculo. Deinde, pro opportunitate, altare incensat, illud circumueundo.

86. His peractis, sacerdos sedem petit. Cantu ad introitum expleto, omnibus stantibus, sacerdos et fideles signant se. Sacerdos dicit: **In nōmine Patris, et Filiī, et Sp̄iritus Sancti.** Populus respondet: **Amen.**

Deinde, ad populum conversus, et manus extendens, sacerdos eum salutat, una adhibita e formulis propositis. Potest etiam, ipse vel alias minister idoneus, brevissimis verbis introducere fideles in Missam illius diei.

87. Post actum p̄aenitentiale, dicuntur **Kýrie et Glória**, iuxta rubricas (nn. 30-31). **Glória** inchoari potest aut ab ipso sacerdote, aut a cantoribus aut etiam ab omnibus simul.

88. Deinde sacerdos populum ad orandum invitat, manibus iunctis, dicens: **Orémus.** Et omnes una cum sacerdote ad breve tempus silentes orant. Tunc sacerdos, manibus extensis, dicit collectam, qua expleta, populus acclamat: **Amen.**

### Liturgia verbi

89. Collecta finita, lector ad ambonem pergit, et recitat primam lectionem, quam omnes sedentes auscultant, et in fine acclamationem preferunt.

90. Psalmista vero, seu cantor, vel ipse lector, lectione finita, psalmum dicit, populo responsum proferente (cf. n. 36).

91. Postea, si habenda sit secunda lectio ante Evangelium, lector eam in ambone recitat, ut supra, omnibus sedentibus et auscultantibus, atque in fine acclamantibus.

92. Sequitur **Alleluia** vel alter cantus, prout tempus liturgicum postulat (cf. nn. 37-39).

93. Dum canitur **Alleluia** vel alter cantus, sacerdos incensum, si adhibetur, imponit. Deinde, manibus iunctis, et inclinatus ante altare, dicit secreto: **Munda cor meum.**

94. Tunc librum Evangeliorum, si est in altari, accipit et, praecedentibus ministris, qui incensum et cereos deferre possunt, ad ambonem accedit.

95. In ambone sacerdos aperit librum et dicit: **Dóminus vobíscum**, et deinde **Léctio sancti Evangélii**, pollice signans librum et seipsum in fronte, ore et pectore. Deinde librum, si incensum adhibetur, turificat. Post acclamationem populi, proclamat Evangelium, eoque finito, librum osculatur, dicens secreto: **Per evangélica dicta deleántur nostra delicta.** Post Evangelium fit acclamatio populi, iuxta consuetudinem regionum.

96. Si non adest lector, sacerdos ipse omnes lectiones et, pro necessitate, etiam cantus post ipsas occurrentes profert, stans in ambone. Ibidem, si adhibetur, incensum imponit et, inclinatus, dicit: **Munda cor meum.**

97. Homilia fit ad sedem vel in ipso ambone.

98. Symbolum dicitur a sacerdote una cum populo (cf. n. 44). Ad verba **Et incarnátus est, etc.** omnes se inclinant; in sollemitatibus vero Annuntiationis et Nativitatis Domini genua flexunt.

99. Deinde, populo pro sua parte participante, fit oratio universalis seu oratio fidelium, quam sacerdos moderatur a sede aut ex ambone (cf. nn. 45-47).

### Liturgia eucharistica

100. Oratione universalis absoluta, incipit cantus ad offertorium (cf. n. 50). Ministri corporale, purificatorium, calicem et missale in altari collocant.

**101.** Expedit ut participatio fidelium manifestetur per oblationem sive panis et vini ad Eucharistiae celebrationem, sive aliorum donorum, quibus necessitatibus ecclesiae et pauperum subveniatur.

Oblationes fidelium a sacerdote opportune accipiuntur, adiuvantibus ministris, et apto loco collocantur; panis autem et vinum pro Eucharistia ad altare deferuntur.

**102.** Sacerdos, ad altare, accipit a ministro patenam cum pane, eamque ambabus manibus aliquantulum elevatam super altare tenet, dicens formulam appositam. Deinde patenam cum pane super corporale deponit.

**103.** Postea, stans ad latus altaris, infundit vinum et parum aquæ in calicem, dicens secreto formulam præscriptam, ministro urceolos porrigente. Reversus autem ad medium altaris, acceptum calicem ambabus manibus parum elevatum tenet, dicens formulam statutam; et deinde calicem super corporale deponit, et palla pro opportunitate cooperit.

**104.** Calice in altari deposito, sacerdos, inclinatus, dicit secreto: **In spíitu humilitatis.**

**105.** Pro opportunitate deinde sacerdos incensat oblata et altare; minister vero sacerdotem et populum.

**106.** Post orationem **In spíitu humilitatis** vel post incensationem, sacerdos, stans ad latus altaris, manus lavat, formulam statutam secreto dicens, ministro aquam fundente.

**107.** Ad medium altaris deinde reversus, stans ad populum conversus, extendens et iungens manus, populum ad orandum invitat, dicens: **Oráte, fratres, etc.** Post responsionem autem populi, manibus extensis, dicit orationem super oblata. In fine populus acclamat: Amen.

**108.** Tunc sacerdos incipit Precem eucharisticam. Manus extendens dicit: **Dóminus vobiscum.** Cum prosequitur: **Sursum corda,** manus elevat; ac, manibus extensis, subdit: **Grátias agámus Dómino Deo nostro.** Postquam populus re-

spondit: **Dignum et iustum est,** sacerdos prosequitur præfationem; eaque finita, iunctis manibus, una cum ministris et populo, cantat vel clara voce dicit: **Sanctus-Benedictus** (cf. n. 55 b).

**109.** Sacerdos prosequitur Precem eucharisticam iuxta rubricas, quæ in singulis Precibus indicantur.

Si sacerdos celebrans est Episcopus, post verba **una cum fámulo tuo Papa nostro N.** subiungit: **et me indígnō servo tuo.**

Ordinarius loci nominari debet hac formula: **una cum fámulo tuo Papa nostro N. et Epíscopo** (vel: **Vicário, Preláto, Prefecto, Abbáte**) **nostro N.** Coadiutores et Auxiliares nominari licet in Prece eucharistica. Quando plures nominandi sunt, dicitur sub formula generali: **et Epíscopo nostro N. eiúsque Epíscopis adiutorib⁹.**<sup>60</sup> In unaquaque Prece eucharistica, prædictæ formulæ aptandæ sunt, normis grammaticorum attentis.

Paulo ante consecrationem, minister, pro opportunitate, campanulæ signo fideles monet. Item pulsat campanulam ad unamquamque ostensionem, iuxta cuiusque loci consuetudinem.

**110.** Expleta doxologia, quæ in fine Precis eucharisticæ habetur, sacerdos, manibus iunctis, dicit monitionem ante orationem dominicam, quam deinde una cum populo profert, manibus extensis.

**111.** Oratione dominica finita, sacerdos, manibus extensis, solus dicit embolismum **Líbera nos**, quo completo, populus acclamat: **Quia tuum est regnum.**

**112.** Deinde sacerdos, clara voce, dicit orationem **Dómine Iesu Christe, qui dixisti;** eaque finita, extendens et iungens manus, pacem annuntiat, versus ad populum, dicens: **Pax Dómini sit semper vobiscum.** Populus respondet:

<sup>60</sup> Cf. S. Congr. pro Cultu Divino, Decr. 9 octobris 1972: *A.A.S.* 64 (1972) pp. 692-694.

**Et cum spíitu tuo.** Postea, pro opportunitate, sacerdos subiungit: **Offérte vobis pacem.** Et omnes, iuxta locorum consuetudines, pacem et caritatem sibi invicem significant. Sacerdos pacem potest dare ministris.

**113.** Postea sacerdos accipit hostiam, eamque super patenam frangit, et particulam immittit in calicem, dicens secreto: **Hæc commixtio.** Interim a choro et a populo cantatur vel dicitur **Agnus Dei** (cf. n. 56 e).

**114.** Tunc sacerdos dicit secreto orationem: **Dómine Iesu Christe, Fili Dei vivi vel Percéptio Córporis et Sán-guinis.**

**115.** Oratione finita, sacerdos genuflectit, accipit hostiam, eamque aliquantulum elevatam super patenam tenens, versus ad populum, dicit: **Ecce Agnus Dei, et una cum populo semel subdit: Dómine, non sum dignus.**

**116.** Postea, stans ad altare conversus, sacerdos secreto dicit: **Corpus Christi custódiat me in vitam ætéram, et reverenter sumit Corpus Christi.** Deinde accipit calicem, dicit: **Sanguis Christi custódiat me in vitam ætéram, et reverenter sumit Sanguinem Christi.**

**117.** Accipit deinde patenam vel pyxidem, et accedit ad communicandos. Si Communio sub specie tantum panis fit, hostiam parum elevatam unicuique ostendit dicens: **Corpus Christi.** Communicandus respondet: **Amen,** et, tenens patinam sub ore, Sacramentum accipit.

**118.** Pro Communione sub utraque specie, servetur ritus suo loco descriptus (cf. nn. 240-252).

**119.** Dum sacerdos sumit Sacramentum, inchoatur cantus ad Communionem (cf. n. 56 i).

**120.** Distributione Communionis expleta, sacerdos, ad altare reversus, colligit fragmenta, si quæ sint; deinde, stans ad latus altaris, vel ad abacum, purificat patenam vel pyxidem super calicem, postea purificat calicem, dicens

secreto: **Quod ore súmpsimus, etc.,** et calicem purificatorio exterget. Si vasa purificata sunt ad altare, a ministro deferruntur ad abacum. Licet tamen vasa purificanda, præsertim si sint plura, opportune cooperata, in altari vel in abaco super corporale relinquere eaque post Missam, populo dimisso, purificare.

**121.** Purificationibus peractis, sacerdos ad sedem redire potest. Sacrum silentium per aliquod temporis spatium servari, vel canticum laudis aut psalmus proferri potest (cf. n. 56 j).

**122.** Postea, stans ad sedem vel ad altare, sacerdos versus ad populum, dicit: **Orémus** et, extensis manibus, orationem post Communionem recitat, cui præmitti potest breve spatium silentii, nisi iam præcesserit statim post Communionem. In fine orationis populus acclamat: **Amen.**

### Ritus conclusionis

**123.** Expleta oratione post Communionem, fiant, si habendæ sunt, breves annuntiationes ad populum.

**124.** Deinde sacerdos, extendens manus, salutat populum, dicens: **Dóminus vobiscum,** cui respondeatur a populo: **Et cum spíitu tuo.** Et statim sacerdos subdit: **Benedícat vos omnípotens Deus et,** benedicens, prosequitur: **Pater, et Fílius, et Spíritus Sanctus;** omnes respondent: **Amen.** Quibusdam diebus et occasionibus, huic formulae benedictionis præmittitur, iuxta rubricas, alia formula sollemnior, vel oratio super populum.

Statim post benedictionem, sacerdos, manibus iunctis, subiungit: **Ite, missa est;** et omnes respondent: **Deo grátiás.**

**125.** Tunc sacerdos altare de more osculo veneratur. Facta deinde debita reverentia cum ministris, recedit.

**126.** Si vero Missam sequitur aliqua actio liturgica, ritus conclusionis, idest salutatio, benedictio et dimissio, omituntur.

## B) De muneribus diaconi

**127.** Quando adest diaconus, ministerio suo fungens, servantur normæ in superiore capite descriptæ, his exceptis, quæ sequuntur.

In genere diaconus:

- a) sacerdoti assistit, et ad eius latus procedit;
- b) ad altare, sive ad calicem sive ad librum ministrat;
- c) si nullus alius minister adsit, ipse aliorum munera, pro necessitate, adimplet.

## Ritus initiales

**128.** Vestibus sacris indutus, diaconus, librum Evangeliorum deferens, sacerdotem accedentem ad altare precedit, securus ad eius latus incedit.

**129.** Facta una cum sacerdote debita reverentia altari, diaconus una cum ipso ad altare ascendit atque, libro Evangeliorum super altare deposito, simul cum sacerdote altare osculo veneratur. Sacerdoti deinde, si adhibetur incensum, assistit ad incensum imponendum et altare turificandum.

**130.** Altari incensato, sedem una cum sacerdote petit, ibique ad latus sacerdotis consistit eique pro necessitate ministrat.

## Liturgia verbi

**131.** Dum **Alleluia** vel alter cantus profertur, si adhibetur incensum, ad impositionem turis sacerdoti ministrat, deinde, ante sacerdotem inclinatus, benedictionem petit, submissa voce dicens: **Iube, domne, benedicere.** Sacerdos eum benedicit, dicens: **Dóminus sit in corde tuo, etc.** Diaconus respondet: **Amen.** Deinde librum Evangeliorum, si est in altari, sumit et ad ambonem pergit, ministris, si ad-

sunt, cum candelabris et incenso pro opportunitate eum præcedentibus. Ibi populum salutat, librum incensat et proclamat Evangelium. Quo finito, librum osculo veneratur, secreto dicens: **Per evangéllica dicta, etc.** et ad sacerdotem reddit. Si vero homilia non fit neque symbolum dicitur, potest manere in ambone pro oratione universalis, recendentibus ministris.

**132.** Intentiones orationis fidelium, post introductionem sacerdotis, ipse diaconus sive ex ambone sive ex alio loco conveniente profert.

## Liturgia eucharistica

**133.** Ad offertorium, sacerdote ad sedem remanente, diaconus altare præparat, aliis ministris adiuvantibus; ipsius tamen est sacrorum vasorum curam gerere. Assistit etiam sacerdoti ad dona populi recipienda. Tradit deinde sacerdoti patenam cum pane consecrando; infundit vinum et parum aquæ in calicem, dicens secreto: **Per huius aquæ,** et postea calicem sacerdoti præsentat. Præparationem tamen calicis, seu infusionem vini et aquæ, ad abacum peragere potest. Si incensum adhibetur, in turificandis oblatis et altari sacerdoti ministrat, et postea ipse, vel alias minister, sacerdotem et populum incensat.

**134.** Durante Prece eucharistica, diaconus stat prope sacerdotem, aliquanto tamen post ipsum, ut, quando opus sit, ad calicem vel ad missale ministret.

**135.** Ad doxologiam finalem Precis eucharisticæ, stans ad latus sacerdotis, calicem elevatum tenet, dum sacerdos patenam cum hostia elevat, usquedum populus **Amen** acclamaverit.

**136.** Postquam sacerdos dixit orationem ad pacem et: **Pax Dómini sit semper vobíscum,** et populus respondeat: **Et cum spíritu tuo,** diaconus, pro opportunitate, invitacionem facit ad pacem, dicens: **Offére vobis pacem.** Ipse

vero pacem a sacerdote recipit, aliisque ministris sibi prioribus potest offerre.

**137.** Communione a sacerdote facta, ipse Communionem sub utraque specie accipit, et sacerdotem deinde adiuvat in Communione populo distribuenda. Quod si Communio sub utraque specie fit, ipse calicem sumentibus ministrat, et ultimus de calice sumit.

**138.** Distributione Communionis expleta, diaconus cum sacerdote ad altare revertitur, colligit fragmenta, si quæ sint, deinde portat calicem et alia vasa sacra ad abacum, ibique ea purificat et de more componit, dum sacerdos ad sedem reddit. Licet tamen vasa purificanda, opportune coeperta, in abaco super corporale relinquere, eaque post Missam, populo dimisso, purificare.

### Ritus conclusionis

**139.** Dicta oratione post Communionem, diaconus facit breves annuntiationes populo, quæ forte facienda sunt, nisi ipse sacerdos malit eas facere.

**140.** Data benedictione a sacerdote, diaconus populum dimittit dicens: *Ite, missa est.*

**141.** Deinde, una cum sacerdote, altare osculo veneratur, et, facta debita reverentia, simili modo quo processerat, recedit.

### C) De muneribus acolythi

**142.** Munera quæ acolythus exercere potest varii sunt generis; plura autem ex iis simul occurtere possunt. Expedit proinde ut opportune inter plures distribuantur; si vero unus tantum acolythus præsens adest, ea quæ potioris sunt momenti ipse exsequatur, cetera vero inter alios ministros distribuantur.

### Ritus initiales

**143.** In accessu ad altare crucem, medius inter duos ministros cum cereis accensis, deferre potest. Cum autem ad altare pervenerit, cruce prope altare deposita, locum suum in presbyterio occupat.

**144.** Per totam celebrationem, acolythi est ad sacerdotem vel diaconum, quoties opus sit, accedere, ut ipsis librum præbeat et in aliis quæ necessaria sunt eos adiuvet. Convenit proinde ut, quantum fieri possit, locum occupet e quo ministerium suum commode possit implere, sive ad sedem sive ad altare.

### Liturgia eucharistica

**145.** Absente diacono, expleta oratione universali, dum sacerdos ad sedem manet, acolythus super altare ponit corporale, purificatorium, calicem et missale. Deinde, si opus est, sacerdotem adiuvat in accipiendis donis populi et, pro opportunitate, panem et vinum ad altare defert et sacerdoti tradit. Si incensum adhibetur, ipse sacerdoti turibulum exhibit eique assistit in turificandis oblatis et altari.

**146.** Sacerdotem adiuvare potest, qua minister extraordinarius, in Communione populo distribuenda.<sup>61</sup> Quod si Communio sub utraque specie fit, ipse calicem sumentibus ministrat, vel calicem sustinet si Communio per intinctionem præbetur.

**147.** Distributione Communionis expleta, sacerdotem vel diaconum in vasis sacris purificandis et componendis adiuvat. Absente vero diacono, acolythus vasa sacra ad abacum defert ibique purificat et componit.

<sup>61</sup> Cf. Paulus VI, Litt. Apost. *Ministeria quædam*, 15 augusti 1972, n. VI: A.A.S. 64 (1972) p. 532.

## D) De muneribus lectoris

## Ritus initiales

**148.** In accessu ad altare, absente diacono, lector librum Evangeliorum deferre potest: tunc ante sacerdotem incedit; secus cum aliis ministris.

**149.** Cum ad altare pervenerit, facta cum sacerdote debita reverentia, ad altare ascendit, librum Evangeliorum supra illud deponit et in presbyterio una cum aliis ministris locum occupat.

## Liturgia verbi

**150.** Lectiones, quæ Evangelium præcedunt, in ambone legit. Deficiente vero psalmista, potest et psalmum responsorium post primam lectionem proferre.

**151.** Absente diacono, post introductionem a sacerdote dictam, lector intentiones orationis universalis proferre potest.

**152.** Si ad introitum vel ad Communionem non habetur cantus, et antiphonæ in missali propositæ a fidelibus non re-citantur, tempore conveniente eas profert.

## II. DE MISSIS CONCELEBRATIS

## Prænotanda

**153.** Concelebratio qua unitas sacerdotii et sacrificii nec non totius populi Dei opportune manifestatur, præterquam in casibus quibus ipso ritu præcipitur, permittitur:

- 1° a) Feria V Hebdomadæ sanctæ, tum ad Missam chrismatis, tum ad Missam vespertinam;
- b) ad Missam in Conciliis, Conventibus Episcoporum et Synodis;
- c) ad Missam in Benedictione Abbatis.

2º Praeterea, accedente licentia Ordinarii, cuius est de opportunitate concelebrationis iudicare:

a) ad Missam conventualem et ad Missam principalem in ecclesiis et oratoriis, cum utilitas christifidelium singularem celebrationem omnium sacerdotum præsentium non postulat;

b) ad Missas in conventibus cuiusvis generis sacerdotum tum secularium tum religiosorum.<sup>62</sup>

**154.** Ubi magnus habetur numerus sacerdotum, superior competens concedere potest ut concelebratio etiam plures eodem die fiat, sed temporibus subsequentibus, vel in locis sacris diversis.<sup>63</sup>

**155.** Episcopi est, ad normam iuris, concelebrationis disciplinam in sua diœcesi moderari, etiam in exemptorum ecclesiis et oratoriis semipublicis. De opportunitate vero concelebrationis iudicare atque licentiam in suis ecclesiis et oratoriis dare est cuiusvis Ordinarii et etiam Superioris maioris Religionum clericalium non exemptarum et Societatum clericorum in communi viventium sine votis.<sup>64</sup>

**156.** Nemo umquam ad concelebrandum admittatur Mis-sa iam incepta.<sup>65</sup>

**157.** In singulari honore illa concelebratio habenda est, qua sacerdotes alicuius diœceseos cum proprio Episcopo concelebrant, præcipue vero in Missa chrismatis feria V Hebdomadæ sanctæ, et occasione Synodi vel visitationis pastoralis. Eadem ratione concelebratio commendatur quoties sacerdotes cum proprio Episcopo conveniunt, sive occasione exercitiorum spiritualium, sive alicuius conuentus.

<sup>62</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 57.

<sup>63</sup> Cf. S. Congr. Rituum, *Instructio Eucharisticum mysterium*, 25 maii 1967, n. 47: A.A.S. 59 (1967) p. 566.

<sup>64</sup> Cf. *Ritus servandus in concelebratione Missæ*, n. 3.

<sup>65</sup> Cf. *ibid.*, n. 8.

In his casibus illud signum unitatis sacerdotii, necnon Ecclesiæ, omni concelebrationi proprium, magis perspicuo modo manifestatur.<sup>66</sup>

**158.** Ob peculiarem causam, sive significationis ritus sive festivitatis, facultas fit pluries celebrandi vel concelebrandi eodem die, sequentibus in casibus:

a) Qui, feria V Hebdomadae sanctæ, Missam chrismatis celebravit aut concelebravit, etiam Missam vespertinam celebrare aut concelebrare potest.

b) Qui Missam primam in nocte Paschatis celebravit aut concelebravit, potest secundam Missam Paschatis celebrare aut concelebrare.

c) In Nativitate Domini omnes sacerdotes tres Missas celebrare vel concelebrare possunt, dummodo hæ suo tempore celebrentur.

d) Qui in Synodo et in visitatione pastorali cum Episcopo vel eius delegato aut occasione cuiusdam conventus sacerdotum concelebrat, Missam ad utilitatem fidelium iterum celebrare potest.<sup>67</sup> Idem valet, servatis servandis, pro cœtibus religiosorum.

**159.** Missa concelebrata ordinatur, pro qualibet forma, iuxta normas Missæ singulariter celebratæ, iis tamen servatis aut mutatis quæ infra indicabuntur.

**160.** Si in Missa concelebrata neque diaconus neque alii ministri assistant, munera ipsis propria ab aliquibus concelebrantibus perficiuntur.

<sup>66</sup> Cf. S. Congr. Rituum, Decretum generale *Ecclesiæ semper*, 7 martii 1965: A.A.S. 57 (1965) pp. 410-412; Instructio *Eucharisticum mysterium*, 25 maii 1967, n. 47: A.A.S. 59 (1967) p. 565.

<sup>67</sup> Cf. *Ritus servandus in concelebratione Missæ*, n. 9; S. Congr. pro Cultu Divino, Decl. de concelebratione, 7 augusti 1972: A.A.S. 64 (1972) pp. 561-563.

### Ritus initiales

**161.** Concelebrantes in secretario, vel alio loco apto, sacras vestes induunt, quas sumere solent cum Missam singuli celebrant. Accedente tamen iusta causa, v. gr. frequentiore concelebrantium numero et deficientia paramentorum, concelebrantes, excepto semper celebrante principali, omittere possunt planetam, adhibita stola super albam.

**162.** Omnibus rite dispositis, fit de more processio per ecclesiam ad altare. Presbyteri concelebrantes incedunt ante celebrantem principalem.

**163.** Cum ad altare pervenerint, concelebrantes et celebrens principalis, facta debita reverentia, altare osculo venerantur, deinde sedem sibi assignatam petunt. Celebrens vero principalis altare, pro opportunitate, incensat, ac deinde sedem petit.

### Liturgia verbi

**164.** Durante liturgia verbi concelebrantes locum suum occupant et sedent et surgunt eadem ratione ac celebrens principalis.

**165.** Homiliam habet de more celebrens principalis, vel unus e concelebrantibus.

### Liturgia eucharistica

**166.** Ritus offertorii perficiuntur a celebrante principali, aliis concelebrantibus suis locis manentibus.

**167.** Ritibus offertorii peractis, concelebrantes ad altare accedunt et circa altare consistunt, ita tamen ut impedimento non sint in ritibus peragendis, et sacer ritus a fidelibus bene conspi ciatur, neque impedimento sint diacono quando ad altare, ratione sui ministerii, accedere debet.

## De modo proferendi Precem eucharisticam

168. Praefatio dicitur a solo celebrante principali; **Sanctus** vero ab omnibus una cum populo et schola cantatur vel recitatur.

169. **Sanctus** expleto, concelebrantes Precem eucharisticam modo infra descripto prosequuntur. Solus celebrans principalis gestus facit, nisi aliter notetur.

170. Partes quae ab omnibus concelebrantibus simul proferuntur, in recitatione ita dicendae sunt, ut eas concelebrantes submissa voce proferant et vox celebrantis principalis clare audiatur. Hac ratione textus a populo facilius percipitur.

## A) Prex eucharistica I, seu Canon Romanus

171. **Te igitur** a solo celebrante principali, extensis manibus, dicitur.

172. **Meménto vivorum et Communicáentes** uni alterive e concelebrantibus committi possunt, qui solus has preces manibus extensis et elata voce dicit.

173. **Hanc igitur** a solo celebrante principali iterum dicitur, manibus extensis.

174. A **Quam oblationem** usque ad **Súpplices**, omnes concelebrantes omnia simul proferunt, hoc modo:

a) **Quam oblationem**, manibus ad oblata extensis;

b) **Qui prídie, Símili modo**, manibus iunctis;

c) Verba Domini, manu dextera, si opportunum videatur, ad panem et ad calicem extensa; ad ostensionem autem hostiam et calicem aspicientes ac postea profunde se inclinantes;

d) **Unde et mémores et Supra quæ**, manibus extensis;

e) **Súpplices**, inclinati et manibus iunctis usque ad verba **ex hac altáris participatióne**, ac deinde erecti et se si-

gnantes ad verba **omni benedictióne célésti et grátia repleámur.**

175. **Meménto defunctorum et Nobis quoque peccatóribus** uni alterive e concelebrantibus committi possunt, qui solus ea manibus extensis et elata voce dicit.

176. Ad verba **Nobis quoque peccatóribus** omnes concelebrantes pectus sibi percutiunt.

177. **Per quem hæc ómnia** a solo celebrante principali dicitur.

178. In hac Prece eucharistica, partes a **Quam oblationem** usque ad **Súpplices** necnon doxologia finalis cantu proferri possunt.

## B) Prex eucharistica II

179. **Vere Sanctus** a solo celebrante principali, extensis manibus, profertur.

180. Ab **Hæc ergo dona** usque ad **Et súpplices** omnes concelebrantes omnia simul proferunt, hoc modo:

a) **Hæc ergo dona**, manibus ad oblata extensis;

b) **Qui cum passióni et Símili modo**, manibus iunctis;

c) Verba Domini, manu dextera, si opportunum videatur, ad panem et ad calicem extensa; ad ostensionem autem hostiam et calicem aspicientes ac postea profunde se inclinantes;

d) **Mémoires igitur atque Et súpplices**, manibus extensis.

181. Intercessiones pro vivis: **Recordáre, Dómine**, et pro defunctis: **Meménto étiam fratrum nostrórum**, uni alterive e concelebrantibus committi possunt, qui solus eas manibus extensis profert.

182. Huius Precis eucharisticae partes quae sequuntur: **Qui cum passióni**, **Símili modo**, **Mémoires igitur**, necnon doxologia finalis cantu proferri possunt.

## C) Prex eucharistica III

183. *Vere Sanctus* a solo celebrante principali, extensis manibus, profertur.

184. A *Súpplices ergo te, Dómine*, usque ad *Réspice, quásimus*, omnes concelebrantes omnia simul proferunt hoc modo:

a) *Súpplices ergo te, Dómine*, manibus ad oblata extensis;

b) *Ipse enim in qua nocte tradebátur et Símili modo*, manibus iunctis;

c) Verba Domini, manu dextera, si opportunum videtur, ad panem et ad calicem extensa; ad ostensionem autem hostiam et calicem aspicientes ac postea profunde se inclinantes;

d) *Mémores ígitur et Réspice, quásimus*, manibus extensis.

185. Intercessiones: *Ipse nos et Hæc hóstia nostræ reconciliatiónis* uni alterive e concelebrantibus committi possunt, qui solus has preces manibus extensis profert.

186. Huius Precis eucharisticae partes quæ sequuntur: *Ipse enim, Símili modo, Mémores ígitur*, necnon doxologia finalis cantu proferri possunt.

## D) Prex eucharistica IV

187. *Confitémur tibi, Pater sancte*, usque ad *omnem sanctificatiónen compléret*, a solo celebrante principali, extensis manibus, profertur.

188. A *Quásimus ígitur, Dómine*, usque ad *Réspice, Dómine*, omnes concelebrantes omnia simul proferunt, hoc modo:

a) *Quásimus ígitur, Dómine*, manibus ad oblata extensis;

b) *Ipse enim, cum hora venísset et Símili modo, manibus iunctis*;

c) Verba Domini, manu dextera, si opportunum videatur, ad panem et ad calicem extensa; ad ostensionem autem hostiam et calicem aspicientes ac postea profunde se inclinantes;

d) *Unde et nos, et Réspice, Dómine*, manibus extensis.

189. Intercessiones: *Nunc ergo, Dómine, ómnium recordáre*, uni e concelebrantibus committi possunt, qui solus eas manibus extensis profert.

190. Huius Precis eucharisticæ partes quæ sequuntur: *Ipse enim, Símili modo, Unde et nos*, necnon doxologia finalis cantu proferri possunt.

191. Doxologia finalis Precis eucharisticae a solo celebrante principali aut ab omnibus concelebrantibus una cum celebrante principali profertur.

## Ritus Communionis

192. Deinde celebrans principalis, iunctis manibus, dicit monitionem ante orationem dominicam ac deinde, manibus extensis, una cum ceteris concelebrantibus et cum populo ipsam orationem dominicam.

193. *Líbera nos* dicitur a solo celebrante principali, manibus extensis. Omnes concelebrantes, una cum populo, acclamationem finalem proferunt: *Quia tuum est regnum*.

194. Post monitionem diaconi vel unius e concelebrantibus: *Offérte vobis pacem*, omnes sibi invicem pacem tradunt. Qui propiores sunt celebranti principali pacem ab ipso recipiunt ante diaconum.

195. Dum *Agnus Dei* profertur, aliqui e concelebrantibus celebrantem principalem adiuvare possunt ad hostias frangendas, sive pro concelebrantium sive pro populi Communione.

**196.** Immixtione peracta, solus celebrans principalis dicit secreto orationem **Dómine Iesu Christe, Fili Dei vivi vel Percéptio.**

**197.** Oratione ante Communionem expleta, celebrans principalis genuflectit et paulum recedit. Concelebrantes vero unus post alium ad medium altaris accedunt, genuflectunt et Corpus Christi reverenter ex altari accipiunt, atque manu dextera illud tenentes, eique manum sinistram supponentes, ad loca sua recedunt. Possunt tamen concelebrantes suis locis remanere et Corpus Christi e patena sumere, quam celebrans principalis aut unus vel plures e concelebrantibus tenent, ante ipsos transeundo, vel tradendo patenam sequenti et ita usque ad ultimum.

**198.** Deinde celebrans principalis accipit hostiam, eamque aliquantulum elevatam super patenam tenens, versus ad populum dicit: **Ecce Agnus Dei, et prosequitur cum concelebrantibus et populo, dicens: Dómine, non sum dignus.**

**199.** Deinde celebrans principalis, ad altare conversus, secreto dicit: **Corpus Christi custódiat me in vitam ætérnam**, et Corpus Christi reverenter sumit. Similiter faciunt concelebrantes. Post eos vero diaconus a celebrante principali Corpus Domini accipit.

**200.** Sanguis Domini sumi potest vel ex ipso calice directe bibendo, vel cum calamo, vel cum cochleari, vel etiam per intinctionem.

**201.** Si Communio fit bibendo directe ex calice, unus ex his modis potest adhiberi:

a) Celebrans principalis accipit calicem et secreto dicit: **Sanguis Christi custódiat me in vitam ætérnam**, et paulum Sanguinis sumit et calicem diacono vel concelebranti tradit. Communionem fidelibus deinde distribuit, vel ad sedem recedit. Concelebrantes unus post alium, vel bini et bini si duo calices adhibentur, ad altare accedunt, Sanguinem sumunt et ad suam sedem redeunt. Diaconus vel concelebrans calicem abstergit purificatorio post cuiusque concelebrantis Communionem.

b) Celebrans principalis Sanguinem Domini sumit de more stans in medio altaris.

Concelebrantes vero Sanguinem Domini sumere possunt locis suis manendo et ex calice ipsis a diacono, vel ab uno concelebrante oblato, bibendo; aut etiam tradendo sibi deinceps calicem. Calix semper abstergitur vel ab eo qui bibit vel ab illo qui calicem præsentat. Singuli, cum communicaverint, ad suam sedem redeunt.

**202.** Si Communio fit cum calamo, proceditur hoc modo: Celebrans principalis calatum accipit et secreto dicit: **Sanguis Christi custódiat me in vitam ætérnam**, paulum Sanguinis haurit et statim calatum purificat paulum aquæ sumens e vase super altare opportune collocato, et eum deponit in apposita patena. Diaconus deinde, vel unus e concelebrantibus, calicem aut in medio altaris aut ad latus ipsius dexterum, super aliud corporale, opportune disponit. Prope ipsum calicem ponitur etiam vas cum aqua ad calamos abluidos, et patena in qua postea calami deponantur.

Concelebrantes unus post alium accedunt, calatum accipiunt et paulum Sanguinis hauriunt, deinde calatum purificant, paulum aquæ sumentes, et ipsum calatum in apposito vase deponunt.

**203.** Si Communio ad calicem fit cum cochleari, eodem modo ac in Communione cum calamo agitur; caveatur tamen ut, post Communionem, cochlear deponatur in aliquo vase cum aqua, quod, Communione expleta, acolythus ad appositam mensam transfert, ut cochlearia purificet et absorgeat.

**204.** Ultimus accedit diaconus. Postquam Christi Sanguinem sibi hausit, totum Sanguinem qui remansit sumit, calicem ad abacum transfert, ibique ipse vel acolythus purificat atque absterget et de more componit.

**205.** Communio concelebrantium ita etiam potest ordinari, ut singuli super altare Corpori et, statim postea, Sanguini Domini communicent.

Hoc in casu, celebrans principalis sub utraque specie Communionem accipit sicut cum solus Missam celebrat,

servato tamen ritu pro Communione calicis singulis in cibis electo, quem ceteri concelebrantes sequantur.

Communione autem celebrantis principalis peracta, calix ad latus dexterum altaris super aliud corporale deponitur. Concelebrantes unus post alium ad medium altaris accedunt, genuflectunt et Corpori Domini communicant; transiunt deinde ad latus dexterum altaris, et Sanguinem Domini sumunt, iuxta ritum pro Communione calicis electum, ut supra dictum est.

Eodem modo ac supra fiunt et Communio diaconi et purificatio calicis.

**206.** Si Communio concelebrantium fit per intinctionem, celebrans principalis more solito Corpus et Sanguinem Domini sumit, attendens tamen ut in calice satis Sanguinis remaneat ad Communionem concelebrantium. Diaconus deinde, vel unus e concelebrantibus, calicem aut in medio altaris, aut ad latus eius dexterum super aliud corporale, una cum patena continente particulas hostiae, opportune disponit. Concelebrantes, unus post alium, ad altare accedunt, genuflectunt, particulam accipiunt, eam partim in calicem intingunt et, patenam ori submittentes, intinctam particulam sumunt, ac deinde ad loca sua recedunt ut initio Missæ.

Per intinctionem Communionem accipit etiam diaconus, qui **Amen** respondeat concelebranti sibi dicenti: **Corpus et Sanguis Christi**. Diaconus autem ad altare totum Sanguinem qui remansit sumit, calicem ad abacum transfert, ibique ipse vel acolythus purificat atque absterget et de more componit.

### Ritus conclusionis

**207.** Cetera usque ad finem Missæ fiunt de more a celebrante principali, concelebrantibus suis sedibus remanentibus.

**208.** Antequam ab altari discedant, altari debitam reverentiam faciunt. Celebrans vero principalis altare de more osculo veneratur.

### III. DE MISSA SINE POPULO

#### Prænotanda

**209.** Agitur de Missa celebrata a sacerdote, cui unus tantum minister assistit et respondet.

**210.** Huiusmodi Missa sequitur generatim ritum Missæ cum populo, ministro, pro opportunitate, partes populi proferente.

**211.** Celebratio sine ministro non fiat nisi ex gravi necessitate. Hoc in casu salutationes et benedictio in fine Missæ omittuntur.

**212.** Calix ante Missam paratur sive in abaco iuxta altare, sive super altare; missale vero ad latus sinistrum altaris collòcatur.

#### Ritus initiales

**213.** Sacerdos, facta altari reverentia, signat se signo crucis, dicens: **In nōmine Patris, etc.**; conversus ad ministrum, eum salutat, unam e formulis propositis eligendo; et, stans ad pedes altaris, peragit actum pænitentiale.

**214.** Deinde ascendit altare idque osculo veneratur; accedit deinde ad missale in latere sinistro altaris, ubi remanet usque ad expletam orationem universalem.

**215.** Tunc legit antiphonam ad introitum; et dicit **Kýrie** et **Glória**, iuxta rubricas.

**216.** Deinde, manibus iunctis, dicit **Orémus** et, interposita mora convenienti, manibus extensis profert collectam. In fine minister acclamat: **Amen**.

## Liturgia verbi

**217.** Dicta collecta, minister vel ipse sacerdos legit primam lectionem et psalmum, et, quando dicenda est, secundam lectionem atque versum ad **Allelúia** vel alterum cantum.

**218.** Deinde, manens in eodem loco, sacerdos, inclinatus, dicit **Munda cor meum**, et legit Evangelium. In fine librum osculo veneratur, secreto dicens: **Per evangélica dicta, etc.** Minister autem acclamationem profert.

**219.** Sacerdos postea symbolum, iuxta rubricas, una cum ministro recitat.

**220.** Sequitur oratio universalis, quae etiam in hac Missa dici potest, sacerdote intentiones proferente, ministro respondentे.

## Liturgia eucharistica

**221.** Antiphona ad offertorium omittitur. Minister corporale, purificatorium et calicem super altare deponit, nisi iam initio Missæ ibidem sint posita.

**222.** Depositio panis ac vini et aquæ infusio fiunt sicut in Missa cum populo, formulis adhibitis in Ordine Missæ assignatis. Post depositionem panis et vini sacerdos lavat manus, stans ad latus altaris, ministro aquam fundente.

**223.** Orationem super oblata et Precem eucharisticam sacerdos profert, servato ritu pro Missa cum populo descripto.

**224.** Oratio dominica cum suo embolismo dicitur sicut in Missa cum populo.

**225.** Expleta acclamatione in fine embolismi, sacerdos dicit orationem **Dómine Iesu Christe, qui dixisti;** ac deinde

subiungit: **Pax Dómini sit semper vobíscum**, cui minister respondeat: **Et cum spíritu tuo.** Pro opportunitate autem sacerdos dat pacem ministro.

**226.** Deinde, dum dicit **Agnus Dei** cum ministro, sacerdos frangit hostiam super patenam. Expleto **Agnus Dei**, facit immixtionem, dicens secreto: **Hæc commíxtio.**

**227.** Post immixtionem, sacerdos dicit secreto orationem **Dómine Iesu Christe, Fili Dei vivi vel Percéptio;** deinde genuflectit, hostiam accipit, et, si minister Communionem recipit, versus ad eum et hostiam aliquantulum elevatam super patenam tenens, dicit: **Ecce Agnus Dei et cum ipso semel subdit: Dómine, non sum dignus.** Deinde, ad altare conversus, Corpus Christi sumit. Si vero minister Corpus Christi non participat, facta genuflexione, sacerdos hostiam accipit et, ad altare conversus, semel dicit secreto: **Dómine, non sum dignus,** et Corpus Christi sumit. Sumptio Sanguinis Christi fit ut in Ordine Missæ cum populo describitur.

**228.** Antequam Communionem det ministro, sacerdos dicit antiphonam ad Communionem.

**229.** Purificatio calicis fit ad latus altaris. Deinde calix potest aut ad abacum a ministro deferri, aut in altari, ut initio, poni.

**230.** Purificatione calicis expleta, sacerdos aliquam paucam silentii servare potest; postea vero dicit orationem post Communionem.

## Ritus conclusionis

**231.** Ritus conclusionis perficiuntur sicut in Missa cum populo, omissa tamen **Ite, missa est.**

#### IV. QUÆDAM NORMÆ GENERALIORES PRO OMNIBUS FORMIS MISSÆ

##### De veneratione altaris et libri Evangeliorum

**232.** Iuxta morem in liturgia traditum, veneratio altaris et libri Evangeliorum osculo perficitur. Attamen, ubi huiusmodi signum plene non congruit cum traditionibus aut ingenio alicuius regionis, ibi est Conferentiae Episcopalis aliud signum statuere in vicem illius adhibendum, hac de re certiore facta Sede Apostolica.

##### De genuflexione et inclinatione

**233.** Tres genuflexiones fiunt in Missa, hoc est: post ostensionem hostiæ, post ostensionem calicis et ante Communionem.

Si vero tabernaculum cum sanctissimo Sacramento sit in presbyterio, genuflectitur etiam ante et post Missam, et quoties quis ante Sacramentum transit.

**234.** Duæ species inclinationum habentur, scilicet capitis et corporis:

a) Inclinatio capitis fit cum tres Divinæ Personæ simul nominantur, et ad nomen Iesu, B. Mariæ Virginis et Sancti in cuius honorem dicitur Missa.

b) Inclinatio corporis, seu inclinatio profunda, fit: ad altare, si tabernaculum cum SS. Sacramento non adsit; ad orationes *Munda cor meum* et *In spírito humilitatis*; in symbolo ad verba *Et incarnatus est*; in Canone romano ad verba *Súpplices te rogámus*. Eadem inclinatio fit a diacono, cum petit benedictionem ante proclamationem Evangelii. Sacerdos insuper parum se inclinat cum, in consecratione, verba Domini profert.

##### De incensatione

**235.** Incensum ad libitum adhiberi potest in qualibet forma Missæ:

- a) durante processione ingressus;
- b) initio Missæ, ad altare turificandum;
- c) ad processionem et ad proclamationem Evangelii;
- d) ad offertorium, ad turificanda oblata, altare, sacerdotem et populum;
- e) ad ostensionem hostiæ et calicis post consecrationem.

**236.** Sacerdos incensum in turibulum imponit, illudque benedit signo crucis, nihil dicens.

Incensatio altaris fit hoc modo:

- a) Si altare est a pariete seiunctum, sacerdos illud circumeundo incensat.
- b) Si altare non est a pariete seiunctum, sacerdos transeundo incensat primo partem dexteram, deinde partem sinistram altaris.

Crux si est super altare vel apud ipsum, turificatur ante altare; si vero est post altare, sacerdos eam incensat cum transit ante ipsam.

##### De purificatione

**237.** Quoties aliquod fragmentum hostiæ digitis adhæserit, præcipue post fractionem vel fidelium Communioneum, sacerdos digitos super patenam abstergeat vel pro necessitate abluat. Similiter fragmenta, si quæ extra patenam sint, colligat.

**238.** Vasa sacra purificantur a sacerdote vel a diacono vel ab acolytho post Communioneum vel post Missam, quantum fieri potest ad abacum. Purificatio calicis fit cum vino

et aqua, vel cum aqua tantum, quæ ab ipso qui purificat, sumitur. Patena de more purificatorio dergeatur.

**239.** Si hostia vel aliqua particula dilabatur, reverenter accipiatur; si quid vero Sanguinis fundatur, locus ubi ceciderit aqua lavetur, et hæc aqua postea in sacrarium mittatur.

### De Communione sub utraque specie

**240.** Formam ratione signi pleniorum habet sacra Communionis cum fit sub utraque specie. In ea enim forma signum eucharistici convivii perfectius elucet, et clarissim exprimit voluntas qua novum et æternum testamentum in Sanguine Domini ratum habetur, necnon ratio inter convivium eucharisticum et convivium eschatologicum in regno Patris.<sup>68</sup>

**241.** Curent sacri pastores fidelibus, qui ritum participant, vel ei intersunt, aptiore quo fieri potest modo doctrinam catholicam de forma sacrae Communionis in mentem revocare iuxta Concilium Tridentinum. In primis christifideles moneant fidem catholicam docere etiam sub altera tantum specie totum atque integrum Christum verumque Sacramentum sumi, ac propterea, quod ad fructum attinet, nulla gratia necessaria ad salutem eos defraudari qui unam speciem solam recipient.<sup>69</sup>

Doceant insuper, Ecclesiam potestatem habere in Sacramentorum dispensatione, salva eorum substantia, statuendi vel mutandi quæ ipsorum venerationi vel suscipientium utilitati pro rerum, temporum et locorum varietate magis expedire iudicaverit.<sup>70</sup> Simul tamen fideles moneantur ut sacrum ritum, quo signum eucharistici convivii plenius elucet, impensius participare velint.

<sup>68</sup> Cf. S. Congr. Rituum, Instructio Eucharisticum mysterium, 25 maii 1967, n. 32; A.A.S. 59 (1967) p. 558.

<sup>69</sup> Cf. Conc. Trid., Sess. XXI, Decr. de Communione eucharistica, capp. 1-3; DS 1725-1729.

<sup>70</sup> Cf. *ibid.*, cap. 2: DS 1728.

**242.** De iudicio Ordinarii, et debita catechesi præmissa, Communio calicis permittitur in sequentibus casibus:<sup>71</sup>

1) neophytis adultis in Missa quæ Baptismum subsequitur; confirmatis adultis in Missa suæ Confirmationis; baptizatis qui in Ecclesiæ communionem recipiuntur;

2) sponsis in Missa sui Matrimonii;

3) diaconis in Missa suæ Ordinationis;

4) abbatissæ, in Missa suæ benedictionis; virginibus, in Missa suæ consecrationis; professis eorumque parentibus, propinquis et confratribus, in Missa primæ, renovatae aut perpetuae religiosæ professionis, dummodo vota intra Missam emitant aut renovent;

5) iis qui ministerio quodam instituti sunt, in Missa suæ institutionis; coadiutoribus missionariis laicis, in Missa qua modo publico mittuntur; necnon aliis, in Missa in qua missionem ecclesiasticam accipiunt;

6) in administratione Viatici, infirmo et omnibus astantibus, cum Missa ad normam iuris in domo infirmi celebratur;

7) diacono et ministris, officium suum in Missa implentibus;

8) cum concelebratio fit:

a) omnibus qui in eadem concelebratione ministerio liturgico funguntur, necnon omnibus seminariorum alumnis qui ei intersunt;

b) in suis autem ecclesiis vel oratoriis, etiam omnibus membris Institutorum consilia evangelica profitentium atque aliarum Societatum in quibus per religiosa vota aut oblationem aut promissionem Deo se devoteant; præterea omnibus qui in domo sodalium illorum Institutorum et Societatum die noctuque commorantur;

9) sacerdotibus, qui magnis celebrationibus intersunt et celebrare vel concelebrare non possunt;

<sup>71</sup> Cf. S. Congr. pro Cultu Divino, Instr. *Sacramentali Communione*. 29 iunii 1970: A.A.S. 62 (1970) pp. 664-667.

10) omnibus qui exercitiis spiritualibus vacant, in Missa quæ, inter hæc exercitia, specialiter pro eiusmodi cœtu actuose participante celebratur; iis omnibus qui participant conventum alicuius cœtus pastoralis, in Missa quam in communi celebrant;

11) iis qui sub numeris 2 et 4 recensentur, in Missa suorum iubilæorum;

12) patrino, matrinæ, parentibus et coniugi necnon catechistis laicis baptizati adulti in Missa initiationis ipsius;

13) parentibus, familiaribus, necnon insignibus benefactoribus qui Missam sacerdotis novensilis participant;

14) sodalibus Communictatum, in Missa conventuali vel « Communictatis », ad normam n. 76 huius Institutionis.

Insuper Conferentiæ Episcopales statuere possunt quantum quibusque iudiciis et condicionebus Ordinarii Communionem sub utraque specie concedere valeant in aliis casibus, qui magnum momentum habent in vita spirituali alii cuius communictatis vel cœtus fidelium.

Intra hos fines, Ordinarii casus particulares indicare possunt, ea tamen lege ne facultas indiscriminatim concedatur, sed ut celebrationes bene definiantur, atque res cavendæ indicentur; vitentur præterea occasiones cum magnus est communicantium numerus. Cœtus quoque, quibus hæc facultas conceditur, sint bene conscripti, ordinati et eiusdem naturæ.

**243.** Ad Communionem sub utraque specie distribuendam, parentur:

a) Si Communio calicis fit cum calamo, calami argentei pro celebrante et pro singulis communicandis, atque vas cum aqua ad calamos purificandos, et patena in qua calami deponantur.

b) Si cum cochleari Sanguis administratur, unum cochlear.

c) Si Communio sub utraque specie per intinctionem distribuitur, cavendum est ne hostiæ sint nimis tenues neque nimis parvæ, sed paulum spissiores solito, ut, Sanguine partim intinctæ, possint commode distribui.

**1. Ritus Communionis sub utraque specie quando Communionem suscipientes directo e calice bibunt.**

**244.** Si adest diaconus vel alius sacerdos assistens vel acolythus:

a) Sacerdos celebrans sumit de more Corpus et Sanguinem Domini, cavens ut in calice satis Sanguinis remaneat pro Communionem suscepturis; et partem externam calicis purificatorio absterget.

b) Sacerdos ministro calicem cum purificatorio tradit, ipse vero sumit patenam vel pyxidem cum hostiis, deinde sacerdos et minister calicis se sistunt ubi magis commode possint fidelibus Communionem præbere.

c) Singuli communicantes accedunt, debitam reverentiam faciunt, et stant coram sacerdote. Ipse hostiam ostendendo dicit: **Corpus Christi**, communicandus autem respondet: **Amen**, et a sacerdote **Corpus Christi** accipit.

d) Communicandus transit ad ministrum calicis et stat coram eo. Minister dicit: **Sanguis Christi**, communicandus respondet: **Amen**, et minister porrigit ei purificatorium et calicem, quem communicandus ipse, pro opportunitate, manibus suis ori admovet. Communicandus, tenens manu sinistra purificatorium sub ore, attendens ne quid Sanguinis defluat, paulum e calice bibit, et postea recessit; minister autem partem externam calicis purificatorio absterget.

e) Si alii adsunt sub una tantum specie Sacramentum suscepturi, minister, postquam omnes qui sub utraque specie communicandi erant e calice biberunt, calicem super altare deponit. Sacerdos vero fideles communicat ac postea reddit ad altare. Quod de Sanguine remansit ipse, vel minister, sumit et purificationes de more peragit.

**245.** Si non adest diaconus neque alius sacerdos assistens neque acolythus:

a) Sacerdos sumit de more Corpus et Sanguinem Domini, cavens ut in calice satis Sanguinis pro Communionem suscepturis remaneat; et partem externam calicis purificatio absterget.

b) Sacerdos deinde se sistit ubi magis commode possit Communionem præbere et Corpus Domini distribuit, more consueto, singulis sub utraque specie communicandis, qui accedunt, debitam reverentiam faciunt et stant coram sacerdote, atque, Corpore Domini accepto, aliquantulum recessunt.

c) Postquam singuli Corpus Domini sumpserunt, sacerdos pyxidem super altare deponit et calicem cum purificatorio accipit. Singuli calicem participaturi iterum ad sacerdotem accedunt, et stant coram eo. Sacerdos dicit: **Sanguis Christi;** communicandus respondet: **Amen**, et sacerdos porrigit ei calicem cum purificatorio. Communicandus purificatorium tenens manu sinistra sub ore, attendens ne quid Sanguinis defluat, paulum e calice babit et postea recedit. Sacerdos partem externam calicis purificatorio absterget.

d) Communione calicis expleta, sacerdos eum super altare deponit, et, si alii sunt sub una tantum specie communicandi, eos more consueto communicat, ac postea reddit ad altare, quod de Sanguine remansit sumit et purificationes de more peragit.

## 2. Ritus Communionis sub utraque specie per intinctionem

**246.** Si adest diaconus vel alius sacerdos assistens vel acolythus:

a) Sacerdos celebrans huic tradit calicem cum purificatorio, ipse vero sumit patenam vel pyxidem cum hostiis; sacerdos cum ministro calicis se sistit ubi magis commode possit Communionem præbere.

b) Singuli communicandi accedunt, debitam reverentiam faciunt et stant coram sacerdote tenentes patinam sub ore. Sacerdos partem hostiæ in calicem intingit et eam ostendendo dicit: **Corpus et Sanguis Christi;** communicandus autem respondet: **Amen**, et a sacerdote Sacramentum recipit, ac postea recedit.

c) Communio aliorum qui sub una tantum specie Sacramentum suscipiunt, sumptio Sanguinis qui remansit et purificationes fiunt ut supra dictum est.

**247.** Si non adest diaconus neque alius sacerdos assistens neque acolythus:

a) Sacerdos, postquam Sanguinem Domini sumpsit, accipit pyxidem vel patenam cum hostiis inter digitos indicem et medium manus sinistræ, et calicem inter pollicem et indicem eiusdem manus, et se sistit ubi magis commode possit Communionem prebere.

b) Singuli communicandi accedunt, debitam reverentiam faciunt et stant coram sacerdote, tenentes patinam sub ore. Sacerdos partem hostiæ in calicem intingit et eam ostendendo dicit: **Corpus et Sanguis Christi;** communicandus autem respondet: **Amen**, a sacerdote Sacramentum recipit, et recedit.

c) Licet etiam parvam mensam tobalea et corporali ornatam loco congruo apponere, super qua sacerdos calicem vel pyxidem deponat, ad distributionem Communionis faciliorem reddendam.

d) Communio aliorum qui sub una tantum specie Sacramentum suscipiunt, sumptio Sanguinis qui remansit et purificationes fiunt ut supra dictum est.

## 3. Ritus Communionis sub utraque specie cum calamo.

**248.** Etiam sacerdos celebrans utitur calamo ad Sanguinem Domini sumendum.

**249.** Si adest diaconus vel alius sacerdos assistens vel acolythus:

a) Ad Communionem Corporis Domini distribuendam, omnia fiunt, ut supra n. 244 b et c dictum est.

b) Communicandus accedit ad ministrum calicis et stat coram eo. Minister dicit: **Sanguis Christi;** communicandus respondet: **Amen**, et calamum accipit, in calicem immittit atque paulum Sanguinis sumit. Extrahit postea calamum, attendens ne quid Sanguinis defluat et immittit in vas cum aqua, quod minister quidam in manibus tenet, atque paulum aquæ hauriens calamum purificat, et eum in alio vase ab ipso ministro prorecto deponit.

**250.** Si non adest diaconus neque alius sacerdos assistens neque acolythus, ipse sacerdos celebrans calicem singulis communicandis offert, ordine supra, pro Communione calicis, descripto (n. 245), et minister apud eum tenet vas cum aqua ad calatum purificandum.

#### 4. Ritus Communionis sub utraque specie cum cochleari.

**251.** Si adest diaconus vel alius sacerdos assistens vel acolythus, hic calicem manu sinistra sustentat et cochleari singulis communicandis, qui patinam sub ore tenent, Sanguinem Domini distribuit, dicens: **Sanguis Christi**, et attendens ne eorum labia aut linguam cochleari tangat.

**252.** Si non adest diaconus neque alius sacerdos assistens neque acolythus, ipse sacerdos celebrans, postquam omnes sub utraque specie communicandi Corpus Domini recepérunt, singulis etiam Sanguinem distribuit.

#### Caput V

### DE ECCLESIARUM DISPOSITIONE ET ORNATU AD EUCHARISTIAM CELEBRANDAM

#### I. Principia generalia

**253.** Ad Eucharistiam celebrandam, populus Dei plerumque in ecclesiam congregatur vel, ea deficiente, in aliud locum honestum qui sit tanto mysterio dignus. Ecclesiæ igitur, aliave loca, ad sacram actionem exsequendam et ad fidelium actuosam participationem obtinendam apta sint. Ædes sacræ insuper et res ad cultum divinum pertinentes vere sint dignæ, pulchræ, atque rerum supernarum signa et symbola.<sup>72</sup>

**254.** Proinde, Ecclesia nobile ministerium artium continenter querit, et omnium gentium atque regionum artis significaciones admittit.<sup>73</sup> Immo, sicut studet artis opera atque thesauros a sæculis anteactis tradita servare<sup>74</sup> et, quatenus opus est, novis necessitatibus aptare, nova cuiusque ætatis indoli consona promovere contendit.<sup>75</sup>

Quapropter in instituendis artificibus necnon in selenis operibus in ecclesiam admittendis, vera artis præstantia exquiratur, quæ fidem et pietatem alat et cum veritate significationis et finis cui destinatur congruat.

**255.** Præstat ecclesias sollemniter consecrari. Fideles autem ecclesiam cathedralē suæ dioceseos et suam eccl-

<sup>72</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 122-124; Decr. de Presbyterorum ministerio et vita, *Presbyterorum ordinis*, n. 5; S. Congr. Rituum, Instructio *Inter Ecumenici*, 26 sept. 1964, n. 90; *A.A.S.* 56 (1964) p. 897; Instructio *Eucharisticum mysterium*, 25 maii 1967, n. 24; *A.A.S.* 59 (1967) p. 554.

<sup>73</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 123.

<sup>74</sup> Cf. S. Congr. Rituum, Instructio *Eucharisticum mysterium*, 25 maii 1967, n. 24; *A.A.S.* 59 (1967) p. 554.

<sup>75</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 123, 129; S. Congr. Rituum, Instructio *Inter Ecumenici*, 26 sept. 1964, n. 13 c; *A.A.S.* 56 (1964) p. 880.

<sup>76</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 123.

siam debito honore prosequantur, et eas veluti signum spiritualis illius Ecclesiæ habeant, ad quam ædificandam et dilatandam ex professione sua christiana destinantur.

**256.** Ad sacras ædes recte exstruendas, reficiendas atque disponendas, omnes quorum interest Commissionem dicecesanam de sacra Liturgia et de Arte sacra consultant. Ordinarius autem loci eiusdem Commissionis consilio et adiutorio utatur, quando agitur de normis in hac re tradendis, aut de novarum ædium adumbrationibus approbandis aut de quibusdam quæstionibus nonnullius momenti diuidandis.<sup>77</sup>

## II. De ecclesiæ ordinatione ad sacram synaxim

**257.** Populus Dei, qui ad Missam congregatur, cohærentem et hierarchicam habet ordinationem, quæ diversis ministeriis diversaque actione pro singulis celebrationis partibus exprimitur. Generalis itaque dispositio ædis sacræ ea sit oportet quæ cœtus congregati imaginem quodammodo præ se ferat, atque congruam omnium ordinationem permittat necnon rectam muneric executionem uniuscuiusque foveat.

Fideles atque schola cantorum locum obtinebunt, qui ipsorum actuosam participationem faciliorem reddat.<sup>78</sup>

Sacerdos autem eiusque ministri locum capient in presbyterio, seu in ea parte ecclesiæ, quæ ipsorum munus ostendat, in quo quisque respective orationi præsideat, verbum Dei annuntiet et altari ministret.

Hæc omnia, quamvis hierarchicam dispositionem et numerum diversitatem exprimere debeant, intimam tamen et cohærentem unitatem efficiant, qua unitas totius plebis sanctæ clare eluceat. Natura vero et pulchritudo loci universæque supellectilis pietatem foveant et sanctitatem mysteriorum quæ celebrantur ostendant.

<sup>77</sup> Cf. *ibid.*, n. 126.

<sup>78</sup> Cf. S. Congr. Rituum, Instructio *Inter Ecumenici*, 26 septembris 1964, nn. 97-98: *A.A.S.* 56 (1964) p. 899.

## III. De presbyterio

**258.** Presbyterium ab aula ecclesiæ opportune distinguatur aut per aliquam elevationem, aut per peculiarem structuram et ornatum. Talis autem amplitudinis sit, ut sacri ritus commode peragi possint.<sup>79</sup>

## IV. De altari

**259.** Altare, in quo sacrificium crucis sub signis sacramentalibus præsens efficitur, est etiam mensa Domini, ad quam participandam in Missa populus Dei convocatur; atque centrum gratiarum actionis, quæ per Eucharistiam perficitur.<sup>80</sup>

**260.** Celebratio Eucharistiae, in loco sacro, peragenda est super altare sive fixum sive mobile; extra locum sacrum vero, præsertim si ad modum actus fiat, etiam super mensam convenientem, peragi potest, retentis semper tobalea et corporali.

**261.** Altare fixum dicitur, si ita exstruatur ut cum pavimento cohæreat ideoque amoveri nequeat; mobile vero si transferri possit.

**262.** Altare maius exstruatur a pariete seiunctum, ut facile circumiri et in eo celebratio versus populum peragi possit. Eum autem occupet locum, ut revera centrum sit ad quod totius congregationis fidelium attentio sponte convertatur.<sup>81</sup>

Altare maius de more sit fixum et consecratum.

**263.** Iuxta traditum Ecclesiæ morem et significationem, mensa altaris fixi sit lapidea, et quidem ex lapide naturali. Attamen etiam alia materia digna, solida et affabre effecta, de iudicio Conferentiæ Episcopalis, adhiberi potest.

<sup>79</sup> Cf. *ibid.*, n. 91: *A.A.S.* 56 (1964) p. 898.

<sup>80</sup> Cf. S. Congr. Rituum, Instructio *Eucharisticum mysterium*, 25 maii 1967, n. 24: *A.A.S.* 59 (1967) p. 554.

<sup>81</sup> Cf. S. Congr. Rituum, Instructio *Inter Ecumenici*, 26 septembris 1964, n. 91: *A.A.S.* 56 (1964) p. 898.

Stipites vero aut basis ad mensam sustentandam ex qualibet materia, dummodo sit digna et solida, confici possunt.

**264.** Altare mobile ex quibuslibet materiis nobilibus et solidis, atque usui liturgico, iuxta diversarum regionum traditiones et mores, convenientibus, exstrui potest.

**265.** Altaria tum fixa tum mobilia iuxta ritum in libris liturgicis descriptum consecrantur; altaria tamen mobilia benefici tantum possunt. Nulla vero fit obligatio habendi petram consecratam in altari mobili aut in mensa, supra quam extra locum sacrum celebratio peragatur (cf. n. 260).

**266.** Usus includendi in altari consecrando, vel depoñendi sub altari, reliquias Sanctorum, etsi non Martyrum, opportune servetur. Caveatur tamen ut de huiusmodi reliquiarum veritate certo constet.

**267.** Altaria minora numero sint pauciora et, in novis ecclesiis, in sacellis ab ecclesiæ aula aliquomodo seiunctis collocantur.<sup>82</sup>

## V. De ornatu altaris

**268.** Ob reverentiam erga celebrationem memorialis Domini et erga convivium in quo Corpus et Sanguis Domini præbentur, super altare saltem una tobalea ponatur, quæ ad formam, mensuram et ornatum quod attinet cum ipsis altaris structura conveniat.

**269.** Candelabra, quæ pro singulis actionibus liturgicis, venerationis et festivæ celebrationis causa, requiruntur, aut super altare, aut circa ipsum, attenta structura tum altaris tum presbyterii, opportune collocantur, ita ut totum concinne componantur, neque fideles impediatur ab iis facile conspiciendis, quæ super altare aguntur vel deponuntur.

**270.** Item super altare vel prope ipsum crux habeatur, quæ a cœtu congregato bene conspiciatur.

<sup>82</sup> Cf. *ibid.*, n. 93; *A.A.S.* 56 (1964) p. 898.

## VI. De sede pro sacerdote celebrante et ministris, seu de loco præsidentiæ

**271.** Sedes sacerdotis celebrantis debet munus eius præsidiendi cœtui atque orationem dirigendi significare. Proinde locus eius magis congruus est versus ad populum in vertice presbyterii, nisi ædis structura vel alia adjuncta id impedian, ex. gr. si propter nimiam distantiam communicatio inter sacerdotem et cœtum fidelium difficultis evadat. Omnis species throni vitetur. Sedes autem pro ministris loco magis apto in presbyterio collocantur, ut ipsi munus sibi concreditum facile implere possint.<sup>83</sup>

## VII. De ambone, seu de loco e quo verbum Dei annuntiatur

**272.** Dignitas verbi Dei requirit ut in ecclesia locus congruus exsistat e quo annuntietur, et ad quem, inter liturgam verbi, attentio fidelium sponte convertatur.<sup>84</sup>

Convenit ut generatim locus huiusmodi sit ambo stabilis et non simplex pluteus mobilis. Ambo, pro cuiusque ecclesiæ structura, ita dispositus esse debet, ut ministri a fidelibus bene conspici et audiri possint.

Ex ambone proferuntur lectiones, psalmus responsorius atque præconium paschale; item proferri possunt homilia et oratio universalis seu oratio fidelium.

Minus vero congruit ad ambonem ascendere commentatorem, cantorem aut moderatorem chori.

## VIII. De locis fidelium

**273.** Loca fidelium congrua cura disponantur, ut ipsi oculis et animo sacras celebrationes debite participare possint. Expedit ut de more scamna seu sedilia ad eorum usum ponantur. Consuetudo tamen personis quibusdam privatis sedes reservandi reprobanda est.<sup>85</sup> Sedilia autem

<sup>83</sup> Cf. *ibid.*, n. 92; *A.A.S.* 56 (1964) p. 898.

<sup>84</sup> Cf. *ibid.*, n. 96; *A.A.S.* 56 (1964) p. 899.

<sup>85</sup> Cf. Conc. Vat. II, Const. de Sacra Liturgia, *Sacrosanctum Con-*

seu scamna ita disponantur, ut fideles corporis habitus a diversis celebrationis partibus requisitos facile sumere possint et expedite ad sacram Communionem recipiendam accedere valeant.

Caveatur ut fideles sive sacerdotem sive alios ministros non tantum videre, sed etiam, hodiernis instrumentis technicis adhibitis, commode audire valeant.

#### IX. De loco scholæ et organi vel aliorum instrumentorum musicorum

**274.** Schola cantorum, attenta cuiusque ecclesiæ dispositione, ita collocetur, ut clare appareat eius natura, eam nempe fidelium communitatis congregatæ partem esse, et peculiare munus agere; eius ministerii liturgici executio facilior evadat; singulis eius sodalibus plena in Missa participatio, idest participatio sacramentalis, commode permittatur.<sup>86</sup>

**275.** Organum autem aliaque instrumenta musica legitime probata apto loco collocentur, ut tum scholæ tum populo cantanti subsidio esse possint, atque, si sola pulsentur, commode ab omnibus audiri queant.

#### X. De sanctissima Eucharistia asservanda

**276.** Illud valde commendandum est, locum sanctissimæ Eucharistiae asservandæ exstare in sacello ad privatam fidelium adorationem et precationem idoneo.<sup>87</sup> Quod si hoc fieri non potest, pro cuiusque ecclesiæ structura et iuxta legitimas locorum consuetudines, Sacramentum ponatur aut in aliquo altari aut extra altare in parte ecclesiæ pernibili et rite ornata.<sup>88</sup>

cilium, n. 32; S. Congr. Rituum, Instructio *Inter Ecumenici*, 26 septembris 1964, n. 98: A.A.S. 56 (1964) p. 899.

<sup>86</sup> S. Congr. Rituum, Instructio *Musicam sacram*, 5 martii 1967, n. 23: A.A.S. 59 (1967) p. 307.

<sup>87</sup> S. Congr. Rituum, Instructio *Eucharisticum mysterium*, 25 maii 1967, n. 53: A.A.S. 59 (1967) p. 568; Rituale Romanum, De sacra Communione et de cultu mysterii eucharistici extra Missam, ed. typ. 1973, n. 9.

<sup>88</sup> Cf. S. Congr. Rituum, Instr. *Eucharisticum mysterium*, 25 maii

**277.** Sanctissima Eucharistia asservetur in unico tabernaculo solido atque inviolabili. Quare, de more, in singulis ecclesiis, unicum tabernaculum habeatur.<sup>89</sup>

#### XI. De imaginibus fidelium venerationi propositis

**278.** Domini, beatæ Mariæ Virginis et Sanctorum imagines, iuxta antiquissimam Ecclesie traditionem, in ædibus sacris fidelium venerationi legitime proponuntur. Caveatur tamen, hinc ne eorum numerus nimis augeatur, hinc ut earum dispositio debito ordine fiat, ne fidelium attentionem ab ipsa celebratione avocent.<sup>90</sup> Unius autem eiusdemque Sancti plus quam una imago ne habeatur. Generatim in ornamento et dispositione ecclesie, ad imagines quod attinet, pietati communis propiciatur.

#### XII. De generali loci sacri dispositione

**279.** Ornatus ecclesiæ ad nobilem ipsius simplicitatem conferat, potius quam ad pompam. In elementis autem selligendis quæ ad ornatum pertinent, rerum veritas curetur, atque eo contendatur, ut ad fidelium institutionem conferat et ad dignitatem totius loci sacri.

**280.** Apta ecclesiæ eiusque adiunctorum dispositio, quæ necessitatibus nostræ ætatis opportune respondeat, requirit ut non ea solummodo curentur quæ ad sacras actiones celebrandas directius pertineant, sed ut ea quoque prævideantur, quæ ad fidelium convenientem commoditatem tendunt, quæque in locis ubi cœtus congregantur habitualiter prævideri solent.

1967, n. 54: A.A.S. 59 (1967) p. 568; Instructio *Inter Ecumenici*, 26 sept. 1964, n. 95: A.A.S. 56 (1964) p. 898.

<sup>89</sup> Cf. S. Congr. Rituum, Instructio *Eucharisticum mysterium*, 25 maii 1967, n. 52: A.A.S. 59 (1967) p. 568; Instructio *Inter Ecumenici*, 26 sept. 1964, n. 95: A.A.S. 56 (1964) p. 898; S. Congr. de Sacramentis, Instructio *Nullo umquam tempore*, 28 maii 1938, n. 4: A.A.S. 30 (1938) pp. 199-200; Rituale Romanum, De sacra Communione et de cultu mysterii eucharistici extra Missam, ed. typ. 1973, nn. 10-11.

<sup>90</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 125.

## Caput VI

DE IIS QUÆ AD MISSÆ  
CELEBRATIONEM REQUIRUNTUR

## I. De pane et vino ad Eucharistiam celebrandam

**281.** Exemplum Christi secuta, Ecclesia panem et vinum cum aqua ad celebrandum dominicum convivium semper adhibuit.

**282.** Panis ad Eucharistiam celebrandam debet esse triticus, iuxta traditionem totius Ecclesiæ, et azymus iuxta traditionem Ecclesiæ latinæ.

**283.** Ratio signi postulat ut materia celebrationis eucharisticæ revera ut cibus appareat. Expedit ergo ut panis eucharisticus, quamvis azymus et forma tradita confectus, tali modo efficiatur, ut sacerdos in Missa cum populo celebrata revera hostiam frangere possit in diversas partes, easque saltem aliquibus fidelibus distribuere. Parvæ tamen hostiæ minime excluduntur, quando numerus sacram Communio nem sumentium aliaeque rationes pastorales id exigunt. Gestus autem fractionis panis, quo simpliciter Eucharistia designabatur tempore apostolico, apertius manifestabit vim et momentum signi unitatis omnium in uno pane, et caritatis ex eo quod unus panis inter fratres distribuitur.

**284.** Vinum pro celebratione eucharistica debet esse ex genimine vitis (cf. Lc 22, 18), naturale et merum, id est extraneis substantiis non admixtum.

**285.** Sedula cura caveatur ut panis et vinum ad Eucharistiam destinata perfecto statu conserventur; id est, caveatur ne vinum acescat, neve panis corrumpatur vel nimis durus fiat, ita ut difficulter frangi possit.

**286.** Si post consecrationem aut cum Communionem sumit, sacerdos animadvertat vinum non fuisse infusum, sed aquam, deposita aqua in aliquo vase, vinum cum aqua in-

fundat in calicem, illud consecret, partem narrationis dicens quæ ad consecrationem calicis pertinet, quin tamen teneatur iterum panem consecrare.

## II. De sacra suppellectile in generе

**287.** Sicut pro ecclesiis ædificandis, ita et pro sacra suppellectile universa, Ecclesia genus artis cuiusque regionis admittit, et eas aptationes recipit, quæ cum singularum gentium ingenio et traditionibus congruant, dummodo omnia usui ad quem ipsa sacra suppellex destinatur apte respondant.<sup>91</sup>

Etiam in hac parte sedulo curetur nobilis illa simplicitas, quæ cum arte vera optime copulatur.

**288.** In seligendis materiis pro sacra suppellectile, præter eas quæ usu traditæ sunt, eæ quoque admitti possunt, quæ iuxta mentem nostræ æstatis, nobiles æstimantur, durabiles sunt et usui sacro bene accommodantur. Qua de re iudex erit Conferentia Episcopalis pro singulis regionibus.

## III. De vasis sacris

**289.** Inter ea quæ ad Missam celebrandam requiruntur, speciali honore habentur vasa sacra, et inter hæc calix et patena, quibus vinum et panis offeruntur, consecrantur et sumuntur.

**290.** Vasa sacra e materiis solidis et, secundum communem æstimationem cuiusque regionis, nobilibus conficiantur. De qua re iudicabit Conferentia Episcopalis. Præferantur tamen materiæ quæ facile non frangantur neque corrumpantur.

**291.** Calices aliaque vasa, quæ ad recipiendum Sanginem Domini destinata sunt, cuppam habeant ex tali ma-

<sup>91</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 128; S. Congr. Rituum, *Instructio Eucharisticum mysterium*, 25 maii 1967, n. 24: *A.A.S.* 59 (1967) p. 854.

teria confectam, quæ liquida non absorbeat. Pes vero ex aliis materiis solidis et dignis confici potest.

**292.** Vasa sacra, ad hostias recipiendas destinata, uti patena, pyxis, theca, ostensorium et alia huiusmodi, etiam ex aliis materiis, in qualibet regione magis aestimatis, ex. gr. ebure aut aliquibus lignis durioribus, confici possunt, dummodo usui sacro aptæ sint.

**293.** Ad hostias consecrandas unica patena amplior convenienter adhiberi potest, in qua ponatur panis tum pro sacerdote tum pro ministris et fidelibus.

**294.** Vasa sacra ex metallo confecta interius plerumque inaurentur, si ex metallo conflata sint quod robiginem producat; si vero sint ex metallo robagine immuni et auro nobiliore conflata, inauratura non est necessaria.

**295.** Ad formam vasorum sacrorum quod attinet, artificis est ea opportuniore modo conficere, qui moribus respondeat singularum regionum, dummodo ad usum liturgicum, ad quem destinantur, singula vasa sint apta.

**296.** Quoad vasorum sacrorum benedictionem vel consecrationem, serventur ritus in libris liturgicis præscripti.

#### IV. De sacris vestibus

**297.** In Ecclesia, quæ est Corpus Christi, non omnia membra eodem munere funguntur. Hæc diversitas ministeriorum in cultu sacro peragendo exterius manifestatur diversitate sacrarum vestium, quæ proinde signum extare debent muneris cuique ministro proprii. Eadem tamen sacræ vestes ad decorum quoque ipsius actionis sacræ conferant oportet.

**298.** Vestis sacra omnibus ministris cuiusvis gradus communis est alba, circa lumbos cingulo astringenda, nisi tali modo confecta sit, ut corpori adhæreat etiam sine cingulo. Antequam vero alba assumatur, si haec habitum communem

circa collum perfecte non cooperit, amictus adhibeatur. Alba cum superpelliceo commutari nequit quando planeta vel dalmatica induenda est, aut quando stola adhibetur loco planetæ vel dalmaticæ.

**299.** Sacerdotis celebrantis vestis propria, in Missa aliisque sacris actionibus quæ cum Missa directo conlectuntur, est planeta seu casula, nisi aliud caveatur, super albam et stolam induenda.

**300.** Diaconi vestis propria est dalmatica, super albam et stolam induenda.

**301.** Ministri diacono inferiores albam vel aliam vestem in singulis regionibus legitime probatam induere possunt.

**302.** Stola defertur a sacerdote circa collum et ante pectus pendens; a diacono vero ab humero sinistro per transversum super pectus ducitur ad partem dexteram corporis, ibique retinetur.

**303.** Pluviale, seu cappa pluvialis, assumitur a sacerdote in processionibus aliisque actionibus sacris, iuxta rubricas proprias singulorum rituum.

**304.** Ad formam sacrarum vestium quod attinet, Conferentiæ Episcopales possunt definire et proponere Apostolicæ Sedi aptationes, quæ necessitatibus et moribus singularum regionum respondeant.<sup>92</sup>

**305.** Ad sacras vestes conficiendas, præter traditas materias, fibræ naturales cuiusque loci propriæ adhiberi possunt, necnon aliquæ fibræ artificiales, quæ respondeant dignitati actionis sacræ et personæ. De qua re iudicabit Conferentia Episcopalis.<sup>93</sup>

**306.** Decet pulchritudinem et nobilitatem cuiusque vestis non ex abundantia ornamentorum quæ superadduntur exqui-

<sup>92</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 128.

<sup>93</sup> Cf. *ibid.*

ri, sed e materia quæ adhibeatur et a forma. Ornamenta autem figuræ seu imagines vel symbola præbeant, quæ usum sacrum indicent, remotis iis quæ usum sacrum dedeceant.

**307.** Diversitas colorum in sacris vestibus eo contendit, ut hinc proprietas mysteriorum fidei celebrandorum, hinc sensus progradientis vitæ christianæ, decursu anni liturgici, efficacius etiam exterius exprimatur.

**308.** Ad colorem sacrarum vestium quod attinet, servetur usus traditus, nempe:

a) Color albus adhibetur in Officiis et Missis temporis paschalis et Nativitatis Domini; insuper in festis et memoriis Domini, quæ non sint de eius Passione, in festis et memoriis beatæ Mariæ Virginis, Ss. Angelorum, Sanctorum non Martyrum, in festo Omnium Sanctorum (1 nov.), S. Ioannis Baptistæ (24 iunii), S. Ioannis Evangelistæ (27 dec.), Cathedræ S. Petri (22 febr.) et Conversionis S. Pauli (25 ian.).

b) Color ruber adhibetur in dominica Passionis et feria VI Hebdomadæ sanctæ, in dominica Pentecostes, in celebrationibus Passionis Domini, in festis natalicis Apostolorum et Evangelistarum et in celebrationibus Sanctorum Martyrum.

c) Color viridis adhibetur in Officiis et Missis temporis « per annum ».

d) Color violaceus adhibetur tempore Adventus et Quadragesimæ. Assumi potest etiam in Officiis et Missis defunctorum.

e) Color niger adhiberi potest in Missis defunctorum.

f) Color rosaceus adhiberi potest in dominicis **Gaudéte** (III Adventus) et **Lætáre** (IV in Quadragesima).

Conferentiæ tamen Episcopales possunt definire et propонere Apostolicæ Sedi aptationes, quæ necessitatibus et ingenio populorum respondeant.

**309.** Diebus sollemnioribus adhiberi possunt sacræ vestes nobiliores, etsi non sint coloris diei.

**310.** Missæ rituales dicuntur cum colore proprio vel albo vel festivo; Missæ autem pro variis necessitatibus cum colore proprio diei vel temporis aut cum colore violaceo, si indolem pénitentialem manifestant, v. gr. nn. 23, 28, 40; Missæ votivæ cum colore convenienti Missæ quæ celebrantur aut etiam cum colore proprio diei vel temporis.

#### V. De aliis rebus ad usum ecclesiæ destinatis

**311.** Præter vasa sacra aut vestes sacras, pro quibus aliqua peculiariæ materia statuitur, alia supellex, quæ aut ipsi usui liturgico destinatur aut quolibet alio modo in ecclesiam admittitur, digna sit atque respondens fini cui unaquæque res destinatur.

**312.** Sedulo contendatur ut etiam in rebus minoris momenti artis postulata opportune serventur, et nobilis semper simplicitas cum munditie societur.

## Caput VII

## DE MISSA EIUSQUE PARTIBUS ELIGENDIS

**313.** Efficacitas pastoralis celebrationis profecto augebitur, si textus lectionum, orationum et cantuum necessitatibus et præparationi animi et ingenio participantium apte, quantum fieri potest, respondebunt. Quod obtinetur congrue adhibita multiplici facultate electionis, quæ infra describitur.

Sacerdos proinde, in ordinanda Missa, ad commune bonum spiritale cœtus, potius quam ad suum ingenium attendet. Memor sit insuper huiusmodi electionem partium concordi ratione esse faciendam cum ministris aliisque partem aliquam in celebratione exercentibus, fidelibus minime exclusis, in iis quæ ad ipsos magis directo spectant.

Cum vero multiplex afferatur facultas seligendi diversas Missæ partes, necesse est ut ante celebrationem diaconus, lectores, psalmista, cantor, commentator, schola, unusquisque pro sua parte, probe sciant quinam textus ad se spectans adhibeatur, nihilque ex tempore quadammodo eveniat. Harmonica enim ordinatio et executio rituum multum confert ad componendos fidelium animos ad Eucharistiam participandam.

## I. De Missa eligenda

**314.** In sollemitatibus, sacerdos sequi tenetur calendarium ecclesiæ in qua celebrat.

**315.** In dominicis, in feriis Adventus, Nativitatis, Quadragesimæ et Paschæ, in festis et memoriis obligatoriis:

a) si Missa celebratur cum populo, sacerdos sequatur calendarium ecclesiæ in qua celebrat;

b) si Missa celebratur sine populo, sacerdos eligere potest aut calendarium ecclesiæ aut calendarium proprium.

## 316. In memoriis ad libitum:

a) In feriis Adventus a die 17 ad 24 decembris, diebus infra octavam Nativitatis et in feriis Quadragesimæ, exceptis feriis IV Cinerum et Hebdomadæ sanctæ, sacerdos dicit Missam de die liturgico occurrente; de memoria autem in calendario generali eo die forte inscripta sumere potest collectam, dummodo non occurrat feria IV Cinerum aut feria Hebdomadæ sanctæ.

b) In feriis Adventus ante diem 17 decembris, in feriis temporis Nativitatis a die 2 ianuarii et in feriis temporis paschalisi, sacerdos eligere potest aut Missam de feria, aut Missam de Sancto, vel de uno e Sanctis quorum fiat memoria, aut Missam de aliquo Sancto eo die in Martyrologio inscripto.

c) In feriis per annum, sacerdos eligere potest aut Missam de feria, aut Missam de memoria ad libitum forte occurrente, aut Missam de aliquo Sancto eo die in Martyrologio inscripto, aut Missam pro variis necessitatibus vel votivam.

Si celebrat cum populo, sacerdos imprimis bono spiritali fidelium studebit, et cavebit ne iis suam propensionem imponat. Curabit præcipue ne frequentius et sine sufficienti causa lectiones omittat singulis diebus in lectionario feriali assignatas: Ecclesia enim cupit ut ditior mensa verbi Dei paretur fidelibus.<sup>94</sup>

Ob eandem causam moderate sumet Missas defunctorum: quælibet enim Missa tam pro vivis quam pro defunctis offertur, et in Prece eucharistica memoria defunctorum habetur.

Ubi autem fidelibus cordi sunt memoriae ad libitum beatæ Mariæ Virginis vel Sanctorum, una saltem Missa de his celebretur, ut satisfiat legitimæ eorum pietati.

Cum vero facultas datur eligendi inter memoriam calendario generali inscriptam et memoriam calendario diocesanuo aut religioso insertam, præoptetur, ceteris paribus et iuxta traditionem, memoria particularis.

<sup>94</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 51.

## II. De Missæ partibus eligendis

**317.** In seligendis textibus diversarum partium Missæ tum de Tempore tum de Sanctis, serventur normæ que sequuntur.

### De lectionibus

**318.** Diebus dominicis et festivis assignantur tres lectio-nes, scilicet Prophetæ, Apostoli et Evangelii, quibus populus christianus ad perennitatem operis salutis, secundum mirabilem disciplinam divinam, educatur.

Valde ergo optandum est ut tres lectiones revera fiant; attamen, propter rationes ordinis pastoralis et ex decreto Conferentiæ Episcopalis, alicubi permittitur usus duarum tantum lectionum. Quando tamen electio facienda est inter duas priores lectiones, normæ præ oculis habeantur in Lectionario propositæ, necnon consilium ducendi fideles ad altiorem cognitionem Scripturarum; minime vero attendendum erit tantummodo ad electionem textus brevioris aut facilioris.

**319.** In Lectionario feriali, lectiones proponuntur pro singulis diebus cuiusque hebdomadæ per universum cursum anni: proinde hæ lectiones plerumque sumentur, diebus quibus sunt assignatae, nisi occurrat sollemnitas vel festum.

Si tamen aliquando lectio continua in hebdomada intermittitur ob aliquod festum vel aliquam peculiarem celebrationem, sacerdoti licebit, præ oculis habita ordinatione lectionum totius hebdomadæ, aut partes omittendas una cum aliis componere aut statuere quinam textus aliis præfrendi sint.

In Missis pro peculiaribus cœtibus, sacerdoti licebit textus peculiari celebrationi aptiores eligere, dummodo ex approbati Lectionarii textibus seligantur.

**320.** Peculiaris insuper selectio textuum sacræ Scripturæ datur pro Missis, in quas aliqua Sacraenta vel Sacramen-

talia inseruntur, aut quæ pro quibusdam specialibus renum adiunctis celebrantur.

Huiusmodi Lectionaria ideo statuta sunt, ut per aptiorem verbi Dei auditionem fideles ad mysterium quod participant plenus percipiendum ducantur, et ad incensiorem amorem verbi Dei instituantur.

Textus proinde, qui in cœtu liturgico proferuntur, determinandi sunt præ oculis habitis tum congrua ratione pastorali tum eligendi facultate in hac re facta.

### De orationibus

**321.** Plurimæ præfationes, quibus Missale Romanum dicitur, eo spectant ut argumentum gratiarum actionis in Prece eucharistica variis modis explicetur, et variae rationes mysterii salutis pleniore luce proponantur.

**322.** Electio inter Preces eucharisticas his normis opportune regitur:

a) Prex eucharistica prima, seu Canon Romanus, qui semper adhiberi potest, opportunius dicitur diebus quibus assignantur **Communicantes** propria, aut in Missis quæ **Hanc igitur** propriis ditantur, necnon in festis Apostolorum et Sanctorum, quorum mentio fit in ipsa Prece; itemque diebus dominicis, nisi, ob rationes pastorales, præferatur alia Prex eucharistica.

b) Prex eucharistica secunda, ob peculiares ipsius notas, opportunius sumitur diebus infra hebdomadam, vel in peculiaribus rerum adiunctis.

Quamvis præfatione propria instructa sit, adhiberi potest etiam cum aliis præfationibus, cum iis præsertim quæ mysterium salutis compendiōse repræsentant, v. gr. cum præfationibus de dominicis per annum aut cum præfationibus communib⁹.

Quando Missa pro aliquo defuncto celebratur, adhiberi potest peculiaris formula, suo loco, nempe ante **Meménto étiam**, proposita.

c) Prex eucharistica tertia cum qualibet præfatione dici potest. Eius usus præferatur diebus dominicis et festis.

In hac Prece adhiberi potest peculiaris formula pro defuncto, suo loco inserenda, nempe post verba: **Omnes filios tuos, ubique dispersos, tibi, clemens Pater, miseratus coniunge.**

d) Prex eucharistica quarta præfationem immutabilem habet et summarium plenius historiæ salutis præbet. Adhiberi potest quando Missa præfatione propria caret.

In hanc Precem, ratione structuræ, inseri nequit peculiaris formula pro defuncto.

e) Prex eucharistica præfatione propria instructa adhiberi potest, eadem præfatione retenta, etiam quando in Missa sumenda est præfatio de tempore.

**323.** In qualibet Missa, nisi aliter notetur, dicuntur orationes ipsi Missæ propriæ.

In Missis tamen de memoriis, dicitur collecta vel propria vel de Communi; orationes vero super oblata et post Communionem, nisi sint propriæ, sumi possunt aut e Communi aut e feriis temporis currentis.

In feriis autem per annum, præter orationes dominicæ præcedentis, sumi possunt vel orationes alias dominicæ per annum, vel una ex orationibus pro variis necessitatibus, quæ in missali recensentur. Semper tamen licebit ex iisdem Missis etiam solam collectam adhibere.

Hoc modo amplior copia præbetur textuum, quibus non tantum facultas fit renovandi continue argumenta precatio- nis cœtus liturgici, sed etiam eandem precationem opportune aptandi necessitatibus fidelium, Ecclesiæ et mundi. In potioribus tamen anni temporibus, hæc accommodatio iam fit per orationes iisdem temporibus proprias, in missali, pro singulis feriis, extantes.

### De cantibus

**324.** In eligendis cantibus inter lectiones occurrentibus, necnon cantibus ad introitum, ad offertorium et ad communionem, normæ serventur, quæ suis locis statuuntur.

### De peculiaribus facultatibus

**325.** Præter facultates eligendi quosdam textus aptiores, de quibus in numeris præcedentibus, facultas fit Conferentiis Episcopalibus, in peculiaribus adjunctis, aliquas aptationes indicandi ad lectiones quod attinet, ea tamen lege, ut textus seligantur e Lectionario rite approbato.

## Caput VIII

DE MISSIS ET ORATIONIBUS AD DIVERSA  
ET DE MISSIS DEFUNCTORUM

## I. De Missis et orationibus ad diversa

**326.** Quoniam liturgia Sacramentorum et Sacramentalium id efficit ut fidelibus bene dispositis omnis fere eventus vitæ sanctificetur gratia divina manante ex mysterio paschali,<sup>95</sup> et quoniam Eucharistia est sacramentum sacramentorum, missale suppeditat exempla Missarum et orationum, quæ in diversis occasionibus vitæ christianæ adhiberi possunt pro necessitatibus totius mundi aut Ecclesiæ universæ vel localis.

**327.** Perspecta ampliore facultate eligendi lectiones et orationes, expedit ut Missæ ad diversa moderate, idest quando opportunitas id exigit, adhibeantur.

**328.** In omnibus Missis ad diversa, nisi aliter expresse caveatur, licet adhibere lectiones feriales, necnon cantus inter ipsas occurrentes, si cum celebratione convenient.

**329.** Missæ ad diversa triplicis sunt generis:

a) Missæ rituales, quæ cum celebratione quorundam Sacramentorum vel Sacramentalium conectuntur.

b) Missæ pro variis necessitatibus, quæ assumuntur quibusdam in rerum adiunctis, sive interdum sive statim temporibus occurrentibus.

c) Missæ votivæ, pro fidelium pietate eligendæ, de mysteriis Domini aut in honorem beatæ Mariæ Virginis vel cuiusdam Sancti vel omnium Sanctorum.

<sup>95</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 61.

**330.** Missæ rituales prohibentur in dominicis Adventus, Quadragesimæ et Paschæ, in sollemitatibus, in diebus infra octavam Paschæ, in Commemoratione omnium fidelium defunctorum et in fериis IV Cinerum et Hebdomadæ sanctæ, servatis insuper normis quæ in libris ritualibus vel in ipsis Missis exponuntur.

**331.** E Missis pro variis necessitatibus, ab auctoritate competenti seligi possunt Missæ pro supplicationibus, quæ cursu anni a Conferentia Episcopali statuentur.

**332.** Occurrente aliqua graviore necessitate vel utilitate pastorali, Missa ipsis conveniens celebrari potest, de mandato vel licentia Ordinarii loci, omnibus diebus, exceptis sollemnitatibus, dominicis Adventus, Quadragesimæ et Paschæ, diebus infra octavam Paschæ, Commemoratione omnium fidelium defunctorum et fериis IV Cinerum et Hebdomadæ sanctæ.

**333.** In diebus quibus occurrit memoria obligatoria aut feria Adventus usque ad diem 16 decembris, temporis Nativitatis a die 2 ianuarii, et temporis paschalis post octavam Paschatis, Missæ pro variis necessitatibus et votivæ per se prohibentur. Si autem aliqua vera necessitas vel utilitas pastoralis id postulet, in celebratione cum populo adhiberi possunt Missæ huic necessitatí vel utilitati respondentes, de iudicio rectoris ecclesiae vel ipsius sacerdotis celebrantis.

**334.** In fериis per annum in quibus occurunt memoriae ad libitum vel fit Officium de feria, licet celebrare quamlibet Missam vel adhibere quamlibet orationem ad diversa, exceptis tamen Missis ritualibus.

## II. De Missis defunctorum

**335.** Sacrificium eucharisticum Paschatis Christi pro defunctis offert Ecclesia ut, inter se communicantibus omnibus Christi membris, quæ aliis impetrant spiritalem opem, aliis afferant spei solacium.

**336.** Inter Missas defunctorum primum locum tenet Mis-  
sa exsequialis, quæ celebrari potest omnibus diebus, excep-  
tis sollemnitatibus de præcepto, feria V Hebdomadæ sanctæ,  
Triduo paschali et dominicis Adventus, Quadragesimæ et  
Paschæ.

**337.** Missa defunctorum post acceptum mortis nuntium,  
vel in ultima sepultura defuncti, vel in primo anniversario  
die, celebrari potest etiam diebus infra octavam Nativitatis,  
diebus quibus occurrit memoria obligatoria aut feria quæ  
non sit IV Cinerum aut Hebdomadæ sanctæ.

Aliæ Missæ defunctorum, seu Missæ « cotidianæ » cele-  
brari possunt in fériis per annum, in quibus occurrunt me-  
moriae ad libitum vel fit officium de feria, dummodo pro  
defunctis revera applicantur.

**338.** In Missis exequialibus habeatur de more brevis  
homilia, secluso tamen quovis genere laudationis funebris.  
Homilia etiam in ceteris Missis defunctorum cum populo  
suadetur.

**339.** Incitentur fideles, præsertim e familia defuncti, ut  
per sacram Communione sacrificium eucharisticum pro  
defuncto oblatum participant.

**340.** Si Missa exequialis directo conicitur cum ritu ex-  
sequiarum, dicta oratione post Communionem, et omissa  
rito conclusionis, fit ritus ultimæ commendationis seu va-  
ledictionis; qui ritus nonnisi præsente cadavere celebratur.

**341.** In ordinandis ac seligendis iis partibus Missæ pro  
defunctis, præsertim Missæ exequialis, quæ variari pos-  
sunt (e. gr. orationibus, lectionibus, oratione universalis),  
præ oculis habeantur, ut par est, rationes pastorales, quoad  
defunctum, eius familiam, et astantes.

Specialem insuper rationem habeant pastores de iis qui,  
per occasionem exsequiarum, liturgicis celebrationibus ad-  
sunt vel Evangelium audiunt, sive sunt acatholici sive ca-  
tholici qui Eucharistiam numquam vel vix umquam parti-  
cipant, vel fidem etiam amisisse videntur: sunt enim sacer-  
dotes ministri Evangelii Christi pro omnibus.

## DE ORDINE LECTIONUM MISSÆ PRÆNOTANDA GENERALIA

### I. DE LENTIONARIIS MISSÆ ORDINATIONE GENERALI

#### 1. Principia generalia

**1.** Sacrae Scripturæ affectum, quo Ecclesia studet e sa-  
cris textibus profundorem agnitionem veritatis et uberioris  
suæ vitæ nutrimentum haurire, haud semel Sacrosanctum  
Œcumenicum Concilium Vaticanum II quasi fontem in-  
nuit interioris renovationis populi Dei. Quapropter statuit  
ut in celebrationibus liturgicis recognoscendis « abundan-  
tior, varior et aptior lectio Sacrae Scripturæ instauretur ».<sup>1</sup>  
Et de Missa pressius edixit: « Quo dittior mensa verbi Dei  
paretur fidelibus, thesauri biblici largius aperiuntur, ita ut,  
intra præstitutum annorum spatium, præstantior pars Scrip-  
turarum Sanctarum populo legatur ».<sup>2</sup>

Nec quidem mirum est Sacrosanctum Concilium huius-  
modi principia statuisse. In lectione enim Sacrae Scripturæ,  
quæ in liturgia verbi recitatur et per homiliam exponitur,  
« Deus populum suum alloquitur, mysterium redēptionis  
et salutis patefacit, atque spiritale nutrimentum affert; et  
ipse Christus per verbum suum in medio fidelium præsens  
adest ».<sup>3</sup> Unde fit, ut in Missa Ecclesia « non desinat ex  
mensa tam verbi Dei quam Corporis Christi panem vitæ  
sumere atque fidelibus porrigit ».<sup>4</sup>

<sup>1</sup> Conc. Vat. II, Const. de sacra Lit., *Sacrosanctum Concilium*, n. 35.

<sup>2</sup> *Ibidem*, n. 51.

<sup>3</sup> Institutio generalis Missalis Romani, n. 33.

<sup>4</sup> Conc. Vat. II, Const. dogm. de divina Revel., *Dei verbum*, n. 21.

2. Quæ Concilii mandata nunc servanda veniunt per præsentem Ordinem Lectionum, a « Consilio ad exsequendam Constitutionem de sacra Liturgia » apparatum, quibus tex-tus præbentur legendi in dominicis et festis diebus, in fe-riis per totum anni decursum, necnon in celebrationibus Sanctorum atque in aliis peculiaribus rerum adiunctis.

Mens in hac textuum ordinatione conficienda ea fuit, ut diebus dominicis et festis, quibus nempe populus christia-nus tenetur eucharisticam celebrationem participare, pro-ponerentur loci maioris momenti, quo adstantes fideles pos-sent partes præstantiores verbi Dei revelati, intra congruum temporis spatium, audire. Altera deinde series textuum Sacrae Scripturæ, quæ precedentem quodammodo compleat, proponitur pro feriis. Neutra tamen pars lectionarii ab altera pendet; unde lectionarium dominicale-festivum inde-pendens procedit a lectionario feriali, et vicissim.

Cursus quoque lectionum pro celebrationibus Sancto-rum aut pro Missis ritualibus, votivis vel ad diversa pro-positus propriis legibus regitur.

## 2. De ordinatione Lectionarii pro dominicis et festis diebus

3. Notæ Ordinis Lectionum pro dominicis et festis diebus sunt hæc:

a) Quælibet Missa tres exhibet lectiones: primam ex Antiquo Testamento, alteram ex Apostolo (idest aut ex Epistolis, aut ex Apocalypsi, iuxta diversa tempora anni), tertiam ex Evangelio. Hac ratione optime illustratur uni-tas utriusque Testamenti et historiæ salutis, cuius centrum est Christus in suo paschali mysterio recolendus: quod unum ex præcipuis obiectis catecheseos esse debet. Ceterum, hæc distributio respondet antiquæ traditioni, quæ diu etiam in Occidente servata fuit.

b) Varior et abundantior Sacrae Scripturæ lectio in dominicis et festis diebus ex eo etiam provenit quod pro

his diebus cyclus trium annorum proponitur, ita ut iidem textus solummodo quarto quoque anno legantur.

Singuli anni notantur litteris A, B, C. Ad statuendum autem quinam sit annus A, vel B, vel C, hoc modo pro-ceditur. Per litteram C designatur annus cuius numerus in tres partes æquales dividii potest, quasi cyclus ab anno primo computi christiani initium sumpsisset. Sic annus 1 fuisset annus A, annus 2 annus B, annus 3 annus C, et anni 6, 9, 12 ... iterum annus C. Ita v. g. annus 1968 est annus C, annus vero sequens, scilicet annus 1969, est an-nus A, annus vero 1970 est annus B, et annus 1971 est iterum annus C. Et sic deinceps.

Patet tamen singulos cyclos decurrere iuxta dispositio-nem anni liturgici, nempe a prima hebdomada Adventus, quæ cadit in anno civili præcedente.

c) Principia quæ regunt ordinem lectionum pro die-bus dominicis et festis ea sunt quæ « harmonisationis ex the-mate » vel « lectionis semi-continuæ » vocantur. Unum vel aliud principium adhibetur, secundum diversa anni tem-pora et cuiusque temporis liturgici notas peculiares.

Optima compositio harmonica inter lectiones Veteris et Novi Testamenti tunc habetur, quando eadem ab ipsa Scriptura innuitur, quatenus scilicet doctrina et facta quæ exponuntur in textibus Novi Testamenti relationem plus minusve explicitam habent ad doctrinam et facta Veteris Testimenti. In præsenti Ordine Lectionum, textus Veteris Testimenti seliguntur imprimis ob eorum respondentiam ad textus Novi Testimenti, præsertim vero ad Evangelium, qui in eadem Missa leguntur.

Alterius generis compositio inter textus lectionum sin-gularum Missarum, idest « ex themate », inventitur tempore Adventus, Quadragesimæ et Paschæ, idest iis temporibus, quæ colore vel nota peculiari pollent.

E contra, in dominicis « per annum », quæ notam pe-culiarem præ se non ferunt, textus tum Epistolarum tum Evangeliorum iuxta ordinem lectionis semi-continuæ dispo-nuntur, dum lectio e Vetere Testamento harmonice com-ponitur cum Evangelio.

### 3. De ordinatione Lectionarii ferialis

4. Lectionum ordinatio pro feriis hac ratione facta est:

a) Cyclus pro tempore Quadragesimæ principiis peculiaribus ordinatur, quæ rationem habent notarum ipsius temporis, eius nempe indolis baptismalis et paenitentialis.

b) Pro feriis aliorum temporum, lectiones evangelicae unico disponuntur cyclo, qui singulis annis resumitur. Prima vero lectio, in triginta-quattuor hebdomadis « per annum » duplice cyclo ordinatur, alternis annis legenda. Annus I adhibetur annis imparibus (ex. gr. 1969, 1971, etc.), annus II vero annis paribus (ex. gr. 1970, 1972, etc.).

c) Principia compositionis harmonicæ aut lectionis semi-continuæ eadem ratione ac in lectionario dominicali usurpantur, prout agitur de temporibus notas peculiares præse ferentibus vel non.

### 4. De Lectionario pro celebrationibus Sanctorum

5. Pro celebrationibus Sanctorum duplex proponitur series lectionum:

a) Altera in Proprio, pro sollemnitatibus, festis vel memoriis, præsertim si pro unoquoque ex iis textus proprii inveniuntur. Aliquando tamen aliquis textus, qui magis congruit, ex iis qui in Communi ponuntur, indicatur ut alius præferendus.

b) Altera vero, et quidem amplior, continetur in Communi Sanctorum. In hac parte, prius proponuntur textus magis proprii pro diversis ordinibus Sanctorum (Martyrum, Pastorum, Virginum), deinde vero plurimi textus qui de sanctitate in genere agunt, quique ad libitum valent, quocties remittitur ad Commune pro lectionibus seligendis.

Ad ordinem textuum quod attinet in hac parte, notare iuvabit, eos omnes una simul inveniri, secundum ordinem quo recitandi sunt. Prius igitur inveniuntur textus ex Antiquo Testamento, deinde textus ex Apostolo, postea psalmi et versus inter lectiones occurrentes, denique, textus ex Evan-

geli. Ea autem ratione ita disponuntur, quod inter eos selectio fit ad libitum celebrantis, præ oculis habitis necessitatibus pastoralibus cœtus qui celebrationem participat, nisi aliter expresse notetur.

Cf. etiam ea quæ infra n. 8 e dicuntur.

### 5. De Lectionario pro Missis ritualibus, ad diversa et votivis

6. Eadem dispositio textuum lectionum invenitur pro Missis ritualibus, ad diversa et votivis. Plures nempe textus simul proponuntur, sicut in Communi Sanctorum, facta celebranti facultate lectiones inter eos eligendi, ratione habita omnium adiunctorum et præsertim necessitatis pastoralis cœtus qui participat.

Cf. etiam ea quæ infra n. 8 f dicuntur.

### 6. De potioribus criteriis in seligendis et ordinandis lectionibus adhibitis

7. Praeter hæc principia, quæ ordinationem lectionum in singulis partibus Lectionarii regunt, alia ordinis magis generalis habentur, quæ sic possunt enunciari:

a) Ex momento intrinseco ipsius rei et ex traditione liturgica, in præsenti ordine « quidam libri Scripturæ Sacrae reservantur certis temporibus liturgicis ». Servatur, ex. gr., traditio tam occidentalis (ambrosiana et hispanica) quam orientalis legendi Actus Apostolorum tempore paschali. Exinde optime illustratur totam vitam Ecclesiæ a mysterio paschali initium sumere. Servatur pariter traditio sive occidentalis sive orientalis de legendō Evangelii Ioannis ultimis hebdomadis Quadragesimæ et tempore paschali: est Evangelium « spiritale » quo mysterium Christi altius exponitur.

Lectio Isaiae, præsertim primæ partis, ex traditione assignatur tempori Adventus. Quidam tamen textus eiusdem prophetæ leguntur tempore Nativitatis. Etiam prima Epistola Ioannis eidem tempori assignatur.

b) Circa « longitudinem textuum » via media servatur. Distinctio facta est inter narrationes, quæ aliqua extensione textus indigent et de more a fidelibus attente audiuntur, et textus quos, propter doctrinæ altitudinem, in longum protrahere non licet.

Pro quibusdam vero textibus satis longis, duplex forma prævidetur, longior et brevior, pro opportunitate. In huiusmodi breviationibus faciendis magna cautela adhibita est. In ipso textu impresso versiculi qui omitti possunt opportunitis signis typographicis indicari debent.

c) Ex ratione pastorali vitantur in lectionibus diebus dominicis et sollemnitatibus « textus biblici qui revera difficiliores sunt », sive obiective eo quod altiora problemata litteraria, critica aut exegética movent, sive etiam, quadammodo saltem, eo quod a fidelibus difficilius intellegi possunt. Attamen divitias spiritales textuum non licuit fidelibus abscondere, ex specie quod ab eis difficilius capiantur, quando haec difficultas provenit sive ex insufficienti institutione christiana, qua nullus bonus fidelis carere potest, sive ex insufficienti institutione biblica, qua omnis bonus pastor animarum pollere debet. Non raro aliqua lectio difficilior redditur facilior ex harmonia cum alia lectione eiusdem Missæ.

d) Traditio multarum liturgiarum, ipsa liturgia romana minime exclusa, aliquando consuevit in lectionibus Scripturæ « quosdam versiculos omittere ». Ultro fatendum est huiusmodi omissions non leviter fieri posse, ne sensus textus aut mens et quasi stilos Scripturæ mutilentur. Attamen, cauto quod sensus revera in sua essentia integer maneat, visum est, ex ratione pastorali, etiam in præsenti Ordine prædictam traditionem servare. Secus enim quidam textus plus æquo protraherentur, aut lectiones quæ pro fidelibus non parvæ, immo quandoque magnæ utilitatis spiritualis existunt, integre omitti debuissent, eo quod continent unum alterumve versiculum qui, sub aspectu pastorali, est minoris utilitatis aut quæstiones revera nimis difficiles implicat.

## 7. De facultate seligendi quosdam textus

8. In Lectionario facultas quandoque relinquitur celebranti seligendi unum vel alterum textum legendum, vel seligendi unum textum e pluribus qui simul pro eadem lectione proponuntur. Quod raro evenit in dominicis, in sollemnitatibus et festis, ne color proprius alicuius temporis liturgici evanescat, aut lectio semi-continua alicuius libri indebitè abrumpatur; e contra, huiusmodi facultas facilius datur in celebrationibus Sanctorum et in Missis ritualibus, ad diversa, vel votivis.

Ut omnia debito ordine procedant, attendatur oportet ad ea quæ sequuntur:

a) In Missis in quibus tres lectiones proponuntur, valde optandum est ut tres lectiones revera fiant. Attamen, si Conferentia Episcopalis, ob rationes pastorales, permisit ut duæ tantum lectiones habeantur, electio inter duas priores tali ratione fiat, ne consilium plenius docendi fideles mysterium salutis evacuetur. Quapropter, nisi aliter suo loco caveatur, præferenda est e duabus prioribus lectionibus ea quæ magis harmonice componitur cum Evangelio, vel ea quæ, iuxta præfatum consilium, magis adiuvat ad organicam catechesim per aliquod tempus tradendam, vel ea quæ potest lectionem semi-continuam alicuius libri permettere.

Ex gr., tempore Quadragesimæ, continuitas lectionum Veteris Testamenti proponitur secundum evolutionem historiæ salutis; vel in dominicis « per annum », proponitur lectio semi-continua alicuius Epistolæ. Tunc expedit ut pastor animarum seligat unam vel alteram lectionem modo systematico per plures dominicas subsequentes, ut rationem harmonicam catecheseos statuat; minime vero decet ut sine ordine nunc e Vetere Testamento nunc ex Epistola legat, absque harmonica ordinatione textuum subsequentium.

b) Criterium item pastorale ducere debet ad electionem inter duas formas, quibus idem textus præbetur. Datur enim aliquando forma longior et forma brevior eiusdem

textus. Tunc attendatur oportet ad facultatem audientium auscultandi cum fructu lectionem magis vel minus longam; ad eorum facultatem bene intellegendi aliquos textus difficiliores; ad eorum facultatem audiendi textum magis completem, per homiliam explicandum.

Quando huiusmodi licentia tribuitur, singulis in casibus notatur, per opportunam indicationem ex modo imprimendi textum.

c) Quando autem facultas tribuitur seligendi inter unum vel alium textum iam definitum, attendendum erit ad utilitatem participantium, prout nempe agitur de adhibendo textu, qui facilior est vel magis conveniens cœtu congregato, vel de textu iterando vel reponendo, qui alicui celebrationi tamquam proprius assignatur, alteri vero tamquam ad libitum adhibendus, quoties utilitas pastoralis id suadeat.

Quod evenire potest aut quando timeatur ne aliquis textus quasdam gignat difficultates in aliquo cœtu, aut quando idem textus diebus proximioribus iterum legi debeat die dominica et in feria subsequenti.

d) In Lectionario feriali adhibendo, animadvertere oportet utrum ex aliqua celebratione ea hebdomada occurrente, una alterave lectio eiusdem libri sit omittenda. Tunc prævideat sacerdos, præ oculis habita ordinatione lectionum totius hebdomadæ, aut partes omittendas utpote minoris momenti, aut opportuniorem modum easdem partes cum aliis componendis, quando ipsæ utilitatis sint ad integrum conspectum totius argumenti præbendum.

e) In celebrationibus Sanctorum hæc attendenda sunt:

1) In sollemnitatibus et festis semper adhibendæ sunt lectiones quæ in Proprio vel in Communi ponuntur; celebrationibus calendarii generalis semper lectiones propriae assignantur.

2) In memoriis vero Lectionarium feriale de more adhibeatur.

Attamen aliquando lectiones « propriae » assignantur, id est quæ de ipsa persona Sancti agunt vel de mysterio de quo Missa celebratur; hæc lectiones dicendæ sunt loco lec-

tionum in Lectionario feriali occurrentium. Quoties de huiusmodi lectionibus agitur, in Missali expresse suo loco indicatur.

Pro ceteris autem casibus, lectiones de memoria adhibeantur tantum si peculiares rationes, præsertim indolis pastoralis, id suadeant. Nonnumquam ponuntur lectiones « appropriatæ », quæ scilicet peculiarem aspectum vitæ spiritalis vel actuositatis Sancti in lucem produnt. Plerumque vero indicantur lectiones in Communib[us] extantes, ut electio facilior evadat. Agitur tantum de suggestionibus: loco enim lectionis appropriate vel simpliciter propositæ, quævis alia lectio seligi potest e Communib[us] indicatis.

3) In sollemnitatibus, quando nempe tres lectiones proponuntur, prima seligi debet e textibus Veteris Testamenti, altera ex Apostolo, tertia ex Evangelio, nisi Conferentia Episcopalis statuerit duas tantum esse habendas lectiones.

4) In festis et in memoriis, quando nempe duæ tantum habentur lectiones, prior lectio eligi potest aut e Veteri Testamento aut ex Apostolo; altera vero ex Evangelio. Attamen tempore paschali, iuxta traditum in Ecclesia morum, prior lectio seligatur ex Apostolo, altera, quantum fieri potest, ex Evangelio Ioannis.

5) In omnibus celebrationibus, præterquam e Communib[us] ad quæ in singulis casibus remittitur, lectiones semper eligi possunt, quoties peculiaris ratio id suadeat, e Communi Sanctorum vel Sanctorum.

f) In Missis ritualibus, ad diversa et votivis, cum plures proponantur textus pro eadem lectione, electio fit iisdem criteriis supra relatis pro eligendis lectionibus e Communi Sanctorum.

## 8. De cantibus inter lectiones occurrentibus

9. Post singulas lectiones cantus profertur, iuxta normas in Institutione generali Missalis Romani (nn. 36-40) propositas.

Magni momenti est, inter hos cantus, psalmus, qui primam lectionem sequitur. De more sumatur psalmus qui lectioni assignatur, nisi agatur de lectionibus pro Communi Sanctorum, pro Missis ritualibus, ad diversa et votivis, in quibus electio committitur ipsi sacerdoti celebranti, qui principio utilitatis pastoralis adstantium utetur.

Attamen, ut populus responsum psalmodicum facilius proferre valeat, textus aliqui psalmorum et responsorum pro diversis temporibus anni aut pro diversis Sanctorum ordinibus electi sunt, qui adhiberi valent loco textus lectioni respondentis, quoties psalmus cantu profertur.

Alter cantus, post secundam lectionem ante Evangelium proferendus, aut in unaquaque Missa statuitur et componitur cum Evangelio, aut relinquitur eligendus intra seriem communem alicuius temporis vel Communis.

In Quadragesima, ante et post Versum ante Evangelium, pro opportunitate adhiberi potest una ex his acclamatiōnibus, aut alia his similis: « Laus tibi, Christe, Rex æternæ gloriæ; Laus et honor tibi, Dómine Iesu; Glória et laus tibi, Christe; Glória tibi, Christe, Verbo Dei ».

## 9. In quem finem Ordo lectionum redactus sit

10. Finis in quem redactus est Ordo Lectionum, ex ipsa mente Concilii Vaticani II, est imprimis pastoralis. Ad quem finem attingendum non solum principia quibus novus Ordo innititur, sed ipsi quoque elenchi textuum qui infra ponuntur, iterum iterumque discussa et perpolita sunt cooperantibus ex toto orbe terrarum permagno numero virorum in re exegetica, pastorali, catechetica et liturgica peritorum. Ordo est fructus huius communis laboris.

Spes arridet ut diuturna lectio et explanatio Sacræ Scripturæ populo christiano in celebratione eucharistica ex novo Ordine Lectionum facienda, magna cum efficacia conferat ad finem obtinendum a Concilio Vaticano II iterum atque iterum propositum, et a Summo Pontifice Paulo VI his verbis expressum: « Quæ sane omnia hoc modo ordinata sunt, ut magis ac magis in christifidelibus ea verbi Dei famæ

extimuletur, qua, Spiritu Sancto duce, novi foederis populus ad perfectam Ecclesiae unitatem veluti urgeri videatur. Hisce ita compositis, illud etiam vehementer fore confidimus, ut sacerdotes et fideles simul sanctius animum suum ad Cenam Domini præparent, simul, Sacras Scripturas altius meditati, verbis Domini uberioris in dies alantur. Exinde denique sequetur, ut, iuxta Concilii Vaticani II monita, divinae Litteræ quasi quidam spiritualis vitæ fons perennis, sive præcipuum christianæ doctrinæ tradendæ argumentum, sive demum cuiusvis theologicæ institutionis medulla ab omnibus habeantur ».<sup>5</sup>

## II. DESCRIPTIO ORDINIS LECTIONUM

Quo autem clarior appareat ordinatio totius lectionarii, eiusque compositio cum anno liturgico, en descriptio ipsius Ordinis lectionum in diversis anni temporibus.

### 1. Tempus Adventus

11. 1. « In dominicis ». Lectiones Evangelii notam propriam habent: referuntur ad Adventum Domini in fine temporum (dominica prima), ad Ioannem Baptistam (dominica secunda et tertia), ad eventus qui Nativitatem Domini proxime præparaverunt (dominica quarta).

Lectiones Veteris Testamenti sunt prophetiae de Messia et tempore messianico, præsertim ex libro Isaiae.

Lectiones Apostoli exhortationes et præconia secundum diversas notas huius temporis præbent.

2. « In feriis ». Duplex præbetur series lectionum, altera ab initio usque ad diem 16 decembris adhibenda, altera a die 17 ad diem 24.

In priore parte Adventus habetur lectio libri Isaiae, secundum ordinem libri distributa, haud exclusis textibus

<sup>5</sup> Paulus VI, Constitutio Apostolica *Missale Romanum*, die 3 aprilis 1969 data: A.A.S. 61 (1969) pp. 220-221.

maioris momenti qui etiam in dominicis occurunt. Evangelia horum dierum respectu habito ad primam lectionem selecta sunt.

A feria quinta hebdomadæ secundæ incipiunt lectiones Evangelii de Ioanne Baptista; prima vero lectio est sive continuatio libri Isaiae, sive textus selectus respectu habito ad Evangelium.

Hebdomada ultima ante Nativitatem Domini, ex Evangelio Matthæi (cap. 1) et Lucæ (cap. 1) proponuntur eventus qui Nativitatem Domini immediate præparaverunt. In prima lectione, selecti sunt respectu habito ad Evangelium textus ex diversis libris Veteris Testamenti, inter quos habentur aliqua vaticinia messianica magni momenti.

## 2. Tempus Nativitatis

**12.** 1. « In sollemnitatibus, festis et dominicis ». Pro vigilia et tribus Missis in Nativitate Domini, lectio prophætica desumpta est ex Isaia propheta: hi textus selecti sunt e traditione romana et usque adhuc in pluribus ritibus particularibus permanent. Aliæ lectiones, duabus exceptis, e Missali Romano derivantur.

Dominica infra octavam Nativitatis, pro festo Sanctæ Familiae, Evangelium spectat ad infantiam Iesu, aliæ lectiones ad vitam domesticam.

In Octava Nativitatis et Sollemnitate Sanctæ Dei Genetricis Mariæ lectiones agunt et de Virgine Dei Genetrici (Evangelium et secunda lectio) et de impositione Ss.mi Nominis Iesu, quod festum non iam habetur in calendario (Evangelium et prima lectio).

Dominica secunda post Nativitatem, lectiones tractant de mysterio Incarnationis.

In Epiphania Domini, pro lectione apostolica, textus legitur de vocazione gentium ad salutem.

Dominica post Epiphaniam, in festo Baptismatis Domini, textus selecti sunt de hoc mysterio.

2. « In fériis ». A die 29 decembris, fit lectio continua totius Epistolæ I Ioannis, quæ legi iam cœpit die 27 de-

cembbris, in festo ipsius S. Ioannis et die sequenti in festo Ss. Innocentium.

Evangelia spectant ad manifestationes Domini. Leguntur enim eventus infantiae Iesu ex Evangelio Lucæ (diebus 29 et 30 decembris), caput primum Evangelii Ioannis (31 dec.-5 jan.), et præcipuae manifestationes Domini, e tribus Synopticis (7-12 jan.).

## 3. Tempus Quadragesimæ

**13.** 1. « In dominicis ». Lectiones Evangelii sic dispositæ sunt:

In dominicis prima et secunda, servantur narrationes de Tentatione et de Transfiguratione Domini, quæ tamen secundum tres Synopticos leguntur.

In tribus dominicis sequentibus restituta sunt, pro anno A, Evangelia de Samaritana, de cæco nato et de Lazaro; quæ Evangelia, cum sint maioris momenti, respectu ad initiationem christianam, adhiberi possunt etiam anno B et C, præsertim ubi catechumeni habentur.

Attamen, iuxta votum plurimorum pastorum, anno B et C præbentur etiam alii textus, scilicet: anno B, textus Ioannis de futura glorificatione Christi per Crucem et Resurrectionem; anno C, textus Lucae de conversione.

Lectiones Veteris Testamenti ad historiam salutis referuntur, quæ est unum ex obiectis propriis catecheseos quadragesimalis. Singulis annis habentur series textuum quibus præbentur præcipua elementa illius historiæ ab initio usque ad promissionem novi fœderis; præsertim vero lectiones de Abraham (dominica secunda) et de exitu populi ex Ægypto (dominica tertia).

Lectiones Apostoli ita selectæ sunt, ut lectionibus Evangelii ac Veteris Testimenti respondeant et, quantum fieri potest, inter eas aptior conexus habeatur.

2. « In fériis ». Lectiones ex Evangelio et Vetere Testamento cum mutua relatione ad invicem selectæ sunt, ac diversa « themata » catecheseos quadragesimalis tractant.

Maior pars lectionum Missalis Romani servata est, quoties fieri potuit. Opportunum etiam visum est ordinem magis congruentem restituere inter lectiones Evangelii Ioannis, cuius pars magna, sed sine ordine, hucusque legebatur. Ideo proponitur, inde a feria secunda hebdomadae quartæ, lectio semi-continua Ioannis, in qua habentur textus huius Evangelii qui notis Quadragesimæ plenius respondent.

Cum lectiones de Samaritana, de cæco nato et de Lazaro nunc in dominicis legantur, sed tantum anno A (et ceteris annis ad libitum tantum), provisum est ut et in fe-riis resumi possint: ideo, initio hebdomadarum tertiae, quartæ et quintæ, « Missæ ad libitum » cum illis textibus inser-tæ sunt; quæ lectiones, loco lectionum diei, quavis feria illius hebdomadæ adhiberi possunt.

#### 4. Tempus paschale

**14.** 1. « In dominicis ». Usque ad dominicam tertiam Paschæ, lectiones Evangelii apparitiones Christi suscitati referunt. Ne series narrationum de Domini apparitionibus abrumpatur, lectiones de Bono Pastore, quæ hucusque dominicæ secundæ post Pascha occurrabant, nunc dominicæ quartæ Paschæ (idest tertiae post Pascha) assignantur. In dominicis quinta, sexta et septima Paschæ, excerpta e ser-mone et oratione Domini post ultimam cenam habentur.

Prima lectio desumitur ex Actibus Apostolorum, in cy-clo trium annorum, modo parallelo et progressivo: ita quæ-dam de primævæ Ecclesiæ vita, testimonio et progressu singulis annis præbentur.

Pro lectione apostolica, anno A Epistola I Petri legi-tur, anno B Epistola I Ioannis, anno C Apocalypsis: hi tex-tus cum lætæ fidei et firmæ spei spiritu, qui huic temporis proprius est, maxime consonare videntur.

2. « In feriis ». Lectio prima ex Actibus Apostolorum desumitur ut in dominicis, modo semi-continuo.

Pro Evangelio, infra octavam Paschæ, narrationes appari-tionum Domini leguntur, servatis tamen conclusionibus

Synopticorum in sollemnitate Ascensionis. Deinde lectio semi-continua Evangelii Ioannis, de quo nunc textus indolis potius paschalis sumuntur, ut lectio tempore Quadragesimæ iam habita compleatur. In hac lectione paschali, sermo et oratio Domini post cenam magnam partem habent.

#### 5. Tempus « per annum »

##### A. De ordinatione et electione textuum

**15.** Tempus « per annum » complectitur 33 vel 34 heb-domadas, quæ extra tempora iam memorata occurunt. Incipit feria secunda quæ sequitur dominicam post diem 6 ianuarii occurrentem, et protrahitur usque ad feriam ter-tiam ante Quadragesimam inclusive; iterum incipit feria se-cunda post Dominicam Pentecostes et explicit ante I Ve-speras dominicæ primæ Adventus.

Lectionarium exhibit lectiones pro 34 dominicis et subsequentibus hebdomadis. Attamen aliquando hebdomadæ « per annum » sunt tantum 33. Præterea aliquæ dominicæ aut ad aliud tempus pertinent (dominica in qua fit festum Baptismatis Domini et Dominica Pentecostes), vel ab o-currente sollemnitate impediuntur (ex. gr. Ss.ma Trinitate, D. N. I. C. universorum Rege).

Ad recte ordinandum usum lectionum, quæ pro tempore « per annum » statuuntur, ea quæ sequuntur serventur:

1. Dominica in qua fit festum Baptismatis Domini locum tenet dominicæ I « per annum »; proinde, lectiones hebdo-madæ I inchoantur feria secunda post dominicam quæ post diem 6 ianuarii occurrit.

2. Dominica quæ sequitur festum Baptismatis Domini est secunda « per annum ». Reliquæ ordine progressivo nu-merantur, usque ad dominicam quæ præcedit initium Qua-dragesimæ. Lectiones hebdomadæ in qua occurrit feria quarta Cinerum, post diem quæ illam præcedit intermit-tuntur.

3. Quando lectiones temporis « per annum » post Dominicam Pentecostes resumuntur, ordinantur hoc modo:

a) Si dominicæ « per annum » sunt 34, ea sumuntur hebdomada quæ immediate sequitur hebdomadam cuius lectiones ultimo loco adhibitæ sunt ante Quadragesimam. Ita, ex. gr., si hebdomadæ ante Quadragesimam fuerunt sex, feria secunda post Pentecosten incipitur ab hebdomada septima. Sollemnitas Ss.mæ Trinitatis locum tenet dominicæ « per annum ».

b) Si dominicæ « per annum » sunt 33, omittitur prima hebdomada quæ sumenda esset post Pentecosten, ut retineantur in fine anni textus eschatologici qui ultimis duabus hebdomadis assignantur. Ita, ex. gr., si hebdomadæ ante Quadragesimam fuerunt quinque, feria secunda post Pentecosten, omissa hebdomada sexta, incipitur ab hebdomada septima.

## B. De lectionibus pro diebus dominicis

16. 1. « Lectiones Evangelii »: Dominica II « per annum » Evangelium adhuc refertur ad manifestationem Domini, quam celebravit sollemnitas Epiphaniæ, per pericopam traditionalem de nuptiis in Cana et duas alias item ex Evangelio Ioannis desumptas.

A dominica III incipit « lectio semi-continua » trium Evangeliorum synopticorum; hæc lectio ita ordinatur ut præbeat doctrinam unicuique Evangelio propriam dum evolvitur vita et prædicatio Domini.

Insuper obtinetur ex hac distributione aliqua harmonia inter sensum cuiusque Evangelii et evolutionem anni liturgici. Nam post Epiphaniam leguntur initia prædicationis Domini, quæ optime cohærent cum Baptismate et primis manifestationibus Christi, ut habebatur in lectionibus Epiphaniæ et dominicarum sequentium. In fine autem anni liturgici sponte devenitur ad thema eschatologicum ultimis dominicis proprium: capitula enim Evangeliorum quæ præcedunt narrationem Passionis de hoc themate modo plus minusve extenso tractant.

In anno B inseruntur, post dominicam XVI, quinque lectiones ex capitulo 6 Ioannis (« sermo de pane vitæ »); hæc insertio fit modo connaturali, quia multiplicatio panum ex Evangelio Ioannis locum sumit eiusdem narrationis in Marco. In lectione semi-continua Lucæ anno C primo textui (i. e., dom. III) præmissus est prologus Evangelii, qui auctoris intentionem pulcherrime manifestat, nec alibi locum invenire videbatur.

2. « Lectiones Veteris Testamenti » in relatione cum singulis pericopis evangelicis selectæ sunt, ad vitandam nimiam diversitatem inter lectiones singularum Missarum ac præsertim ad manifestandam unitatem utriusque Testamenti. Relatio autem inter lectiones eiusdem Missæ ostenditur per accuratam selectionem titulorum qui singulis lectionibus præponuntur.

Selectio, in quantum fieri potuit, ita facta est ut lectiones sint breves et faciles. Sed provisum est etiam ut legantur in dominicis quamplurimi ex textibus Veteris Testamenti qui sunt maximi momenti. Qui quidem secundum opportunitatem lectionis evangelicæ, i. e. sine logico ordine, distribuuntur; attamen thesaurus verbi Dei ita aperietur ut omnibus Missam dominicalem participantibus fere omnes præcipuæ paginæ Veteris Testamenti notæ fiant.

3. « Pro Epistolis » proponitur lectio semi-continua Epistoliarum Pauli et Iacobi (Epistolæ Petri et Ioannis leguntur tempore paschali et tempore Nativitatis Domini).

Epistola 1 ad Corinthios, cum sit sat longa, et de quæstionibus diversis tractet, distributa est inter tres annos cycli, initio huius temporis « per annum ». Item opportunum visum est dividere Epistolam ad Hebreos in duas partes, quarum prior anno B, altera anno C legatur.

Notetur selectas esse tantum lectiones sat breves et haud nimis difficiles ut a fidelibus intellegantur.

Tabella infra posita (p. 127) indicat distributionem Epistoliarum inter dominicas « per annum » pro tribus annis cycli.

4. Lectiones dominicæ XXXIV et ultimæ celebrant Christum universorum Regem, typo Davidis adumbratum, inter humiliationes Passionis et Crucis proclamatum, in Ecclesia regnantem, et in fine temporum redditum.

### C. De lectionibus pro feriis

17. 1. « Evangelia » sic ordinantur ut legatur primo Marcus (hebd. I-IX), deinde Matthæus (hebd. X-XXI), deinde Lucas (hebd. XXII-XXXIV). Capitula autem 1-12 Marci integre leguntur, prætermis tantum illis duabus pericopis capituli sexti quæ alii temporibus in feriis leguntur. De Matthæo et Luca leguntur omnia quæ in Marco non habentur. Bis vel ter leguntur ea omnia quæ sive in diversis Evangeliiis colorem omnino proprium habent, sive necessaria sunt ad decursum Evangelii bene intellegendum. Sermo eschatologicus habetur totus in Luca, et sic legitur in fine anni liturgici.

2. « Lectio prima » sic fit ut habeatur per aliquot hebdomadas alterum Testamentum, deinde alterum, secundum longitudinem librorum qui leguntur.

a) Ex libris « Novi Testamenti » leguntur partes sat amplæ, ut detur quasi substantia singularium Epistolarum. Attamen omittuntur loci in quibus tractantur questiones minus utilles sub aspectu pastorali pro nostra ætate, ex. gr.: de glossolalia vel de antiquiore disciplina Ecclesiæ.

b) De « Vetere Testamento » haberi non possunt nisi loci selecti qui singulorum librorum indolem, quantum fieri potest, manifestent. Textus historici sic selecti sunt ut habeatur conspectus historiæ salutis ante Incarnationem Domini. Narrationes vero nimis longæ vix dari poterant: aliquando selecti sunt versus qui lectionem non nimis longam efficerent. Insuper significatio religiosa eventuum historiorum aliquoties illustratur per quosdam textus ex libris Sapientialibus usurpatos, ad modum procemii vel conclusionis cuidam seriei historicæ insertos.

Pæne omnes libri Veteris Testimenti in Lectionario feriali Proprii de Tempore locum invenerunt. Praetermissi sunt tantum libri propheticæ brevissimi (Abdias, Sophonias) et liber poeticus qui lectioni parum aptatur (Canticum). Inter narrationes ad ædificationem scriptas quæ lectionem sat longam exigent ut intellegantur, leguntur Tobias et Ruth, omissis ceteris (Esther, Iudith). Ex quibus tamen habentur textus in dominicis aut feriis aliorum temporum.

Tabella infra posita (p. 128) indicat distributionem librorum utriusque Testimenti inter ferias per annum pro duobus annis.

c) In fine anni liturgici leguntur libri qui respondent colori eschatologico huius temporis, i. e., Daniel et Apocalypsis.

### III. DE SINGULARUM LECTIONUM APPARATU

In hoc volumine dantur pro singulis lectionibus indicatio et inscriptio textus, titulus et « incipit »; de quibus sequentia sunt animadvertenda:

18. A. « Indicatio » textus (i. e., capituli et versuum) datur semper secundum Vulgatam editionem, addita tamen altera indicatione secundum textum originalem (hebreum vel aramæum vel græcum) quoties adest discrepantia. In versionibus popularibus dari poterit sive prior sive altera numeratio, secundum decreta Auctoritatum pro singulis linguis competentium. Oportet vero ut habeatur semper accurata indicatio capitulorum et versuum, quæ etiam in ipso textu vel ipsius margine opportune referatur.

B. « Inscriptio » textus in celebrazione legenda fiet secundum normas sequentes, quæ tamen immutari poterunt ex decreto Auctoritatum competentium iuxta locorum aut linguarum consuetudines et opportunitates:

1. Dicatur semper « Lectio libri », vel Epistolæ, vel Evangelii, non autem « Initium » (nisi forte in casibus peculiaribus opportunum videatur) aut « Sequentia ».

2. « Nomina librorum » serventur quæ hucusque in Missali Romano habebantur, præter sequentia:

a) ubi sunt duo libri eiusdem nominis, dicatur « Liber primus » et « Liber secundus » (v. g. Regum, Macchabœorum), vel « Epistola prima », « Epistola secunda »;

b) nomen hodie magis usuale adhibeatur pro sequentibus libris:

« Libri I et II Samuelis », pro Libris I et II Regum,  
 « Libri I et II Regum », pro Libris III et IV Regum,  
 « Libri I et II Chronicorum », pro Libris I et II Paralipomenon,

« Libri Esdræ et Nehemiæ », pro Libris I et II Esdræ;

c) distinguantur libri sapientiales, hucusque sub uno nomine « Libri Sapientiæ » designati, cum sequentibus nominibus: Liber Job, Proverbiorum, Qohelet (idest Ecclesiastæ), Cantici Canticorum, Sapientiæ, Siracidæ (idest Ecclesiastici);

d) pro omnibus libris qui in Vulgata inter Prophetas numerantur dicatur « Lectio libri Isaiæ, Ieremiæ ... prophetæ », etiam pro illis qui a quibusdam non habentur ut vere propheticci;

e) dicatur « Liber Lamentationum » et « Epistola ad Hebreos », sine mentione Ieremiæ vel Pauli, cum hodie omnes consentiant Ieremiam et Paulum non esse auctores illorum librorum.

19. C. « Titulus » datur pro singulis textibus attente selectus (plerumque ex ipsis verbis textus) ut et præcipuum thema lectionis indicetur et, ubi necessarium est, nexus inter lectiones eiusdem Missæ ex ipsis titulis appareat.

In versionibus popularibus textus ne dentur sine titulis. Auctoritatis competentiis erit decernere utrum tituli huius voluminis vertendi sint an alii confiendi singulorum populorum ingenio aptiores. Titulo addatur etiam, ubi opportunum videbitur, monitio qua sensus generalis pericopæ apertius explicetur.

20. D. « Incipit » habet primum « verba introductoria » consueta: « In illo tempore », « In diebus illis », « Fratres », « Carissimi », « Hæc dicit Dominus », quæ tamen omittuntur ubi in ipso textu adest sufficiens indicatio temporis aut personarum, vel ubi ex natura textus talia verba non sunt opportuna. Pro singulis linguis popularibus, tales formulæ mutari vel omitti possunt ex decreto Auctoritatum competentium.

Post illa verba datur proprium « initium lectionis », demptis vel additis aliquibus verbis prout fert necessitas intellegendi textus a suo contextu separati. Item dantur congruae indicationes ubi textus ex versibus non continuus constat, si propter hoc mutationes facienda sunt.

21. E. In fine lectionum, ad faciliorem reddendam acclamationem populi, ponantur verba, a lectore proferenda: « Verbum Domini », vel alia locutio eiusdem generis, iuxta locorum consuetudines.

#### IV. DE INTERPRETATIONIBUS POPULARIBUS LECTIONARII CONFICIENDIS

22. Præter ea quæ supra dicta sunt, præsertim nn. 18-20, serventur pro editione interpretationum popularium Lectionarii normæ sequentes:

In omnibus editionibus habeantur textus quibus explicatur « structura et finis » Lectionarii, id est saltem caput I horum « Prænotanda ».

23. Propter molem Lectionarii editiones necessario « pluribus voluminibus » constabunt, pro quibus nulla præscribitur divisio.

Non excluditur antiqua consuetudo edendi librum separatim pro Evangelii et alterum pro Epistolis, i. e. lectionibus Veteris Testamenti et Apostoli.

Sed melius videtur habere separatim Lectionarium dominicale — in quo includi poterunt opportuna excerpta ex

Sanctorali — et Lectionarium feriale. Dominicale autem congrue dividi poterit secundum cyclum trium annorum ut pro singulis annis omnia modo continuo præbeantur.

At aliæ dispositiones quæ forte invenientur ad libitum adhiberi poterunt.

**24.** Textus « cantuum » semper adiungantur lectionibus, præsertim pro celebratione Missarum lectorum; fieri tamen poterunt libri separati in quibus cantus tantum habeantur. Commendatur ut textus imprimatur in strophas divisus.

Quoties lectio diversis partibus constat, clare manifestetur haec « structura textus » in dispositione typographica. Item commendatur ut textus, etiam non poetici, imprimantur in stichos divisi, ut proclamation lectionum facilior fiat, præsertim pro lectoribus parum peritis.

Ubi « longior et brevior » adsunt formæ, dentur separatim ut facile legi possit utraque; ubi vero talis separatio non videbitur opportuna, inveniatur modus quo uterque textus sine errore proclamari valeat.

In omnibus libris detur « index biblicus » pericoparum ad instar illius qui in volumine « Ordinis Lectionum Missæ » habetur.

**25.** Principia, quæ regunt opus interpretationis lectionum biblicarum et cantuum inter eas occurrentium, reperiuntur in Instructione die 25 ianuarii 1969, « De populibus interpretationibus conficiendis », data a « Consilio ad exsequendam Constitutionem de sacra Liturgia » Præsidibus Conferentiarum Episcopali et Commissionum liturgicarum nationalium, et explicata per Declarationem « circa interpretationes textuum liturgicorum "ad interim" paratas », edita in « Notitiæ » 5 (1969) p. 69, quoad obligationem ad Sacram Congregationem pro Cultu Divino transmittendi pro confirmatione etiam interpretationes populares « ad interim » approbatas pro usu liturgico.

## INDEX SIGLORUM

<b>Abd</b>	Liber Abdiæ prophetæ
<b>Act</b>	Actus Apostolorum
<b>Ag</b>	Liber Aggæi prophetæ
<b>Am</b>	Liber Amos prophetæ
<b>Ap</b>	Apocalypsis beati Ioannis apostoli
<b>Bar</b>	Liber Baruch prophetæ
<b>Cant</b>	Canticum canticorum
<b>1 et 2 Chr</b>	Libri I et II Chronicorum (= I et II Paralipomenon)
<b>Col</b>	Epistola beati Pauli apostoli ad Colossenses
<b>1 et 2 Cor</b>	Epistolæ I et II beati Pauli apostoli ad Corinthios
<b>Dan</b>	Liber Danielis prophetæ
<b>Deut</b>	Liber Deuteronomii
<b>Eph</b>	Epistola beati Pauli apostoli ad Ephesios
<b>Esd</b>	Liber Esdræ (= I Esdræ)
<b>Est</b>	Liber Esther
<b>Ex</b>	Liber Exodus
<b>Ez</b>	Liber Ezechielis prophetæ
<b>Gal</b>	Epistola beati Pauli apostoli ad Galatas
<b>Gen</b>	Liber Genesis.
<b>Hab</b>	Liber Habacuc prophetæ
<b>Hebr</b>	Epistola ad Hebræos
<b>Iac</b>	Epistola beati Iacobi apostoli
<b>Ier</b>	Liber Ieremiæ prophetæ
<b>Io</b>	Evangelium secundum Ioannem
<b>1, 2 et 3 Io</b>	Epistolæ I, II et III beati Ioannis apostoli
<b>Job</b>	Liber Job
<b>Joel</b>	Liber Joelis prophetæ
<b>Ion</b>	Liber Ionas prophetæ
<b>Ios</b>	Liber Iosue
<b>Is</b>	Liber Isaiae prophetæ
<b>Iud</b>	Epistola beati Iudæ apostoli

<b>Iudic</b>	Liber Iudicum
<b>Iudt</b>	Liber Iudith
<b>Lam</b>	Lamentationes (= Threni)
<b>Lc</b>	Evangelium secundum Lucam
<b>Lev</b>	Liber Leviticus
<b>1 et 2 Mac</b>	Libri I et II Macchabæorum
<b>Mal</b>	Liber Malachiæ prophetæ
<b>Mc</b>	Evangelium secundum Marcum
<b>Mic</b>	Liber Michaæ prophetæ
<b>Mt</b>	Evangelium secundum Matthæum
<b>Nah</b>	Liber Nahum prophetæ
<b>Neh</b>	Liber Nehemiæ (= II Esdræ)
<b>Num</b>	Liber Numeri
<b>Os</b>	Liber Osee prophetæ
<b>1 et 2 Petr</b>	Epistolæ I et II beati Petri apostoli
<b>Phil</b>	Epistola beati Pauli apostoli ad Philipenses
<b>Phm</b>	Epistola beati Pauli apostoli ad Philemon
<b>Prov</b>	Liber Proverbiorum
<b>Ps</b>	Liber Psalmorum
<b>Qoh</b>	Liber Qohelet (= Ecclesiastes)
<b>1 et 2 Reg</b>	Libri I et II Regum (= III et IV Regum)
<b>Rom</b>	Epistola beati Pauli apostoli ad Romanos
<b>Rut</b>	Liber Ruth
<b>1 et 2 Sam</b>	Libri I et II Samuelis (= I et II Regum)
<b>Sap</b>	Liber Sapientiæ
<b>Sir</b>	Liber Siracide (Ben Sira = Ecclesiasticus)
<b>Soph</b>	Liber Sophoniæ prophetæ
<b>1 et 2 Th</b>	Epistolæ I et II beati Pauli apostoli ad Thessalonicenses
<b>1 et 2 Tim</b>	Epistolæ I et II beati Pauli apostoli ad Timotheum
<b>Tit</b>	Epistola beati Pauli apostoli ad Titum
<b>Tob</b>	Liber Tobiæ
<b>Zac</b>	Liber Zachariæ prophetæ

Dominica	Anno A	Anno B	Anno C
2	1 Ad Corint., 1-4	1 Ad Corint., 6-11	1 Ad Corint., 12-15
3	»	»	»
4	»	»	»
5	»	»	»
6	»	»	»
7	»	2 Ad Corinthios	»
8	»	»	»
9	Ad Romanos	»	Ad Galatas
10	»	»	»
11	»	»	»
12	»	»	»
13	»	»	»
14	»	»	»
15	»	Ad Ephesios	Ad Coloss.
16	»	»	»
17	»	»	»
18	»	»	»
19	»	»	Ad Hebr., 11-12
20	»	»	»
21	»	»	»
22	»	Iacobi	»
23	»	»	Ad Philem.
24	»	»	1 Ad Tim.
25	Ad Philipp.	»	»
26	»	»	»
27	»	Ad Hebræos, 2-10	2 Ad Tim.
28	»	»	»
29	1 Ad Thess.	»	»
30	»	»	»
31	»	»	2 Ad Thess.
32	»	»	»
33	»	»	»

Hebdomada	Anno I	Anno II
1	Ad Hebreos	1 Samuelis
2	»	»
3	»	2 Samuelis
4	»	2 Samuelis; 1 Regum, 1-16
5	Genesis, 1-11	1 Regum, 1-16
6	»	Iacobi
7	Siracles (Ecclesiasticus)	»
8	»	1 Petri; Iudas
9	Tobias	2 Petri; 2 Ad Timotheum
10	2 Ad Corinthios	1 Regum, 17-22
11	»	1 Regum, 17-22; 2 Regum
12	Genesis, 12-50	2 Regum; Lamentationes
13	»	Amos
14	»	Osee; Isaías
15	Exodus	Isaías; Michæas
16	»	Michæas; Ieremias
17	Exodus; Leviticus	Ieremias
18	Numeri; Deuteronomium	Nahum; Habacuc
19	Deuteronomium; Iosue	Ezechiel
20	Judices; Ruth	»
21	1 Ad Thessalonenses	2 Ad Thessalon.;
22	1 Ad Thessalon.;	1 Ad Corinthios
23	Ad Colossenses	1 Ad Corinthios
24	Ad Colossenses	»
25	1 Ad Timotheum	»
26	Esdras; Aggæus; Zacharias	Proverbia;
27	Zacharias; Nehemias; Baruch	Qohelet (Ecclesiastes)
28	Ionas; Malachias; Ioel	Job
29	Ad Romanos	Ad Galatas
30	»	Ad Galatas; Ad Ephesios
31	»	Ad Ephesios
32	Sapientia	Ad Philippienses
33	1 et 2 Macchabæorum	Ad Titum; Ad Phil.
34	Daniel	2 et 3 Ioannis
		Apocalypse
		»



## LITTERÆ APOSTOLICÆ MOTU PROPRIO DATÆ

NORMÆ UNIVERSALES DE ANNO LITURGICO  
ET NOVUM  
CALENDARIUM ROMANUM GENERALE  
APPROBANTUR

PAULUS PP. VI

Mysterii Paschalis celebrationem potissimum habere in religioso christianorum cultu momentum, eandemque per dierum, hebdomadarum totiusque anni explicari cursum, dilucide sacrosancto Concilio Vaticano II docemur. Ex quo sequitur, opus esse, ut idem paschale Christi mysterium in instauratione anni liturgici, cuius normæ ab ipsa Sancta Synodo traditæ sunt,<sup>1</sup> in clariore luce ponatur, sive ad ordinationem Proprii, quod vocant, de Tempore ac de Sanctis, sive ad Calendarii Romani recognitionem quod attinet.

### I

Re enim vera, progradientibus sæculis, factum est, ut tum ex auctis pervigiliis, religiosis festis, eorumque per octo dies celebrationibus, tum ex variis anni liturgici sensim intersertis partibus, ita non numquam peculiaribus pietatis

<sup>1</sup> Cf. Conc. Vat. II, Constitutio de Sacra Liturgia, *Sacrosanctum Concilium*, nn. 102-111.

exercitationibus christifideles uterentur, ut eorum mentes a præcipuis divinæ Redemptionis mysteriis quadamtenus sevocari viderentur.

Sed neminem latet, a Decessoribus Nostris S. Pio X et ven. rec. Ioanne XXIII nonnulla data esse præcepta eo spectantia, ut pariter dies dominica, in suam pristinam dignitatem restituta, vere proprieque « primordialis dies festus »<sup>2</sup> ab omnibus haberetur, pariter liturgica sacrae Quadragesimæ celebratio instauraretur. Neque minus tenetur, Decessorem Nostrum ven. rec. Pium XII decreto facto<sup>3</sup> mandavisse, ut apud Ecclesiam Occidentalem, inter Noctem Paschalem, sollemnis pervigilia redintegraretur; in qua, dum Sacraenta christianæ initiationis celebrarentur, populus Dei cum Christo Domino resurgentे suum renovaret spiritale foedus.

Hi videlicet Summi Pontifices, Sanctorum Patrum institutionem firmiterque catholicæ Ecclesiae traditam doctrinam secuti, rectissime sentiebant, annali Liturgiæ cursu non modo facta commemorari, quibus Christus Iesus salutem nobis moriendo attulit, aut præteriorum rerum gestarum memoriam repeti, quam meditantes christifidelium animi, vel simpliciores, erudirentur et nutriren tur, verum etiam iidem edocebant anni liturgici celebrationem « peculiari sacramentali vi et efficacia pollere ad christianam vitam alendam ».<sup>4</sup> Quod quidem Nosmetipsi et sentimus et profitemur.

Recte igitur ac merito cum « sacramentum Nativitatis Christi »<sup>5</sup> eiusque in mundo agimus manifestationem, illud deprecamur, « ut per eum, quem similem nobis foris agnoscimus, intus reformari mereamur »;<sup>6</sup> et cum eiusdem Christi

<sup>2</sup> Cf. Conc. Vat. II, Constitutio de Sacra Liturgia, *Sacrosanctum Concilium*, n. 106.

<sup>3</sup> Cf. S. Congr. Rituum, Decretum *Dominicæ Resurrectionis*, 9 februarii 1951: *A.A.S.* 43 (1951) pp. 128-129.

<sup>4</sup> S. Congr. Rituum, Decretum generale *Maxima Redemptionis nostræ mysteria*, 16 nov. 1955: *A.A.S.* 47 (1955) p. 839.

<sup>5</sup> S. Leo Magnus, *Sermo XXVII in Nativitate Domini* 7, 1: *PL* 54, 216.

<sup>6</sup> Cf. Missale Romanum (ed. typ. 1962), *Oratio de Epiphania* (Collecta 2 in Baptismate Domini).

Pascha renovamus, a summo Deo poscimus, ut, qui cum Christo sint renati, « sacramentum vivendo teneant, quod fide percepérunt ».<sup>7</sup> Nam, ut Concilii Oecumenici Vatican II verbis utamur, Ecclesia « mysteria Redemptionis ita recolens, divitias virtutum atque meritorum Domini sui, adeo ut omni tempore quodammodo præsentia reddantur, fidelibus aperit, qui ea attingant et gratia salutis repleantur ».<sup>8</sup>

Quam ob rem anni liturgici recognitio, normæque eius instaurationem consequentes, ad nihil aliud pertinent, nisi ut fideles per fidem, spem, caritatem ardenter cum « toto ... Christi mysterio per anni circulum explicato »<sup>9</sup> communicent.

## II

A quo argumento illud haudquaquam dissidere existimamus, etiam festa beatæ Mariae Virginis, « que indissolubili nexu cum Filii sui opere salutari coniungitur »,<sup>10</sup> et memorias Sanctorum, quibus iure merito « dominorum nostrorum Martyrum et Victorum »<sup>11</sup> natalicia accensentur, nitida luminis claritate fulgere; cum « festa Sanctorum mirabilia ... Christi in servis eius prædicent, et fidelibus opportuna præbeant exempla imitanda ».<sup>12</sup> Etenim hoc firmum certumque semper Ecclesiæ catholicæ fuit, Sanctorum festis paschale Christi mysterium nuntiari ac renovari.<sup>13</sup>

Quapropter, cum infitias ire non liceat, labentibus sacerulis, plura quam par esset Sanctorum festa inducta esse, convenienter Sancta Synodus monuit: « Ne festa Sanctorum festis ipsa mysteria salutis recolentibus prævaleant, plura ex his particulari cuique Ecclesiæ vel Nationi vel Religiosæ Familiæ

<sup>7</sup> Cf. Missale Romanum (ed. typ. 1962), *Oratio feriæ III infra octavam Paschæ* (Collecta feriæ II).

<sup>8</sup> Conc. Vat. II, Const. de Sacra Liturgia, *Sacrosanctum Concilium*, n. 102.

<sup>9</sup> Cf. *ibid.*

<sup>10</sup> *Ibid.*, n. 103.

<sup>11</sup> Cf. *Breviarium Syriacum* (sæc. v), ed. B. Mariani, Roma 1956, p. 27.

<sup>12</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 111.

<sup>13</sup> Cf. *ibid.*, n. 104.

relinquantur celebranda, iis tantum ad Ecclesiam universam extensis, quæ Sanctos memorant, momentum universale præ se ferentes ».<sup>14</sup>

Iamvero hæc Concilii Ecumenici decreta ad effectum adducendi causa, hinc nonnullorum Sanctorum nomina a Calendario generali sublata sunt, hinc facultas est concessa, ut aliorum Sanctorum memoriæ, cum libet, agantur, eorumque cultus, in suis cuiusque regionibus tributus, congruenter restituatur. Ex quo natum est, ut quorundam Sanctorum non ubicumque terrarum notorum, a Calendario Romano expunctis nominibus, ibidem nomina recepta sint quorundam Martyrum, in iis ortorum regionibus, ad quas Evangelii nuntium serius manavit; ita ut in eodem indice omnium gentium quidam quasi vicarii, vel profuso pro Christo sanguine, vel præstantissimis adhibitis virtutibus insignes, pari dignitate conspiciantur.

Has ob causas putamus, novum generale Calendarium, ad usum Latini ritus digestum, sive magis cum huius temporis pietatis rationibus et sensibus congruere, sive aptius eam Ecclesiæ proprietatem, qua est universalis, referre; utpote quod præclarissimorum Virorum nomina deinceps proponat, qui perspicua sanctitatis specimina, multiplicibus exultæ modis, cuncto populo Dei apponant. Quod quantum ad spiritalem totius christianæ multitudinis utilitatem conducat supervacaneum est dicere.

Huiusmodi ergo causis diligentissime coram Domino persensis, novum Calendarium Romanum generale a Consilio ad exsequendam Constitutionem de Sacra Liturgia compositum, itemque normas universales ad ordinationem anni liturgici spectantes, Apostolica Nostra auctoritate approbamus, ut a die I mensis Ianuarii proximi anni MCMLXX vigore incipient, iuxta decreta, quæ Sacra Rituum Congregatio coniuncte cum Consilio, de quo mox diximus, fecerit, usque ad illud tempus valitura, quo Missale et Breviarium rite instaurata edita erunt.

<sup>14</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 111.

Quæcumque vero Nostris hisce Litteris motu proprio datis statuta sunt, ea omnia firma ac rata esse iubemus, non obstantibus, quatenus opus sit, Constitutionibus et Ordinationibus Apostolicis a Decessoribus Nostris latis, ceterisque præscriptionibus, etiam mentione et derogatione dignis.

Datum Romæ, apud Sanctum Petrum, die XIV mensis Februarii anno MCMLXIX, Pontificatus Nostri sexto.

PAULUS PP. VI

NORMÆ UNIVERSALES DE ANNO LITURGICO  
ET DE CALENDARIO

Caput I  
DE ANNO LITURGICO

1. Christi opus salutiferum sancta Ecclesia, statis diebus per anni decursum, sacra recordatione celebrat. In unaquaque hebdomada, die quæ dominica appellatur, memoriam agit Resurrectionis Domini, quam semel etiam in anno, maxima Paschæ sollemnitate, una cum beata eius Passione frequentat. Per anni vero circulum Christi totum mysterium explicat nataliciaque Sanctorum commemorat.

Varii autem anni liturgici temporibus, iuxta traditas disciplinas, Ecclesia fidelium eruditionem perficit, per pias animi et corporis exercitationes, instructionem, precationem, pænitentiæ et misericordiæ opera.<sup>1</sup>

2. Principia quæ sequuntur tum ad ritum romanum tum ad omnes alios ritus applicari possunt ac debent, normae tamen practicæ solum ritum romanum spectare intellegendæ sunt, nisi agatur de iis quæ ex ipsa rei natura alios quoque ritus afficiant.<sup>2</sup>

Tit. I - De diebus liturgicis

I. De die liturgico in genere

3. Unusquisque dies sanctificatur liturgicis populi Dei celebrationibus, præsertim vero Sacrificio eucharistico et Officio divino.

<sup>1</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 102-105.

<sup>2</sup> Cf. *ibid.*, n. 3.

Dies liturgicus currit a media nocte ad medium noctem. Celebratio vero dominicæ et sollemnitatum incipit iam vespere diei præcedentis.

## II. De dominica

4. Primo uniuscuiusque hebdomadæ die, quæ dies Domini seu dies dominica nuncupatur, Ecclesia, ex traditione apostolica, quæ originem ducit ab ipsa die Resurrectionis Christi, mysterium paschale celebrat. Itaque dominica uti primordialis dies festus haberi debet.<sup>3</sup>

5. Propter suum peculiare momentum, dominica suam cedit celebrationem solummodo sollemnitibus, necnon festis Domini; dominicæ vero Adventus, Quadragesimæ et Paschæ super omnia festa Domini et super omnes sollemnitates præcedentiam habent. Sollemnitates autem in his dominicis occurrentes, sabbato anticipantur.

6. Dominica excludit per se assignationem perpetuam alius celebrationis. Attamen:

a) Dominica infra octavam Nativitatis Domini, fit festum S. Familia;

b) Dominica post diem 6 ianuarii, fit festum Baptismatis Domini;

c) Dominica post Pentecosten, fit sollemnitas Ss.mæ Trinitatis;

d) Dominica ultima «per annum», fit sollemnitas D. N. I. C. universorum Regis.

7. Ubi autem sollemnitates Epiphaniæ, Ascensionis et Ss.mi Corporis et Sanguinis Christi non sunt de præcepto servandæ, assignentur dominicæ tamquam diei proprio, hac ratione:

a) Epiphania, dominicæ a die 2 ad diem 8 ianuarii occurrenti;

<sup>3</sup> Cf. *ibid.*, n. 106.

b) Ascensio, dominicæ VII Paschæ;

c) Sollemnitas Ss.mi Corporis et Sanguinis Christi, dominicæ post Ss.mam Trinitatem.

## III. De sollemnitibus, festis et memoris

8. Anni circulo, Ecclesia, mysterium Christi celebrando, etiam beatam Dei Genetricem Mariam cum peculiari amore veneratur, memoriasque Martyrum aliorumque Sanctorum pietati fidelium proponit.<sup>4</sup>

9. Sancti qui momentum universale præ se ferunt in Ecclesia universa obligatorie celebrantur; ceteri, aut in calendario inscribuntur ad libitum tamen celebrandi, aut particulari cuique Ecclesiæ, vel nationi, vel religiosæ familiæ, relinquuntur colendi.<sup>5</sup>

10. Celebrations, iuxta momentum quod ipsis tribuitur, ita inter se distinguuntur et nominantur: sollemnitas, festum, memoria.

11. Sollemnites inter dies præcipuos adnumerantur, quorum celebratio incipit a I Vesperis, die præcedenti. Nonnullæ sollemnites etiam Missa propria vigiliæ ditantur, vespere diei præcedentis adhibenda, si Missa horis vespertinis celebratur.

12. Summarum sollemnitatum Paschæ et Nativitatis celebratio per octo dies continuos protrahitur. Utraque octava legibus propriis ordinatur.

13. Festa intra fines diei naturalis celebrantur; proinde non habent I Vesperas, nisi de festis Domini agatur quæ in dominicis «per annum» et temporis Nativitatis occurrent et pro earum Officio substituuntur.

<sup>4</sup> Cf. *ibid.*, nn. 103-104.

<sup>5</sup> Cf. *ibid.*, n. 111.

**14.** Memoriæ sunt obligatoriæ vel ad libitum; earum autem celebratio cum celebratione feriæ occurrentis componitur secundum normas, quæ in Institutionibus generalibus Missalis Romani et de Liturgia Horarum exponuntur.

Memoriæ vero obligatoriæ, quæ occurrunt in feriis Quadragesimæ, solummodo tamquam memoriæ ad libitum celebrari possunt.

Si eodem die plures inscribuntur in calendario memoriae ad libitum, una tantum celebrari potest, omissis ceteris.

**15.** In sabbatis «per annum», in quibus non occurrat memoria obligatoria, fieri potest memoria ad libitum de beata Maria Virgine.

#### IV. De fériis

**16.** Hebdomadae dies, qui post dominicam decurrunt, feriae nuncupantur; diversa tamen ratione celebrantur, iuxta momentum ipsis proprium:

a) Feria IV Cinerum et feriae Hebdomadæ sanctæ, a feria II ad feriam V inclusive, omnibus aliis celebrationibus præferuntur.

b) Feriae Adventus, a die 17 ad diem 24 decembris inclusive, et omnes feriae Quadragesimæ memoriis obligatoriis præferuntur.

c) Ceteræ feriae omnibus sollemnitatibus et festis cedunt et cum memoriis componuntur.

#### Tit. II - De anni circulo

**17.** Totum Christi mysterium per anni circulum ab Ecclesia recolitur, ab Incarnatione usque ad diem Pentecostes et ad exspectationem adventus Domini.<sup>6</sup>

<sup>6</sup> Cf. *ibid.*, n. 102.

#### I. De Triduo paschali

**18.** Cum vero humanæ redemptionis et perfectæ Dei glorificationis opus adimpleverit Christus præcipue per suum paschale mysterium, quo mortem nostram moriendo destruxit et vitam resurgentio reparavit, sacrum paschale Triduum Passionis et Resurrectionis Domini ut totius anni liturgici culmen effulget.<sup>7</sup> Fastigium igitur, quod dies dominica habet in hebdomada, sollemnitas Paschæ habet in anno liturgico.<sup>8</sup>

**19.** Triduum paschale Passionis et Resurrectionis Domini incipit a Missa vespertina in Cena Domini, habet suum centrum in Vigilia paschali, et clauditur Vesperis dominicæ Resurrectionis.

**20.** Feria VI in Passione Domini,<sup>9</sup> et, iuxta opportunitatem, etiam Sabbato sancto usque ad Vigiliam paschalem,<sup>10</sup> ubique celebratur sacrum ieunium paschale.

**21.** Vigilia paschalis, nocte sancta qua Dominus resurrexit, habetur ut «mater omnium sanctorum Vigiliarum»,<sup>11</sup> in qua Ecclesia Christi resurrectionem vigilando exspectat, eamque in sacramentis celebrat. Ergo tota huius sacrae Vigiliae celebratio nocte peragi debet, ita ut vel incipiatur post initium noctis vel finiatur ante diei dominicæ diluculum.

#### II. De tempore paschali

**22.** Quinquaginta dies a dominica Resurrectionis ad dominicam Pentecostes in lætitia et exultatione celebrantur sicut unus dies festus, immo «magna dominica».<sup>12</sup>

Hi sunt dies in quibus præcipue cantatur **Alleluia**.

<sup>7</sup> Cf. *ibid.*, n. 5.

<sup>8</sup> Cf. *ibid.*, n. 106.

<sup>9</sup> Cf. Paulus VI, Const. Apost. *Pænitentiæ*, 17 febr. 1966, II § 3: A.A.S. 58 (1966) p. 184.

<sup>10</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 110.

<sup>11</sup> S. Augustinus, *Sermo* 219: *PL* 38, 1088.

<sup>12</sup> S. Athanasius, *Epist. fest.* 1: *PG* 26, 1366.

23. Dominicæ huius temporis veluti dominicæ Paschæ habentur et, post dominicam Resurrectionis, dominicæ II, III, IV, V, VI, VII Paschæ nuncupantur; concluditur autem hoc sacrum quinquaginta dierum tempus dominica Pentecostes.

24. Octo primi dies temporis paschalis constituant octavam Paschæ et uti sollemnitates Domini celebrantur.

25. Quadragesima die post Pascha celebratur Ascensio Domini, nisi, ubi non est de præcepto servanda, VII dominicæ Paschæ fuerit assignata (cf. n. 7).

26. Feriæ post Ascensionem usque ad sabbatum ante Pentecosten inclusive ad adventum præparant Spiritus Sancti Paracliti.

### III. De tempore Quadragesimæ

27. Tempus Quadragesimæ ordinatur ad præparationem celebrationis Paschæ: liturgia enim quadragesimalis tam catechumenos, per diversos initiationis christianæ gradus, quam fideles, memoriam Baptismi recolentes et pœnitentiæ agentes, componit ad celebrandum paschale mysterium.<sup>13</sup>

28. Tempus Quadragesimæ decurrit a feria IV Cinerum ad Missam in Cena Domini exclusive.

Ab initio Quadragesimæ usque ad Vigiliam paschalem non dicitur *Alleluia*.

29. Feria IV in capite Quadragesimæ, quæ ubique habetur ut dies ieiunii,<sup>14</sup> imponuntur cineres.

30. Dominicæ huius temporis appellantur dominicæ I, II, III, IV, V in Quadragesima. Dominica sexta, in qua initium sumit Hebdomada sancta, dicitur «Dominica in palmis de Passione Domini».

<sup>13</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 109.

<sup>14</sup> Cf. Paulus VI, Const. Apost. *Pœnitentia*, 17 febr. 1966, II § 3: A.A.S. 58 (1966) p. 184.

31. Hebdomada sancta ordinatur ad recolegendam Passionem Christi ab eius ingressu messianico in Ierusalem.

Feria V Hebdomadæ sanctæ, mane, Episcopus, Missam cum suo presbyterio concelebrans, olea sancta benedicit et chrisma conficit.

### IV. De tempore Nativitatis

32. Post annum mysterii paschalis celebrationem, nihil antiquius habet Ecclesia quam memoriam Nativitatis Domini et primarum eius manifestationum recolere: quod fit tempore Nativitatis.

33. Tempus Nativitatis decurrit a I Vesperis Nativitatis Domini usque ad dominicam post Epiphaniam, seu post diem 6 ianuarii, inclusive.

34. Missa in Vigilia Nativitatis adhibetur vespere diei 24 decembris sive ante sive post I Vespertas.

Die autem Nativitatis Domini, Missa ter celebrari potest, secundum antiquam traditionem romanam, scilicet in nocte, in aurora et in die.

35. Nativitas Domini suam habet octavam sic ordinatam:

a) Dominica infra octavam, vel, ea deficiente, die 30 decembris, fit festum S. Familiaæ Iesu, Mariæ et Joseph.

b) Die 26 decembris, fit festum S. Stephani, Protomartyris.

c) Die 27 decembris fit festum S. Ioannis, Apostoli et Evangelistæ.

d) Die 28 decembris, fit festum Ss. Innocentium.

e) Dies 29, 30, 31 sunt dies infra octavam.

f) Die 1 ianuarii, in octava Nativitatis, fit sollemnitas Sanctæ Dei Genetricis Mariæ, in qua commemoratur etiam impositio Ss.mi Nominis Iesu.

36. Dominica a die 2 ad diem 5 ianuarii occurrens est Dominica II post Nativitatem.

37. Epiphania Domini celebratur die 6 ianuarii, nisi, ubi non est de præcepto servanda, assignata sit dominicæ a die 2 ad diem 8 ianuarii occurrenti (cf. n. 7).

38. Dominica post diem 6 ianuarii occurrente, fit festum Baptismatis Domini.

## V. De tempore Adventus

39. Tempus Adventus duplicum habet indolem: est enim tempus præparationis ad sollemnia Nativitatis, in quibus primus Dei Filii adventus ad homines recolitur, ac simul tempus quo per hanc recordationem mentes diriguntur ad exspectionem secundi Christi adventus in fine temporum. His duabus rationibus tempus Adventus se præbet ut tempus devotæ ac iucundæ exspectionis.

40. Tempus Adventus incipit a I Vesperis dominicæ quæ incidunt in diem 30 novembris vel est huic vicinior, et explicit ante I Vespertas Nativitatis Domini.

41. Dominicæ huius temporis nuncupantur dominicæ I, II, III, IV Adventus.

42. Feriæ a die 17 ad diem 24 decembris inclusive modo magis directo ad præparationem Nativitatis Domini ordinantur.

## VI. De tempore « per annum »

43. Præter tempora propriam indolem habentia, triginta tres vel triginta quattuor supersunt hebdomadæ per anni circulum, in quibus non celebratur peculiaris mysterii Christi aspectus; sed potius ipsum mysterium Christi in sua plenitudine recolitur, præsertim vero diebus dominicis. Huiusmodi periodus, tempus « per annum » nuncupatur.

44. Tempus « per annum » incipit feria II quæ sequitur dominicam post diem 6 ianuarii occurrentem et protrahi-

tur usque ad feriam III ante Quadragesimam inclusive; iterum incipit feria II post dominicam Pentecostes et explicit ante I Vespertas dominicæ I Adventus.

Eadem ratione adhibetur series formulariorum, quæ pro dominicis et feriis huius temporis inveniuntur tum in Missali tum in Liturgia Horarum (vol. III-IV).

## VII. De Rogationibus et Quattuor anni Temporibus

45. In Rogationibus et Quattuor anni Temporibus, Ecclesia solet pro variis hominum necessitatibus, imprimis vero pro fructibus terræ et hominum laboribus, Dominum exorare, eique publice gratias referre.

46. Ut Rogationes et Quattuor anni Tempora diversis locorum et fidelium necessitatibus aptari possint, quoad tempus et rationem illa celebrandi a Conferentiis Episcopalibus ordinentur oportet.

De eorum proinde amplitudine celebrationis, per unum vel plures dies protrahendæ, de eorum iteratione per anni decursum, normæ statuantur a competenti auctoritate, attentis necessitatibus localibus.

47. Missa pro singulis diebus harum celebrationum, inter Missas pro variis necessitatibus eligatur, quæ sit magis accommodata supplicationum proposito.

Caput II  
DE CALENDARIO

**Tit. I - De calendario et celebrationibus in eo inscribendis**

**48.** Ordinatio celebrationis anni liturgici calendario regitur, quod est generale vel particulare, prouti statutum est in usum totius ritus romani, vel in usum alicuius Ecclesiae particularis vel familiae religiosae.

**49.** In calendario generali universus cyclus celebrationum inscribitur, tum mysterii salutis in Proprio de tempore, tum eorum Sanctorum qui momentum universale praे se ferunt, et ideo obligatorie ab omnibus celebrantur, tum aliorum qui universalitatem et continuitatem sanctitatis in populo Dei demonstrant.

Calendaria vero particularia celebrations magis proprias continent congruenti ratione cum cyclo generali organice compositas.<sup>1</sup> Singulæ enim Ecclesiæ vel familiae religiosæ Sanctos, qui ipsis sunt peculiari ratione proprii, peculiari honore prosequantur oportet.

Calendaria tamen particularia, a competenti auctoritate componenda, ab Apostolica Sede sunt probanda.

**50.** In componendis calendariis particularibus, ad hæc attendatur:

a) Proprium de tempore, seu cyclus temporum, sollemnitudinum et festorum, quo mysterium Redemptionis in anno liturgico explicatur et colitur, integer semper servetur, et debita præminentia gaudeat super celebrations particulares.

b) Celebrations propriæ organice cum celebrationibus universalibus componantur, attentis ordine et præcedentia in tabula dierum liturgicorum pro singulis indicatis. Ne tamen calendaria particularia plus æquo onerentur, singuli

<sup>1</sup> Cf. S. Congr. pro Cultu Divino, Instr. *Calendaria particularia*, 24 iunii 1970: *A.A.S.* 62 (1970) pp. 651-663.

Sancti unica celebratione in anno liturgico gaudeant, servata, ubi rationes pastorales id suadeant, altera celebratio ne in forma memoriae ad libitum pro translatione aut inventione sanctorum Patronorum aut Fundatorum Ecclesiarum vel familiarum religiosarum.

c) Celebrations indultæ ne sint duplicatio aliarum celebrationum in cyclo mysterii salutis iam occurrentium, neque numero plus æquo augentur.

**51.** Quamvis conveniat ut quævis diœcesis suum Calendarium et Proprium Officiorum atque Missarum habeat, nihil tamen obstat quominus Calendaria et Propria habeantur universæ provinciæ aut regioni aut nationi, vel etiam latiori dicioni, communia, ab iis quorum interest, mutua cooperatione paranda.

Quod principium, æqua ratione, servari potest etiam in calendariis religiosis pro pluribus provinciis eiusdem dictionis civilis.

**52.** Calendarium particulare conficitur inserendo calendario generali sollemnitates, festa et memorias quæ sunt propria, idest:

a) In calendario diœcesano, præter celebrations Patronorum, et Dedicationis ecclesiæ cathedralis, Sancti et Beati, qui cum diœcesi peculiarem habent necessitudinem, ex. gr. originis, commemorationis longioris, obitus.

b) In calendario religioso, præter celebrations Tituli, Fundatori et Patroni, Sancti et Beati, qui illius familiae religiosæ sodales fuerunt vel cum ea peculiarem relationem haberunt.

c) In calendario singularum ecclesiarum, præter celebrations proprias diœcesis aut familiae religiosæ, celebrations ipsius ecclesiæ propriæ, quæ in tabula dierum liturgicorum recensentur, necnon Sancti quorum corpus in eadem ecclesia asservatur. Sodales autem familiarum religiosarum cum communitate Ecclesiæ localis iunguntur in celebrandis anniversario Dedicationis ecclesiæ cathedralis et Patronis principalibus loci et amplioris dictionis ubi degunt.

**53.** Quando aliqua diœcesis vel aliqua familia religiosa pluribus Sanctis et Beatis decoratur, cavendum est ne calendarium universæ diœcesis vel universi Instituti plus aequo gravetur. Proinde:

a) Haberi potest imprimis celebratio communis omnium Sanctorum et Beatorum dioecesis vel familiae religiosæ, vel alicuius ordinis eorum.

b) Singulari celebratione inscribantur calendario tantummodo Sancti vel Beati, qui peculiare momentum præse ferunt pro universa diœcesi vel familia religiosa.

c) Ceteri Sancti et Beati celebrentur tantum iis in locis cum quibus strictiores habent necessitudines, aut ubi eorum corpus asservatur.

**54.** Celebrationes propriæ, nisi aliter pro aliquibus earum in tabula dierum liturgicorum prævideatur, aut peculiares rationes exstant historicæ aut pastorales, ut memoriae obligatoriaæ vel ad libitum inscribantur. Nihil tamen impedit, quominus aliquæ celebrationes pro certis locis modo sollemniore fiant quam in universa diœcesi vel familia religiosa.

**55.** Celebrationes calendario proprio inscriptæ ab omnibus qui ad illud calendarium tenentur servari debent; et nonnisi approbante Apostolica Sede e calendario expungi vel gradu mutari possunt.

## Tit. II - De celebrationum die proprio

**56.** Sanctos consuevit Ecclesia celebrare ipsorum die natalicio: quod opportune servetur etiam in propriis celebrationibus calendario particulari inscribendis.

Attamen, etsi celebrationes propriæ peculiare momentum habent pro singulis Ecclesiis particularibus vel familiis religiosis, valde tamen expedit ut, in celebrandis sollemnitatibus, festis et memoriis obligatoriis, quæ in calendario generali recensentur, unitas, quantum fieri potest, habeatur.

Proinde in celebrationibus propriis calendario particulari inscribendis, hæc serventur:

a) Celebrationes quæ etiam in calendario generali recensentur, eodem die quo ibi inscriptæ sunt, calendario proprio inscribantur, mutato, si necesse est, gradu celebrationis.

Idem servetur in inscribendis celebrationibus alicui tantum ecclesie propriis, ad calendarium diœcesanum vel reliquum quod attinet.

b) Celebrationes Sanctorum, quæ in calendario generali non inveniuntur, diei natalicio assignentur. Quando vero dies natalicius ignoratur, celebratio assignetur diei alia ratione eidem Sancto proprio, ex. gr. diei ordinationis, inventionis, translationis; secus diei qui in calendario particulari liber sit ab aliis celebrationibus.

c) Si vero dies natalicius vel proprius impeditur alia celebratione obligatoria, etiam inferioris gradus, in calendario generali vel particulari, assignetur proximiore diei similiter non impedito.

d) Attamen si agitur de celebrationibus quæ ob rationes pastorales ad aliud diem transferri nequeunt, transferatur celebratio impediens.

e) Aliæ celebrationes, quæ indultæ vocantur, inscribantur die aptiore sub respectu pastorali.

f) Ut autem cyclus anni liturgici plena sua luce fulgeat, neque celebrationes Sanctorum perpetuo impediuntur, dies quibus plerumque tempus Quadragesimæ et octava Paschæ occurunt, necnon dies a 17 ad 31 decembris, a celebrationibus particularibus liberi maneant, nisi agatur de memoriis non obligatoriis vel de festis de quibus in tabula dierum liturgicorum, n. 8 a, b, c, d, aut de sollemnitatibus quæ ad aliud tempus nequeunt transferri.

Sollemnitas S. Ioseph (die 19 martii) ad aliud diem extra Quadragesimam a Conferentiis Episcopalibus transferri potest, nisi sit de præcepto servanda.

**57.** Si qui Sancti vel Beati una simul calendario inscribuntur, simul semper celebrantur, quoties eodem gradu

sunt celebrandi, etsi unus aut aliqui eorum sunt magis proprii. Si vero unus aut aliqui ex his Sanctis vel Beatis gradu superiore sunt celebrandi, fiat Officium de his tantum, omissa celebratione ceterorum, nisi conveniat eos alii diei assignare ad modum memoriæ obligatoriae.

**58.** Ad bonum pastorale fidelium procurandum, in dominicis « per annum », licet eas celebrationes agere, quæ infra hebdomadam occurrent, quæque ipsorum fidelium pietati sunt acceptæ, dummodo hæ in tabula præcedentiaæ ipsi dominicæ præponantur. De his celebrationibus dici possunt omnes Missæ, quæ concurrente populo celebrantur.

**59.** Præcedentia inter dies liturgicos, quoad eorum celebrationem, unice regitur sequenti tabula.

**Tabula dierum liturgicorum  
secundum ordinem præcedentiaæ disposita**

**I**

1. Triduum paschale Passionis et Resurrectionis Domini.
2. Nativitas Domini, Epiphania, Ascensio et Pentecostes. Dominicæ Adventus, Quadragesimæ et Paschæ. Feria IV Cinerum.  
Feriae Hebdomadæ sanctæ, a feria II ad feriam V inclusive.  
Dies infra octavam Paschæ.
3. Sollemnites Domini, beatæ Mariæ Virginis, et Sanctorum in calendario generali inscriptæ.  
Commemoratio omnium fidelium defunctorum.
4. Sollemnitates propriæ, nempe:
  - a) Sollemnitas Patroni principalis loci seu oppidi aut civitatis.

b) Sollemnitas Dedicationis et anniversarii Dedicationis ecclesiæ propriæ.

c) Sollemnitas Tituli ecclesiæ propriæ.

d) Sollemnitas aut Tituli,  
aut Fundatoris,  
aut Patroni principalis Ordinis seu Congregationis.

**II**

5. Festa Domini in calendario generali inscripta.

6. Dominicæ temporis Nativitatis et dominicæ « per annum ».

7. Festa beatæ Mariæ Virginis et Sanctorum calendarii generalis.

8. Festa propria, nempe:

a) Festum Patroni principalis diœcesis.

b) Festum anniversarii Dedicationis ecclesiæ cathedralis.

c) Festum Patroni principalis regionis aut provinciæ, nationis, amplioris territorii.

d) Festum Tituli, Fundatoris, Patroni principalis Ordinis seu Congregationis et provinciæ religiosæ, salvis præscriptis sub n. 4.

e) Alia festa alicui ecclesiæ propria.

f) Alia festa inscripta in Calendario cuiusque diœcesis vel Ordinis seu Congregationis.

9. Feriæ Adventus a die 17 ad 24 decembris inclusive.  
Dies infra octavam Nativitatis.  
Feriæ Quadragesimæ.

**III**

10. Memoriæ obligatoriæ calendarii generalis.
  11. Memoriæ obligatoriæ propriæ, nempe:
    - a) Memoriæ Patroni secundarii loci, diœcesis, regionis aut provinciæ religiosæ.
    - b) Aliæ memoriæ obligatoriæ inscriptæ in calendario cuiusque diœcesis, vel Ordinis seu Congregationis.
  12. Memoriæ ad libitum, quæ tamen, modo quidem peculiari in Institutionibus generalibus Missalis Romani et de Liturgia Horarum descripto, fieri possunt etiam diebus de quibus sub n. 9.

Hac eadem ratione, ut memoriæ ad libitum celebrari possunt memoriæ obligatoriæ, quæ accidentaliter occurrunt in feriis Quadragesimæ.

  13. Feriæ Adventus usque ad diem 16 decembris inclusive.
  - Feriæ temporis Nativitatis a die 2 ianuarii ad sabbatum post Epiphaniam.
  - Feriæ temporis paschalis a feria II post octavam Paschæ ad sabbatum ante Pentecosten inclusive.
  - Feriæ « per annum ».
- 60.** Si eodem die plures celebrationes occurrunt, fit de ea quæ in tabula dierum liturgicorum superiorem obtinet locum. Attamen sollemnitas, quæ impeditur a die liturgico, qui præcedentia gaudeat, ad proximiorem diem transferatur qui sit liber a diebus sub nn. 1-8 in tabula præcedentia recensitis, servatis iis quæ n. 5 statuuntur. Reliquæ celebrationes eo anno omittuntur.
- 61.** Si vero eodem die celebrandæ sint Vesperæ Officii currentis et I Vesperæ diei sequentis, prævalent Vesperæ celebrationis quæ in tabula dierum liturgicorum superiorem obtinet locum; in casu autem paritatis, Vesperæ diei currentis.

**DE TEXTIBUS ADHIBITIS**

Psalmi et omnes libri Novi Testamenti hic positi sunt secundum textum « Novæ Vulgatæ » (Typis Polyglottis Vaticanis, 1969-1971).

Item antiphonæ noviter confectæ e « Nova Vulgata » sumptæ sunt. Attamen in quibusdam versibus responsoriis quandoque leves aptationes inductæ sunt, ut versus, ut plurimum in forma invocationis redactus, facilius cani vel dici possit.

Antiphonæ vero in Graduali romano iam extantes cum suo textu servatæ sunt.

## CALENDARIUM ROMANUM GENERALE

## IANUARIUS

A	Cal.	1	In octava Nativitatis. SOLLEMNITAS SANCTÆ DEI GENETRICIS MARIÆ	Sollemnitas
b	IV	2	Ss. Basili et Gregorii Nazianzeni, episcoporum et Ecclesiæ doctorum	Memoria
c	III	3		
d	Prid.	4		
e	Non.	5		
f	VIII	6	IN EPIPHANIA DOMINI	Sollemnitas
g	VII	7	<i>S. Raimundi de Penyafort, presbyteri*</i>	
A	VI	8		
b	V	9		
c	IV	10		
d	III	11		
e	Prid.	12		
f	Idib.	13	<i>S. Hilarii, episcopi et Ecclesiæ doctoris</i>	
g	XIX	14		
A	XVIII	15		
b	XVII	16		
c	XVI	17	S. Antonii abbatis	Memoria
d	XV	18		
e	XIV	19		
f	XIII	20	<i>S. Fabiani, papæ et martyr</i> <i>S. Sebastiani, martyr</i>	
g	XII	21	S. Agnetis, virginis et martyris	Memoria
A	XI	22	<i>S. Vincentii, diaconi et martyr</i>	
b	X	23		
c	IX	24	S. Francisci de Sales, episcopi et Ecclesiæ doctoris	Memoria
d	VIII	25	IN CONVERSIONE S. PAULI, APOSTOLI	Festum
e	VII	26	Ss. Timothei et Titi, episcoporum	Memoria
f	VI	27	<i>S. Angelæ Merici, virginis</i>	
g	V	28	S. Thomæ de Aquino, presbyteri et Ecclesiæ doctoris	Memoria
A	IV	29		
b	III	30		
c	Prid.	31	S. Ioannis Bosco, presbyteri	Memoria
			Dominica post diem 6 ianuarii: IN BAPTISMATE DOMINI	Festum

\* Quando non indicatur gradus celebrationis, fit Memoria ad libitum.

## FEBRUARIUS

d	Cal.	1		
e	IV	2	IN PRÆSENTATIONE DOMINI	Festum
f	III	3	<i>S. Blasii, episcopi et martyris</i> <i>S. Ansgarii, episcopi</i>	
g	Prid.	4		
A	Non.	5	S. Agathæ, virginis et martyris	Memoria
b	VIII	6	Ss. Pauli Miki et sociorum, martyrum	Memoria
c	VII	7		
d	VI	8	<i>S. Hieronymi Emiliani</i>	
e	V	9		
f	IV	10	S. Scholastice, virginis	Memoria
g	III	11	<i>B. Mariæ Virginis de Lourdes</i>	
A	Prid.	12		
b	Idib.	13		
c	XVI	14	Ss. Cyrilli, monachi, et Methodii, episcopi	Memoria
d	XV	15		
e	XIV	16		
f	XIII	17	Ss. Septem Fundatorum Ordinis Servorum B. M. V.	
g	XII	18		
A	XI	19		
b	X	20		
c	IX	21	<i>S. Petri Damiani, episcopi et Ecclesiæ doctoris</i>	
d	VIII	22	CATHEDRÆ S. PETRI, APOSTOLI	Festum
e	VII	23	S. Polycarpi, episcopi et martyris	Memoria
f	VI	24		
g	V	25		
A	IV	26		
b	III	27		
c	Prid.	28		

## MARTIUS

d	Cal.	1
e	VI	2
f	V	3
g	IV	4 <i>S. Casimiri</i>
A	III	5
b	Prid.	6
c	Non.	7 <i>Ss. Perpetuae et Felicitatis, martyrum</i>
d	VIII	8 <i>S. Ioannis a Deo, religiosi</i>
e	VII	9 <i>S. Franciscæ Romanæ, religiosæ</i>
f	VI	10
g	V	11
A	IV	12
b	III	13
c	Prid.	14
d	Idib.	15
e	XVII	16
f	XVI	17 <i>S. Patricii, episcopi</i>
g	XV	18 <i>S. Cyrilli Hierosolymitani, episcopi et Ecclesiæ doctoris</i>
A	XIV	19 <i>S. JOSEPH, SPONSI B. M. V.</i>
b	XIII	20
c	XII	21
d	XI	22
e	X	23 <i>S. Turibii de Mogrovejo, episcopi</i>
f	IX	24
g	VIII	25 IN ANNUNTIATIONE DOMINI
A	VII	26
b	VI	27
c	V	28
d	IV	29
e	III	30
f	Prid.	31

Memoria

Sollemnitas

Sollemnitas

## APRILIS

g	Cal.	1
A	IV	2 <i>S. Francisci de Paola, eremitæ</i>
b	III	3
c	Prid.	4 <i>S. Isidori, episcopi et Ecclesiæ doctoris</i>
d	Non.	5 <i>S. Vincentii Ferrer, presbyteri</i>
e	VIII	6
f	VII	7 <i>S. Ioannis Baptiste de la Salle, presbyteri</i>
g	VI	8
A	V	9
b	IV	10
c	III	11 <i>S. Stanislai, episcopi et martyris</i>
d	Prid.	12
e	Idib.	13 <i>S. Martini I, papæ et martyris</i>
f	XVIII	14
g	XVII	15
A	XVI	16
b	XV	17
c	XIV	18
d	XIII	19
e	XII	20
f	XI	21 <i>S. Anselmi, episcopi et Ecclesiæ doctoris</i>
g	X	22
A	IX	23 <i>S. Georgii, martyris</i>
b	VIII	24 <i>S. Fidelis de Sigmaringen, presbyteri et martyris</i>
c	VII	25 <i>S. MARCI, EVANGELISTÆ</i>
d	VI	26
e	V	27
f	IV	28 <i>S. Petri Chanel, presbyteri et martyris</i>
g	III	29 <i>S. Catharinæ Senensis, virginis et Ecclesiæ doctoris</i>
A	Prid.	30 <i>S. Pii V, papæ</i>

Memoria

Festum

Memoria

## MAIUS

b	Cal.	1	S. Ioseph Opificis	
c	VI	2	S. Athanasii, episcopi et Ecclesiæ doctoris	Memoria
d	V	3	Ss. PHILIPPI ET IACOBI, APOSTOLORUM	Festum
e	IV	4		
f	III	5		
g	Prid.	6		
A	Non.	7		
b	VIII	8		
c	VII	9		
d	VI	10		
e	V	11		
f	IV	12	Ss. Nerei et Achillei, martyrum S. Pancratii, martyr	
g	III	13		
A	Prid.	14	S. MATTHIAE, APOSTOLI	Festum
b	Idib.	15		
c	XVII	16		
d	XVI	17		
e	XV	18	S. Ioannis I, papæ et martyr	
f	XIV	19		
g	XIII	20	S. Bernardini Senensis, presbyteri	
A	XII	21		
b	XI	22		
c	X	23		
d	IX	24		
e	VIII	25	S. Bedæ Venerabilis, presbyteri et Ecclesiæ doctoris S. Gregorii VII, papæ S. Maria Magdalena de' Pazzi, virginis	
f	VII	26	S. Philippi Neri, presbyteri	Memoria
g	VI	27	S. Augustini Cantuariensis, episcopi	
A	V	28		
b	IV	29		
c	III	30		
d	Prid.	31	IN VISITATIONE B. MARIE VIRGINIS	Festum
 Dominica prima post Pentecosten: SS.MÆ TRINITATIS				
Sollemnitas				
 Feria V post Ss.mam Trinitatem: SS.MI CORPORIS ET SANGUINIS CHRI- STI				
Sollemnitas				

## IUNIUS

e	Cal.	1	S. Iustini, martyris	Memoria
f	IV	2	Ss. Marcellini et Petri, martyrum	Memoria
g	III	3	Ss. Caroli Lwanga et sociorum, martyrum	Memoria
A	Prid.	4		
b	Non.	5	S. Bonifatii, episcopi et martyris	Memoria
c	VIII	6	S. Norberti, episcopi	
d	VII	7		
e	VI	8		
f	V	9	S. Ephræm, diaconi et Ecclesiæ doctoris	
g	IV	10		
A	III	11	S. Barnabæ, apostoli	Memoria
b	Prid.	12		
c	Idib.	13	S. Antonii de Padova, presbyteri et Ecclesiæ doctoris	Memoria
d	XVIII	14		
e	XVII	15		
f	XVI	16		
g	XV	17		
A	XIV	18		
b	XIII	19	S. Romualdi, abbatis	
c	XII	20		
d	XI	21	S. Aloisii Gonzaga, religiosi	Memoria
e	X	22	S. Paulini Nolani, episcopi Ss. Ioannis Fisher, episcopi, et Thomæ More, martyrum	
f	IX	23		
g	VIII	24	IN NATIVITATE S. IOANNIS BAPTISTÆ	Sollemnitas
A	VII	25		
b	VI	26		
c	V	27	S. Cyrilli Alexandrini, episcopi et Ecclesiæ doctoris	
d	IV	28	S. Irenæi, episcopi et martyris	Memoria
e	III	29	SS. PETRI ET PAULI, APOSTOLORUM	Sollemnitas
f	Prid.	30	Ss. Protomartyrum S. Romanæ Ecclesiæ	

Feria VI post dominicam secundam post Pentecosten:  
SACRATISSIMI CORDIS IESU Sollemnitas

Sabbato post dominicam secundam post Pentecosten:  
Immaculati Cordis B. Mariæ Virginis

## IULIUS

g	Cal.	1	
A	VI	2	
b	V	3 S. THOMÆ APOSTOLI	Festum
c	IV	4 S. Elisabeth Lusitaniae	
d	III	5 S. Antonii Mariæ Zaccaria, presbyteri	
e	Prid.	6 S. Mariæ Goretti, virginis et martyris	
f	Non.	7	
g	VIII	8	
A	VII	9	
b	VI	10	
c	V	11 S. Benedicti, abbatis	Memoria
d	IV	12	
e	III	13 S. Henrici	
f	Prid.	14 S. Camilli de Lellis, presbyteri	
g	Idib.	15 S. Bonaventuræ, episcopi et Ecclesiæ doctoris	Memoria
A	XVII	16 B. Mariæ Virginis de Monte Carmelo	
b	XVI	17	
c	XV	18	
d	XIV	19	
e	XIII	20	
f	XII	21 S. Laurentii de Brindisi, presbyteri et Ecclesiæ doctoris	
g	XI	22 S. Mariæ Magdalenæ	Memoria
A	X	23 S. Birgittæ, religiosæ	
b	IX	24	
c	VIII	25 S. IACOBI, APOSTOLI	Festum
d	VII	26 Ss. Ioachim et Annæ, parentum B. M. V.	Memoria
e	VI	27	
f	V	28	
g	IV	29 S. Marthæ	Memoria
A	III	30 S. Petri Chrysologi, episcopi et Ecclesiæ doctoris	
b	Prid.	31 S. Ignatii de Loyola, presbyteri	Memoria

## AUGUSTUS

c	Cal.	1 S. Alfonsi Mariae de' Liguori, episcopi et Ecclesiæ doctoris	
d	IV	2 S. Eusebii Vercellensis, episcopi	Memoria
e	III	3	
f	Prid.	4 S. Ioannis Mariæ Vianney, presbyteri	Memoria
g	Non.	5 In Dedicatione basilicæ S. Mariæ	
A	VIII	6 IN TRANSFIGURATIONE DOMINI	Festum
b	VII	7 Ss. Xysti II, papæ, et sociorum, martyrum S. Caietani, presbyteri	
c	VI	8 S. Dominici, presbyteri	Memoria
d	V	9	
e	IV	10 S. LAURENTII, DIACONI ET MARTYRIS	Festum
f	III	11 S. Claræ, virginis	Memoria
g	Prid.	12	
A	Idib.	13 Ss. Pontiani, papæ, et Hippolyti, presbyteri, martyrum	
b	XIX	14	
c	XVIII	15 IN ASSUMPTIONE BEATÆ MARIÆ VIRGINIS	Sollemnitas
d	XVII	16 S. Stephanii Hungaricæ	
e	XVI	17	
f	XV	18	
g	XIV	19 S. Ioannis Eudes, presbyteri	
A	XIII	20 S. Bernardi, abbatis et Ecclesiæ doctoris	Memoria
b	XII	21 S. Piæ X, papæ	Memoria
c	XI	22 B. Mariæ Virginis Reginæ	Memoria
d	X	23 S. Rosæ de Lima, virginis	
e	IX	24 S. BARTHOLOMÆI, APOSTOLI	Festum
f	VIII	25 S. Ludovici S. Ioseph de Calasanz, presbyteri	
g	VII	26	
A	VI	27 S. Monicæ	Memoria
b	V	28 S. Augustini, episcopi et Ecclesiæ doctoris	Memoria
c	IV	29 In Passione S. Ioannis Baptistæ, martyris	Memoria
d	III	30	
e	Prid.	31	

## SEPTEMBER

f	Cal.	1		
g	IV	2		
A	III	3 S. Gregorii Magni, papæ et Ecclesiæ doctoris	Memoria	
b	Prid.	4		
c	Non.	5		
d	VIII	6		
e	VII	7		
f	VI	8 IN NATIVITATE B. MARIE VIRGINIS	Festum	
g	V	9		
A	IV	10		
b	III	11		
c	Prid.	12		
d	Idib.	13 S. Ioannis Chrysostomi, episcopi et Ecclesiæ doctoris	Memoria	
e	XVIII	14 IN EXALTATIONE SANCTÆ CRUCIS	Festum	
f	XVII	15 B. Mariæ Virginis Perdolentis	Memoria	
g	XVI	16 Ss. Cornelii, papæ, et Cypriani, episcopi, martyrum	Memoria	
A	XV	17 S. Roberti Bellarmino, episcopi et Ecclesiæ doctoris		
b	XIV	18		
c	XIII	19 S. Ianuarii, episcopi et martyris		
d	XII	20		
e	XI	21 S. MATTHÆI, APOSTOLI ET EVANGELISTÆ	Festum	
f	X	22		
g	IX	23		
A	VIII	24		
b	VII	25		
c	VI	26 Ss. Cosmæ et Damiani, martyrum		
d	V	27 S. Vincentii de Paul, presbyteri	Memoria	
e	IV	28 S. Venceslai, martyris		
f	III	29 Ss. MICHAELIS, GABRIELIS ET RAPHAELIS, ARCHANGELORUM	Festum	
g	Prid.	30 S. Hieronymi, presbyteri et Ecclesiæ doctoris	Memoria	

## OCTOBER

A	Cal.	1 S. Teresiæ a Iesu Infante, virginis	Memoria
b	VI	2 Ss. Angelorum Custodum	Memoria
c	V	3	Memoria
d	IV	4 S. Francisci Assisiensis	
e	III	5	
f	Prid.	6 S. Brunonis, presbyteri	
g	Non.	7 B. Mariæ Virginis a Rosario	Memoria
A	VIII	8	
b	VII	9 Ss. Dionysii, episcopi, et sociorum, martyrum S. Ioannis Leonardi, presbyteri	
c	VI	10	
d	V	11	
e	IV	12	
f	III	13	
g	Prid.	14 S. Callisti I, papæ et martyris	
A	Idib.	15 S. Teresie de Avila, virginis et Ecclesiæ doctoris	Memoria
b	XVII	16 S. Hedvigis, religiosæ S. Margaritæ Mariæ Alacoque, virginis	
c	XVI	17 S. Ignatii Antiocheni, episcopi et martyris	Memoria
d	XV	18 S. LUCÆ, EVANGELISTÆ	Festum
e	XIV	19 Ss. Ioannis de Brébeuf et Isaac Jogues, presbyterorum, et sociorum, martyrum S. Pauli a Cruce, presbyteri	
f	XIII	20	
g	XII	21	
A	XI	22	
b	X	23 S. Ioannis de Capestrano, presbyteri	
c	IX	24 S. Antonii Mariæ Claret, episcopi	
d	VIII	25	
e	VII	26	
f	VI	27	
g	V	28 Ss. SIMONIS ET IUDÆ, APOSTOLORUM	Festum
A	IV	29	
b	III	30	
c	Prid.	31	

## NOVEMBER

d	Cal.	1	OMNIUM SANCTORUM	Sollemnitas
e	IV	2	IN COMMEMORATIONE OMNIUM FIDELIUM DEFUNCTORUM	
f	III	3	<i>S. Martini de Porres, religiosi</i>	
g	Prid.	4	<i>S. Caroli Borromeo, episcopi</i>	Memoria
A	Non.	5		
b	VIII	6		
c	VII	7		
d	VI	8		
e	V	9	IN DEDICATIONE BASILICÆ LATERANENSIS	Festum
f	IV	10	<i>S. Leonis Magni, papæ et Ecclesiæ doctoris</i>	Memoria
g	III	11	<i>S. Martini Turonensis, episcopi</i>	Memoria
A	Prid.	12	<i>S. Iosaphat, episcopi et martyris</i>	Memoria
b	Idib.	13		
c	XVIII	14		
d	XVII	15	<i>S. Alberti Magni, episcopi et Ecclesiæ doctoris</i>	
e	XVI	16	<i>S. Margarite Scotiæ S. Gertrudis, virginis</i>	
f	XV	17	<i>S. Elisabeth Hungariæ, religiosæ</i>	Memoria
g	XIV	18	<i>In Dedicatione basilicarum Ss. Petri et Pauli, apostolorum</i>	
A	XIII	19		
b	XII	20		
c	XI	21	In Præsentatione B. Mariæ Virginis	Memoria
d	X	22	<i>S. Cæciliæ, virginis et martyris</i>	Memoria
e	IX	23	<i>S. Clementis I, papæ et martyris S. Columbani, abbatis</i>	
f	VIII	24		
g	VII	25		
A	VI	26		
b	V	27		
c	IV	28		
d	III	29		
e	Prid.	30	<i>S. ANDREE, APOSTOLI</i>	Festum

Dominica ultima « per annum »:

D. N. I. C. UNIVERSORUM REGIS

Sollemnitas

## DECEMBER

f	Cal.	1		
g	IV	2		
A	III	3	<i>S. Francisci Xavier, presbyteri</i>	Memoria
b	Prid.	4	<i>S. Ioannis Damasceni, presbyteri et Ecclesiæ doctoris</i>	
c	Non.	5		
d	VIII	6	<i>S. Nicolai, episcopi</i>	
e	VII	7	<i>S. Ambrosii, episcopi et Ecclesiæ doctoris</i>	Memoria
f	VI	8	IN CONCEPTIONE IMMACULATA BEATÆ MARIÆ VIRGINIS	Sollemnitas
g	V	9		
A	IV	10		
b	III	11	<i>S. Damasi I, papæ</i>	
c	Prid.	12	<i>S. Ioannæ Franciscæ de Chantal, religiosæ</i>	
d	Idib.	13	<i>S. Lucia, virginis et martyris</i>	
e	XIX	14	<i>S. Ioannis a Cruce, presbyteri et Ecclesiæ doctoris</i>	Memoria
f	XVIII	15		
g	XVII	16		
A	XVI	17		
b	XV	18		
c	XIV	19		
d	XIII	20		
e	XII	21	<i>S. Petri Canisii, presbyteri et Ecclesiæ doctoris</i>	
f	XI	22		
g	X	23	<i>S. Ioannis de Kety, presbyteri</i>	
A	IX	24		
b	VIII	25	IN NATIVITATE DOMINI	Sollemnitas
c	VII	26	<i>S. STEPHANI, PROTOMARTYRIS</i>	Festum
d	VI	27	<i>S. IOANNIS, APOSTOLI ET EVANGELISTÆ</i>	Festum
e	V	28	<i>Ss. INNOCENTIUM, MARTYRUM</i>	Festum
f	IV	29	<i>S. Thomæ Becket, episcopi et martyris</i>	
g	III	30		
A	Prid.	31	<i>S. Silvestri I, papæ</i>	

Dominica infra octavam Nativitatis, vel, ea deficiente,  
die 30 decembris:

SANCTÆ FAMILIÆ IESU, MARIÆ ET JOSEPH

Festum

Tabula omnium dominicarum necnon sollemnitatum et festorum mobilium ab anno 1975 usque ad annum 1997 (a)

	1975 1986 1997	1976 (b)	1977	1978 1989	1979 1990	1980 (b)	1981 1987	1982 1993	1983 1994	1984 (b)	1985	1988 (b)	1991	1992 (b)	1995	1996 (b)
Dom. 2 <sup>a</sup> p. Nat.	5 Ia.	4 Ia.	2 Ia.	—	—	—	4 Ia.	3 Ia.	2 Ia.	—	—	3 Ia.	—	5 Ia.	—	—
Baptisma Dom. (c)	12 »	11 »	9 »	8 Ia.	7 Ia.	13 Ia.	11 »	10 »	9 »	8 Ia.	13 Ia.	10 »	13 Ia.	12 »	8 Ia.	7 Ia.
Feria 4 <sup>a</sup> cinerum	12 Fe.	8 Mr.	28 Fe.	8 Fe.	28 Fe.	20 Fe.	4 Mr.	24 Fe.	16 Fe.	7 Mr.	20 Fe.	17 Fe.	13 Fe.	4 Mr.	1 Mr.	21 Fe.
Dom. 1 <sup>a</sup> Quadrag.	16 »	7 »	27 »	12 »	4 Mr.	24 »	8 »	28 »	20 Fe.	11 »	24 »	21 »	17 »	8 »	5 »	25 »
» 2 <sup>a</sup> »	23 »	14 »	6 Mr.	19 »	11 »	2 Mr.	15 »	7 Mr.	27 »	18 »	3 Mr.	28 »	24 »	15 »	12 »	3 Mr.
» 3 <sup>a</sup> »		2 Mr.	21 »	13 »	26 »	18 »	9 »	22 »	14 »	6 Mr.	25 »	10 »	6 Mr.	3 Mr.	22 »	19 »
» 4 <sup>a</sup> »		9 »	28 »	20 »	5 Mr.	25 »	16 »	29 »	21 »	13 »	1 Ap.	17 »	13 »	10 »	29 »	26 »
» 5 <sup>a</sup> »		16 »	4 Ap.	27 »	12 »	1 Ap.	23 »	5 Ap.	28 »	20 »	8 »	24 »	20 »	17 »	5 Ap.	2 Ap.
Dom. in palmis	23 »	11 »	3 Ap.	19 »	8 »	30 »	12 »	4 Ap.	27 »	15 »	31 »	27 »	24 »	12 »	9 »	31 »
DOM. RESURR.	30 »	18 »	10 »	26 »	15 »	6 Ap.	19 »	11 »	3 Ap.	22 »	7 Ap.	3 Ap.	31 »	19 »	16 »	7 Ap.
Dom. 2 <sup>a</sup> Paschæ	6 Ap.	25 »	17 »	2 Ap.	22 »	13 »	26 »	18 »	10 »	29 »	14 »	10 »	7 Ap.	26 »	23 »	14 »
» 3 <sup>a</sup> »	13 »	2 M.	24 »	9 »	29 »	20 »	3 M.	25 »	17 »	6 M.	21 »	17 »	14 »	3 M.	30 »	21 »
» 4 <sup>a</sup> »	20 »	9 »	1 M.	16 »	6 M.	27 »	10 »	2 M.	24 »	13 »	28 »	24 »	21 »	10 »	7 M.	28 »
» 5 <sup>a</sup> »	27 »	16 »	8 »	23 »	13 »	4 M.	17 »	9 »	1 M.	20 »	5 M.	1 M.	28 »	17 »	14 »	5 M.
» 6 <sup>a</sup> »		4 M.	23 »	15 »	30 »	20 »	11 »	24 »	16 »	8 »	27 »	12 »	8 »	5 M.	24 »	21 »
Ascensio Domini	8 »	27 »	19 »	4 M.	24 »	15 »	28 »	20 »	12 »	31 »	16 »	12 »	9 »	28 »	25 »	16 »
Dom. 7 <sup>a</sup> Paschæ	11 »	30 »	22 »	7 »	27 »	18 »	31 »	23 »	15 »	3 I.	19 »	15 »	12 »	31 »	28 »	19 »
Dom. Pentecostes	18 »	6 I.	29 »	14 »	3 I.	25 »	7 I.	30 »	22 »	10 »	26 »	22 »	19 »	7 I.	4 I.	26 »
SS. Trinitatis	25 »	13 »	5 I.	21 »	10 »	1 I.	14 »	6 I.	29 »	17 »	2 I.	29 »	26 »	14 »	11 »	2 I.
SS. Corp. et S. Chr.	29 »	17 »	9 »	25 »	14 »	5 »	18 »	10 »	2 I.	21 »	6 »	2 I.	30 »	18 »	15 »	6 »
SS. Cordis Iesu	6 I.	25 »	17 »	2 I.	22 »	13 »	26 »	18 »	10 »	29 »	14 »	10 »	7 I.	26 »	23 »	14 »
Dom. 2 <sup>a</sup> per annum	19 Ia.	18 Ia.	16 Ia.	15 Ia.	14 Ia.	20 Ia.	18 Ia.	17 Ia.	16 Ia.	15 Ia.	20 Ia.	17 Ia.	20 Ia.	19 Ia.	15 Ia.	14 Ia.
» 3 <sup>a</sup> »	26 »	25 »	23 »	22 »	21 »	27 »	25 »	24 »	23 »	22 »	27 »	24 »	27 »	26 »	22 »	21 »
» 4 <sup>a</sup> »		2 Fe.	1 Fe.	30 »	29 »	28 »	3 Fe.	1 Fe.	31 »	30 »	29 »	3 Fe.	31 »	3 Fe.	2 Fe.	28 »
» 5 <sup>a</sup> »		9 »	8 »	6 Fe.	5 Fe.	4 Fe.	10 »	8 »	7 Fe.	6 Fe.	5 Fe.	10 »	7 Fe.	10 »	9 »	5 Fe.
» 6 <sup>a</sup> »		—	15 »	13 »	14 M.	11 »	17 »	15 »	14 »	13 »	12 »	17 »	14 »	—	16 »	12 »
» 7 <sup>a</sup> »		18 M.	22 »	20 »	21 »	18 »	—	22 »	21 »	—	19 »	—	—	19 M.	23 »	19 »
» 8 <sup>a</sup> »		25 »	29 »	—	28 »	25 »	25 M.	1 Mr.	—	22 M.	26 »	26 M.	22 M.	26 »	1 Mr.	26 »
» 9 <sup>a</sup> »		1 I.	—	29 M.	4 I.	3 I.	1 I.	—	30 M.	29 »	4 Mr.	2 I.	29 »	2 I.	—	4 I.

(a) Dominica litteris italicis impressa eo anno ab alia celebratione liturgica impeditur.

 (b) Annus bissextilis. (c) Hebdomada 1<sup>a</sup> per annum.

Tabula omnium dominicarum necnon sollemnitatum et festorum mobilium ab anno 1975 usque ad annum 1997 (a)

	1975 1986 1997	1976 (b)	1977	1978 1989	1979 1990	1980 (b)	1981 1987	1982 1993	1983 1994	1984 (b)	1985	1988 (b)	1991	1992 (b)	1995	1996 (b)
<b>Dom. 10<sup>a</sup> per annum</b>	<b>8 I.</b>	<b>6 I.</b>	<b>5 I.</b>	<b>11 I.</b>	<b>10 I.</b>	<b>8 I.</b>	<b>7 I.</b>	<b>6 I.</b>	<b>5 I.</b>	<b>10 I.</b>	<b>9 I.</b>	<b>5 I.</b>	<b>9 I.</b>	<b>7 I.</b>	<b>11 I.</b>	<b>9 I.</b>
» 11 <sup>a</sup> »	15 »	13 »	12 »	18 »	17 »	15 »	14 »	13 »	12 »	17 »	16 »	12 »	16 »	14 »	18 »	16 »
» 12 <sup>a</sup> »	22 »	20 »	19 »	25 »	24 »	22 »	21 »	20 »	19 »	24 »	23 »	19 »	23 »	21 »	25 »	23 »
» 13 <sup>a</sup> »	29 »	27 »	26 »	2 Iu.	1 Iu.	29 »	28 »	27 »	26 »	1 Iu.	30 »	26 »	30 »	28 »	2 Iu.	30 »
» 14 <sup>a</sup> »	6 Iu.	4 Iu.	3 Iu.	9 »	8 »	6 Iu.	5 Iu.	4 Iu.	3 Iu.	8 »	7 Iu.	3 Iu.	7 Iu.	5 Iu.	9 »	7 Iu.
» 15 <sup>a</sup> »	13 »	11 »	10 »	16 »	15 »	13 »	12 »	11 »	10 »	15 »	14 »	10 »	14 »	12 »	16 »	14 »
» 16 <sup>a</sup> »	20 »	18 »	17 »	23 »	22 »	20 »	19 »	18 »	17 »	22 »	21 »	17 »	21 »	19 »	23 »	21 »
» 17 <sup>a</sup> »	27 »	25 »	24 »	30 »	29 »	27 »	26 »	25 »	24 »	29 »	28 »	24 »	28 »	26 »	30 »	28 »
» 18 <sup>a</sup> »	3 Ag.	1 Ag.	31 »	6 Ag.	5 Ag.	3 Ag.	2 Ag.	1 Ag.	31 »	5 Ag.	4 Ag.	31 »	4 Ag.	2 Ag.	6 Ag.	4 Ag.
» 19 <sup>a</sup> »	10 »	8 »	7 Ag.	13 »	12 »	10 »	9 »	8 »	7 Ag.	12 »	11 »	7 Ag.	11 »	9 »	13 »	11 »
» 20 <sup>a</sup> »	17 »	15 »	14 »	20 »	19 »	17 »	16 »	15 »	14 »	19 »	18 »	14 »	18 »	16 »	20 »	18 »
» 21 <sup>a</sup> »	24 »	22 »	21 »	27 »	26 »	24 »	23 »	22 »	21 »	26 »	25 »	21 »	25 »	23 »	27 »	25 »
» 22 <sup>a</sup> »	31 »	29 »	28 »	3 St.	2 St.	31 »	30 »	29 »	28 »	2 St.	1 St.	28 »	1 St.	30 »	3 St.	1 St.
» 23 <sup>a</sup> »	7 St.	5 St.	4 St.	10 »	9 »	7 St.	6 St.	5 St.	4 St.	9 »	8 »	4 St.	8 »	6 St.	10 »	8 »
» 24 <sup>a</sup> »	14 »	12 »	11 »	17 »	16 »	14 »	13 »	12 »	11 »	16 »	15 »	11 »	15 »	13 »	17 »	15 »
» 25 <sup>a</sup> »	21 »	19 »	18 »	24 »	23 »	21 »	20 »	19 »	18 »	23 »	22 »	18 »	22 »	20 »	24 »	22 »
» 26 <sup>a</sup> »	28 »	26 »	25 »	1 Ot.	30 »	28 »	27 »	26 »	25 »	30 »	29 »	25 »	29 »	27 »	1 Ot.	29 »
» 27 <sup>a</sup> »	5 Ot.	3 Ot.	2 Ot.	8 »	7 Ot.	5 Ot.	4 Ot.	3 Ot.	2 Ot.	7 Ot.	6 Ot.	2 Ot.	6 Ot.	4 Ot.	8 »	6 Ot.
» 28 <sup>a</sup> »	12 »	10 »	9 »	15 »	14 »	12 »	11 »	10 »	9 »	14 »	13 »	9 »	13 »	11 »	15 »	13 »
» 29 <sup>a</sup> »	19 »	17 »	16 »	22 »	21 »	19 »	18 »	17 »	16 »	21 »	20 »	16 »	20 »	18 »	22 »	20 »
» 30 <sup>a</sup> »	26 »	24 »	23 »	29 »	28 »	26 »	25 »	24 »	23 »	28 »	27 »	23 »	27 »	25 »	29 »	27 »
» 31 <sup>a</sup> »	2 Nv.	31 »	30 »	5 Nv.	4 Nv.	2 Nv.	1 Nv.	31 »	30 »	4 Nv.	3 Nv.	30 »	3 Nv.	1 Nv.	5 Nv.	3 Nv.
» 32 <sup>a</sup> »	9 »	7 Nv.	6 Nv.	12 »	11 »	9 »	8 »	7 Nv.	6 Nv.	11 »	10 »	6 Nv.	10 »	8 »	12 »	10 »
» 33 <sup>a</sup> »	16 »	14 »	13 »	19 »	18 »	16 »	15 »	14 »	13 »	18 »	17 »	13 »	17 »	15 »	19 »	17 »
<b>D.N.I.C. Regis (c)</b>	<b>23 »</b>	<b>21 »</b>	<b>20 »</b>	<b>26 »</b>	<b>25 »</b>	<b>23 »</b>	<b>22 »</b>	<b>21 »</b>	<b>20 »</b>	<b>25 »</b>	<b>24 »</b>	<b>20 »</b>	<b>24 »</b>	<b>22 »</b>	<b>26 »</b>	<b>24 »</b>
<b>Dom. 1<sup>a</sup> Adventus</b>	<b>30 »</b>	<b>28 »</b>	<b>27 »</b>	<b>3 Dc.</b>	<b>2 Dc.</b>	<b>30 »</b>	<b>29 »</b>	<b>28 »</b>	<b>27 »</b>	<b>2 Dc.</b>	<b>1 Dc.</b>	<b>27 »</b>	<b>1 Dc.</b>	<b>29 »</b>	<b>3 Dc.</b>	<b>1 Dc.</b>
» 2 <sup>a</sup> »	7 Dc.	5 Dc.	4 Dc.	10 »	9 »	7 Dc.	6 Dc.	5 Dc.	4 Dc.	9 »	8 »	4 Dc.	8 »	6 Dc.	10 »	8 »
» 3 <sup>a</sup> »	14 »	12 »	11 »	17 »	16 »	14 »	13 »	12 »	11 »	16 »	15 »	11 »	15 »	13 »	17 »	15 »
» 4 <sup>a</sup> »	21 »	19 »	18 »	24 »	23 »	21 »	20 »	19 »	18 »	23 »	22 »	18 »	22 »	20 »	24 »	22 »
<b>S. Familiae I.M.I.</b>	<b>28 »</b>	<b>26 »</b>	<b>30 »</b>	<b>31 »</b>	<b>30 »</b>	<b>28 »</b>	<b>27 »</b>	<b>26 »</b>	<b>30 »</b>	<b>30 »</b>	<b>29 »</b>	<b>30 »</b>	<b>29 »</b>	<b>27 »</b>	<b>31 »</b>	<b>29 »</b>

(a) Dominica litteris italicis impressa eo anno ab alia celebratione liturgica impeditur. (b) Annus bissextilis. (c) Hebdomada 34<sup>a</sup> per annum.

**PROPRIUM DE TEMPORE**

**TEMPUS ADVENTUS**

**DOMINICA I ADVENTUS**

**Ant. ad introitum**

**Ps 24, 1-3**

Ad te levávi ániam meam,  
Deus meus, in te confido, non erubéscam.  
Neque irrídeant me inímici mei,  
étenim univérsi qui te exspéctant non confundéntur.

**Collecta**

Da, quásumus, omnípotens Deus,  
hanc tuis fidélibus voluntátem,  
ut, Christo tuo veniénti iustis opéribus occurréntes,  
eius déxteræ sociáti, regnum mereántur possidére cælestē.  
Per Dóminum.

---

**Anno A**

**Lectio prima**

*Congregat Dominus omnes nationes  
in pacem æternam Regni Dei.*

**Léctio libri Isaiae prophétae**

**2, 1-5**

Verbum quod vidit Isaías, filius Amos, super Iuda  
et Ierúsalem:

Et erit in novíssimis diébus præparátus mons domus  
Dómini in vértice móntium, et elevábitur super colles,  
et fluent ad eum omnes gentes. Et ibunt pôpuli multi  
et dicent:

« Veníte, et ascendámus ad montem Dómini et ad  
domum Dei Iacob, et docébit nos vias suas, et ambulá-  
bimus in sémitis eius; quia de Sion exibit lex et verbum  
Dómini de Ierúsalem ».

Et iudicábit gentes et árguet pôpulos multos; et  
conflábunt gládios suos in vómeres et lánceas suas in

falces. Non levábit gens contra gentem gládium, nec exercebúntur ultra ad prélum.

Domus Iacob, veníte, et ambulémus in lúmine Dómini. — Verbum Dómini.

### Psalmus responsorius

Ps 121, 1-2. 3-4 a. (4 b-5. 6-7). 8-9 (R.: cf. 1)

R. In domum Dómini létántes íbimus.

<sup>1</sup> Lætátus sum in eo quod dixérunt mihi:

« In domum Dómini íbimus ».

<sup>2</sup> Stantes iam sunt pedes nostri  
in portis tuis, Ierúsalem. R.

<sup>3</sup> Illuc enim ascendérunt tribus, tribus Dómini,  
testimónium Israel, ad confiténdum nómini Dómini.

<sup>4</sup> Quia illuc sedérunt sedes ad iudícium,  
sedes domus David. R.

<sup>5</sup> Rogáte quæ ad pacem sunt Ierúsalem,  
secúri sint diligéntes te.

<sup>6</sup> Fiat pax in muris tuis,  
et secúritas in túrribus tuis. R.

<sup>7</sup> Propter fratres meos et próximos meos  
loquar: « Pax in te! »

<sup>8</sup> Propter domum Dómini Dei nostri  
exquirám bona tibi. R.

### Lectio secunda

Prope est nostra salus.

Léctio Epístolæ beáti Pauli apóstoli ad Romáños

13, 11-14

Fratres:

Sciéntes tempus, quia hora est iam vos de somno súrgere; nunc enim própior est nobis salus quam cum credídimus.

Nox procéssit, dies autem appropiávit. Abiciámus ergo ópera tenebrárum et induámur arma lucis. Sicut in die honéste ambulémus, non in comessatióibus et ebrietáribus, non in cubilíbus et impudicítii, non in contentióne et æmulatióne; sed induíte Dóminum Iesum Christum, et carnis curam ne fecéritis in concupiscéntiis. — Verbum Dómini.

Alleluia

Ps 84, 8

R. Allelúia. V. Osténde nobis, Dómine, misericórdiam tuam,  
et salutáre tuum da nobis. R. Allelúia.

### Evangelium

Vigilate ut sitis parati.

† Léctio sancti Evangélii secúndum Matthéum

24, 37-44

In illo témpore: Dixit Iesus discípulis suis:

« Sicut enim dies Noe, ita erit advéntus Fílli hóminis. Sicut enim erant in diébus ante dilúvium comedéntes et bibéntes, nubéntes et nuptum tradéntes, usque ad eum diem quo introívit in arcam Noe, et non cognovérunt donec venit dilúvium et tulit omnes, ita erit et advéntus Fílli hóminis. Tunc duo erunt in agro, unus assúmitur et unus relínquitur; duæ moléntes in mola, una assúmitur et una relínquitur.

Vigiláte ergo, quia nescítis qua die Dóminus vester ventúrus sit. Illud autem scítote quóniam si sciret pater famílias qua hora fur ventúrus esset, vigiláret útique et non sineret perfodíri domum suam. Ideo et vos estótate paráti, quia, qua nescítis hora, Fílius hóminis ventúrus est ».

Verbum Dómini.

**Anno B****Lectio prima***Utinam dirumperes cælos et descenderes!*Léctio libri Isaiae prophétæ      **63, 16 b-17; 64, 1. 3 b-8**

Tu, Dómine, pater noster, redémptor noster: a sǽculo nomen tuum. Quare erráre nos fecísti, Dómine, de viis tuis, indurásti cor nostrum, ne timerémus te? Convértere propter servos tuos, tribus hereditátis tuae.

*Utinam dirúmpedes cælos et descénderes! a fácie tua montes deflúerent!*

Descendísti, et a fácie tua montes defluxérunt. A sǽculo non audiérunt neque áuribus percepérunt; óculus non vidit, Deus, absque te, quæ præparásti exspectántibus te. Occurrísti lætánti et faciénti iustítiam, in viis tuis recordabúntur tui.

Ecce tu irátus es, et peccávimus; in ipsis fúimus semper et salvábimur. Et facti sumus ut immundus omnes nos, et quasi pannus menstruátæ univérsæ iustitiae nostræ, et cecídimus quasi fólium univérsi, et iniquitátes nostræ quasi ventus abstulérunt nos.

Non est qui ínvocet nomen tuum, qui consúrgat et téneat te. Abscondísti fáciem tuam a nobis, et allísisti nos in manu iniquitátis nostræ. Et nunc, Dómine, pater noster es tu, nos vero lutum; et fíctor noster tu, et ópera mánuum tuárum omnes nos. — Verbum Dómini.

**Psalmus responsorius****Ps 79, 2 ac et 3 b. 15-16. 18-19 (R.: 4)**

- R. Deus, convérte nos,  
illústra fáciem tuam, et salvi érimus.  
Qui pascis Israel, inténde,  
qui sedes super Chérubim, effúlge.

<sup>3</sup> Excita poténtiam tuam, et veni,  
ut salvos fácias nos. R.

<sup>15</sup> Deus virtútum, convértere;  
réspice de cælo et vide, et vísita víneam istam.

<sup>16</sup> Et prótege eam quam plantávit déxtera tua,  
et super filium hóminis quem confirmásti tibi. R.

<sup>18</sup> Fiat manus tua super virum déxteræ tuæ,  
super filium hóminis quem confirmásti tibi.

<sup>19</sup> Et non discedémus a te, vivificábis nos,  
et nomen tuum invocábimus. R.

**Lectio secunda***Revelationem exspectamus  
Domini nostri Iesu Christi.*Léctio Epístolæ primæ beáti Pauli apóstoli  
ad Corínthios**1, 3-9**

Fratres:

Grátia vobis et pax a Deo Patre nostro et Dómino Iesu Christo.

Grátiás ago Deo meo semper pro vobis in grátia Dei, quæ data est vobis in Christo Iesu, quia in ómnibus dívites facti estis in illo, in omni verbo et in omni sciénzia, sicut testimónium Christi confirmátum est in vobis, ita ut nihil vobis desit in ulla donatióne, exspectántibus revelatióne Dómini nostri Iesu Christi; qui et confirmábit vos usque ad finem sine crímine in die Dómini nostri Iesu Christi. Fidélis Deus, per quem vocáti estis in communiónem Fílii eius Iesu Christi Dómini nostri.

Verbum Dómini.

**Alleluia****Ps 84, 8**

R. Allelúa. V. Osténde nobis, Dómine, misericórdiam tuam,  
et salutare tuum da nobis. R. Allelúa.

**Evangelium**

*Vigilate: nescitis quando dominus domus veniat.*

† Léctio sancti Evangélii secúndum Marcum  
13, 33-37

In illo témpore: Dixit Iesus discípulis suis:

« Videte, vigiláte; nescítis enim quando tempus sit. Sicut homo qui pérregrinat píficitur relíquit domum suam et dedit servis suis potestátem, unicuíque opus suum, ianitóri quoque præcérpit ut vigiláret.

Vigiláte ergo, nescítis enim quando dómīnus domus véniat, sero an média nocte an galli cantu an mane, ne cum vénērit repénte, invéniat vos dormiéntes.

Quod autem vobis dico, ómnibus dico: Vigiláte ». Verbum Dómini.

**Anno C****Lectio prima**

*Germinare faciam David germen iustitiae.*

Léctio libri Ieremíae prophétæ 33, 14-16

« Ecce dies véniant, dicit Dóminus, et suscitábo verbum bonum, quod locútus sum ad domum Israel et ad domum Iuda.

In diébus illis et in témpore illo germináre fáciat David germen iustitiae, et fáciat iudícium et iustitiam in terra. In diébus illis salvábitur Iuda, et Ierúsalem habitábit confidénter; et hoc est nomen quod vocábunt eum: Dóminus iustus noster ». — Verbum Dómini.

**Psalmus responsoriū**

Ps 24, 4 bc-5 ab. 8-9. 10 et 14 (R.: 1 b)

R. Ad te, Dómine, levávi ánimam meam.

Vias tuas, Dómine, demónstra mihi,  
et sémitas tuas édoce me.

5 Dírige me in veritáte tua et doce me,  
quia tu es Deus salútis meæ. R.

8 Dulcis et rectus Dóminus,  
propter hoc peccatóres viam docébit;  
9 díriget mansuétos in iudicio,  
docébit mites vias suas. R.

10 Univérsæ viæ Dómini misericórdia et véritas  
custodiéntibus testaméntum eius et testimónia eius.

14 Familiáriter aget Dóminus cum timéntibus eum,  
ut testaméntum suum maniféstet illis. R.

**Lectio secunda**

*Confirmet Dominus corda vestra  
in adventu Christi.*

Léctio Epístolæ primæ beáti Pauli apóstoli  
ad Thessalonicénses

3, 12 — 4, 2

Fratres:

Dóminus vos abundáre et superabundáre fáciat caritaté in ívicem et in omnes, quemádmodum et nos in vos, ad confirmánda corda vestra sine queréla in sanctitáte ante Deum et Patrem nostrum, in advéntu Dómini nostri Iesu cum ómnibus sanctis eius. Amen.

De cétero ergo, fratres, rogámus vos et obsecrámus in Dómino Iesu, ut — quemádmodum accepistis a nobis quómodo vos opórteat ambuláre et placére Deo, sicut et ambulátis — ut abundétis magis. Scitis enim quæ præcépta dedérimus vobis per Dóminum Iesum.

Verbum Dómini.

*Alleluia* Ps 84, 8

R. Alleluia. R. Osténde nobis, Dómine, misericórdiam tuam,  
et salutáre tuum da nobis. R. Alleluia.

## Evangelium

*Appropinquat redemptio vestra.*

† Léctio sancti Evangélii secúndum Lucam  
21, 25-28. 34-36

In illo témpore: Dixit Iesus discípulis suis:

« Erunt signa in sole et luna et stellis, et super terram pressúra géntium præ confusióne sónitus maris et flúctuum, arescéntibus homínibus præ timóre et exspectátiōne eórum quæ supervénient orbi, nam virtútes cælórum movebúntur. Et tunc vidébunt Fílium hóminis ve- niéntem in nube cum potestáte et glória magna.

His autem fíeri incipiéntibus, respícite et leváte cápita vestra, quóniam appropinquat redemptio vestra.

Atténdite autem vobis, ne forte gravéntur corda vestra in crápula et ebrietáte et curis huius vitæ, et supervéniat in vos repentina dies illa; tamquam láqueus enim supervéniet in omnes qui sedent super fáciem omnis terræ.

Vigiláte itaque omni témpore orántes ut possítis fúgere ista ómnia quæ futúra sunt, et stare ante Fílium hóminis ». — Verbum Dómini.

Dicitur Credo.

## Super oblata

Súscipe, quásimus, Dómine, múnera quæ de tuis offérimus colláta benefíciis, et, quod nostræ devotíoni concédis éffici temporáli, tuæ nobis fiat prémium redemptiōnis ætérnæ. Per Christum.

Præfatio I de Adventu, p. 745.

## Ant. ad communionem

Ps 84, 13

Dóminus dabit benignitátem,  
et terra nostra dabit fructum suum.

## Post communionem

Prosint nobis, quásimus, Dómine, frequentáta mystéria, quibus nos, inter prætereúntia ambulántes, iam nunc instituís amáre cælestia et inhærere mansúris. Per Christum.

## Feria secunda

## Ant. ad introitum

Cf. Ier 31, 10; Is 35, 4

Audíte verbum Dómini, gentes,  
et annuntiáte illud in fínibus terræ:  
Ecce Salvátor noster advéniet, et iam nolíte timére.

## Collecta

Fac nos, quásimus, Dómine Deus noster,  
advéntum Christi Fílii tui sollícitos exspectáre,  
ut, dum vénérerit pulsans, oratióibus vigilántes,  
et in suis invéniant láudibus exsultántes. Per Dóminum.

## Lectio prior\*

Congregat Dominus nationes universas  
in pacem æternam Regni Dei.

## Léctio libri Isaiae prophétæ

2, 1-5

Verbum quod vidit Isaías, filius Amos, super Iuda et Ierúsalem.

Et erit in novíssimis diébus præparátus mons domus Dómini in vértice móntium, et elevábitur super colles, et fluent ad eum omnes gentes. Et ibunt pópuli multi et dicent:

« Veníte, et ascendámus ad montem Dómini et ad domum Dei Iacob, et docébit nos vias suas, et ambulá-

bimus in sémitis eius; quia de Sion exibit lex, et verbum Dómini de Ierúsalem ».

Et iudicabit gentes et arguet pöpulos multos; et conflabunt gládios suos in vómeres et lánceas suas in falces. Non levabit gens contra gentem gládium, nec exercebuntur ultra ad pröelium.

Domus Iacob, venite, et ambulémus in lúmine Dómini. — Verbum Dómini.

*Vel, ad libitum, quando anno A hæc lectio in dominica prima Adventus legitur:*

*Erit exultatio his qui salvati fuerint.*

Léctio libri Isaiae prophétae 4, 2-6

In die illa, erit germen Dómini in magnificéntia et glória, et fructus terræ sublímis, et exultátio his qui salváti fúerint de Israel. Et erit: omnis qui relíctus fúerit in Sion et résiduus in Ierúsalem sanctus vocábitur, omnis qui scriptus est in vita in Ierúsalem.

Si abluerit Dóminus sordes filiárum Sion, et sanguinem Ierúsalem láverit de médio eius in spíritu iudícií et spíritu ardóris.

Et creábit Dóminus super omnem locum montis Sion et ubi invocátus est, nubem per diem et fumum et splendórem ignis flammántis in nocte: super omnem enim glóriam protéctio, et tabernáculum erit in umbráculum diéi ab æstu, et in securitatē et absconsiónem a tóbine et a pluvia. — Verbum Dómini.

### Psalmus responsorius

Ps 121, 1-2, 3-4 a. (4 b-5, 6-7), 8-9 (R.: cf. 1)

R. In domum Dómini lætáentes íbimus.

Lætátus sum in eo quod dixerunt mihi:

« In domum Dómini íbimus ».

<sup>2</sup> Stantes iam sunt pedes nostri  
in portis tuis, Ierúsalem. R.

<sup>4</sup> Illuc enim ascendérunt tribus, tribus Dómini,  
testimónium Israel, ad confiténdum nómini Dómini.

<sup>5</sup> Quia illíc sedérunt sedes ad iudícium,  
sedes domus David. R.

<sup>6</sup> Rogáte quæ ad pacem sunt Ierúsalem,  
secúri sint diligéntes te.

<sup>7</sup> Fiat pax in muris tuis,  
et secúritas in túrribus tuis. R.

<sup>8</sup> Propter fratres meos et próximos meos  
loquar: « Pax in te! »

<sup>9</sup> Propter domum Dómini Dei nostri  
exquirám bona tibi. R.

Cf. Ps 79, 4

*R. Allelúa. y. Veni ad liberandum nos, Dómine Deus noster;*

*osténde fáciem tuam, et salvi érimus.*

*R. Allelúa.*

*Loco versus ante Evangelium, qui singulis diebus proponitur,  
alius adhiberi potest ex iis qui infra p. 715 inveniuntur.*

### Evangelium

*Multi ab oriente et occidente venient  
in regnum cælorum.*

† Léctio sancti Evangélii secúndum Mattháeum 8, 5-11

In illo témpore:

Cum introisset Iesus Capháraum, accéssit ad eum centúrio rogans eum et dicens: « Dómine, puer meus iacet in domo paralýticus et male torquéatur ».

Et ait illi: « Ego véniam, et curábo eum ».

Et respóndens centúrio ait: « Dómine, non sum dignus ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte, habens sub me mílités, et dico huic: "Vade", et vadit, et álio: "Veni", et venit, et servo meo: "Fac hoc", et facit ».

Audiens autem Iesus, mirátus est, et sequéntibus se dixit: « Amen dico vobis: Apud nullum invéni tantam fidem in Israel. Dico autem vobis quod multi ab oriénte et occidénte vénient et recúmbent cum Abraham et Isaac et Iacob in Regno cælórum ». — Verbum Dómini.

#### Super oblata

Súscipe, quásimus, Dómine, múnera  
quæ de tuis offérimus colláta benefíciis,  
et, quod nostræ devotíoni concédis éffici temporáli,  
tuæ nobis fiat prémium redemptiónis ætérnæ.  
Per Christum.

**Præfatio I de Adventu**, p. 745.

#### Ant. ad communionem

**Cf. Ps 105, 4-5; Is 38, 3**

Veni, Dómine, visitáre nos in pace,  
ut lætémur coram te corde perfécto.

#### Post communionem

Prosint nobis, quásimus, Dómine, frequentáta mystéria,  
quibus nos, inter prætereúntia ambulántes,  
iam nunc instítuis amáre cælestia et inhærére mansúris.  
Per Christum.

#### Feria tertia

#### Ant. ad introitum

**Cf. Zac 14, 5. 7**

Ecce Dóminus véniet, et omnes sancti eius cum eo;  
et erit in die illa lux magna.

#### Collecta

Propitiáre, Dómine Deus, supplicatióibus nostris,  
et tribulántibus, quásimus,  
tuæ concéde pietátis auxílium,  
ut, de Fílii tui veniéntis præséntia consoláti,  
nullis iam polluámur contágiiis vetustátis.  
Per Dóminum.

#### Lectio prior

*Requiescat super eum Spiritus Domini.*

Léctio libri Isaíæ prophétæ

**11, 1-10**

In die illa:

Egrediéatur virga de radíce Iesse, et flos de radíce eius ascéndet, et requiéscet super eum spíritus Dómini: spíritus sapiéntiae et intelléctus, spíritus consílii et fortitúdinis, spíritus sciéntiae et pietatis, et replébit eum spíritus timórīs Dómini.

Non secúndum visiónem oculórum iudicábit neque secúndum audítum áurum árguet; sed iudicábit in iustitia páuperes, et árguet in æquitáte pro mansuétis terræ, et percúiet terram virga oris sui, et spíritu labiórum suórum interficiet ímpium. Et erit iustitia cíngulum lumbórum eius, et fides cinctórium renum eius.

Habitábit lupus cum agno, et pardus cum hædo ac cubábit; vítulus et leo et ovis simul morabúntur, et puer párvulus minábit eos; vítulus et ursus pascéntur, simul requiéscent cátuli eórum, et leo quasi bos cómedet páleas. Et delectábitur infans ab úbere super forámine áspidis, et in cavérana réguli qui ablactátus fúerit manum suam mittet.

Non nocébunt et non occídent in univérso monte sancto meo, quia repléta est terra scíentia Dómini, sicut aquæ maris operiéntes.

In die illa radix Iesse, qui stat in signum populórum, ipsum gentes deprecabúntur, et erit sepúlcrum eius gloriósus. — Verbum Dómini.

### Psalmus responsoriū

Ps 71, 1-2. 7-8. 12-13. 17 (R.: cf. 7)

R. Florébit in diébus eius iustítia  
et abundántia pacis in ætérnum.

1 Deus, iudícium tuum regi da,  
et iustítiam tuam filio regis,  
2 iúdicet pópulum tuum in iustítia,  
et páuperes tuos in iudício. R.

7 Florébit in diébus eius iustítia et abundántia pacis,  
donec auferátur luna.

8 Et dominábitur a mari usque ad mare,  
et a Flúmine usque ad términos orbis terrárum. R.

12 Quia liberábit ínopem clamántem,  
et páuperem cui non erat adiútor.

13 Parcer páuperi et ínopi,  
et ánimas páuperum salvas fáciet. R.

17 Sit nomen eius benedictum in sǽcula,  
ante solem permanébit nomen eius.  
Et benedicéntur in ipso omnes tribus terræ,  
omnes gentes magnificábunt eum. R.

### Alleluia

R. Alleluia. **¶** Ecce Dóminus noster cum virtúte véniet,  
et illuminábit óculos servórum suórum.  
R. Alleluia.

### Evangelium

Iesus exsultat Spíritu Sancto.

**¶** Léctio sancti Evangélii secúndum Lucam 10, 21-24

In illo témpore:

Exsultávit Iesus Spíritu Sancto et dixit: « Confíteor tibi, Pater, Dómine cæli et terræ, quod abscondísti hæc a sapiéntibus et prudéntibus, et revelásti ea párvulis: etiam, Pater, quia sic plácuit ante te. Omnia mihi trádita sunt a Patre meo, et nemo scit qui sit Fílius nisi Pater, et qui sit Pater nisi Fílius et cui volúerit Fílius reveláre ».

Et convérsus ad discípulos seórsum dixit: « Beáti oculi qui vident quæ vidétis. Dico enim vobis: Multi prophétae et reges voluérunt vidére quæ vos vidétis et non vidérunt, et audíre quæ auditis et non audiérunt ». — Verbum Dómini.

### Super oblata

Placáre, Dómine, quésumus,  
nostræ précibus humilitatis et hóstiis,  
et, ubi nulla súppetunt suffrágia meritórum,  
tuæ nobis indulgentiae succúrre præsidiis.  
Per Christum.

Præfatio I de Adventu, p. 745.

### Ant. ad communionem

2 Tim 4, 8

Corónam iustítiae reddet iustus Iudex  
iis qui diligunt advéntum eius.

### Post communionem

Repléti cibo spiritális alimóniæ,  
súpplices te, Dómine, deprecámur,  
ut, huius participatióne mystérii,

dóceas nos terréna sapiénter perpéndere,  
et cælestibus inhærere.  
Per Christum.

## Feria quarta

Ant. ad introitum

Cf. Hab 2, 3; 1 Cor 4, 5

Véniet Dóminus et non tardábit,  
et illuminábit abscondita tenebrárum,  
et manifestábit se ad omnes gentes.

## Collecta

Prépara, quésumus, Dómine Deus noster,  
corda nostra divína tua virtúte,  
ut, veniente Christo Fílio tuo,  
digni inveniámur æternæ vitæ convívio,  
et cibum cælestem, ipso ministrante, percípere mereámur.  
Per Dóminum.

## Lectio prior

*Invitat Dominus convivio suo  
et auferat lacrimam ab omni facie.*

Lectio libri Isaiae prophétæ

25, 6-10 a

In die illa:

Fáciet Dóminus exercituum ómnibus pôpulis in monte  
hoc convívium pínguium, convívium vindémiæ, pínguium  
medullatórum, vindémiæ defæcátæ. Et præcipitábit in  
monte isto fáciem vínculi colligáti super omnes pôpulos  
et telam quam ordítus est super omnes natiónes.

Præcipitábit mortem in sempitérnum, et áuferet Dó-  
minus Deus lácrimam ab omni fácie, et opprórium pô-  
puli sui áuferet de univérsa terra, quia Dóminus locú-  
tus est.

Et dicet in die illa: « Ecce Deus noster iste, exspec-  
távimus eum, et salvábit nos; iste Dóminus, sustinúimus  
eum, exsultábimus et lætabimur in salutári eius. Quia  
requiéscet manus Dómini in monte isto ». Verbum Dómini.

## Psalmus responsorius

Ps 22, 1-3 a. 3 b-4. 5. 6 (¶: 6 cd)

R. Inhabitábo in domo Dómini  
in longitúdinem diérum.

1 Dóminus pascit me, et nihil mihi déerit:  
2 in páscuis viréntibus me collocávit,  
super aquas quiétis edúxit me,  
3 ániam meam refécit. R.

Dedúxit me super sémitas iustítiae propter nomen suum.

4 Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculus tuus  
ipsa me consoláta sunt. R.

5 Parásti in conspéctu meo mensam  
adversus eos qui tribulant me;  
impinguásti in óleo caput meum,  
et calix meus redúndat. R.

6 Etenim benígnitas et misericórdia subsequéntur me  
ómnibus diébus vitæ meæ,  
et inhabitábo in domo Dómini  
in longitúdinem diérum. R.

## Alleluia

R. Alleluia. ¶ Ecce véniet Dóminus, ut salvet pôpulum  
suum;  
beati qui paráti sunt occurrere illi.  
R. Alleluia.

## Evangelium

*Iesus plurimos sanat et panes multiplicat.*

† Léctio sancti Evangélii secúndum Matthéum  
15, 29-37

In illo témpore:

Venit Iesus secus mare Galilææ, et ascéndens in montem sedébat ibi. Et accessérunt ad eum turbæ multæ habéntes secum claudos, cæcos, débiles, mutos, et álios multos, et proiecérunt eos ad pedes eius, et curávit eos; ita ut turba mirarétur vidéntes mutos loquéntes, débiles sanos, et claudos ambulántes, et cæcos vidéntes; et magnificábant Deum Israel.

Iesus autem convocátis discípulis suis dixit: « Miséror turbæ, quia tríduo iam persevérant mecum et non habent quod mandúcent; et dimíttere eos ieíunos nolo, ne forte deficiant in via ».

Et dicunt ei discípuli: « Unde nobis in desérto panes tantos ut saturémus turbam tantam? »

Et ait illis Iesus: « Quot panes habétis? »

At illi dixerunt: « Septem, et paucos piscículos ».

Et præcépit turbæ ut discúmberet super terram, et accípiens septem panes et pisces et grátiás agens fregit et dedit discípulis, discípuli autem turbis. Et comedérent omnes et saturáti sunt, et quod supérfuit de fragmén̄tis tulérunt, septem sportas plenas.

Verbum Dómini.

## Super oblata

Devotiónis nostræ tibi, Dómine, quásumus,  
hóstia iúgiter immolétur,  
quæ et sacri péragat institúta mystérii,  
et salutáre tuum nobis poténter operétur.  
Per Christum.

Præfatio I de Adventu, p. 745.

## Ant. ad communionem

Is 40, 10; cf. 34, 5

Ecce Dóminus noster cum virtúte véniet,  
et illuminábit óculos servórum suórum.

## Post communionem

Tuam, Dómine, cleméntiam implorámus,  
ut hæc divína subsídia, a vitiis expiátos,  
ad festa ventúra nos præparent.

Per Christum.

## Feria quinta

## Ant. ad introitum

Cf. Ps 118, 151-152

Prope es tu, Dómine, et omnes viæ tuæ véritas;  
initio cognóvi de testimóniis tuis, quia in ætérnum tu es.

## Collecta

Excita, Dómine, poténtiam tuam,  
et magna nobis virtúte succúrre,  
ut, quod nostra peccáta præpédiant,  
grátia tuæ propitiatiónis accéleret.  
Per Dóminum.

## Lectio prior

*Ingrediatur gens iusta custodiens veritatem.*

## Léctio libri Isaíæ prophétae

26, 1-6

In die illa, cantábitur cáanticum istud in terra Iuda:

« Urbs fortitúdinis nostræ Sion; salvátor ponétur in ea murus et antemurále. Aperíte portas, et ingrediátur gens iusta custodiens veritátem. Vetus error ábiit, servábis pacem: pacem, quia in te sperávimus.

Sperástis in Dómino in sǽculis ætérnis, in Dómino Deo forti in perpétuum. Quia incurvábit habitantes in

excélo, civitátem sublímem humiliábit; humiliábit eam usque ad terram, détrahet eam usque ad púlverem. Conculcábít eam pes, pedes páuperis, gressus egenórum ». Verbum Dómini.

## Psalmus responsorius

Ps 117, 1 et 8.9. 19-21. 25-27 a (R.: 26 a)

R. Benedíctus qui venit in nómine Dómini.

vel Allelúia.

<sup>1</sup> Confitémini Dómino, quóniam bonus,  
quóniam in séculum misericórdia eius.

<sup>8</sup> Bonum est confúgere ad Dóminum,  
quam confídere in hómine.

<sup>9</sup> Bonum est confúgere ad Dóminum,  
quam confídere in príncipibus. R.

<sup>19</sup> Aperíte mihi portas iustítiae,  
ingréssus in eas confitébor Dómino;  
<sup>20</sup> hæc porta Dómini, iusti intrábunt in eam.

<sup>21</sup> Confitébor tibi, quóniam exaudísti me,  
et factus es mihi in salútem. R.

<sup>25</sup> O Dómine, salvum me fac;  
o Dómine, da prosperitátem.

<sup>26</sup> Benedíctus qui venit in nómine Dómini.  
Benedícimus vobis de domo Dómini.

<sup>27</sup> Deus Dóminus et illúxit nobis. R.

Alleluia

Is 55, 6

R. Allelúia. V. Quárите Dóminum, dum inveníri potest,  
invocáte eum, dum prope est. R. Allelúia.

## Evangelium

*Qui facit voluntatem Patris  
intrabit in Regnum cælorum.*

† Léctio sancti Evangélii secúndum Matthæum

7, 21. 24-27

In illo témpore: Dixit Iesus discípulis suis:

« Non omnis qui dicit mihi: "Dómine, Dómine", intrábit in Regnum cælorum, sed qui facit voluntátem Patris mei qui in cælis est.

Omnis ergo qui audit verba mea hæc et facit ea, assimilábitur viro sapiénti, qui ædificávit domum suam supra petram. Et descéndit plúvia et venérunt flúmina et flavérunt venti et irruérunt in domum illam, et non cécidit; fundáta enim erat supra petram.

Et omnis qui audit verba mea hæc et non facit ea, símilis erit viro stulto, qui ædificávit domum suam supra arénam. Et descéndit plúvia et venérunt flúmina et flavérunt venti et irruérunt in domum illam, et cécidit, et fuit ruína eius magna ». — Verbum Dómini.

## Super oblata

Súscipe, quásimus, Dómine, múnera,  
quæ de tuis offérimus colláta benefícii,  
et, quod nostræ devotióni concédis éffici temporáli,  
tuæ nobis fiat præmium redemptiónis ætérnæ.  
Per Christum.

Præfatio I de Adventu, p. 745.

Ant. ad communionem

Tit 2, 12-13

Iuste et pie vivámus in hoc século,  
exspectántes beatam spem et advéntum gloriæ magni Dei.

**Post communionem**

Prosint nobis, quæsumus, Dómine, frequentáta mystéria,  
quibus nos, inter prætereúntia ambulántes,  
iam nunc instituís amáre cælestia et inhærére mansúris.  
Per Christum.

**Feria sexta****Ant. ad introitum**

Ecce Dóminus véniet cum splendóre descendens  
visitare pòpulum suum in pace,  
et constitúere super eum vitam sempitérnam.

**Collecta**

Excita, quæsumus, Dómine, poténtiam tuam, et veni,  
ut, ab imminéntibus peccatórum nostrórum periculis,  
te mereámur protegénte éripi,  
te liberánte salvári.

Qui vivis et regnas.

**Lectio prior**

*In die illa, oculi cæcorum videbunt.*

**Léctio libri Isaíæ prophétæ**

**29, 17-24**

Hæc dicit Dóminus Deus:

« Nonne adhuc in módico et in brevi convertétur Líbanus in carmel, et carmel in saltum reputábitur? Et áudient in die illa surdi verba libri, et de ténebris et calígne óculi cæcorum vidébunt.

Et addent mites in Dómino lætítiam, et páuperes hómines in sancto Israel exsultábunt; quóniam defécit qui prævalébat, consummátus est illúxor, et succisi sunt omnes qui vigilábant super iniquitátem, qui peccáre faciébant hómines in verbo et arguéntem in porta supplantábant, et declinavérunt frustra a iusto ».

Propter hoc, hæc dicit Dóminus ad domum Iacob, qui redémít Abraham: « Non modo confundétur Iacob, nec modo vultus eius erubéscet; sed cum viderit filios suos, ópera mánuum meárum, in médio sui sanctificántes nomen meum, et sanctificábunt sanctum Iacob, et Deum Israel prædicábunt; et scient errántes spíritu intelléctum, et mussitatóres discent legem ». — Verbum Dómini.

**Psalmus responsorius**

**Ps 26, 1. 4. 13-14 (R.: 1 a)**

- R. Dóminus illuminátiō mea et salus mea.  
**1** Dóminus illuminátiō mea et salus mea, quem timébo?  
 Dóminus protéctor vitæ meæ, a quo trepidábo? R.  
**4** Unum pétii a Dómino, hoc requíram:  
 ut inhábitem in domo Dómini  
 ómnibus diébus vitæ meæ,  
 ut videam voluptátem Dómini,  
 et vísitem templum eius. R.  
**13** Credo vidére bona Dómini in terra vivéntium.  
**14** Exspécta Dóminum, viriliter age,  
 et confortétur cor tuum, et sústine Dóminum. R.

**Alleluia**

- R. Alleluia. V. Ecce Dóminus noster cum virtúte véniet,  
 et illuminábit óculos servórum suórum.  
 R. Alleluia.

**Evangelium**

*Credentes in Iesum duo cæci sanantur.*

**† Léctio sancti Evangélii secúndum Matthéum**

**9, 27-31**

In illo témporte:

Transeúnte Iesu, secúti sunt eum duo cæci clamántes et dicéntes: « Miserére nostri, fili David ».

Cum autem venisset domum, accesserunt ad eum cæci, et dicit eis Iesus: « Créditis quia possum hoc facere? » Dicunt ei: « Utique, Dómine ».

Tunc tétigit oculos eorum dicens: « Secundum fidem vestram fiat vobis ». Et aperti sunt oculi illorum.

Et comminatus est illis Iesus dicens: « Videte ne quis sciat ». Illi autem exeuntes diffamaverunt eum in univæsa terra illa. — Verbum Dómini.

### Super oblatæ

Placáre, Dómine, quæsumus,  
nostræ præcibus humilitatis et hóstiis,  
et, ubi nulla súppetunt suffrágia meritórum,  
tuæ nobis indulgentiæ succurré præsidiis.  
Per Christum.

*Præfatio I de Adventu, p. 745.*

### Ant. ad communionem

*Phil 3, 20-21*

Salvatorem exspectamus Dóminum Iesum Christum,  
qui reformabit corpus humilitatis nostræ,  
configuratum corpori claritatis suæ.

### Post communionem

Repléti cibo spiritális alimóniæ,  
súpplices te, Dómine, deprecámur,  
ut, huius participatióne mystérii,  
dóceas nos terréna sapiénter perpéndere,  
et cælestibus inhærere. Per Christum.

### Sabbato

### Ant. ad introitum

*Ps 79, 4. 2*

Veni, et osténde nobis fáciem tuam, Dómine,  
qui sedes super Chérubim, et salvi érimus.

### Collecta

Deus, qui, ad liberandum humánum genus  
a vetustatis condicione,  
Unigenitum tuum in hunc mundum misisti,  
largire devote exspectantibus  
supernæ tuæ gratiæ pietatis,  
ut ad veræ perveniamus præmium libertatis.  
Per Dóminum.

### Lectio prior

*Miserans miserebitur tui, ad vocem clamoris tui.*

Léctio libri Isaiae prophétæ

*30, 19-21. 23-26*

Hæc dicit Dóminus Deus, Sanctus Israel:

« Póplus Sion habitabit in Ierusalem; plorans ne  
quáquam plorábis, miserans miserebitur tui, ad vocem  
clamoris tui, statim ut audierit, respondébit tibi.

Et dabit vobis Dóminus panem arctum et aquam  
brevem, et non faciet avoláre a te ultra doctórem tuum,  
et erunt oculi tui vidéntes præceptórem tuum, et aures  
tuæ áudent verbum post tergum monéntis: « Hæc est  
via: ambuláte in ea »; et non declinéatis neque ad déxteram  
neque ad sinistram.

Et dabitur pluvia sémini tuo, ubi cùmque semináveris  
in terra; et panis frugum terræ erit uberrimus et pinguis;  
pascétur in possessióne tua in die illo agnus spatióse, et  
tauri tui et pulli asinórum, qui operántur terram, comíxtum migra còmedent sicut in área ventilátum est.

Et erunt super omnem montem excésum et super om-  
nen collem elevatum rivi curréntium aquárum in die in-  
terfectionis multórum, cum ceciderint turres. Et erit lux  
lunæ sicut lux solis, et lux solis erit septemplíciter sicut  
lux septem diérum, in die qua alligáverit Dóminus vul-  
nus populi sui et percussúram plagæ eius sanáverit ».  
Verbum Dómini.

## Psalmus responsorius

Ps 146, 1-2. 3-4. 5-6 (R.: Is 30, 18)

R. Beáti omnes qui exspéctant Dóminum.

vel Allelúia.

<sup>1</sup> Laudáte Dóminum,  
quóniam bonum est psállere Deo nostro,  
quóniam iucundum est celebrare laudem.

<sup>2</sup> Ædificans Ierúsalem Dóminus,  
dispersos Israélis congregábit. R.

<sup>3</sup> Qui sanat contrítos corde,  
et álligat plagas eórum;

<sup>4</sup> qui númerat multitúdinem stellárum,  
et ómnibus eis nómina vocat. R.

<sup>5</sup> Magnus Dóminus noster, et magnus virtúte,  
sapiéntiae eius non est númerus.

<sup>6</sup> Susténtat mansuétos Dóminus,  
humiliáns autem peccatóres usque ad terram. R.

Alleluia

Is 33, 22

R. Allelúia. R. Dóminus iudex noster, légifer noster, rex  
noster;  
ipse salvábit nos. R. Allelúia.

## Evangelium

Videns turbas, misertus est eis.

† Léctio sancti Evangélii secúndum Mattháeum  
9, 35 — 10, 1. 6-8

In illo témpore:

Circumíbat Iesus civitátes omnes et castélla, docens  
in synagógis eórum et prædicans Evangélium Regni et  
curans omnem languórem et omnem infirmitátem.

Videns autem turbas, misertus est eis, quia erant  
vexáti et iacéntes sicut oves non habéntes pastórem. Tunc  
dicit discípulis suis: « Messis quidem multa, operárii  
autem pauci: rogáte ergo Dóminum messis, ut mittat  
operários in messem suam ».

Et, convocáti duódecim discípulis suis, dedit illis  
potestátem spirituum immundórum, ut eícerent eos et  
curárent omnem languórem et omnem infirmitátem. Hos  
Duódecim misit Iesus, præcípiens eis et dicens:

« Ite ad oves quæ periérunt domus Israel. Eúntes  
autem prædicáte dicéntes: "Appropinquávit Regnum cæ-  
lórum". Infírmos curáte, mórtuos suscitáte, leprósos  
mundáte, dæmones eícite; gratis accepístis, gratis date ».

Verbum Dómini.

## Super oblata

Devotiónis nostra tibi, Dómine, quésumus,  
hóstia iúgiter immolétur,  
quæ et sacri péragat institúta mystérii,  
et salutáre tuum nobis poténter operétur.  
Per Christum.

Præfatio I de Adventu, p. 745.

## Ant. ad communionem

Ap 22, 12

Ecce vénio cito et merces mea mecum est, dicit Dóminus,  
dare unicúque secúndum ópera sua.

## Post communionem

Tuam, Dómine, cleméntiam implorámus,  
ut hæc divína subsídia, a vítiis expiátos,  
ad festa ventúra nos præparent.

Per Christum.

## DOMINICA II ADVENTUS

Ant. ad introitum

Cf. Is 30, 19. 30

Pópulus Sion, ecce Dóminus véniet ad salvándas gentes;  
et audítam fáciet Dóminus glóriam vocis suæ  
in lætitia cordis vestri.

## Collecta

Omnípotens et misericors Deus,  
in tui occúrsum Filii festinántes  
nulla ópera terréni actus impédiant,  
sed sapiéntiæ cælestis eruditio  
nos fáciat eius esse consórtes.  
Qui tecum vivit.

## Anno A

## Lectio prima

*Iudicabit in iustitia pauperes.*

Léctio libri Isaíæ prophétæ

11, 1-10

In die illa:

Egrediéatur virga de radice Iesse, et flos de radice eius ascéndet, et requiéscet super eum spíritus Dómini: spíritus sapiéntiæ et intelléctus, spíritus consílli et fortitudinis, spíritus sciéntiæ et pietatis, et replébit eum spíritus timoris Dómini.

Non secúndum visiónem oculórum iudicábit, neque secúndum audítum áurium árguet; sed iudicábit in iustitia páuperes, et árguet in æquitaté pro mansuétis terræ, et percútiat terram virga oris sui, et spíritu labiórum suórum interficiet ímpium.

Et erit iustitia cíngulum lumbórum eius, et fides cinctórium renum eius.

Habitábit lupus cum agno, et pardus cum hædo accubábit; vítulus et leo et ovis simul morabúntur, et puer párvulus minábit eos; vítulus et ursus pascéntur, simul requiéscent cátuli eórum et leo quasi bos cómedet páleas.

Et delectábitur infans ab úbere super forámine áspidis, et in cavérana réguli qui ablactátus fúerit manum suam mittet.

Non nocébunt et non occídent in univérso monte sancto meo, quia repléta est terra sciéntia Dómini, sicut aquæ maris operiéntes.

In die illa radix Iesse, qui stat in signum populórum, ipsum gentes deprecabúntur, et erit sepúlcrum eius gloriosum. — Verbum Dómini.

Psalmus responsoriū Ps 71, 1-2. 7-8. 12-13. 17 (R.: 7)

R. Florébit in diébus eius iustitia  
et abundántia pacis in ætérnum.

<sup>1</sup> Deus, iudícium tuum regi da,  
et iustítiam tuam filio regis;

<sup>2</sup> iúdicet pópulum tuum in iustitia,  
et páuperes tuos in iudicio. R.

<sup>7</sup> Florébit in diébus eius iustitia et abundántia pacis,  
donec auferátur luna.

<sup>8</sup> Et dominábitur a mari usque ad mare,  
et a Flúmine usque ad términos orbis terrárum. R.

<sup>12</sup> Quia liberábit ínopem clamántem,  
et páuperem cui non erat adiútor.

<sup>13</sup> Parcet páuperi et ínopi,  
et ánimas páuperum salvas fáciet. R.

<sup>17</sup> Sit nomen eius benedictum in sácula,  
ante solem permanébit nomen eius.

Et benedicéntur in ipso omnes tribus terræ,  
omnes gentes magnificábunt eum. R.

**Lectio secunda***Christus omnes homines salvos facit.***Léctio Epistolæ beati Pauli apóstoli ad Romáños****15, 49****Fratres:**

Quæcumque ántea scripta sunt, ad nostram doctrinam scripta sunt, ut per patiētiām et consolatiōnem Scripturārum spem habeāmus. Deus autem patiētiāe et solācii det vobis idíspum sápere in altérutrum secúndum Christum Iesum, ut unánimes uno ore glorificétis Deum et Patrem Dómini nostri Iesu Christi.

Propter quod suscípite ínvicem, sicut et Christus suscépit vos, in glóriam Dei. Dico enim Christum místrum fuisse circumcisiōnis propter veritátēm Dei, ad confirmandas promissiōnes Patrum, gentes autem propter misericordiam glorificare Deum, sicut scriptum est: « Propter hoc confitébor tibi in géntibus, et Nómini tuo cantábo ». — Verbum Dómini.

**Alleluia****Lc 3, 4. 6**

**R.** Alleluia. **¶** Paráte viam Dómini, rectas fácite sémitas eius;  
vidébit omnis caro salutare Dei. **R.** Alleluia.

**Evangelium**

*Pænitentiam agite:  
appropinquavit Regnum cælorum.*

**† Léctio sancti Evangeli secundum Matthéum****3, 1-12**

In diébus illis venit Ioánnes Baptista prædicens in deserto Iudéæ et dicens: « Pænitentiam ágite, appropinquávit enim Regnum cælorum ». Hic est enim qui dictus est per Isaíam prophétam dicéntem: « Vox clamantis in

desérto: “ Paráte viam Dómini, rectas fácite sémitas eius ” ».

Ipse autem Ioánnes habébat vestiméntum de pilis caméli et zonam pellíceam circa lumbos suos, esca autem eius erat locústæ et mel silvéstre.

Tunc exíbat ad eum Hierosólyma et omnis Iudéa et omnis régio circa Iordánum, et baptizabántur in Iordáne flúmine ab eo confitentes peccáta sua. Videns autem multos Pharisæórum et Sadducæórum venientes ad baptísmum suum, dixit eis:

« Progénies viperarum, quis demonstrávit vobis fúgere a futura ira? Fácite ergo fructum dignum pænitentiæ; et ne velítis dícere intra vos: “ Patrem habémus Abraham ”. Dico enim vobis quóniam potest Deus de lapídibus istis suscitare Abrahæ filios. Iam enim secúris ad radicem árborum pósita est: omnis ergo arbor, quæ non facit fructum bonum, excíditur et in ignem míttitur.

Ego quidem vos baptizo in aqua in pænitentiām; qui autem post me venturus est fórtior me est, cuius non sum dignus calceaménta portáre: ipse vos baptizábit in Spíritu Sancto et igni, cuius ventilábrum in manu sua, et permundábit áream suam, et congregábit triticum suum in hórreum, páleas autem combúret igni inexstinguíbili ». — Verbum Dómini.

**Anno B****Lectio prima***Parate viam Domini.***Léctio libri Isaiae prophétæ****40, 1-5. 9-11**

« Consolámini, consolámini, pôpule meus, dicit Deus vester. Loquímini ad cor Ierúsalem et advocatione eam, quóniam compléta est malitia eius, dimissa est iniquitas illius, suscépit de manu Dómini duplícia pro ómnibus peccatis suis ».

Vox clamantis in deserto: « Parate viam Domini, rectas facite in solitudine semitas Dei nostri. Omnis vallis exaltabitur, et omnis mons et collis humiliabitur, et erunt prava in directa, et aspera in vias planas, et revelabitur gloria Domini, et videbit omnis caro pariter quod os Domini locutum est ».

Super montem excelsum ascende, tu qui evangelizas Sion; exalta in fortitudine vocem tuam, qui evangelizas Ierusalem; exalta, noli timere, dic civitatibus Iuda:

« Ecce Deus vester, ecce Dominus Deus in fortitudine veniet, et brachium eius dominabitur: ecce merces eius cum eo, et opus illius coram illo. Sicut pastor gregem suum pascet, in bracchio suo congregabit agnos et in sinu suo levabit, fetas ipse portabit ».

Verbum Domini.

### Psalmus responsorius

Ps 84, 9 ab-10. 11-12. 13-14 (R.: 8)

- R. Ostende nobis, Domine, misericordiam tuam,  
et salutare tuum da nobis.
- <sup>9</sup> Audiam quid loquatur Dominus Deus,  
quoniam loquetur pacem ad plebem suam et sanctos suos.
- <sup>10</sup> Verumtamen prope timentes eum salutare ipsius,  
ut inhabitet gloria in terra nostra. R.
- <sup>11</sup> Misericordia et veritas obviaverunt sibi,  
iustitia et pax osculatae sunt.
- <sup>12</sup> Veritas de terra orta est,  
et iustitia de caelo prospexit. R.
- <sup>13</sup> Etenim Dominus dabit benignitatem,  
et terra nostra dabit fructum suum.
- <sup>14</sup> Iustitia ante eum ambulabit,  
et ponet in via gressus suos. R.

### Lectio secunda

*Novos cælos et novam terram exspectamus.*

Lectio Epistolæ secundæ beati Petri apóstoli 3, 8-14

Unum hoc non lateat vos, carissimi, quia unus dies apud Dominum sicut mille anni, et mille anni sicut dies unus. Non tardat Dominus promissionem, sicut quidam tarditatem existimant, sed patienter agit in vos, nolens aliquos perire, sed omnes ad paenitentiam reverti.

Adveniet autem dies Domini ut fur, in qua cœli magno impetu transiunt, eleminta vero calore solventur, et terra et opera quæ in ea invenientur.

Cum haec omnia ita dissolvenda sint, quales oportet esse vos in sanctis conversationibus et pietatibus, exspectantes et properantes adventum dei, propter quam cœli ardentes solventur et eleminta ignis ardore tabescunt. Novos vero cœlos et terram novam secundum promissum ipsius exspectamus, in quibus iustitia habitat.

Propter quod, carissimi, haec exspectantes satagit immaculati et inviolati ei inveniri in pace.

Verbum Domini.

Alleluia

Lc 3, 4. 6

R. Alleluia. **R.** Parate viam Domini, rectas facite semitas eius;  
videbit omnis caro salutare Dei. **R.** Alleluia.

Evangelium

*Rectas facite semitas Domini.*

**†** Lectio sancti Evangelii secundum Marcum 1, 1-8  
Initium Evangelii Iesu Christi Filii Dei.

Sicut scriptum est in Isaia propheta: « Ecce mitto angelum meum ante faciem tuam, qui preparabit viam

tuam: Vox clamantis in deserto: " Paráte viam Dómini, rectas facite sémitas eius " ».

Fuit Ioánnes in deserto baptizans et prædicens baptismum pænitentiae in remissiónem peccatórum. Et egerie diebátur ad illum omnis Iudææ régio et Hierosolymitæ univérsi et baptizabántur ab illo in Iordáne flúmine confitentes peccata sua.

Et erat Ioánnes vestitus pilis caméli et zona pellícea circa lumbos eius, et locústas et mel silvestre edébat. Et prædicabat dicens: « Venit fórtior me post me, cuius non sum dignus procúmbens sólvere corrígiam calceamentórum eius; ego baptizávi vos aqua, ille vero baptizábit vos in Spíitu Sancto ».

Verbum Dómini.

## Anno C

### Lectio prima

*Deus ostendet splendorem suum in te.*

### Lectio libri Baruch prophétæ

*5, 1-9*

Exue te, Ierúsalem, stola luctus et vexationis tuæ, et índue te decore et honore eius, quæ a Deo tibi est, sempiternæ gloriæ.

Circúmdabit te Deus diplóide iustitiæ, et impónet mitram cápti honoris æterni; Deus enim osténdet splendórem suum in te, omni qui sub cælo est.

Nominábitur enim tibi nomen tuum a Deo in sempiternum; « Pax iustitiæ et honor pietatis ».

Exsürge, Ierúsalem, et sta in excélsø, et circúmplice ad oriéntem, et vide colléctos filios tuos ab oriénte sole usque ad occidéntem in verbo Sancti, gaudéntes Dei memória.

Exiérunt enim abs te pédibus ducti ab inimícis, ad dúcet autem illos Dóminus ad te portátos in honore sicut filios regni; constítuit enim Deus humiliare omnem montem excélsum et rupes perénnes et conválles replére in æqualitatē terræ, ut ámbulet Israel diligenter in honórem Dei.

Obumbravérunt autem et silvæ et omne lignum suavitatis Israel ex mandáto Dei; addúcet enim Deus Israel cum iucunditatē in lúmine maiestatis suæ cum misericordia et iustitia, quæ est ex ipso. — Verbum Dómini.

### Psalmus responsorius

*Ps 125, 1-2 ab. 2 cd-3. 4-5. 6 (R.: 3)*

R. Magnificávit Dóminus fácer nobiscum;  
facti sumus lætantes.

<sup>1</sup> In converténdo Dóminus captivitatē Sion,  
facti sumus quasi somniántes.

<sup>2</sup> Tunc replétum est gáudio os nostrum,  
et lingua nostra exsultatióne. R.

Tunc dicébant inter gentes:

« Magnificávit Dóminus fácer cum eis ».

<sup>3</sup> Magnificávit Dóminus fácer nobiscum;  
facti sumus lætantes. R.

<sup>4</sup> Convérite, Dómine, captivitatē nostram,  
sicut torréntes in Austro.

<sup>5</sup> Qui séminant in lácrimis,  
in exsultatióne metent. R.

<sup>6</sup> Eúntes ibant et flebant,  
semen spargéndum portántes;  
veniéntes autem vénient in exsultatióne  
portántes manípulos suos. R.

**Lectio secunda**

*Estote sinceri et sine offensa in diem Christi.*

Léctio Epístolæ beáti Pauli apóstoli  
ad Philippenses 1, 4-6. 8-11

Fratres:

Semper in omni oratióne mea pro ómnibus vobis cum gáudio deprecationem fáciens, super communione vestra in Evangélio a prima die usque nunc, confídens hoc ipsum, quia qui coepit in vobis opus bonum perficiet usque in diem Christi Iesu.

Testis enim mihi Deus, quómodo cúpiam omnes vos in viscéribus Christi Iesu. Et hoc oro, ut cáritas vestræ magis ac magis abúndet in scientia et omni sensu, ut probétis potíora, ut sitis sincéri et sine offénsa in diem Christi, repléti fructu iustitiæ, qui est per Iesum Christum, in gloriā et laudem Dei. — Verbum Dómini.

**Alleluia** Lc 3, 4. 6

R. Allelúa. y. Paráte viam Dómini, rectas fácite sémitas eius;  
vidébit omnis caro salutare Dei. R. Allelúa,

**Evangelium**

*Videbit omnis caro salutare Dei.*

**† Léctio sancti Evangélii secúndum Lucam** 3, 1-6

Anno quintodécimo impérii Tibérii Cásaris, procurante Póntio Piláto Iudéam, tetrárcha autem Galiléæ Heróde, Philíppo autem fratre eius tetrárcha Ituráæ et Trachonítidis regiónis, et Lysánia Abilinæ tetrárcha, sub príncipe sacerdótum Anna et Cáapha, factum est verbum Dei super Ioánnem Zachariæ filium in desérto.

Et venit in omnem regiōnem circa Iordánem prédi cans baptísum pénitentiæ in remissióne peccatórum, sicut scriptum est in libro sermónum Isaiae prophétæ:

« Vox clamántis in desérto: Paráte viam Dómini, rectas fácite sémitas eius. Omnis vallis implébitur, et omnis mons et collis humiliabitur, et erunt prava in dirécta et áspera in vias planas: et vidébit omnis caro salutare Dei ». — Verbum Dómini.

Dicitur Credo.

**Super oblata**

Placáre, Dómine, quésumus,  
nostræ prémibus humilitatis et hóstiis,  
et, ubi nulla súppetunt suffrágia meritórum,  
tuæ nobis indulgentiæ succúrre præsidiis. Per Christum.

**Præfatio I de Adventu**, p. 745.

**Ant. ad communionem**

**Bar 5, 5; 4, 36**

Ierúsalem, surge et sta in excélsō,  
et vide iucunditatēm, quæ véniet tibi a Deo tuo.

**Post communionem**

Repléti cibo spirítalis alimóniæ,  
súpplices te, Dómine, deprecámur,  
ut, huius participatióne mystérii,  
dóceas nos terréna sapiénter perpéndere,  
et cælestibus inhærere. Per Christum.

**Feria secunda**

**Ant. ad introitum**

**Cf. Ier 31, 10; Is 35, 4**

Audite verbum Dómini, gentes,  
et annuntiáte illud in finib⁹ terræ:  
Ecce Salvátor noster advéniet, et iam nolíte timére.

## Collecta

Dirigáatur, quás sumus, Dómine,  
in conspéctu tuo nostrae petitónis orátio,  
ut ad magnum incarnatiónis Unigéniti tui mystérium  
nostrae vota servitútis illibátá puritaté pervéniant.  
Per Dóminum.

## Lectio prior

*Deus ipse veniet et salvabit vos.*

Lectio libri Isaiae prophétae 35, 1-10

Lætabítur desérta et ívia, et exsultábit solitúdo et florébit quasi lílium. Gérminans germinábit, et exsultábit lætabúnda et laudans. Glória Líbani data est ei, decor Carméli et Saron; ipsi vidébunt glóriam Dómini et décōrem Dei nostri.

Confortáte manus dissolutás, et génuá debília roboráte; dícite pusillánimis: « Confortámini et nolíte timére: Ecce Deus vester ultíóne addúcet retributíonis: Deus ipse véniet et salvábit vos ».

Tunc aperiéntur óculi cæcórūm, et aures surdórum patébunt; tunc saliēt sicut cervus claudus, et apécta erit lingua mutórum; quia scissæ sunt in desérto aquæ, et torréntes in solitúdine.

Et quæ erat árida erit in stagnum, et sítiens in fontes aquárūm. In cubílibus, in quibus prius dracónes habítabant, oriétur viror cálami et iunci.

Et erit ibi sémita et via, et via sancta vocábitur; non transíbit per eam pollútus; et hæc erit vobis dirécta via, ita ut stulti non errent per eam.

Non erit ibi leo, et mala béstia non ascéndet per eam nec inveniétur ibi; et ambulábunt qui liberáti fúerint, et redémpti a Dómino converténtur, et vénient in Sion

cum laude et lætitia sempitéra super caput eórum; gáudium et lætitiam obtinébunt, et fúgiet dolor et gémitus. — Verbum Dómini.

## Psalmus responsorius

*Ps 84, 9 ab-10. 11-12. 13-14 (R.: Is 35, 4 d)*

R. Ecce Deus noster véniet et salvábit nos.

**9** Audiam quid loquátur Dóminus Deus,  
quóniam loquéatur pacem ad plebem suam et sanctos suos.

**10** Verúmtamen prope timéntes eum salutáre ipsius,  
ut inhábitet glória in terra nostra. R.

**11** Misericórdia et véritas obviavérunt sibi,  
iustitia et pax osculátæ sunt.

**12** Véritas de terra orta est,  
et iustitia de cælo prospéxit. R.

**13** Etenim Dóminus dabit benignitatēm,  
et terra nostra dabit fructum suum.

**14** Iustitia ante eum ambulábit,  
et ponet in via gressus suos. R.

## Alleluia

R. Alleluia. **¶** Ecce véniet Rex, Dóminus terræ,  
et ipse auferet iugum captivitatis nostræ.

R. Alleluia.

## Evangelium

*Vidimus mirabilia hodie.*

Lectio sancti Evangélii secundum Lucam 5, 17-26

In una diérum Jesus erat docens, et erant Pharisáei sedéntes et Legis doctóres qui vénérant ex omni castélo Galiléæ et Iudææ et Ierúsalem; et virtus Dómini erat ei ad sanándum.

Et ecce viri portantes in lecto hominem qui erat paralyticus, et quærabant eum inférre et pónere ante eum. Et non invenientes qua parte illum inférrent præ turba, ascendérunt supra tectum et per téguas summisérunt illum cum léctulo in médium ante Iesum. Quorum fidem ut vidit, dixit: « Homo, remittuntur tibi peccata tua ».

Et cœpérunt cogitare scribæ et Pharisæi dicentes: « Quis est hic qui lóquitur blasphémias? Quis potest dimíttere peccata, nisi solus Deus? »

Ut cognovit autem Iesus cogitationes eorum, respónsens dixit ad illos: « Quid cogitatis in córdibus vestris? Quid est facilius, dícere: "Dimittuntur tibi peccata tua", an dícere: "Surge et ámbula"? Ut autem sciatis quia Fílius hominis potestátem habet in terra dimíttere peccata », ait paralýtico: « Tibi dico, surge, tolle léctulum tuum et vade in domum tuam ».

Et conféstim surgens coram illis, tulit in quo iacébat, et abiit in domum suam magnificans Deum.

Et stupor apprehéndit omnes, et magnificabant Deum, et repléti sunt timore dicentes: « Vídimus mirabilia hodie ». — Verbum Dómini.

### Super oblata

Súscipe, quásimus, Dómine, múnera,  
quæ de tuis offérimus colláta benefíciis,  
et, quod nostræ devotioni concédis éffici temporáli,  
tuæ nobis fiat præmium redemptiōnis æternæ.  
Per Christum.

Præfatio I de Adventu, p. 745.

### Ant. ad communionem

Cf. Ps 105, 4-5; Is 38, 3

Veni, Dómine, visitáre nos in pace,  
ut lætémur coram te corde perfécto.

### Post communionem

Prosint nobis, quásimus, Dómine, frequentáta mystéria, quibus nos, inter prætereúntia ambulantes, iam nunc instituís amáre cælestia et inhærere mansúris. Per Christum.

### Feria tertia

#### Ant. ad introitum

Cf. Zac 14, 5. 7

Ecce Dóminus véniet, et omnes sancti eius cum eo;  
et erit in die illa lux magna.

### Collecta

Deus, qui salutare tuum cunctis terræ fínibus declarásti,  
tríbue, quásimus,  
ut nativitatis eius glóriam lætanter præstolémur.  
Per Dóminum.

### Lectio prior

Populum suum Deus consolatur.

### Léctio libri Isaiae prophétæ

40, 1-11

« Consolámini, consolámini, pópule meus, dicit Deus vester. Loquimini ad cor Ierúsalem et advocáte eam, quóniam compléta est malitia eius, dimissa est iniquitas illius, suscépit de manu Dómini duplícia pro ómnibus peccatis suis ».

Vox clamántis in desérto: « Paráte viam Dómini, rectas fácite in solitúdine sémitas Dei nostri. Omnis vallis exaltábitur, et omnis mons et collis humiliabitur, et erunt prava in dirécta et áspera in vias planas, et revelábitur glória Dómini, et vidébit omnis caro páriter quod os Dómini locútum est ».

Vox dicentis: « Clama ». Et dixi: « Quid clamábo? »  
« Omnis caro fenum, et omnis glória eius quasi flos agri.

Exsiccátum est fenum et cécidit flos, quia spíritus Dómini sufflávit in eo. (Vere fenum est pópulus). Exsiccátum est fenum et cécidit flos; verbum autem Dómini nostri manet in æténum ».

Super montem excésum ascénde, tu qui evangelízas Sion; exálta in fortitúdine vocem tuam, qui evangelízas Ierúsalem; exálta, noli timére, dic civítatibus Iuda:

« Ecce Deus vester, ecce Dóminus Deus in fortitúdine véniet, et bráccium eius dominábitur: ecce merces eius cum eo, et opus illius coram illo. Sicut pastor gregem suum pascet, in bráccio suo congregábit agnos et in sinu suo levábít, fetas ípse portábít ».

Verbum Dómini.

### Psalmus responsorius

Ps 95, 1-2. 3 et 10 ac. 11-12. 13 (R.: Is 40, 9-10)

R. Ecce Deus noster in fortitúdine véniet.

<sup>1</sup> Cantáte Dómino cáanticum novum,  
cantáte Dómino, omnis terra.

<sup>2</sup> Cantáte Dómino, benedícite nómini eius,  
annuntiáte de die in diem salutáre eius. R.

<sup>3</sup> Annuntiáte inter gentes glóriam eius,  
in ómnibus pópulis mirabília eius.

<sup>10</sup> Dícite in géntibus: « Dóminus regnávit »,  
iudicábit pópulos in æquitáte. R.

<sup>11</sup> Lætentur cæli et exsúltet terra,  
sonet mare et plenitúdo eius;

<sup>12</sup> gaudébunt campi et ómnia quæ in eis sunt.  
Tunc exsultábunt ómnia ligna sylvárum, R.

<sup>13</sup> a fácie Dómini quia venit,  
quóniam venit iudicáre terram.  
Iudicábit orbem terræ in iustitia  
et pópulos in veritaté sua. R.

### Alleluia

R. Alleluia. V. Prope est dies Dómini;  
ecce véniet ad salvándum nos. R. Alleluia.

### Evangelium

Deus non vult pusillos perire.

### † Léctio sancti Evangélii secúndum Mattháeum

18, 12-14

In illo témpore: Dixit Iesus discípulis suis:

« Quid vobis vidétur? Si fúerint alícuí centum oves, et erráverit una ex eis, nonne relínquet nonagínta novem in móntibus, et vadit quárere eam quæ errávit? Et si contígerit ut invéniat eam, amen dico vobis quia gaudébit super eam magis quam super nonagínta novem quæ non erravérunt.

Sic non est volúntas ante Patrem vestrum qui in cælis est, ut péreat unus de pusillis istis ».

Verbum Dómini.

### Super oblata

Placáre, Dómine, quésumus,  
nostræ prémibus humilitatis et hóstiis,  
et, ubi nulla súppetunt suffrágia meritórum,  
tuæ nobis indulgéntiæ succúrre præsidiis.  
Per Christum.

Præfatio I de Adventu, p. 745.

### Ant. ad communionem

2 Tim 4, 8

Corónam iustitiæ reddet iustus Iudex  
iis qui díligunt advéntum eius.

### Post communionem

Repléti cibo spiritális alimóniæ,  
súpplices te, Dómine, deprecámur,

ut, huius participatióne mystérii,  
dóceas nos terréna sapiénter perpéndere,  
et cælestibus inhærere.  
Per Christum.

### Feria quarta

Ant. ad introitum

Cf. Hab 2, 3; 1 Cor 4, 5

Véniet Dóminus et non tardábit,  
et illuminábit abscónrita tenebrárum,  
et manifestábit se ad omnes gentes.

### Collecta

Omnípotens Deus, qui nos præcipis  
iter Christo Dómino præparare,  
concéde propítius,  
ut nullis infirmitatibus fatigémur,  
qui cælestis médiçi  
consolántem præsentiam sustinémus.  
Per Dóminum.

### Lectio prior

*Dominus omnipotens « dat lasso virtutem ».*

Léctio libri Isaiae prophétæ

40, 25-31

« Cui assimilásti me et adæquástis? », dicit Sanctus. Leváte in excélsum óculos vestros, et vidéte: quis créavit hæc, qui edúcit in número militiam eórum, et omnes ex nōmine vocat? Præ multitúdine fortitúdinis et róbris virtutíisque eius, neque unum réliquum fuit.

Quare dicis, Iacob, et lóqueris, Israel: « Abscónrita est via mea a Dómino, et a Deo meo iudícium meum transívit? » Numquid nescis, aut non audísti? Deus sempernus Dóminus, qui créavit térmilos terræ, non defícit, neque laborábit, nec est investigatio sapiéntæ eius.

Qui dat lasso virtutem, et his qui non sunt fortitúdinem  
et robur multiplicat.

Defícient púeri et laborábunt, et iúvenes in infirmi-  
tate cadent; qui autem sperant in Dómino mutábunt for-  
titúdinem, assúmunt pennas sicut áquilæ, current et non  
laborábunt, ambulábunt et non defícient.

Verbum Dómini.

### Psalmus responsorius

Ps 102, 1-2. 3-4. 8 et 10 (R.: 1 a)

R. Bénedic, ánima mea, Dómino.

<sup>1</sup> Bénedic, ánima mea, Dómino;  
et ómnia quæ intra me sunt,  
nómini sancto eius.

<sup>2</sup> Bénedic, ánima mea, Dómino,  
et noli oblivisci omnes retributiōnes eius. R.

<sup>3</sup> Qui propitiátur ómnibus iniquitatibus tuis,  
qui sanat omnes infirmitates tuas;

<sup>4</sup> qui rédimit de intéritu vitam tuam,  
qui corónat te in misericordia et miseratiōibus. R.

<sup>8</sup> Miserátor et misericors Dóminus,  
longánimis et multæ misericordiæ.

<sup>10</sup> Non secúndum peccata nostra fecit nobis,  
neque secúndum iniquitatés nostras retríbuit nobis. R.

### Alleluia

R. Alleluia. <sup>y</sup> Ecce véniet Dóminus, ut salvet pópulum  
suum;

beáti qui paráti sunt occurrere illi.

R. Alleluia.

## Evangelium

*Venite ad me, omnes qui laboratis.*

† Léctio sancti Evangélii secúndum Mattháeum  
11, 28-30

In illo témpore: Respóndens Iesus dixit:

« Veníte ad me, omnes qui laborátis et oneráti estis, et ego refíciam vos. Tóllite iugum meum super vos et díscite a me, quia mítis sum et húmilis corde, et inveniétis réquiem animábus vestris; iugum enim meum suáve et onus meum leve est ». — Verbum Dómini.

## Super oblata

Devotónis nostræ tibi, Dómine, quæsumus,  
hóstia iúgiter immolétur,  
quæ et sacri péragat institúta mystérii,  
et salutáre tuum nobis poténter operétur.

Per Christum.

Præfatio I de Adventu, p. 745.

Ant. ad communionem

Is 40, 10; cf. 34, 5

Ecce Dóminus noster cum virtúte véniet,  
et illuminábit óculos servórum suórum.

Post communionem

Tuam, Dómine, cleméntiam implorámus,  
ut hæc divína subsídia, a vítiis expiátos,  
ad festa ventúra nos præparent.

Per Christum.

## Feria quinta

Ant. ad introitum

Cf. Ps 118, 151-152

Prope es tu, Dómine, et omnes viæ tuæ véritas;  
inítio cognóvi de testimóniis tuis, quia in ætérrnum tu es.

## Collecta

Excita, Dómine, corda nostra  
ad præparáandas Unigéniti tui vias,  
ut, per eius advéntum,  
purificátis tibi méntibus servíre mereámur.  
Per Dóminum.

## Lectio prior

*Ego sum redemptor tuus, Sanctus Israel.*

Léctio libri Isaíæ prophétæ

41, 13-20

Ego Dóminus Deus tuus apprehéndens manum tuam,  
dicénsque tibi: « Ne tímeas, ego adiúvi te ».  
Noli timére, vermis Iacob, qui mórtui estis ex Israel;  
ego auxiliátus sum tibi, dicit Dóminus, et redémptor  
tuus, Sanctus Israel.

Ego pósui te quasi plaustrum tritúrans novum, ha-  
bens rostra serrántia; tritúrabis montes et commínues,  
et colles quasi púlverem pones, ventilábis eos, et ventus  
tollet, et turbo dispérget eos; et tu exsultábis in Dómino,  
in Sancto Israel lætáberis.

Egéni et páuperes quærunt aquas, et non sunt; lingua  
eórum siti áruit. Ego Dóminus exáudiam eos; Deus Israel  
non derelínguam eos.

Apériam in supínis cóllibus flúmina, et in médio cam-  
pórum fontes; ponam desértum in stagna aquárum, et  
terrām ínviam in rívos aquárum.

Dabo in solitúdinem cedrum et spinam et myrtum  
et lignum olívæ; ponam in desérto abietem, ulmum et  
buxum simul, ut videant, et sciant, et recóngitent, et in-  
téllegant páriter, quia manus Dómini fecit hoc, et Sanctus  
Israel creávit illud.

Verbum Dómini.

## Psalmus responsorius

Ps 144, 1 et 9. 10-11. 12-13 ab (R.: 8)

R. Miserátor et misericors Dóminus,  
longánimis et multæ misericórdiæ.

- 1 Exaltábo te, Deus meus rex,  
et benedicam nómini tuo  
in sáculum et in sáculum sáculi.
- 9 Suávis Dóminus univérsis,  
et miseratioñes eius super ómnia ópera eius. R.
- 10 Confiteántur tibi, Dómine, ómnia ópera tua;  
et sancti tui benedícant tibi.
- 11 Glóriam regni tui dicant,  
et poténtiam tuam loquántur, R.
- 12 ut notas fácient fíliis hóminum poténtias tuas,  
et glóriam magnificéntiæ regni tui.
- 13 Regnum tuum regnum ómnium sáculórum,  
et dominatió tua in omnem generatióñem  
et generatióñem. R.

**Alleluia**

Is 45, 8

- R. Alleluia. V. Roráte, cæli, désuper, et nubes pluant iustum;  
aperiáтур terra, et gérminet Salvatórem.  
R. Alleluia.

**Evangelium**

Non surrexit maior Ioanne Baptista.

**†** Léctio sancti Evangélii secúndum Mattháeum

11, 11-15

In illo témpore: Dixit Jesus ad turbas:

« Amen dico vobis: Non surrexit inter natos mu-líerum maior Ioánnem Baptísta; qui autem minor est in

Regno cælórum, maior est illo. A diébus autem Ioánnis Baptistæ usque nunc Regnum cælórum vim pátitur et violénti rápiunt illud. Omnes enim Prophétæ et Lex usque ad Ioánnem prophetavérunt; et si vultis recípere, ipse est Elías qui ventúrus est.

Qui habet aures áudiat ». — Verbum Dómini.

**Super oblata**

Súscipe, quásumus, Dómine, múnera,  
quæ de tuis offérimus collátâ benefíciis,  
et, quod nostre devotióni concédis éffici temporáli,  
tuæ nobis fiat prémium redemptiōnis ætérnæ.  
Per Christum.

Præfatio I de Adventu, p. 745.

**Ant. ad communionem**

Tit 2, 12-13

Iuste et pie vivámus in hoc sáculo,  
exspectántes beátam spem  
et advéntum glóriæ magni Dei.

**Post communionem**

Prosint nobis, quásumus, Dómine, frequentáta mystériâ,  
quibus nos, inter prætereúntia ambulántes,  
iam nunc instítuis amáre cælestia  
et inhærere mansúris.  
Per Christum.

**Ant. ad introitum**

Ecce Dóminus véniet cum splendóre descendens  
visitare pópulum suum in pace,  
et constitúere super eum vitam sempitérnam.

**Collecta**

Concéde, quásimus, omnípotens Deus, plebi tuæ  
advéntum Unigéniti tui cum summa vigilántia exspectáre,  
ut, sicut ipse dócuit auctor nostræ salútis,  
accénsis lampádibus in eius occúrsum  
vigilántes properémus.  
Per Dóminum.

**Lectio prior**

*Utinam attendisses mandata mea!*

Léctio libri Isaiae prophétae

**48, 17-19**

Hæc dicit Dóminus, redémptor tuus, Sanctus Israel:  
« Ego Dóminus Deus tuus docens te utilia, gubér-  
nans te in via, qua ámbulas.

Utinam attendísses mandáta mea! Facta fuísset sicut  
flumen pax tua, et iustitia tua sicut gúrgites maris! Et  
fuísset quasi aréna semen tuum, et stirps úteri tui ut  
lapilli eius; non interísset et non fuísset attrítum nomen  
eius a fácie mea! » — Verbum Dómini.

**Psalmus responsorius**

**Ps 1, 1-2. 3. 4 et 6 (R.: cf. Io 8, 12)**

R. Qui séquitur te, Dómine, habébit lumen vitæ.

<sup>1</sup> Beátus vir qui non ábiit in consilio impiórum,  
et in via peccatórum non stetit,  
et in convéntu derisórum non sedit;

<sup>2</sup> sed in lege Dómini volúntas eius,  
et in lege eius meditátur die ac nocte. R.

<sup>3</sup> Et erit tamquam lignum  
plantátum secus decúrsus aquárum,  
quod fructum suum dabit in témpore suo;  
et fólium eius non défluet,  
et ómnia quæcúmque fáciet prosperabúntur. R.

Non sic ímpii, non sic,  
sed tamquam pulvis quem próicit ventus.  
Quóniam novit Dóminus viam iustórum,  
et iter impiórum períbit. R.

**Alleluia**

R. Allelúa. **R.** Dóminus véniet, occúrrite illi;  
ipse est princeps pacis. **R.** Allelúa.

**Evangelium**

*Neque Ioannem neque Filium hominis audiunt.*

**† Léctio sancti Evangélii secúndum Matthéum**

**11, 16-19**

In illo témpore: Dixit Iesus ad turbas:

« Cui símilem aestimábo generatióne istam? Sími-  
lis est púeris sedéntibus in foro, qui clamántes coæquá-  
libus dicunt: « Cecínimus vobis, et non saltástis; lamen-  
távimus, et non planxístis ».

Venit enim Ioánnes neque mandúcans neque bibens,  
et dicunt: « Dæmónium habet ». Venit Fílius hóminis  
mandúcans et bibens, et dicunt: « Ecce homo vorax et  
potátor vini, publicanórum amícus et peccatórum ». Et  
iustificáta est sapiéntia ab opéribus suis ».

Verbum Dómini.

**Super oblata**

Placáre, Dómine, quásimus,  
nostræ précibus humilitatis et hóstiis,  
et, ubi nulla súppetunt suffrágia meritórum,  
tuæ nobis indulgéntiæ succúrre præsidiis.  
Per Christum.

**Præfatio I de Adventu, p. 745.**

## Ant. ad communionem

Phil 3, 20-21

Salvatórem exspectámus Dóminum Iesum Christum,  
qui reformábit corpus humilitátis nostræ,  
configurátum cörpori claritatis suæ.

## Post communionem

Repléti cibo spiritális alimóniæ,  
súpplices te, Dómine, deprecámur,  
ut, huius participatióne mystérii,  
dóceas nos terréna sapiénter perpéndere,  
et cælestib⁹ inhærere.

Per Christum.

## Sabbato

## Ant. ad introitum

Ps 79, 4. 2

Veni, et osténde nobis fáciem tuam, Dómine,  
qui sedes super Chérubim, et salvi érimus.

## Collecta

Oriátur, quésumus, omnípotens Deus, in córdibus nostris  
splendor gloriæ tuæ,  
ut, omni noctis obscuritaté subláta,  
filios nos esse lucis Unigéniti tui maniféstet advéntus.  
Per Dóminum.

## Lectio prior

Iterum veniet Elias.

## Léctio libri Sirácidae

48, 1-4. 9-11

Et surréxit Elías prophéta quasi ignis, et verbum  
ipsius quasi fácula ardébat. Qui indúxit in illos famem,  
et irritántes illum invídia sua pauci facti sunt; non enim  
póterant sustinére præcépta Dómini.

Verbo Dómini contínuit cælum, et deiécit de cælo  
ignem ter. Sic amplificátus est Elías in mirabílibus suis.  
Et quis potest simíliter sic gloriári tibi?

Qui recéptus es in túrbine ignis, in curru equórum  
igneórum; qui scriptus es in iudiciis témporum, leníre  
iracúndiam Dómini, conciliáre cor patris ad filium, et  
restitúere tribus Iacob.

Beáti sunt qui te vidérunt, et in amicítia tua deco-  
ráti sunt! — Verbum Dómini.

## Psalmus responsorius

Ps 79, 2 ac et 3 b. 15-16. 18-19 (R.: 4)

R. Deus, converte nos,  
illústra fáciem tuam, et salvi érimus.

<sup>2</sup> Qui pascis Israel, inténde.  
Qui sedes super Chérubim, effúlge.

<sup>3</sup> Excita poténtiam tuam, et veni. R.

<sup>15</sup> Deus virtútum, convértere;  
réspice de cælo et vide, et vísita víneam istam.

<sup>16</sup> Et prótege eam quam plantávit déxtera tua,  
et super filium hóminis quem confirmásti tibi. R.

<sup>18</sup> Fiat manus tua super virum déxteræ tuæ,  
super filium hóminis quem confirmásti tibi.

<sup>19</sup> Et non discedémus a te, vivificábis nos,  
et nomen tuum invocábimus. R.

## Alleluia

Lc 3, 4. 6

R. Alleluia. ¶ Paráte viam Dómini, rectas fácite sémitas  
eius;  
vidébit omnis caro salutáre Dei. R. Alleluia.

## Evangelium

*Elias iam venit, et non cognoverunt eum.*

℣ Léctio sancti Evangélii secúndum Matthæum  
17, 10-13

Descendéntibus illis de monte, interrogávérunt Iesum discípuli dicéntes: « Quid ergo scribæ dicunt quod Elíam opórteat primum veníre? »

At ille respónsens ait: « Elías quidem ventúrus est et restítuet ómnia. Dico autem vobis quia Elías iam ve-  
nit, et non cognovérunt eum, sed fecérunt in eo quæ-  
cúmque voluérunt; sic et Fílius hóminis passúrus est ab eis ».

Tunc intellexérunt discípuli quia de Ioánne Baptista dixisset eis. — Verbum Dómini.

## Super oblata

Devotíonis nostræ tibi, Dómine, quásumus,  
hóstia iúgiter immolétur,  
quæ et sacri péragat institúta mystérii,  
et salutáre tuum nobis poténter operétur.  
Per Christum.

Præfatio I de Adventu, p. 745.

## Ant. ad communionem

Ap. 22, 12

Ecce vénio cito, et merces mea mecum est, dicit Dóminus,  
dare unicúque secúndum ópera sua.

## Post communionem

Tuam, Dómine, cleméntiam implorámus,  
ut hæc divína subsídia, a vítiis expiátos,  
ad festa ventúra nos præparent.  
Per Christum.

## DOMINICA III ADVENTUS

## Ant. ad introitum

Phil 4, 4. 5

Gaudéte in Dómino semper: íterum dico, gaudéte.  
Dóminus enim prope est.

## Collecta

Deus, qui cónspicis póplum tuum  
nativitátis domínicæ festivitátem fidéliter exspectáre,  
præsta, quásumus,  
ut valeámus ad tantæ salútis gáudia perveníre,  
et ea votis sollémnibus álacri semper lætitia celebráre.  
Per Dóminum.

## Anno A

## Lectio prima

*Deus ipse veniet et salvabit nos.*

## Léctio libri Isaiae prophétæ

35, 1-6 a. 10

Lætabítur desérta et ívia, et exsultábit solitúdo  
et florébit quasi lílum. Gérminalis germinábit et exsul-  
tábit lætabúnda et laudans. Glória Líbani data est ei,  
decor Carméli et Saron; ipsi vidébunt glóriam Dómini  
et decórem Dei nostri.

Confortáte manus dissolútas, et génuá debília robo-  
ráte; dícite pusillánimis: « Confortámini et nolíte timére:  
Ecce Deus vester ultiónem addúcet retributiónis: Deus  
ipse véniet et salvábit vos ».

Tunc aperiéntur óculi cæcórūm, et aures surdórūm  
patébunt; tunc sáliet sicut cervus claudus, et apérta erit  
língua mutórūm.

Redéempti a Dómino converténtur, et vénient in Sion  
cum laude, et lætitia sempitérna super caput eórum;

gáudium et lèticiam obtinébunt, et fúgiet dolor et gémitus. — Verbum Dómini.

## Psalmus responsorius

Ps 145, 7. 8-9 a. 9 bc-10 (¶: cf. Is 35, 4)

R. Veni, Dómine, ad salvandum nos.

vel Alleluia.

<sup>7</sup> Qui custódit veritátem in séculum,

facit iudíciū oppréssis,  
dat escam esuriéntibus.

Dóminus solvit compeditos, R.

<sup>8</sup> Dóminus illúminat cæcos,

Dóminus érigit depréssos,

Dóminus díligit iustos,

Dóminus custódit ádvenas, R.

pupíllum et víduam susténtat,

et viam peccatórum dispérdit.

<sup>10</sup> Regnabit Dóminus in sácula,

Deus tuus, Sion,

in generatióne et generatióne. R.

## Lectio secunda

*Confirmate corda vestra,  
quia adventus Domini appropinquavit.*

Léctio Epístolæ beáti Iacóbi apóstoli

5, 7-10

Patiéntes estóte, fratres, usque ad advéntum Dómini. Ecce agrícola expéctat pretiósū fructum terræ, patiénter ferens donec accípiat imbrem temporáneum et serótinum. Patiéntes estóte et vos, confirmáte corda vestra, quóniam advéntus Dómini appropinquávit.

Nolíte ingemíscere, fratres, in alterútrum, ut non iudicémuni; ecce Iudex ante iánuam assístit. Exémplum

accípíte, fratres, labóris et patiéntiae Prophétas, qui locúti sunt in Nómine Dómini. — Verbum Dómini.

Alleluia

Is 61, 1

R. Alleluia. ¶ Spíritus Dómini super me:  
evangelizáre paupéribus misit me.

R. Alleluia.

## Evangelium

*Tu es qui venturus es, an alium exspectamus?*

¶ Léctio sancti Evangélii secúndum Mattháeum

11, 2-11

In illo témpore:

Ioánnes, cum audíset in vínculis ópera Christi, mittens per discípulos suos ait illi: « Tu es qui ventúrus es an álium exspectámus? »

Et respóndens Jesus ait illis: « Eúntes renuntiáte Ioánni quae audítis et vidéatis: cæci vident et claudi ámbulant, leprósi mundántur et surdi áudiunt, et mórtui resúrgunt et páuperes evangelizántur; et beátus est, qui non fúerit scandalizátus in me ».

Illis autem abeúntibus, cœpít Jesus dícere ad turbas de Ioánnē: « Quid exístis in désertum vidére? Harúndinem vento agitátam? Sed quid exístis vidére? Hóminem móllibus vestítum? Ecce qui móllibus vestiúntur, in dómibus regum sunt. Sed quid exístis vidére? Prophétam? Etiam, dico vobis, et plus quam prophétam.

Hic est de quo scriptum est: “Ecce ego mitto ángelum meum ante fáciem tuam, qui præparábit viam tuam ante te”. Amen dico vobis: Non surrexit inter natos mulérum maior Ioánnē Baptista; qui autem minor est in Regno cælórū, maior est illo ».

Verbum Dómini.

**Anno B****Lectio prima***Gaudens gaudebo in Domino.*

Léctio libri Isaiae prophétae

61, 1-2 a. 10-11

Spíritus Dómini super me, eo quod únixerit Dóminus me, ad annuntiándum mansuétis misit me, ut medérer contrítis corde, et prædicárem captívis indulgéntiam et clausis apertiónem, ut prædicárem annum placábilem Dómino.

*Gaudens gaudébo in Dómino, et exsultábit ánima mea in Deo meo, quia índuit me vestíméntis salútis, et induménto iustítiae circúmdedit me quasi sponsum decorátum coróna et quasi sponsam ornátam monílibus suis.*

Sicut enim terra profert germen suum et sicut hortus semen suum géminat, sic Dóminus Deus germinábit iustítiam et laudem coram univérsis géntibus.

Verbum Dómini.

**Psalmus responsorius**

Lc 1, 46-48. 49-50. 53-54 (R.: Is 61, 10 b)

R. Exsúltat ánima mea in Deo meo.

Magníficat ánima mea Dóminum,  
et exsultávit spíritus meus in Deo Salvatóri meo,  
quia respéxit humilitátem ancíllæ suæ.  
Ecce enim ex hoc beatam me dicent  
omnes generatiónes: R.  
quia fecit mihi magna qui potens est,  
et sanctum Nomen eius,  
et misericórdia eius in progénies et progénies  
timéntibus eum. R.  
Esuriéntes implévit bonis  
et dívites dimísit inánes.

\* Suscépit Israel púerum suum,  
memorári misericórdiæ. R.

**Lectio secunda**

*Spiritus vester et anima  
et corpus in adventu Domini servetur.*

Léctio Epístolæ primæ beáti Pauli apóstoli  
ad Thessalonicénses

5, 16-24

Fratres:

Semper gaudéte, sine intermissióne oráte, in ómnibus grátias ágite; hæc enim volúntas Dei est in Christo Iesu erga vos. Spíritum nolite extingüere, prophetías nolite spérnere; ómnia autem probáte, quod bonum est tenéte, ab omni spécie mala abstinenté vos.

Ipse autem Deus pacis sanctificet vos per ómnia, ut ínteger spíritus vester et ánima et corpus sine que réla in advéntu Dómini nostri Iesu Christi servétur. Fidélis est qui vocat vos, qui étiam fáciet.

Verbum Dómini.

**Alleluia**

Is 61, 1

R. Alleluia. V. Spíritus Dómini super me:  
evangelizáre paupéribus misit me.  
R. Alleluia.

**Evangelium***Medius vestrum stat, quem vos non scitis.*

† Léctio sancti Evangélii secúndum Ioánnem

1, 6-8. 19-28

Fuit homo missus a Deo, cui nomen erat Ioánnes: hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine.

Et hoc est testimónium Ioánnis, quando misérunt ad eum Iudéi ab Hierosólymis sacerdótes et Levítas ut interrogárent eum: « Tu quis es? » Et conféssus est, et non negávit; et conféssus est: « Non sum ego Christus ».

Et interrogáverunt eum: « Quid ergo? Elías es tu? »

Et dicit: « Non sum ».

« Prophéta es tu? »

Et respóndit: « Non ».

Dixérunt ergo ei: « Quis es? Ut respónsum demus his, qui misérunt nos; quid dicis de te ipso? »

Ait: « Ego vox clamántis in déserto: Dirígite viam Dómini, sicut dixit Isaías prophéta ».

Et qui missi fúerant, erant ex Phariséis. Et interrogáverunt eum, et dixérunt ei: « Quid ergo baptizás, si tu non es Christus, neque Elías, neque prophéta? »

Respóndit eis Ioánnes dicens: « Ego baptizo in aqua; médius vestrū stat, quem vos non scitis, qui post me ventúrus est, cuius ego non sum dignus ut solvam eius corrígiam calceaménti ».

Hæc in Bethánia facta sunt trans Iordánum, ubi erat Ioánnes baptizans. — Verbum Dómini.

## Anno C

### Lectio prima

*Dominus exsultabit super te in laude.*

### Lectio libri Sophoníæ prophétæ

**3, 14-18 a**

Lauda, filia Sion! iúbila, Israel! lætáre et exsúlta in omni corde, filia Ierúsalem! Abstulit Dóminus iudícium tuum, avértit inímicos tuos; rex Israel Dóminus in médio tui, non timébis malum ultra.

In die illa, dicétur Ierúsalem: « Noli timére, Sion; non dissolvántur manus tuae. Dóminus Deus tuus in mé-

dio tui fortis, ipse salvábit; gaudébit super te in lætitia, silébit in dilectione sua, exsultábit super te in laude ».

Verbum Dómini.

### Psalmus responsorius Is 12, 2-3. 4 bcd. 5-6 (R.: 6)

R. Exsúlta et lauda,  
quia magnus in médio tui Sanctus Israel.

**2** Ecce Deus salvátor meus, fiduciáliter agam et non timébo,  
quia fortitúdo mea et laus mea Dóminus,  
et factus est mihi in salútem.

**3** Hauriétiás aquas in gáudio de fóntibus Salvatóris. R.

**4** Confitémini Dómino et invocáte nomen eius,  
notas fácite in pópolis adinventiōnes eius,  
mementóte quóniam excélsum est nomen eius. R.

**5** Cantáte Dómino, quóniam magnífice fecit,  
annuntiáte hoc in univérsa terra.

**6** Exsúlta et lauda, habitatio Sion,  
quia magnus in médio tui Sanctus Israel. R.

### Lectio secunda

*Dominus prope.*

Léctio Epístolæ beáti Pauli apóstoli ad Philippenses

**4, 4-7**

Fratres:

Gaudéte in Dómino semper; íterum dico: gaudéte! Modéstia vestra nota sit ómnibus homínibus. Dóminus prope. Nihil sollíciti sitis, sed in ómnibus oratiōne et obsecratiōne cum gratiárum actiōne petitioñes vestrae innotéscant apud Deum.

Et pax Dei quæ exsúperat omnem sensum, custódiet corda vestra et intellegéntias vestras in Christo Iesu.

Verbum Dómini.

**Alleluia**

R. Alleluia. *V.* Spíritus Dómini super me:  
evangelizáre paupéribus misit me.  
R. Alleluia.

**Evangelium***Quid faciemus et nos?*

**† Léctio sancti Evangélii secúndum Lucam** 3, 10-18

In illo témpore:

Interrogábant turbæ Ioánnem, dicéntes: « Quid ergo faciémus? »

Respónsens autem dicébat illis: « Qui habet duas túnicas det non habénti; et qui habet escas simíliter faciat ».

Venérunt autem et publicáni ut baptizaréntur, et díxerunt ad illum: « Magíster, quid faciémus? »

At ille dixit ad eos: « Nihil ámplius quam constitútum est vobis faciátis ».

Interrogábant autem eum et mílites dicéntes: « Quid faciémus et nos? »

Et ait illis: « Néminem concutiátis, neque calúmniam faciátis, et conténti estóte stipéndiis vestris ».

Existimánte autem pôpulo et cogitántibus ómnibus in córdibus suis de Ioánne, ne forte ipse esset Christus, respóndit Ioánnes dicens ómnibus:

« Ego quidem aqua baptízo vos: venit autem fórtior me, cuius non sum dignus sólvere corrígiam calceamentórum eius: ipse vos baptizábit in Spíritu Sancto et igni: cuius ventilábrum in manu eius, ad purgándam áream suam et ad congregándum tríticum in hórreum suum, páleas autem combúret igni inexstinguíbili ».

Multa quidem et ália exhórtans evangelizábat pôpulum. — Verbum Dómini.

Is 61, 1

**Dicitur Credo.****Super oblata**

Devotiónis nostræ tibi, Dómine, quásimus,  
hóstia iúgiter immolétur,  
quæ et sacri péragat institúta mystérii,  
et salutáre tuum nobis poténter operétur.  
Per Christum.

**Præfatio I vel II de Adventu, pp. 745-746.****Ant. ad communionem****Cf. Is 35, 4**

Dícite: Pusillánimes, confortámini et nolíte timére:  
ecce Deus noster véniet et salvábit nos.

**Post communionem**

Tuam, Dómine, cleméntiam implorámus,  
ut hæc divína subsídia, a vítiis expiátos,  
ad festa ventúra nos præparent.

Per Christum.

**Feria secunda**

Nisi hæc dies a 17 ad 24 decembris occurrat, quia tunc sumuntur textus his diebus assignati, p. 258, omissis iis quæ sequuntur.

**Ant. ad introitum****Cf. Ier 31, 10; Is 35, 4**

Audíte verbum Dómini, gentes,  
et annuntiáte illud in finib⁹ terræ:  
Ecce Salvátor noster advéniet, et iam nolíte timére.

**Collecta**

Voci nostræ, quásimus, Dómine,  
aures tuæ pietátis accómmoda,  
et cordis nostri ténebras  
grátia Fílli tui nos visitántis illústra.  
Per Dóminum.

## Lectio prior

*Orietur stella ex Iacob.*

Léctio libri Númeri

24, 2-7. 15-17 a

In diébus illis:

Báalam elevans óculos vidit Israel in tentóriis comorántem per tribus suas; et irruénte in se spíritu Dei, assúmpta parábola, ait:

« Dixit Báalam, filius Beor, dixit homo, cuius obturátus est óculus; dixit audítor sermónum Dei, qui vi-siónem Omnipoténtis intútus est, qui cadit, et sic ape-riúntur óculi eius.

Quam pulchra tabernácula tua, Iacob! et tentória tua, Israel! Ut valles nemorósæ, ut horti iuxta flúvios irrígui, ut tabernácula, quæ fixit Dóminus, quasi cedri prope aquas. Fluet aqua de sítula eius, et semen illíus erit in aquas multas. Tollétur propter Agag rex eius, et auferéatur regnum illíus ».

Sumpta ígitur parábola, rursum ait:

« Dixit Báalam, filius Beor, dixit homo, cuius obturátus est óculus; dixit audítor sermónum Dei, qui novit doctrínam Altíssimi et visíones Omnipoténtis videt, qui cadens apérto habet óculos.

Vidébo eum, sed non modo; intuébor illum, sed non prope. Oriétur stella ex Iacob, et consúrget virga de Israel; et percútiét duces Moab, vastabítque omnes filios Seth ». — Verbum Dómini.

Psalmus responsorius

Ps 24, 4 bc-5 ab. 6-7 bc. 8-9 (R.: 4 b)

R. Sémitas tuas, Dómine, édoce me.

Vias tuas, Dómine, demónstra mihi,  
et sémitas tuas édoce me.

5 Dírige me in verítate tua et doce me,  
quia tu es Deus salútis meæ. R.

6 Reminiscere miseratiónum tuárum, Dómine,  
et misericordiárum tuárum, quóniam a sǽculo sunt.

7 Secúndum misericórdiam tuam meménto mei tu,  
propter bonitátem tuam, Dómine. R.

8 Dulcis et rectus Dóminus,  
propter hoc peccatóres viam docébit;  
9 díriget mansuétos in iudicio,  
docébit mites vias suas. R.

Alleluia

Ps 84, 8

R. Allelúia. V. Osténde nobis, Dómine, misericórdiam tuam,  
et salutare tuum da nobis. R. Allelúia.

Evangelium

'Baptismum Ioannis unde erat?

† Léctio sancti Evangélii secúndum Matthæum

21, 23-27

In illo témpore:

Cum venísset Iesus in templum, accessérunt ad eum docéntem príncipes sacerdótum et seniores pópuli di-céntes: « In qua potestáte hæc facis? Et quis tibi dedit hanc potestátem? »

Respónsens autem Iesus dixit illis: « Interrogábo vos et ego unum sermónen, quem si dixeritis mihi, et ego vobis dicam in qua potestáte hæc fácio: baptísmum Ioán-nis unde erat? A cælo an ex homínibus? »

At illi cogitábant inter se dicéntes: « Si dixerimus: "E cælo", dicet nobis: "Quare ergo non credidistis illi? "; si autem dixerimus: "Ex homínibus", timémus turbam; omnes enim habent Ioánnem sicut prophétam ». Et respondéntes Iesu dixerunt: « Nescímus ».

Ait illis et ipse: « Nec ego dico vobis in qua potestate hæc fácio ». — Verbum Dómini.

### Super oblata

Súscipe, quæsumus, Dómine, múnera,  
quæ de tuis offérimus colláta benefíciis,  
et, quod nostræ devotíoni concédis éffici temporálí,  
tuæ nobis fiat præmíum redemptíonis ætérnæ.  
Per Christum.

*Præfatio I de Adventu, p. 745.*

**Ant. ad communionem**

**Cf. Ps 105, 4-5; Is 38, 3**

Veni, Dómine, visitáre nos in pace,  
ut lætémur coram te corde perfécto.

### Post communionem

Prosint nobis, quæsumus, Dómine, frequentáta mystéria,  
quibus nos, inter prætereúntia ambulántes,  
iam nunc institúis amáre cælestia et inhærere mansúris.  
Per Christum.

### Feria tertia

Nisi hæc dies a 17 ad 24 decembris occurrat, quia tunc sumuntur textus his diebus assignati, p. 258, omissis iis quæ sequuntur.

**Ant. ad introitum**

**Cf. Zac 14, 5. 7**

Ecce Dóminus véniet, et omnes sancti eius cum eo;  
et erit in die illa lux magna.

### Collecta

Deus, qui novam creatúram  
per Unigénitum tuum nos esse fecisti,  
in ópera misericórdiae tuæ propítius intuérē,  
et in advéntu Fílli tui  
ab ómnibus nos máculis vetustatis emúnda.  
Per Dóminum.

### Lectio prior

*Salus messianica omnibus pauperibus promittitur.*

**Léctio libri Sophoníæ prophétæ**

**3, 1-2. 9-13**

Hæc dicit Dóminus:

« Væ provocátrix et redémpta cívitas, colúmba! Non audívit vocem et non suscépit disciplínam, in Dómino non est confísa, ad Deum suum non appropinquávit.

Tunc reddam pópolis lábium eléctum, ut ínvocent omnes in nómíne Dómini et sérviant ei húmero uno. Ultra flúmina Æthíópiæ inde súpplices mei; fílli disper-sórum meórum déferent munus mihi.

In die illa, non confundéris super cunctis adinven-tiōníbus tuis, quibus prævaricáta es in me; quia tunc áuferam de médio tui magníloquos supérbiæ tuæ, et non adicies exaltári amplius in monte sancto meo. Et dere-líquam in médio tui pópulum páuperem et egénum, et sperábunt in nómíne Dómini.

Relíquiæ Israel non fácient iniquitátem nec loqué-n-tur mendáciū, et non inveniéntur in ore eórum lingua dolósa, quóniam ipsi pascéntur et accubábunt, et non erit qui extérreat ». — Verbum Dómini.

### Psalmus responsoriū

**Ps 33, 2-3. 6-7. 17-18. 19 et 23 (R.: 7 a)**

**R.** Pauper clamávit, et Dóminus exaudívit eum.

**2** Benedícam Dóminum in omni témpore,  
semper laus eius in ore meo.

**3** In Dómino gloriábitur ánima mea,  
áudiant mansuéti et læténtur. **R.**

**6** Respícite ad eum, et illuminámini,  
et fácies vestræ non confundéntur.

**7** Iste pauper clamávit, et Dóminus exaudívit eum,  
et de ómnibus tribulatióñibus eius salvávit eum. **R.**

- <sup>17</sup> Vultus autem Dómini super faciéntes mala,  
ut perdat de terra memóriam eórum.  
<sup>18</sup> Clamavérunt, et Dóminus exaudívit,  
et ex ómnibus tribulatiónbis eórum liberávit eos. **R.**  
<sup>19</sup> Iuxta est Dóminus iis qui contrítō sunt corde,  
et confráctos spíritu salvábit.  
<sup>23</sup> Rédimet Dóminus ánimas servórum suórum,  
et non puniéntur omnes qui sperant in eo. **R.**

**Alleluia**

**R.** Allelúia. **V.** Veni, Dómine, et noli tardáre;  
reláxa facínora plebis tuæ. **R.** Allelúia.

**Evangelium**

*Venit Ioannes, et peccatores crediderunt ei.*

**†** Léctio sancti Evangélii secúndum Mattháeum

**21, 28-32**

In illo témpore: Dixit Iesus príncípibus sacerdótum et senióribus pópuli:

« Quid vobis vidétur? Homo quidam habébat duos filios. Et accédens ad primum dixit: "Fili, vade hódie operáre in vínea". Ille autem respóndens ait: "Nolo", póstea autem péniténtia motus ábiit. Accédens autem ad álterum, dixit simíliter. At ille respóndens ait: "Eo, dómine", et non ivit. Quis ex duóbus fecit voluntátem patris? » Dicunt: « Primus ».

Dicit illis Iesus: « Amen dico vobis: Publicáni et meretríces præcédunt vos in Regnum Dei. Venit enim ad vos Ioánnes in via iustitiæ, et non credidistis ei; publicáni autem et meretríces credidérunt ei; vos autem vidéntes nec péniténtiam habuístis póstea ut crederéti ei ». — Verbum Dómini.

**Super oblata**

Placáre, Dómine, quásimus,  
nostræ prícibus humilitáts et hóstiis,  
et, ubi nulla súppetunt suffrágia meritórum,  
tuæ nobis indulgéntiæ succúrre præsidiis.  
Per Christum.

**Præfatio I de Adventu, p. 745.**

**Ant. ad communionem**

**2 Tim 4, 8**

Corónam iustitiæ reddet iustus Iudex  
iis qui díligunt advéntum eius.

**Post communionem**

Repléti cibo spirítalis alimóniæ,  
súpplices te, Dómine, deprecámur,  
ut, huius participatióne mysteriū,  
dóceas nos terréna sapiénter perpéndere,  
et cælestibus inhærere.

Per Christum.

**Feria quarta**

Nisi hæc dies a 17 ad 24 decembris occurrat, quia tunc sumuntur textus his diebus assignati, p. 258, omissis iis quæ sequuntur.

**Ant. ad introitum**

**Cf. Hab 2, 3; 1 Cor 4, 5**

Véniet Dóminus et non tardábit,  
et illuminábit abscónrita tenebrárum,  
et manifestábit se ad omnes gentes.

**Collecta**

Præsta, quásimus, omnípotens Deus,  
ut Fílii tui ventúra sollémnitas  
et præséntis nobis vitæ remédia largiátur,  
et præmia ætérrna concédat.

Per Dóminum.

## Lectio prior

*Rorate, cæli, desuper!*

## Léctio libri Isaiae prophétæ

**45, 6 b-8. 18. 21 b-26**

« Ego Dóminus, et non est alter; formans lucem et creans ténebras, fáciens pacem et creans malum: ego Dóminus fáciens ómnia hæc.

Roráte, cæli, désuper, et nubes pluant iustum! Aperiátur terra, et gérminet Salvatórem, et iustitia oriátur simul! Ego Dóminus créávi eum ».

Quia hæc dicit Dóminus creans cælos, ipse Deus formans terram et fáciens eam, ipse plastes eius; non in vanum créávit eam, ut habitaréetur formávit eam: « Ego Dóminus, et non est álius.

Numquid non ego Dóminus, et non est ultra Deus absque me? Deus iustus et salvans non est præter me. Convertímini ad me, et salvi éritis, omnes fines terræ, quia ego Deus, et non est álius.

In memetíspo iurávi; egrediéntur de ore meo iustitiae verbum et non reverténtur; quia mihi curvábitur omne genu, et iurábit omnis lingua. Ergo in Dómino, dicet, meæ sunt iustitiae et impérium; ad eum vénient et confundéntur omnes qui repúgnant ei. In Dómino iustificábitur et laudábitur omne semen Israel ».

Verbum Dómini.

## Psalmus responsoriū

**Ps 84, 9 ab-10. 11-12. 13-14 (R.: Is 45, 8)**

R. Roráte, cæli, désuper, et nubes pluant iustum.

- <sup>9</sup> Audiam quid loquátur Dóminus Deus,  
quóniam loquéntur pacem ad plebem suam et sanctos suos.  
<sup>10</sup> Verúmtamen prope timéntes eum salutare ipsius,  
ut inhábitet glória in terra nostra. R.

<sup>11</sup> Misericórdia et véritas obviavérunt sibi,  
iustitia et pax osculátæ sunt.

<sup>12</sup> Véritas de terra orta est,  
et iustitia de cælo prospéxit. R.

<sup>13</sup> Enenim Dóminus dabit benignitatēm,  
et terra nostra dabit fructum suum.

<sup>14</sup> Iustitia ante eum ambulábit,  
et ponet in via gressus suos. R.

## Alleluia

**Is 40, 9-10**

R. Allelúia. ♀. Exálta in fortitúdine vocem tuam,  
tu qui evangelizás;  
ecce Dóminus Deus in fortitúdine véniet.

R. Allelúia.

## Evangelium

*Nuntiate Ioanni quæ vidistis et audistis.*

**† Léctio sancti Evangélii secúndum Lucam 7, 19-23**

In illo tempore:

Convocávit duos de discípulis suis Ioánnes et misit ad Dóminum dicens: « Tu es qui venturus es an álium exspectámus? » Cum autem veníssent ad eum viri, dixérunt: « Ioánnes Baptista misit nos ad te dicens: “ Tu es qui venturus es an álium exspectámus? ” »

In ipsa hora curávit multos a languóribus et plagis et spirítibus malis, et cæcis multis donávit visum. Et respónsens dixit illis:

« Eúntes nuntiáte Ioánni quæ vidístis et audístis: cæci vident, claudi ámbulant, leprósi mundántur et surdi áudiunt, mórtui resúrgunt, páuperes evangelizántur: et beátus est quicúmque non fúerit scandalizátus in me ».

Verbum Dómini.

**Super oblata**

Devotónis nostræ tibi, Dómine, quásumus,  
hóstia iúgiter immolétur,  
quæ et sacri péragat institúta mystérii,  
et salutáre tuum nobis poténter operétur.  
Per Christum.

**Prefatio I de Adventu**, p. 745.

**Ant. ad communionem**

**Is 40, 10; cf. 34, 5**

Ecce Dóminus noster cum virtúte véniet,  
et illuminábit oculos servórum suórum.

**Post communionem**

Tuam, Dómine, cleméntiam implorámus,  
ut hæc divína subsídia, a vítiis expiátos,  
ad festa ventúra nos préparent.  
Per Christum.

**Feria quinta**

Nisi hæc dies a 17 ad 24 decembribus occurrat, quia tunc sumuntur textus his diebus assignati, p. 258, omissis iis quæ sequuntur.

**Ant. ad introitum**

**Cf. Ps 118, 151-152**

Prope es tu, Dómine, et omnes viæ tuæ véritas;  
inítio cognóvi de testimóniis tuis,  
quia in ætérnum tu es.

**Collecta**

Indígnos, quásumus, Dómine, nos fámulos tuos,  
quos actiúnis própriæ culpa contristat,  
Únigeniti tui advéntu salutári lètifica.  
Per Dóminum.

**Lectio prior**

*Ut mulierem derelictam vocavit te Dominus.*

**Léctio libri Isaíæ prophétæ**

**54, 1-10**

Lauda, stérilis, quæ non paris, decánta laudem, et  
hinni quæ non pariébas; quóniam multi filii desértæ  
magis quam eius quæ habet virum, dicit Dóminus. Di-  
látá locum tentórii tui, et pelles tabernaculórum tuórum  
exténde, ne parcas, longos fac funículos tuos et clavos  
tuos consólida. Ad déxteram enim et ad lèvam pen-  
etrábis, et semen tuum gentes hereditábit, et civitátes  
desértas inhabitábit.

Noli timére quia non confundérис, neque erubéscес;  
non enim te pudébit, quia confusiónis adolescéntiæ tuæ  
obliviscérис, et oppróbrii viduitátis tuæ non recordáberis  
ámplius. Quia dominábitur tui qui fecit te, Dóminus  
exercítuum nomen eius, et redémptor tuus, Sanctus  
Israel, Deus omnis terræ vocábitur.

Quia ut mulierem derelictam et mæréntem spíritu  
vocávit te Dóminus, et uxórem ab adolescéntia abiéctam,  
dixit Deus tuus. Ad punctum in módico derelíqui te, et  
in miseratióibus magnis congregábo te. In moménto  
indignatiónis abscoñdi fáciem meam parúmper a te, et  
in misericórdia sempitérna misértus sum tui, dixit red-  
émptor tuus Dóminus.

Sicut in diébus Noe istud mihi est, cui iurávi ne in-  
dúcerem aquas Noe ultra supra terram; sic iurávi ut non  
iráscar tibi, et non íncrepem te. Montes enim commo-  
vebúntur, et colles contremíscerent; misericórdia autem  
mea non recédet a te, et fœdus pacis meæ non movébi-  
tur, dixit miserátor tuus Dóminus.

Verbum Dómini.

**Psalmus responsorius**

Ps 29, 2 et 4. 5-6. 11-12 a et 13 b (R.: 2 a)

- R. Exaltábo te, Dómine, quóniam extraxísti me.
- 2 Exaltábo te, Dómine, quóniam extraxísti me,  
nec delectásti inímicos meos super me.
- 4 Dómine, eduxísti ab inférno ániam meam,  
vivificásti me, ut non descénderem in lacum. R.
- 5 Psállite Dómino, sancti eius,  
et confitémini memoriæ sanctitatis eius.
- 6 Quóniam ad moméntum indignatio eius,  
et per vitam volúntas eius.  
Ad vésperum demorátur fletus,  
ad matutínum lætitia. R.
- 11 Audi, Dómine, et miserére mei,  
Dómine, esto mihi adiútor.
- 12 Convertísti planctum meum in choros mihi,  
Dómine Deus meus, in æténum confitébor tibi. R.

**Alleluia**

Lc 3, 4. 6

- R. Alleluia. V. Paráte viam Dómini, rectas fácite sémitas  
eius;  
vidébit omnis caro salutáre Dei.
- R. Alleluia.

**Evangelium**

Ioannes est angelus qui præparat viam Domini.

**Léctio sancti Evangélii secúndum Lucam** 7, 24-30

Cum discessíssent núnctii Ioánnis, cœpit Iesus dícere  
de Ioánnē ad turbas:

« Quid exístis in desértum vidére? Harúndinem ven-  
to movéri? Sed quid exístis vidére? Hóminem móllibus

vestiméntis indútum? Ecce qui in ueste pretiosa sunt et  
deliciis, in dómibus regum sunt. Sed quid exístis vidére?  
Prophétam? Utique dico vobis, et plus quam prophétam.

Hic est de quo scriptum est: “Ecce mitto ángelum  
meum ante fáciem tuam, qui præparábit viam tuam ante  
te”.

Dico vobis: Maior inter natos muliérum Ioánne ne-  
mo est; qui autem minor est in Regno Dei maior est  
illo ».

Et omnis póplus áudiens et publicáni iustificavérunt  
Deum, baptizáti baptísma Ioánnis; Phariséi autem et  
Legis perítii consílrium Dei sprevérunt in semetíspos, non  
baptizáti ab eo. — Verbum Dómini.

**Super oblata**

Súscipe, quásumus, Dómine, múnera,  
quæ de tuis offérimus colláta benefíciis,  
et, quod nostræ devotíoni concédis éffici temporáli,  
tuæ nobis fiat præmíum redemptíonis ætérnæ.  
Per Christum.

Præfatio I de Adventu, p. 745.

**Ant. ad communionem**

Tit 2, 12-13

Iuste et pie vivámus in hoc sǽculo,  
exspectántes beátam spem  
et advéntum glóriæ magni Dei.

**Post communionem**

Prosint nobis, quásumus, Dómine, frequentáta mystéria,  
quibus nos, inter prætereúntia ambulántes,  
iam nunc instituí amáre cælestia et inhærere mansúris.  
Per Christum.

**Feria sexta**

Nisi hæc dies a 17 ad 24 decembris occurrat, quia tunc sumuntur textus his diebus assignati, p. 258, omissis iis quæ sequuntur.

**Ant. ad introitum**

Ecce Dóminus véniet cum splendóre descendens  
visitáre pópulum suum in pace,  
et constitúere super eum vitam sempitérnam.

**Collecta**

Prævéniat nos, omnípotens Deus,  
tua grátia semper atque subsequátur,  
ut, qui advéntum Unigéniti tui  
summo cordis desidério sustinémus,  
et præséntis vitæ subsídia et futuræ páriter consequámur.  
Per Dóminum.

**Lectio prior**

*Domus mea domus orationis  
vocabitur cunctis populis.*

**Léctio libri Isaiae prophétæ**

**56, 1-3 a. 6-8**

Hæc dicit Dóminus:

« Custodíte iudícium, et fácite iustítiam, quia iuxta est salus mea ut véniat, et iustitia mea ut revelétur. Beatus vir qui facit hoc, et filius hóminis qui apprehéndit istud, custódiens sábbatum ne pólluat illud, custódiens manus suas ne fáciat omne malum. Et non dicat filius ádvenæ, qui adhéret Dómino dicens: "Separatióne dívidet me Dóminus a pôpulo suo"; et non dicat eunúchus: "Ecce ego lignum áridum".

Et filios ádvenæ, qui adhérent Dómino, ut colant eum et díligant nomen eius, ut sint ei in servos, omnem custodiéntem sábbatum ne pólluat illud, et tenéntem fœdus meum, addúcam eos in montem sanctum meum, et

lætificábo eos in domo oratiónis meæ; holocáusta eórum et víctimæ eórum placébunt mihi super altári meo, quia domus mea domus oratiónis vocábitur cunctis pôpulis ».

Ait Dóminus Deus, qui cóngregat dispérsois Israel:  
« Adhuc congregábo ad eum congregátos eius ».  
Verbum Dómini.

**Psalmus responsorius**      **Ps 66, 2-3. 5. 7-8 (R.: 4)**

R. Confiteántur tibi pôpuli, Deus,  
confiteántur tibi pôpuli omnes.

**1** Deus misereátur nostri, et benedícat nobis;  
illúminet vultum suum super nos.

**3** Ut cognoscátur in terra via tua,  
in ómnibus géntibus salutáre tuum. R.

**5** Læténtur et exsúltent gentes,  
quóniam iúdicas pôpulos in æquitáte,  
et gentes in terra dírigis. R.

**7** Terra dedit fructum suum;  
benedícat nos Deus, Deus noster;

**8** benedícat nos Deus,  
et métuant eum omnes fines terræ. R.

**Alleluia**

R. Alleluia. **V.** Veni, Dómine, visitáre nos in pace,  
ut lætémur coram te corde perfécto.

R. Alleluia.

**Evangelium**

*Ioannes est lucerna ardens et lucens.*

**† Léctio sancti Evangélii secúndum Ioánnem 5, 33-36**

In illo témpore: Dixit Iesus Iudéis:

« Vos misístis ad Ioánnem et testimónium perhíbuit veritáti; ego autem non ab hómine testimónium accípi,

sed hæc dico ut vos salvi sitis. Ille erat lucérna ardens et lucens, vos autem voluístis exsultáre ad horam in luce eius.

Ego autem hábeo testimónium maius Ioánne; ópera enim, quæ dedit mihi Pater ut perfíciā ea, ipsa ópera, quæ ego fácio, testimónium pérhibent de me quia Pater me misit ». — Verbum Dómini.

### Super oblata

Placáre, Dómine, quásimus,  
nostræ prémibus humilitatis et hóstiis,  
et, ubi nulla súppetunt suffrágia meritórum,  
tuæ nobis indulgéntiae succúrre præsidiis.  
Per Christum.

*Præfatio I de Adventu, p. 745.*

### Ant. ad communionem

Phil 3, 20-21

Salvatórem exspectámus Dóminum Iesum Christum,  
qui reformábit corpus humilitatis nostræ,  
configurátum cörpori claritatis suæ.

### Post communionem

Repléti cibo spirítalis alimóniæ,  
súpplices te, Dómine, deprecámur,  
ut, huius participatióne mystérii,  
dóceas nos terréna sapiénter perpéndere,  
et cælestibus inhærére.  
Per Christum.

## DOMINICA IV ADVENTUS

### Ant. ad introitum

Is 45, 8

Roráte, cæli, désuper, et nubes pluant iustum;  
aperiátrum terra et gérminet Salvatórem.

### Collecta

Grátiam tuam, quásimus, Dómine,  
mémentibus nostris infúnde,  
ut qui, Angelo nuntiánte,  
Christi Filiū tui incarnatióne cognóvimus,  
per passiónem eius et crucem  
ad resurrectiōnis gloriā perducámur.  
Per Dóminum.

### Anno A

#### Lectio prima

*Ecce virgo concipiet.*

Léctio libri Isaíæ prophétæ

7, 10-14

In diébus illis:

Locútus est Dóminus ad Achaz dicens: « Pete tibi signum a Dómino Deo tuo in profúndum inférni sive in excélsum supra ».

Et dixit Achaz: « Non petam et non tentábo Dóminum ».

Et dixit Isaías: « Audíte ergo, domus David: Numquid parum vobis est moléstos esse homínibus, quia moléstii estis et Deo meo? Propter hoc dabit Dóminus ipse vobis signum. Ecce virgo concipiet et páriet filium, et vocábitur nomen eius Emmáuel, quia Nobiscum Deus ». — Verbum Dómini.

## Psalmus responsorius

Ps 23, 1-2. 3-4 ab. 5-6 (¶: cf. 7 c et 10 b)

R. Introitib⁹ Dóminus: ipse est rex glóriæ.

- 1 Dómini est terra et plenitudo eius,  
orbis terrárum et qui hábitant in eo.
- 2 Quia ipse super mária fundávit eum,  
et super flúmina firmávit eum. R.
- 3 Quis ascéndet in montem Dómini,  
aut quis stabit in loco sancto eius?
- 4 Innocens mánibus et mundo corde,  
qui non accépit in vanum nomen eius. R.
- 5 Hic accípiet benedictiónem a Dómino,  
et iustificatióne a Deo salutári suo.
- 6 Hæc est generatióne quæréntium eum,  
quæréntium fáciem Dei Iacob. R.

## Lectio secunda

Jesus Christus, ex semine David, Filius Dei.

Lectio Epistolæ beati Pauli apóstoli ad Romános 1, 1-7

Paulus, servus Christi Iesu, vocátus apóstolus, se-gregátus in Evangélium Dei, quod ante promíserat per Prophétas suos in Scripturis sanctis de Filio suo, qui factus est ex sémine David secundum carnem.

Qui constitútus est Filius Dei in virtute secundum Spíritum sanctificationis ex resurrectiōne mortuórum, Iesu Christo Dómino nostro, per quem accépimus grátiā et apostolátum ad obediētiōnem fidei in ómnibus gréntibus pro Nómine eius, in quibus estis et vos vocáti Iesu Christi.

Omnibus qui sunt Romæ diléctis Dei, vocatis sanctis, grátiā vobis et pax a Deo Patre nostro et Dómino Iesu Christo. — Verbum Dómini.

Alleluia

Mt 1, 23

R. Allelúia. ¶ Ecce virgo in útero habébit et páriet filium;  
et vocábunt nomen eius Emmáuel,  
Nobiscum-Deus. R. Allelúia.

## Evangelium

*Iesus nascetur de Maria,  
desponsata Ioseph, filio David.*

¶ Léctio sancti Evangélii secundum Matthéum

1, 18-24

Iesu Christi generatióne sic erat.

Cum esset despósata mater eius María Ioseph, ántequam conveníentē invénta est in útero habens de Spíritu Sancto. Ioseph autem vir eius, cum esset iustus et nollet eam tradúcere, voluit occúlte dimíttere eam.

Hæc autem eo cogitante, ecce ángelus Dómini in somnis appáruit ei dicens: « Ioseph, fili David, noli timere accípere Mariam cóniugem tuam; quod enim in ea natum est, de Spíritu Sancto est. Páriet autem filium, et vocábis nomen eius Iesum: ipse enim salvum fáciet pópulum suum a peccátis eórum ».

Hoc autem totum factum est ut adimpleretur id quod dictum est a Dómino per Prophétam dicéntem: « Ecce virgo in útero habébit et páriet filium, et vocábunt nomen eius Emmáuel, quod est interpretátum Nobiscum-Deus ».

Exsúrgens autem Ioseph a somno, fecit sicut præcépit ei ángelus Dómini, et accépit cóniugem suam. Verbum Dómini.

**Anno B****Lectio prima**

*Regnum David erit usque in æternum  
ante faciem Domini.*

Léctio libri secundi Samuélis      7, 1-5. 8 b-12. 14 a. 16

Factum est cum sedisset David rex in domo sua, et Dóminus dedisset ei réquiem úndique ab univérsis inimícis suis, dixit ad Nathan prophétam: « Vidésne quod ego hábitem in domo cédrina, et arca Dei pósita sit in médio péllium ».

Dixítque Nathan ad regem: « Omne quod est in corde tuo, vade, fac, quia Dóminus tecum est ».

Factum est autem in illa nocte, et ecce sermo Dómini ad Nathan dicens: « Vade et lóquere ad servum meum David: " Hæc dicit Dóminus: Numquid tu ædificábis mihi domum ad habitandum?

Ego tuli te de páscuis sequéntem greges, ut esses dux super pópulum meum Israel, et fui tecum in ómnibus ubicúmque ambulásti, et interféci univérsos inimícos tuos a fácie tua; fecíque tibi nomen grande iuxta nomen magnórum qui sunt in terra.

Et ponam locum pópulo meo Israel, et plantábo eum, et habitábit sub eo, et non turbábitur ámplius; nec addent filii iniquitatis ut afflígant eum sicut prius, ex die qua constítui iúdices super pópulum meum Israel.

Et réquiem dabo tibi ab ómnibus inimícis tuis, prædicítque tibi Dóminus quod domum fáciat tibi Dóminus.

Cumque compléti fúerint dies tui et dormíeris cum pátribus tuis, suscitábo semen tuum post te quod egrediéatur de útero tuo; et firmábo regnum eius. Ego ero ei in patrem, et ipse erit mihi in filium.

Et fidélis erit domus tua et regnum tuum usque in æternum ante fáciem tuam, et thronus tuus erit firmitus iúgiter ». — Verbum Dómini.

**Psalmus responsorius**

*Ps 88, 2-3. 4-5. 27 et 29 (R.: cf. 2 a)*

R. Misericórdias tuas, Dómine, in æternum cantábo.

1 Misericórdias Dómini in æternum cantábo,  
in generatiómem et generatiómem  
annuntiábo veritátem tuam in ore meo.

3 Quóniam dixísti:  
« In æternum misericórdia ædificábitur »,  
in cælis firmábitur véritas tua. R.

4 « Dispósui testaméntum elécto meo,  
iurávi David servo meo:

5 Usque in æternum confirmábo semen tuum,  
et ædificábo in generatiómem et generatiómem  
sedem tuam ». R.

27 Ipse invocábit me: Pater meus es tu,  
Deus meus et refúgium salútis meæ.

29 In æternum servábo illi misericórdiam meam,  
et testaméntum meum fidéle ipsi. R.

**Lectio secunda**

*Mysterium temporibus æternis tacitum  
nunc patefactum est.*

Léctio Epistolæ beáti Pauli apóstoli ad Romános

16, 25-27

Fratres:

Ei qui potens est vos confirmáre iuxta Evangélium meum et prædicatiómem Iesu Christi secúndum revelatiómem mystérii tempóribus æternis tñcti, manifestati autem nunc, et per Scripturas Prophetárum secúndum præcéptum æterni Dei ad oboediómem fidei in cunctis géntibus patefacti, soli sapiénti Deo per Iesum Christum, cui glória in sécula. Amen. — Verbum Dómini.

Alleluia

Lc 1, 38

R. Allelúa. **E**cce ancílla Dómini:  
fiat mihi secúndum verbum tuum.  
R. Allelúa.

## Evangelium

*Ecce concipies in utero et paries filium.*

**†** Léctio sancti Evangélii secúndum Lucam **1, 26-38**

In illo témpore:

Missus est ángelus Gábriel a Deo in civitátem Galilææ, cui nomen Názareth, ad vírginem despósantam viro cui nomen erat Ioseph de domo David, et nomen vírginis María.

Et ingrésus ad eam dixit: « Ave, grátia plena, Dóminus tecum ». Ipsa autem turbáta est in sermóne eius et cogitábat qualis esset ista salutátio.

Et ait Angelus ei: « Ne tímeas, María, invenísti enim grátiam apud Deum: et ecce concípies in útero et páries filium, et vocábis nomen eius Iesum. Hic erit magnus et Filius Altíssimi vocábitur, et dabit illi Dóminus Deus sedem David patris eius, et regnábit super domum Iacob in ætérnum, et Regni eius non erit finis ».

Dixit autem María ad Angelum: « Quómodo fiet istud, quóniam virum non cognóscō? »

Et respóndens Angelus dixit ei: « Spíritus Sanctus supervéniet in te, et virtus Altíssimi obumbrábit tibi: ideóque et quod nascétur Sanctum vocábitur, Filius Dei. Et ecce Elísabeth cognáta tua et ipsa concépit filium in senécta sua, et hic mensis est sextus illi quæ vocátur stérilis: quia non erit impossíble apud Deum omne verbum ».

Dixit autem María: « Ecce ancílla Dómini: fiat mihi secúndum verbum tuum ». Et discéssit ab illa Angelus. Verbum Dómini.

## Anno C

## Lectio prima

*Ex te egredietur dominator in Israel.*

Léctio libri Micháæ prophétae

**5, 2-5 a**

Hæc dicit Dóminus:

« Et tu, Béthlehem Ephrata, párvulus es in míliabus Iuda: ex te mihi egrediéntur qui sit dominátor in Israel, et egréssus eius ab inítio, a diébus aëternitatis. Propter hoc dabit eos usque ad tempus, in quo partúriens páriet; et reliquiae fratrū eius converténtur ad filios Israel. Et stabit, et pascet in fortitúdine Dómini, in sublimitáte nóminalis Dómini Dei sui.

Et converténtur, quia nunc magnificábitur usque ad térmilos terræ. Et erit iste pax ». — Verbum Dómini.

## Psalmus responsorius

**Ps 79, 2 ac et 3 b. 15-16. 18-19 (R.: 4)**

- R. Deus, converte nos,  
illústra fáciem tuam, et salvi érimus.
- Qui pascis Israel, inténde,  
qui sedes super Chérubim, effúlge.
- Excita poténtiam tuam, et veni,  
ut salvos fáciás nos. R.
- Deus virtútum, convertere;  
respice de cælo et vide, et vísita víneam istam.
- Et prótege eam quam plantávit déxtera tua,  
et super filium hóminis quem confirmásti tibi. R.

- <sup>18</sup> Fiat manus tua super virum déxteræ tuæ,  
super filium hóminis quem confirmásti tibi.  
<sup>19</sup> Et non discedémus a te, vivificábis nos,  
et nomen tuum invocábimus. R.

**Lectio secunda***Ecce venio ut faciam voluntatem tuam.*

Léctio Epístolæ ad Hebráeos

10, 5-10

Fratres:

Ingrédiens mundum Christus dicit: « Hóstiam et oblationem noluísti, corpus autem aptásti mihi: holocausta et sacrificia pro peccáto non tibi placuérunt. Tunc dixi: Ecce vénio, in capitulo libri scriptum est de me, ut fáciam, Deus, voluntátem tuam ».

Supérius dicens: « Hóstias et oblationes et holocausta et sacrificia pro peccáto noluísti, nec placuérunt tibi » quæ secúndum Legem offerúntur, tunc dixit: « Ecce vénio ut fáciam voluntátem tuam ». Aufert primum ut secúndum státuat; in qua voluntáte sanctificáti sumus per oblationem córporis Christi Iesu semel.

Verbum Dómini.

**Alleluia**

Lc 1, 38

R Allelúia. **V.** Ecce ancilla Dómini:  
fiat mihi secúndum verbum tuum.  
**R.** Allelúia.

**Evangelium***Unde hoc mibi ut veniat mater Domini mei ad me?***† Léctio sancti Evangélii secúndum Lucam 1, 39-45**

Exsúrgens María in diébus illis ábiit in montánam cum festinatióne in civitátem Iudæ, et intrávit in domum Zacharíæ et salutávit Elísabeth.

Et factum est, ut audívít salutatióñem Maríæ Elísabeth, exsultávit infans in útero eius, et repléta est Spíritu Sancto Elísabeth, et exclamávit voce magna et dixit:

« Benedícta tu inter mulieres, et benedíctus fructus ventris tui. Et unde hoc mihi ut véniat mater Dómini mei ad me? Ecce enim, ut facta est vox salutatióñis tuæ in áuribus meis, exsultávit in gáudio infans in útero meo. Et beáta quæ crédidit, quóniam perficiéntur ea quæ dicta sunt ei a Dómino ». — Verbum Dómini.

**Dicitur Credo.****Super oblata**

Altári tuo, Dómine, superpósita múnera  
Spíritus ille sanctificet,  
qui beátæ Maríæ víscera sua virtúte replévit.  
Per Christum.

**Præfatio II de Adventu, p. 746.****Ant. ad communionem**

Is 7, 14

Ecce Virgo concípiet, et páriet filium;  
et vocábitur nomen eius Emmánuel.

**Post communionem**

Sumpto pígnore redemptiōnis ætérnæ,  
quásumus, omnípotens Deus,  
ut, quanto magis dies salutiferæ festivitatis accédit,  
tanto devótius proficiámus  
ad Fílli tui digne nativitatis mystérium celebrándum.  
Per Christum.

IN FERIIS ADVENTUS  
a die 17 ad diem 24 decembris

Missæ quæ sequuntur diebus quibus sunt assignatæ adhibentur,  
excepta dominica, quæ suam Missam retinet.

## Die 17 decembris

## Ant. ad introitum

Cf. Is 49, 13

Lætentur cœli et exsultet terra,  
quia Dóminus noster véniet,  
et páuperum suórum miserébitur.

## Collecta

Deus, humánæ cónditor et redémptor natúræ,  
qui Verbum tuum in útero perpétuae virginitatis  
carnem assúmere voluísti,  
respice propítius ad preces nostras,  
ut Unigénitus tuus, nostra humanitatē suscépta,  
nos divino suo consórto sociare dignéatur. Per Dóminum.

## Lectio prior

Non auferetur sceptrum de Iuda.

## Léctio libri Génesis

49, 2. 8-12

In diébus illis: Vocávit Iacob filios suos et ait eis:  
« Congregámini, ut annúntiem quæ ventúra sunt vo-  
bis in diébus novíssimis. Congregámini et audíte, filii  
Iacob, audíte Israel patrem vestrum.

Iuda, te laudábunt fratres tui; manus tua in cervíci-  
bus inimicórum tuórum, adorábunt te filii patris tui.  
Cátulus leónis Iuda. Ad prædam, fili mi, ascendísti. Re-  
quiéscens accubuísti ut leo et quasi leána: quis suscitá-  
bit eum?

Non auferéatur sceptrum de Iuda et dux de fémore eius, donec véniat qui mitténdus est; et ipse erit exspectatio géntium ».

Verbum Dómini.

## Psalmus responsorius

Ps 71, 1-2. 3-4 ab. 7-8. 17 (¶: cf. 7)

- ¶. Florébit in diébus eius iustitia  
et abundántia pacis in ætérnum.
- <sup>1</sup> Deus, iudícium tuum regi da,  
et iustitiā tuam filio regis;
- <sup>2</sup> iúdicet pôpulum tuum in iustitia,  
et páuperes tuos in iudicio. ¶.
- <sup>3</sup> Afferant montes pacem pôpulo,  
et colles iustitiā.
- <sup>4</sup> Iudicábit páuperes pôpuli,  
et salvos fáciet filios ínopis. ¶.
- <sup>7</sup> Florébit in diébus eius iustitia et abundántia pacis,  
donec auferátur luna.
- <sup>8</sup> Et dominábitur a mari usque ad mare,  
et a Flúmine usque ad térmilos orbis terrárum. ¶.
- <sup>17</sup> Sit nomen eius benedictum in sǽcula,  
ante solem permanébit nomen eius.  
Et benedicéntur in ipso omnes tribus terræ,  
omnes gentes magnificábunt eum. ¶.

## Alleluia

¶. Allelúia. ¶. Sapiéntia Altíssimi,  
fórtiter suavitérque dispónens ómnia:  
veni ad docéndum nos viam prudéntiæ.  
¶. Allelúia.

Loco versus ante Evangelium, qui singulis diebus proponitur, alius  
adhiberi potest ex iis qui infra, p. 717, inveniuntur.

**Evangelium***Genealogia Iesu Christi, filii David.***¶ Léctio sancti Evangélii secúndum Matthéum 1, 1-17**

Liber generatiónis Iesu Christi, filii David, filii Abraham.

Abraham génuit Isaac, Isaac autem génuit Iacob, Iacob autem génuit Iudam et fratres eius, Iudas autem génuit Phares et Zara de Thamar, Phares autem génuit Esrom, Esrom autem génuit Aram, Aram autem génuit Amínadab, Amínadab autem génuit Naásson, Naásson autem génuit Salmon, Salmon autem génuit Booz de Rahab, Booz autem génuit Iobed ex Ruth, Iobed autem génuit Iesse, Iesse autem génuit David regem.

David autem rex génuit Salomónem ex ea quæ fuit Uríæ. Sálomon autem génuit Róboam, Róboam autem génuit Abíam, Abía autem génuit Asa, Asa autem génuit Iósaphat, Iósaphat autem génuit Ioram. Ioram autem génuit Ozíam, Ozías autem génuit Ióatham, Ióatham autem génuit Achaz, Achaz autem génuit Ezechíam, Ezechiás autem génuit Manássen, Manásses autem génuit Amon, Amon autem génuit Iosíam, Iosías autem génuit Iechóniam et fratres eius in transmigratióne Babylónis.

Et post transmigratióne Babylónis Iechonías génuit Saláthiel, Saláthiel autem génuit Zoróbabel, Zoróbabel autem génuit Abiud, Abiud autem génuit Elíachim, Elíachim autem génuit Azor, Azor autem génuit Sadoc, Sadoc autem génuit Achim, Achim autem génuit Eliud, Eliud autem génuit Eleázar, Eleázar autem génuit Matthan, Matthan autem génuit Iacob, Iacob autem génuit Ioseph virum Mariæ, de qua natus est Iesus qui vocátur Christus.

Omnes ergo generatiónes ab Abraham usque ad David generatiónes quattuórdecim; et a David usque ad

transmigratióne Babylónis generatiónes quattuórdecim; et a transmigratióne Babylónis usque ad Christum generatiónes quattuórdecim. — Verbum Dómini.

**Super oblata**

Ecclésiæ tuæ, Dómine, dona sanctifica,  
et concéde, ut, per hæc veneranda mysteria,  
pane cælesti réfici mereámur. Per Christum.

*Præfatio II de Adventu, p. 746.*

**Ant. ad communionem**

*Cf. Agg 2, 8*

Ecce véniet desiderátus cunctis géntibus,  
et replébitur glória domus Dómini.

**Post communionem**

Divino múnere satiáti, quæsumus, omnípotens Deus,  
hoc desidério potiámur,  
ut, a tuo accénsi Spíritu,  
ante conspéctum veniéntis Christi tui,  
velut clara luminária fulgeámus. Per Christum.

**Die 18 decembris****Ant. ad introitum**

Rex noster advéniet Christus,  
quem Ioánnes prædicávit Agnum esse ventúrum.

**Collecta**

Concéde, quæsumus, omnípotens Deus,  
ut, qui sub peccati iugo ex vetústa servítute deprímimur,  
exspectáta Unigéni tui nova nativitatē liberémur.  
Per Dóminum.

## Lectio prior

*Suscitabo David germen iustum.*

Léctio libri Ieremíæ prophétæ 23, 5-8

« Ecce dies véniant, dicit Dóminus, et suscitábo Da-víd germen iustum; et regnábit rex, et sápiens erit, et fáciat iudícium et iustítiam in terra. In diébus illis sal-vábitur Iuda, et Israél habitábit confidénter, et hoc est nomen quod vocábunt eum: " Dóminus iustus noster ".

Propter hoc ecce dies véniant, dicit Dóminus, et non dicent ultra: " Vivit Dóminus, qui edúxit filios Israél de terra Ægýpti ", sed: " Vivit Dóminus, qui edúxit et addúxit semen domus Israél de terra aquilónis et de cunctis terris, ad quas eiéceram eos illuc, et habitábunt in terra sua " ».

Verbum Dómini.

## Psalmus responsorius

Ps 71, 1-2. 12-13. 18-19 (R.: cf. 7)

R. Florébit in diébus eius iustítia  
et abundántia pacis in ætérnum.

1 Deus, iudícium tuum regi da,  
et iustítiam tuam filio regis;  
2 iúdicet pópulum tuum in iustítia,  
et páuperes tuos in iudício. R.

12 Quia liberábit ínopem clamántem,  
et páuperem cui non erat adiútor.

13 Parcat páperi et ínopi,  
et ánimas páperum salvas fáciat. R.

18 Benedíctus Dóminus Deus, Deus Israél,  
qui facit mirabília solus;

19 et benedíctum nomen maiestátis eius in ætérnum,  
et replébitur maiestáte eius omnis terra. Fiat, fiat. R.

## Alleluia

R. Alleluia. R. Dux domus Israel,  
qui Móysi in Sina legem dedísti:  
veni ad rediméndum nos in brácchio exténto.

R. Alleluia.

## Evangelium

*Iesus nascetur de Maria,  
desponsata Ioseph, filio David.*

† Léctio sancti Evangélii secúndum Matthéum

1, 18-24

Iesu Christi generátio sic erat:

Cum esset despósnta mater eius María Ioseph, ántequam convenírent invénta est in útero habens de Spíritu Sancto. Ioseph autem vir eius, cum esset iustus et nollet eam tradúcere, voluit occúttere dimíttere eam.

Hæc autem eo cogitánte, ecce ángelus Dómini in somnis appáruit ei dicens: « Ioseph, fili David, noli timére accípere Mariám cóniugem tuam; quod enim in ea natum est, de Spíritu Sancto est. Páriet autem filium, et vocábis nomen eius Iesum; ipse enim salvum fáciet pópulum suum a peccátis eórum ».

Hoc autem totum factum est ut adimpleréatur id quod dictum est a Dómino per Prophétam dicéntem: « Ecce virgo in útero habébit et páriat filium, et vocábunt nomen eius Emmánuel », quod est interpretátum Nobis-cum-Deus.

Exsúrgens autem Ioseph a somno, fecit sicut præcépit ei ángelus Dómini, et accépit cóniugem suam.

Verbum Dómini.

**Super oblata**

Sacrificium tibi, Dómine, celebrándum  
tuo nómini nos reddit accéptos,  
ut ipsíus æternitátis mereámur esse consórtes,  
qui mortalitaté nostram sua mortalitaté curávit.  
Per Christum.

*Præfatio II de Adventu, p. 746.*

**Ant. ad communionem**

Mt 1, 23

Vocábunt nomen eius Emmánuel,  
quod est interpretátum Nobiscum-Deus.

**Post communionem**

Suscipiámus, Dómine, misericórdiam tuam  
in médio templi tui,  
et redemptiónis nostræ ventúra sollémnia  
cóngruis honóribus præcedámus.  
Per Christum.

**Die 19 decembris****Ant. ad introitum**

Cf. Hebr 10, 37

Qui ventúrus est véniet et non tardábit,  
et iam non erit timor in fínibus nostris,  
quóniam ipse est Salvátor noster.

**Collecta**

Deus, qui splendórem gloriæ tuæ  
per sacrae Vírginis partum mundo dignátus es reveláre,  
tribue, quásumus, ut tantæ incarnatiónis mystérium  
et fidei integritaté colámus,  
et devóto semper obséquio frequentémus.  
Per Dóminum.

**Lectio prior**

*Nativitas Samson ab Angelo annuntiatur.*

**Léctio libri Iúdicum**

13, 2-7. 24-25 a

In diébus illis:

Erat quidam vir de Sára et de stirpe Dan, nómine Mánue, habens uxórem stérilem; cui appáruit ángelus Dómini, et dixit ad eam: « Stérilis es et absque líberis, sed concípies et páries filium. Cave ergo ne bibas vi-num ac síceram, nec immúndum quidquam cómedas; quia concípies et páries filium, cuius non tanget caput novácula; erit enim nazaréus Dei ab infántia sua et ex matris útero, et ipse incípiet liberáre Israel de manu Philisthinórum ».

Quæ, cum venísset ad marítum suum, dixit ei: « Vir Dei venit ad me habens vultum angélicum, terríbilis nimis. Quem cum interrogássem, quis esset et unde ve-nísset et quo nómine vocarétur, nóluit mihi dícere; sed hoc respóndit: " Ecce concípies et páries filium. Cave ne vinum bibas nec síceram, et ne áliquo vescáris im-mundo; erit enim puer nazaréus Dei ab infántia sua, ex útero matris suæ usque ad diem mortis suæ " ».

Péperit itaque filium et vocávit nomen eius Samson. Crevítque puer, et benedíxit ei Dóminus. Cœpítque spíritus Dómini esse cum eo in Castris Dan inter Sára et Esthaol. — Verbum Dómini.

**Psalmus responsorius**

Ps 70, 3-4 a. 5-6 ab. 16-17 (R.: cf. 8 ab)

R. Repleáтур os meum laude, et cantem gloriām tuam.

<sup>3</sup> Esto mihi in rupem præsídií  
et in domum munitam, ut salvum me fáciás,  
quóniam fortitúdo mea et refúgium meum es tu.

<sup>4</sup> Deus meus, éripe me de manu peccatóris. R.

- <sup>5</sup> Quóniam tu es exspectátio mea, Dómine;  
Dómine, spes mea a iuventúte mea.  
<sup>6</sup> Super te inníxus sum ex útero,  
de ventre matris meæ tu es suscéptor meus. R.  
<sup>16</sup> Véniam ad poténtias Dómini:  
Dómine, memorábor iustítiae tuæ solús.  
<sup>17</sup> Deus, docuísti me a iuventúte mea;  
et usque nunc annuntiábo mirabília tua. R.

**Alleluia**

R. Alleluia. <sup>X</sup>. Radix Iesse, stans in signum populórum:  
veni ad liberándum nos, iam noli tardáre.  
R. Alleluia.

**Evangelium**

*Nativitas Ioannis Baptistæ  
a Gabriele annuntiatur.*

**† Léctio sancti Evangélii secúndum Lucam 1, 5-25**

Fuit in diébus Heródis regis Iudææ sacérdos quidam nómine Zachariás, de vice Abíæ et uxori illi de filiábus Aaron, et nomen eius Elísabeth.

Erant autem iusti ambo ante Deum, incedéntes in ómnibus mandátis et iustificatióibus Dómini, irreprehensíbiles. Et non erat illis filius eo quod esset Elísabeth stérilis, et ambo processíssent in diébus suis.

Factum est autem, cum sacerdótio ipse fungerétur in órdine vícis suæ ante Deum, secúndum consuetúdinem sacerdótii sorte éxiit ut incénum póneret ingréssus in templum Dómini, et omnis multitúdo erat populi orans foris hora incénsi: appáruit autem illi ángelus Dómini stans a dextris altáris incénsi.

Et Zachariás turbátus est videns, et timor írruit super eum. Ait autem ad illum ángelus: « Ne tímeas, Zachariá, quóniam exaudíta est deprecatió tua, et uxor tua Elísabeth páriét tibi filium, et vocábis nomen eius Ioánnem.

Et erit gáudium tibi et exsultatió, et multi in nativitáte eius gaudébunt: erit enim magnus coram Dómino, et vinum et siceram non bibet, et Spíritu Sancto replébitur adhuc ex útero matris suæ, et multos filiórum Israel convértet ad Dóminum Deum ipsórum.

Et ipse præcédet ante illum in spíritu et virtúte Elíæ, ut convértat corda patrum in filios et incredíbiles ad prudéntiam iustórum, paráre Dómino plebem perféctam ».

Et dixit Zachariás ad ángelum: « Unde hoc sciam? Ego enim sum senex et uxor mea procéssit in diébus suis ».

Et respóndens ángelus dixit ei: « Ego sum Gábel qui adsto ante Deum, et missus sum loqui ad te et hæc tibi evangelizáre: et ecce eris tacens et non pótteris loqui usque in diem quo hæc fiant, pro eo quod non credísti verbis meis, quæ implebúntur in témpore suo ».

Et erat plebs exspéctans Zachariám, et mirabántur quod tardáret ipse in templo. Egréssus autem non pótterat loqui ad illos, et cognovérunt quod visióne vidísset in templo; et ipse erat innuens illis, et permánsit mutus.

Et factum est, ut impléti sunt dies officií eius, ábiit in domum suam. Post hos autem dies concépit Elísabeth uxor eius, et occultábat se ménibus quinque, dicens: « Sic mihi fecit Dóminus in diébus quibus respéxit auférre opprórium meum inter hómines ».

Verbum Dómini.

**Super oblata**

Propítius intuérē múnera, Dómine, quæsumus,  
quæ tuis altáribus exhibémus,

ut, quod nostra fragilitáte défértur,  
tua virtúte sacréatur.  
Per Christum.

*Præfatio II de Adventu, p. 746.*

**Ant. ad communionem**

Lc 1, 78-79

Visitábit nos Oriens ex alto,  
ad dirigéndos pedes nostros in viam pacis.

**Post communionem**

Grátias de collátis munéribus referéntes,  
fac nos propítius, omnípotens Deus,  
quæ ventúra sunt desideráre præstánda,  
ut nativitátem Salvatóris nostri  
purificátis suscipiámus méntibus honorándam.  
Per Christum.

**Die 20 decembris**

**Ant. ad introitum** Cf Is 11, 1; 40, 5; Lc 3, 6

Egrediéatur virga de radice Iesse,  
et replébitur omnis terra glória Dómini,  
et vidébit omnis caro salutáre Dei.

**Collecta**

Deus, cuius ineffábile Verbum,  
Angelo nuntiánte, Virgo immaculáta suscépit,  
et, domus divinitátis effécta,  
Sancti Spíritus luce replétur,  
quásimus, ut nos, eius exémplo,  
voluntati tuæ humíliter adhærére valeámus.  
Per Dóminum.

**Lectio prior**

*Ecce virgo concipiet.*

Léctio libri Isaíæ prophétæ

7, 10-14

In diébus illis:

Locútus est Dóminus ad Achaz dicens: « Pete tibi signum a Dómino Deo tuo in profundum inféni sive in excélsum supra ».

Et dixit Achaz: « Non petam et non tentábo Dóminus ».

Et dixit Isaías: « Audíte ergo, domus David: Numquid parum vobis est moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concípiet et páriet filium, et vocábitur nomen eius Emmáuel, quia Nobiscum-Deus ». Verbum Dómini.

**Psalmus responsorius**

Ps 23, 1-2, 3-4 ab. 5-6 (R.: cf. 7 c et 10 b)

R. Introíbit Dóminus: ipse est rex glóriæ.

<sup>1</sup> Dómini est terra et plenitúdo eius,

orbis terrárum et qui hábitant in eo.

<sup>2</sup> Quia ipse super mária fundávit eum,  
et super flúmina firmávit eum. R.

<sup>3</sup> Quis ascéndet in montem Dómini,  
aut quis stabit in loco sancto eius?

<sup>4</sup> Innocens mánibus et mundo corde,  
qui non accépit in vanum nomen eius. R.

<sup>5</sup> Hic accípiet benedictiónem a Dómino,  
et iustificatióne a Deo salutári suo.

<sup>6</sup> Hæc est generatióne queréntium eum,  
queréntium fáciem Dei Iacob. R.

**Alleluia**

℟. Allelúia. ℞. Clavis David, qui áperis portas ætérni regnī:  
veni, et educ vinctum de domo cáceris sēdēntem in ténebris. ℞. Allelúia.

**Evangelium***Ecce concipies in utero, et paries filium.*

✠ Léctio sancti Evangélii secúndum Lucam 1, 26-38

In mense sexto missus est ángelus Gábriel a Deo in civitátem Galiláæ, cui nomen Názareth, ad vírginem despósatam viro cui nomen erat Ioseph de domo Da-víd, et nomen vírginis María.

Et ingrésus ad eam dixit: « Ave, grátia plena, Dóminus tecum ». Ipsa autem turbáta est in sermóne eius et cogitábat qualis esset ista salutátio.

Et ait ángelus ei: « Ne tímeas, María, invenísti enim grátiam apud Deum: ecce concípies in útero et páries fílium, et vocábis nomen eius Iesum. Hic erit magnus et Fílius Altíssimi vocábitur, et dabit illi Dóminus Deus sedem David patris eius, et regnábit super domum Iacob in ætérnum, et Regni eius non erit finis ».

Dixit autem María ad Angelum: « Quómodo fiet istud, quóniam virum non cognósco? »

Et respónsens Angelus dixit ei: « Spíritus Sanctus supervéniet in te, et virtus Altíssimi obumbrábit tibi: ideóque et quod nascétur Sanctum vocábitur, Fílius Dei. Et ecce Elísabeth, cognáta tua, et ipsa concépit fílium in senécta sua, et hic mensis est sextus illi quæ vocátur stérilis: quia non erit impossibile apud Deum omne verbum ».

Dixit autem María: « Ecce ancílla Dómini: fiat mihi secúndum verbum tuum ». Et discéssit ab illa Angelus. — Verbum Dómini.

**Super oblata**

Inténde, quásumus, Dómine, sacrificíum singuláre, ut, huius participatióne mystérii, quæ speránta crédimus, exspectáta sumámus. Per Christum.

**Præfatio II de Adventu, p. 746.**

**Ant. ad communionem**

**Lc 1, 31**

Dixit ángelus ad Maríam: Ecce concípies et páries fílium, et vocábis nomen eius Iesum.

**Post communionem**

Quos mónum cœlesti réfici, Dómine,  
divino tuére præsídio,  
ut, tuis mystériis perfruéntes,  
in vera fáciás pace gaudére.  
Per Christum.

**Die 21 decembris****Ant. ad introitum**

**Cf. Is 7, 14; 8, 10**

Modo véniet Dominátor Dóminus,  
et vocábitur nomen eius Emmánuel, quia Nobíscum-Deus.

**Collecta**

Preces populi tui, quásumus, Dómine, cleménter exáudi,  
ut, qui de Unigéniti tui in nostra carne advéntu lètantur,  
cum vénerit in sua maiestáte,  
ætérnæ vitæ præmíum consequántur.  
Per Dóminum.

## Lectio prior\*

*Ecce dilectus meus venit saliens in montibus.*

Léctio Cántici Canticórum

2, 8-14

Vox dilécti mei: ecce iste venit sáliens in móntibus, transiens colles. Símilis est diléctus meus cápreæ hin-nulóque cervórum. En ipse stat post parietem nostrum, respiciens per fenéstrás, prospiciens per cancellós.

En diléctus meus lóquitur mihi: « Surge, própera, amíca mea, colúmba mea, formósa mea. Iam enim hiems tránsiit, imber ábiit et recéssit. Flores apparuérunt in terra nostra, tempus putatiónis advénit; vox túrturis audita est in terra nostra; ficus prótulit grossos suos, víneæ floréntes dedérunt odórem suum.

Surge, amíca mea, speciosa mea, et veni, colúmba mea, in foramínibus petræ, in cavérana macériæ. Osténde mihi fáciem tuam, sonet vox tua in áuribus meis; vox enim tua dulcis, et fácies tua decóra ».

Verbum Dómini.

vel ad libitum

*Rex Israel Dominus in medio tui.*

Léctio libri Sophoniæ prophétæ

3, 14-18 a

Lauda, filia Sion! iúbila, Israel! létare et exsulta in omni corde, filia Ierúsalem! Abstulit Dóminus iudicium tuum, avértit inimícios tuos; rex Israel Dóminus in médio tui, non timébis malum ultra.

In die illa, dicétur Ierúsalem: « Noli timére, Sion; non dissolvántur manus tuæ. Dóminus Deus tuus in médio tui fortis, ipse salvábit; gaudébit super te in létitia, silébit in dilectione sua, exsultábit super te in laude ».

Verbum Dómini.

## Psalmus responsorius

Ps 32, 2-3. 11-12. 20-21 (R.: 1 a et 3 a)

R. Exsultáte, iusti, in Dómino;  
cantáte ei cánticum novum.

2 Confítémini Dómino in cíthara,  
in psaltério decem chordárum psálite illi.

3 Cantáte ei cánticum novum,  
bene psálite ei in vociferatióne. R.

11 Consílrium autem Dómini in æténum manet,  
cogitatíones cordis eius in generatióne et generatióne.

12 Beáta gens, cui Dóminus est Deus,  
pópulus, quem elégit in hereditátem sibi. R.

20 Anima nostra sústinet Dóminum,  
quóniam adiútor et protéctor noster est;  
21 quia in eo létabitur cor nostrum,  
et in nómine sancto eius sperávimus. R.

## Alleluia

R. Alleluia. V. Emmánuel, rex et légifer noster:  
veni ad salvándum nos, Dómine Deus noster.  
R. Alleluia.

## Evangelium

*Unde hoc mibi ut veniat mater Domini mei ad me?*

† Léctio sancti Evangélii secúndum Lucam 1, 39-45

Exsúrgens María in diébus illis ábiit in montána cum festinatióne in civitátem Iudæ, et intrávit in domum Zachariæ et salutávit Elísabeth.

Et factum est, ut audívit salutatióne Mariæ Elísabeth, exsultávit infans in útero eius, et repléta est Spíritu Sancto Elísabeth, et exclamávit voce magna, et dixit:

« Benedícta tu inter mulieres, et benedictus fructus ventris tui. Et unde hoc mihi ut véniat mater Dómini mei ad me? Ecce enim, ut facta est vox salutatiónis tuæ in áribus meis, exsultávit in gáudio infans in útero meo. Et beáta quæ crédidit, quóniam perficiéntur ea quæ dicta sunt eí a Dómino ».

Verbum Dómini.

### Super oblata

Ecclésiae tuæ, Dómine, múnera placátus assúme,  
quæ et misericors offerénda tribuísti,  
et in nostræ salutis poténter éfficis transíre mystérium.  
Per Christum.

Præfatio II de Adventu, p. 746.

### Ant. ad communionem

Cf. Lc 1, 45

Beáta quæ credidisti,  
quóniam perficiéntur ea quæ dicta sunt tibi a Dómino.

### Post communionem

Sit plebi tuæ, Dómine, continuáta défensio  
divini participatió mystérii,  
ut, maiestáti tuæ plena devotióne subiecta,  
salvatióne mentis et córporis affluénter accípiat.  
Per Christum.

### Die 22 decembris

#### Ant. ad introitum

Ps 23, 7

Attóllite, portæ, cápita vestra,  
et elevámini, portæ æternáles,  
et introfibit rex glóriæ.

### Collecta

Deus, qui, hóminem delápsum in mortem conspíciens,  
Unigéniti tui advéntu redímere voluísti,  
præsta, quæsumus,  
ut, qui húmili eius incarnatióne devotióne faténtur,  
ipsíus étiam Redemptórìs consórtia mereántur.  
Per Dóminum.

### Lectio prior

*Anna pro nativitate Samuelis gratias agit.*

#### Lectio libri primi Samuélis

1, 24-28

#### In diébus illis:

Addúxit Anna Samuél secum, postquam ablactáverat, in vútilis tribus et tribus módiis farinæ et ámphora vini; et addúxit eum ad domum Dómini in Silo. Puer autem erat adhuc infántulus. Et immoláverunt vítulum, et obtulérunt púerum Heli.

Et ait Anna: « Obsecro, mi dómine, vivit áima tua, dómine; ego sum illa múlier, quæ steti coram te, hic orans Dóminum. Pro púero isto orávi, et dedit mihi Dóminus petitionem meam quam postulávi eum. Idcirco et ego commodávi eum Dómino cunctis diébus, quibus fúerit commodátus Dómino ».

Et adoráverunt ibi Dóminum. — Verbum Dómini.

### Psalmus responsorius

1 Sam 2, 1. 4-5. 6-7. 8 abcd (R.: 1 a)

R. Exsultávit cor meum in Dómino salvatóre meo.

Exsultávit cor meum in Dómino:  
et exaltátum est cornu meum in Deo meo:  
dilatátum est os meum super inimícos meos,  
quia lætáta sum in salutári tuo. R.

- <sup>4</sup> Arcus fórtium superátus est,  
et infírmi accínti sunt róbore.
- <sup>5</sup> Repléti prius pro páni bus se locavérunt,  
et famélici saturáti sunt;  
donec stérilis péperit plúrimos,  
et quæ multos habébat filios infirmáta est. R.
- <sup>6</sup> Dóminus mortificat et vivificat,  
dedúcit ad ínferos et réducit;
- <sup>7</sup> Dóminus páuperem facit et ditat,  
humiliat et súblevat. R.
- <sup>8</sup> Súscitat de púlvore egénūm  
et de stércore elevat páuperem,  
ut sédeat cum princípibus  
et sólum gloriæ téneat. R.

**Alleluia**

R. Allelúa. V. Rex géntium et lapis anguláris Ecclésiæ:  
veni, et salva hóminem quem de limo for-  
másti. R. Allelúa.

**Evangelium**

*Fecit mihi magna qui potens est.*

† Léctio sancti Evangélii secúndum Lucam 1, 46-56  
In illo témpore: Ait María:

« Magníficat ánima mea Dóminum, et exsultávit spí-  
ritus meus in Deo Salvatóri meo, quia respéxit humili-  
tátēm ancillæ suæ.

Ecce enim ex hoc beátam me dicent omnes genera-  
tiones: quia fecit mihi magna qui potens est, et sanctum  
Nomen eius, et misericórdia eius in progénies et prog-  
nies timéntibus eum.

Fecit poténtiam in bráccio suo, dispérsit supérbos  
mente cordis sui; depósuit poténtes de sede et exaltávit

húmiles, esuriéntes implévit bonis et dívites dimísit  
inánes.

Suscépit Israel púerum suum, memorári misericórdiæ,  
sicut locútus est ad patres nostros, Abraham et sémini  
eius in sácula ».

Mansit autem María cum Elísabeth quasi ménsibus  
tribus, et revérsa est in domum suam.

Verbum Dómini.

**Super oblata**

In tua pietáte confidéntes, Dómine,  
cum munéribus ad altária veneránda concúrrimus,  
ut, tua purificánte nos grácia,  
iísdem quibus famulámur mystériis emundémur.  
Per Christum.

Præfatio II de Adventu, p. 746.

Ant. ad communionem

Lc 1, 46. 49

Magníficat ánima mea Dóminum,  
quia fecit mihi magna qui potens est.

**Post communionem**

Róboret nos, Dómine, tui sacraménti percéptio,  
ut veniénti Salvatóri mereámur  
cum dignis opéribus obviáre,  
et beatitúdinis prémia promeréri.  
Per Christum.

**Die 23 decembris**

Ant. ad introitum

Cf. Is 9, 6; Ps 71, 17

Nascétur nobis párvulus, et vocábitur Deus, Fortis;  
in ipso benedicéntur omnes tribus terræ.

**Collecta**

Omnípotens sempitérne Deus,  
nativitátem Fílli tui secúndum carnem  
propinquáre cernéntes,  
quásimus, ut nobis indígnis fámulis tuis  
misericórdiam præstet Verbum,  
quod ex Vírgine María dignátum est caro fieri,  
et habitáre in nobis.  
Qui tecum.

**Lectio prior**

*Mittam vobis Eliam prophetam,  
antequam veniat dies Domini.*

Léctio libri Malachíæ prophétæ      3, 1-4; 4, 5-6

Hæc dicit Dóminus Deus:

« Ecce ego mitto ángelum meum, et præparábit viam ante fáciem meam. Et statim véniet ad templum suum Dominátor, quem vos quáreritis, et Angelus testaménti, quem vos vultis. Ecce venit, dicit Dóminus exercítuum. Et quis pótterit cogitáre diem advéntus eius? et quis stabit ad vidéndum eum?

Ipse enim quasi ignis conflans et quasi herba fullónum; et sedébit conflans et emúndans argéntum, et purgábit filios Levi, et colábit eos quasi aurum et quasi argéntum, et erunt Dómino offeréntes sacrificia in iustitia.

Et placébit Dómino sacrificium Iuda et Ierúsalem sicut dies séculi et sicut anni antíqui ».

« Ecce ego mittam vobis Elíam prophétam, ántequam véniat dies Dómini magnus et horríbilis. Et convertét cor patrum ad fílios, et cor filiorum ad patres eórum, ne forte véniam et percútiam terram anathémate ». — Verbum Dómini.

**Psalmus responsoriū**

Ps 24, 4 bc-5 ab. 8-9. 10 et 14 (R.: Lc 21, 28)

R. Respícite et leváte cápita vestra,  
quóniam appropínquat redémptio vestra.

¶ Vias tuas, Dómine, demónstra mihi,  
et sémitas tuas édoce me.

¶ Dírige me in veritáte tua et doce me,  
quia tu es Deus salútis meæ. R.

¶ Dulcis et rectus Dóminus,  
propter hoc peccatóres viam docébit;

¶ díriget mansuétos in iudicio,  
docébit mites vias suas. R.

¶ Univérsae viæ Dómini misericórdia et véritas  
custodiéntibus testaméntum eius et testimónia eius.

¶ Familiáriter aget Dóminus cum timéntibus eum,  
ut testaméntum suum maniféstet illis. R.

**Alleluia**

R. Alleluia. ¶ Rex géntium et lapis anguláris Ecclésiæ:  
veni, et salva hóminem quem de limo for-  
másti. R. Alleluia.

**Evangelium**

*Nativitas Ioannis Baptistæ.*

† Léctio sancti Evangélii secúndum Lucam 1, 57-66

Elísabeth impléatum est tempus pariéndi, et péperit filium. Et audiérunt vicíni et cognáti eius quia magnificávit Dóminus misericórdiam suam cum illa, et congratulabántur ei.

Et factum est in die octávo venérunt circumcidere puerum, et vocábant eum nómine patris eius Zacharíam.

Et respóndens mater eius dixit: « Nequáquam, sed vocábitur Ioánnes ».

Et dixerunt ad illam: « Nemo est in cognatióne tua qui vocéatur hoc nómíne ».

Innuébant autem patri eius quem vellet vocári eum. Et póstulans pugillárem scripsit dicens: « Ioánnes est nomen eius ». Et miráti sunt univérsi. Apértum est autem illico os eius et lingua eius, et loquebátur benedícens Deum.

Et factus est timor super omnes vicínos eórum, et super ómnia montána Iudéæ divulgabántur ómnia verba hæc. Et posuérunt omnes qui audierant in corde suo dicéntes: « Quid, putas, puer iste erit? » Etenim manus Dómini erat cum illo. — Verbum Dómini.

### Super oblata

Hæc oblátio, qua divíni cultus nobis est índita plenitúdo, sit tibi, Dómine, perfécta placátio, ut nostri Redemptoris exórdia purificátis méntibus celebrémus.  
Per Christum.

*Præfatio II de Adventu, p. 746.*

### Ant. ad communionem

Ap 3, 20

Ecce sto ad óstium et pulso:  
si quis audíerit vocem meam, et aperúerit mihi iánuam,  
intrábo ad illum, et cenábo cum illo, et ipse mecum.

### Post communionem

Cælesti múnere satiátis, Dómine,  
pacem tuam propitiátus indúlge,  
ut Fílio tuo dilectíssimo veníenti  
accénsis lampádibus digni præstolémur occúrsum.  
Per Christum.

### Die 24 decembris

Ad Missam matutinam

### Ant. ad introitum

Cf. Gal 4, 4

Ecce iam venit plenitúdo témporis,  
in quo misit Deus Filium suum in terram.

### Collecta

Festina, quásumus, ne tardáveris, Dómine Iesu,  
ut advéntus tui consolatióibus sublevéntur,  
qui in tua pietáte confídunt.  
Qui vivis.

### Lectio prior

*Regnum David erit usque in æternum  
ante faciem Domini.*

### Lectio libri secundi Samuélis

7, 1-5. 8 b-12. 16

Factum est cum sedísset David rex in domo sua, et Dóminus dedísset ei réquiem úndique ab univérsis ini mícis suis, dixit ad Nathan prophétam: « Vidésne quod ego hábitem in domo cédrina, et arca Dei pósita sit in médio pélliúm? »

Dixítque Nathan ad regem: « Omne, quod est in corde tuo, vade, fac, quia Dóminus tecum est ».

Factum est autem in illa nocte, et ecce sermo Dómini ad Nathan dicens: « Vade et lóquere ad servum meum David: " Hæc dicit Dóminus: Numquid tu ædificábis mihi domum ad habitándum?

Ego tuli te de páscuis sequéntem greges, ut esses dux super póplum meum Israel, et fui tecum in ómnibus ubicúmque ambulásti, et interfíci univérsos ini mícos tuos a fácie tua; fecique tibi nomen grande iuxta nomen magnórum qui sunt in terra.

Et ponam locum pôpulo meo Israel, et plantâbo eum, et habitâbit sub eo, et non turbâbitur âmplius; nec aduent filii iniquitâtis ut afflîgant eum sicut prius, ex die qua constitui iûdices super pôpulum meum Israel.

Et réquiem dabo tibi ab ómnibus inimicis tuis, prædicîtque tibi Dóminus quod domum fâciat tibi Dóminus.

Cumque compléti fúerint dies tui et dormíeris cum pátribus tuis, suscitâbo semen tuum post te quod egrediéatur de útero tuo; et firmâbo regnum eius. Ego ero ei in patrem, et ipse erit mihi in filium.

Et fidélis erit domus tua et regnum tuum usque in ætérnum ante fâciem tuam, et thronus tuus erit firmus iugiter ».

Verbum Dómini.

### Psalmus responsorius

Ps 88, 2-3. 4-5. 27 et 29 (R.: cf. 2 a)

R. Misericordias tuas, Dómine, in ætérnum cantâbo.

<sup>2</sup> Misericordias Dómini in ætérnum cantâbo,  
in generatiómem et generatiómem  
annuntiâbo veritátem tuam in ore meo.

<sup>3</sup> Quóniam dixisti:  
« In ætérnum misericordia ædificâbitur »,  
in cælis firmâbitur véritas tua. R.

<sup>4</sup> « Dispósui testaméntum elécto meo,  
iurávi David servo meo:

<sup>5</sup> Usque in ætérnum confirmâbo semen tuum,  
et ædificâbo in generatiómem et generatiómem  
sedem tuam ». R.

<sup>27</sup> Ipse invocâbit me: Pater meus es tu,  
Deus meus et refúgium salutis meæ.

<sup>29</sup> In ætérnum servâbo illi misericordiam meam,  
et testaméntum meum fidéle ipsi. R.

### Alleluia

R. Alleluia. V. Oriens, splendor lucis æternæ  
et sol iustitiae:  
veni, et illúmina sedentes in ténebris et umbra mortis. R. Alleluia.

### Evangelium

Visitabit nos oriens ex alto.

† Léctio sancti Evangélii secundum Lucam 1, 67-79

In illo tempore:

Zachariás pater Ioánnis implétus est Spíitu Sancto et prophetávit dicens:

« Benedíctus Dóminus Deus Israel, quia visitávit et fecit redemptiōnem plebi suæ, et eréxit cornu salutis nobis in domo David púeri sui, sicut locútus est per os sanctórum qui a século sunt Prophetarum eius, salutem ex inimicis nostris et de manu ómnium qui odérunt nos: ad faciéndam misericordiam cum pátribus nostris et memorári testaménti suí sancti, iusiurândum, quod iurávit ad Abraham patrem nostrum, datúrum se nobis, ut sine timore, de manu inimicorum liberáti, serviámus illi in sanctitáte et iustitia coram ipso ómnibus diébus nostris.

Et tu, puer, prophéta Altíssimi vocáberis, præibis enim ante fâciem Dómini parâre vias eius, ad dandam sciéntiam salutis plebi eius in remissiōnem peccatórum eórum, per viscera misericordiæ Dei nostri, in quibus visitábit nos óriens ex alto, illuminare his qui in ténebris et in umbra mortis sedent, ad dirigéndos pedes nostros in viam pacis ». — Verbum Dómini.

### Super oblata

Obláta tibi, Dómine, múnera benígnus assúme,  
ut eórum perceptione expiémur a peccatis,

et advéntus Filii tui glóriam  
puris mereámur méntibus præstolári.  
Per Christum.

Præfatio II de Adventu, p. 746.

Ant. ad communionem

Lc 1, 68

Benedictus Dóminus Deus Israel,  
quia visitávit et fecit redemptiónem plebis suæ.

Post communionem

Da nobis, Dómine, hoc dono tuo mirábili recreátis,  
ut, sicut adoránda Filii tui natalícia prævenímus,  
sic eius múnera capiámus sempítéra gaudéntes.  
Per Christum.

### TEMPUS NATIVITATIS

Die 25 decembris

### IN NATIVITATE DOMINI

Sollemnitas

#### Ad Missam in Vigilia

Hæc Missa adhibetur vespere diei 24 decembris sive ante sive  
post I Vesperas Nativitatis.

Ant. ad introitum

Cf. Ex 16, 6-7

Hódie sciétis, quia véniet Dóminus, et salvábit nos,  
et mane vidébitis glóriam eius.

Dicitur Glória in excélsis.

#### Collecta

Deus, qui nos redemptiónis nostræ  
ánnua exspectatióne lètificas,  
præsta, ut Unigénitum tuum,  
quem lèti suscipimus Redemptórem,  
veniéntem quoque Iúdicem secúri vidére mereámur.  
Per Dóminum.

#### Lectio prima

Complacuit Domino in te.

#### Léctio libri Isaíæ prophétae

62, 1-5

Propter Sion non tacébo et propter Ierúsalem non  
quiéscam, donec egrediátur ut splendor iustus eius, et  
salvátor eius ut lampas accendátur.

Et vidébunt gentes iustum tuum et cuncti reges  
íclitum tuum, et vocábitur tibi nomen novum, quod  
os Dómini nominábit. Et eris coróna glóriæ in manu  
Dómini, et diadéma regni in manu Dei tui.

Non vocáberis ultra « Derelícta », et terra tua non vocábitur ámplius « Desoláta »; sed vocáberis « Volún-tas mea in ea », et terra tua « Inhabitáta », quia complácut Dómino in te, et terra tua inhabitábitur.

Habitábit enim iúvenis cum vírgine, et habitábunt in te filii tui, et gaudébit sponsus super sponsam, et gaudébit super te Deus tuus. — Verbum Dómini.

### Psalmus responsorius

Ps 88, 4-5. 16-17. 27 et 29 (R.: cf. 2 a)

R. Misericórdias tuas, Dómine, in ætérnum cantábo.

- <sup>4</sup> « Dispósui testaméntum elécto meo,  
iurávi David servo meo:
- <sup>5</sup> Usque in ætérnum confirmábo semen tuum,  
et ædificábo in generatióne m et generatióne  
sedem tuam ». R.
- <sup>16</sup> Beátus pópulus qui scit iubilatióne;  
Dómine, in lúmine vultus tui ambulábunt,  
<sup>17</sup> et in nómine tuo exultábunt tota die,  
et in iustítia tua exaltabúntur. R.
- <sup>27</sup> Ipse invocábit me: Pater meus es tu,  
Deus meus et refúgium salútis meæ.
- <sup>29</sup> In ætérnum servábo illi misericórdiam meam,  
et testaméntum meum fidéle ipsi. R.

### Lectio secunda

Testimonium Pauli de Christo, Filio David.

### Lectio Actuum Apostolórum

13, 16-17. 22-25

Cum venísset Paulus Antiochiam Pisidiæ, surgens in synagóga et manu siléntium indícens ait:

« Viri Israelítæ et qui timétis Deum, audíte. Deus plebis huius Israel élégit patres nostros, et plebem exal-

távit cum essent íncole in terra Ægýpti, et in brácchio excélsø edúxit eos ex ea.

Et exínde suscitávit illis David in regem, cui et testimónium pérhibens dixit: " Invéni David filium Iesse, vírum secúndum cor meum, qui fáciet omnes volun-tátes meas ".

Huius Deus ex sémine secúndum promissióinem edúxit Israel Salvatórem Iesum, prædicánte Ioánnē ante advéntum eius baptísmum pæniténtiæ omni pópulo Israel.

Cum impléret autem Ioánnes cursum suum, dicébat: " Quem me arbitrámini esse? Non sum ego; sed ecce venit post me cuius non sum dignus calceaménta pedum sólvere " ». — Verbum Dómini.

### Alleluia

R. Alleluia. **V.** Crástina die delébitur iniquitas terræ:  
et regnábit super nos Salvátor mundi.

R. Alleluia.

### Evangelium\*

Generatio Iesu Christi, filii David.

### † Léctio sancti Evangélii secúndum Mattháeum

1, 1-25

Liber generatiónis Iesu Christi, filii David, filii Abraham.

Abraham génuit Isaac, Isaac autem génuit Iacob, Iacob autem génuit Iudam et fratres eius, Iudas au-tem génuit Phares et Zara de Thamar, Phares autem génuit Esrom, Esrom autem génuit Aram, Aram autem génuit Amínadab, Amínadab autem génuit Naásson, Naásson autem génuit Salmon, Salmon autem génuit Booz de Rahab, Booz autem génuit Iobed ex Ruth, Iobed autem génuit Iesse, Iesse autem génuit David regem.

David autem rex génuit Salomónem ex ea quæ fuit Uriæ. Sálomon autem génuit Róboam, Róboam autem génuit Abíam, Abía autem génuit Asa, Asa autem génuit Iósaphat, Iósaphat autem génuit Ioram, Ioram autem génuit Ozíam, Ozías autem génuit Ióatham, Ióatham autem génuit Achaz, Achaz autem génuit Ezechíam, Ezechías autem génuit Manássen, Manásses autem génuit Amon, Amon autem génuit Iosíam, Iosías autem génuit Iechoniám et fratres eius in transmigratióne Babylónis.

Et post transmigratióne Babylónis Iechoniás génuit Saláthiel, Saláthiel autem génuit Zoróbabel, Zoróbabel autem génuit Abiud, Abiud autem génuit Eliachim, Eliachim autem génuit Azor, Azor autem génuit Sadoc, Sadoc autem génuit Achim, Achim autem génuit Eliud, Eliud autem génuit Eleázar, Eleázar autem génuit Matthan, Matthan autem génuit Iacob, Iacob autem génuit Ioseph virum Maríæ, de qua natus est Iesus qui vocátur Christus.

Omnis ergo generatiónes ab Abraham usque ad David generatiónes quattuórdecim; et a David usque ad transmigratióne Babylónis generatiónes quattuórdecim; et a transmigratióne Babylónis usque ad Christum generatiónes quattuórdecim.

Iesu Christi autem generatió sic erat.

Cum esset despónsáta mater eius María Ioseph, ántequam convenírent invénta est in útero habens de Spíritu Sancto. Ioseph autem vir eius, cum esset iustus et nollet eam tradúcere, vóluit occúlte dimíttere eam.

Hæc autem eo cogitánte, ecce ángelus Dómini in somnis appáruit ei dicens: « Ioseph, fili David, noli timére accípere Mariám cóniugem tuam; quod enim in ea natum est, de Spíritu Sancto est. Páriet autem filium, et vocábis nomen eius Iesum: ipse enim salvum fáciet pólum suum a peccátis eórum ».

Hoc autem totum factum est ut adimplerétur id quod dictum est a Dómino per Prophétam dicéntem: « Ecce virgo in útero habébit et páriet filium, et vocábunt nomen eius Emmánuel », quod est interpretátum Nobiscum-Deus.

Exsúrgens autem Ioseph a somno, fecit sicut præcépit ei ángelus Dómini, et accépit cóniugem suam. Et non cognoscébat eam donec péperit filium: et vocávit nomen eius Iesum. — Verbum Dómini.

vel brevior

*Páriet Maria filium, et vocabis nomen eius Iesum.*

✠ Léctio sancti Evangélii secúndum Mattháeum

1, 18-25

Iesu Christi generatió sic erat.

Cum esset despónsáta mater eius María Ioseph, ántequam convenírent invénta est in útero habens de Spíritu Sancto. Ioseph autem vir eius, cum esset iustus et nollet eam tradúcere, vóluit occúlte dimíttere eam.

Hæc autem eo cogitánte, ecce ángelus Dómini in somnis appáruit ei dicens: « Ioseph, fili David, noli timére accípere Mariám cóniugem tuam; quod enim in ea natum est, de Spíritu Sancto est. Páriet autem filium, et vocábis nomen eius Iesum: ipse enim salvum fáciet pólum suum a peccátis eórum ».

Hoc autem totum factum est ut adimplerétur id quod dictum est a Dómino per Prophétam dicéntem: « Ecce virgo in útero habébit et páriet filium, et vocábunt nomen eius Emmánuel », quod est interpretátum Nobiscum-Deus.

Exsúrgens autem Ioseph a somno, fecit sicut præcépit ei ángelus Dómini, et accépit cóniugem suam. Et non cognoscébat eam donec péperit filium: et vocávit nomen eius Iesum. — Verbum Dómini.

Dicitur Credo. **Ad verba** Et incarnátus est genuflectitur.

### Super oblata

Tanto nos, Dómine, quásimus,  
promptióre servíto hæc præcurrere concéde sollémnia,  
quanto in his constáre princípium  
nostræ redemptiónis osténdis.

Per Christum.

**Præfatio de Nativitate**, pp. 747-749.

Quando adhibetur Canon Romanus, dicitur **Communicántes proprium**.

### Ant. ad communionem

Cf. Is 40, 5

Revelábitur glória Dómini,  
et vidébit omnis caro salutáre Dei nostri.

### Post communionem

Da nobis, quásimus, Dómine,  
unigéniti Filii tui recensíta nativitaté vegetári,  
cuius cælesti mystério pásclimur et potámur.  
Per Christum.

In Nativitate Domini omnes sacerdotes tres Missas celebrare  
vel concelebrare possunt, dummodo hæ suo tempore celebrentur.

### Ad Missam in nocte

#### Ant. ad introitum

Ps 2, 7

Dóminus dixit ad me:

Filius meus es tu, ego hodie géni te.

**Vel:**

Gaudeámus omnes in Dómino,  
quia Salvátor noster natus est in mundo.  
Hodie nobis de cælo pax vera descéndit.

Dicitur Glória in excélsis.

### Collecta

Deus, qui hanc sacratíssimam noctem  
veri lúminis fecísti illustratióne claréscere,  
da, quásimus,  
ut, cuius in terra mystéria lucis agnóvimus,  
eius quoque gáudiis perfruámur in cælo. Per Dóminum.

### Lectio prima

*Filius datus est nobis.*

#### Léctio libri Isaiae prophétæ

9, 2-4. 6-7

Pópulus, qui ambulábat in ténebris, vidit lucem magnam, habitáibus in regióne umbrae mortis lux orta est eis. Multiplicásti gentem et non magnificásti lætitiam.

Lætabúntur coram te, sicut qui lætántur in messe, sicut exsúltant victóres, capta præda, quando dívidunt spólia. Iugum enim óneris eius et virgam húmeri eius et sceptrum exactóris eius superásti, sicut in die Mádian.

Párvulus enim natus est nobis, et fílius datus est nobis, et factus est principátus super húmerum eius, et vocábitur nomen eius « Admirabilis, Consiliárius, Deus fortis, Pater futuri séculi, Princeps pacis ».

Multiplicábitur eius impérium, et pacis non erit finis; super sólium David et super regnum eius sedébit, ut confírmet illud et corróboret in iudicio et iustitia ámodo et usque in sempitérnum. Zelus Dómini exercítuum fáciet hoc. — Verbum Dómini.

### Psalmus responsorius

Ps 95, 1-2 a. 2 b-3. 11-12. 13 (¶: Lc 2, 11)

R. Hodie natus est nobis Salvátor,  
qui est Christus Dóminus.

1 Cantáte Dómino cáanticum novum,  
cantáte Dómino, omnis terra.

2 Cantáte Dómino, benedícite nómini eius, R.

annuntiáte de die in diem salutáre eius.  
 Annuntiáte inter gentes glóriam eius,  
 in ómnibus pópolis mirabília eius. R.  
 Lætentur cæli et exsultet terra,  
 sonet mare et plenitúdo eius;  
 gaudébunt campi et ómnia quæ in eis sunt.  
 Tunc exsultábunt ómnia ligna silvárum, R.  
 a fácie Dómini, quia venit,  
 quóniam venit iudicáre terram.  
 Iudicábit orbem terræ in iustitia  
 et pópulos in veritáte sua. R.

### Lectio secunda

*Apparuit gratia Dei omnibus hominibus.*

Léctio Epistolæ beáti Pauli apóstoli ad Titum  
 2, 11-14

Appáruit grácia Dei salutáris ómnibus homínibus, erúdiens nos ut, abnegántes impietátem et sæculária desideria, sóbrie et iuste et pie vivámus in hoc século, exspectántes beátam spem et advéntum gloriæ magni Dei et Salvatóris nostri Iesu Christi, qui dedit semet-ípsum pro nobis ut nos redímeret ab omni iniquitaté et mundáret sibi Pópulum peculiárem sectatórem bonorum óperum.

Verbum Dómini.

Alleluia

Cf. Lc 2, 10-11

R. Alleluia. R. Evangelízo vobis gáudium magnum:  
 natus est nobis hódie Salvátor,  
 Christus Dóminus.  
 R. Alleluia.

### Evangelium

*Natus est vobis hodie Salvator*

† Léctio sancti Evangélii secúndum Lucam  
 2, 1-14

Factum est in diébus illis, éxiit edictum a Césare Augústo ut describeré tur univérsus orbis. Hæc descriptio prima facta est præside Sýriæ Quiríno. Et ibant omnes ut profiteréntur, sínghi in suam civitátem.

Ascéndit autem et Ioseph a Galiléa de civitáte Názareth in Iudéam in civitátem David quæ vocátur Béthleem, eo quod esset de domo et família David, ut profiteré tur cum María desponsáta sibi, uxore prægnánte.

Factum est autem, cum essent ibi, impléti sunt dies ut páreret, et péperit filium suum primogénitum: et pannis eum invólvit et reclinávit eum in præsépio, quia non erat eis locus in diversorio.

Et pastóres erant in régione eádem vigilantes et custodiéntes vigílias noctis supra gregem suum. Et ángelus Dómini stetit iuxta illos, et glória Dómini circumfúlsit illos, et timuérunt timore magno. Et dixit illis ángelus: « Nolite timére; ecce enim evangelízo vobis gáudium magnum quod erit omni pópulo, quia natus est vobis hódie Salvátor qui est Christus Dóminus in civitáte David. Et hoc vobis signum: inveniétis infántem pannis involútum et pósitum in præsépio ». Et súbito facta est cum ángelo multitúdo milítiae cælestis laudáti um Deum et dicéntium:

« Glória in altíssimis Deo, et super terram pax in homínibus bonæ voluntatis ». — Verbum Dómini.

In Missis quæ celebrantur in die Nativitatis adhibentur formulæ hic notata, cum facultate eligendi textus aptiores lectionum ex una e tribus Missis, attenta opportunitate pastorali uniuscuiusque cœtus.

Dicitur Credo. Ad verba Et incarnátus est genuflectitur.

**Super oblata**

Grata tibi sit, Dómine, quásimus,  
hodiérnæ festivitatis oblátio,  
ut, per hæc sacrosáncta commércia,  
in illius inveniámur forma,  
in quo tecum est nostra substántia. Per Christum.

*Præfatio de Nativitate, pp. 747-749.*

Quando adhibetur Canon Romanus, dicitur Communicántes prop-  
rium.

**Ant. ad communionem**

Io 1, 14

Verbum caro factum est, et vídimus glóriam eius.

**Post communionem**

Da nobis, quásimus, Dómine Deus noster,  
ut, qui nativitatem Redemptoris nostri  
frequentáre gaudémus,  
dignis conversatióibus  
ad eius mereámur pervenire consórtium. Per Christum.

**Ad Missam in aurora****Ant. ad introitum**

Cf. Is 9, 2. 6; Lc 1, 33

Lux fulgébit hódie super nos,  
quia natus est nobis Dóminus;  
et vocábitur Admirábilis, Deus, Princeps pacis,  
Pater futuri séculi: cuius regni non erit finis.

*Dicitur Glória in excélsis.*

**Collecta**

Da, quásimus, omnípotens Deus,  
ut, dum nova incarnati Verbi tui luce perfúndimur,  
hoc in nostro respléndeat ópere,  
quod per fidem fulget in mente.  
Per Dóminum.

**Lectio prima**

*Ecce Salvator tuus venit.*

**Léctio libri Isaiae prophétæ**

62, 11-12

Ecce Dóminus audítum fecit in extrémis terræ:

« Dícite fíliae Sion: Ecce Salvátor tuus venit, ecce merces eius cum eo, et opus eius coram illo. Et vocá-  
bunt eos: "Pópulus sanctus", "Redémptri a Dómino";  
tu autem vocáberis "Quásita cívitás et non derelícta" ».  
Verbum Dómini.

**Psalmus responsorius**

Ps 96, 1 et 6. 11-12

R. Lux fulgébit hódie super nos:  
quia natus est nobis Dóminus.

- <sup>1</sup> Dóminus regnávit, exsúltet terra,  
læténtrur ínsulæ multæ.
- <sup>6</sup> Annuntiavérunt cæli iustítiam eius,  
et vidérunt omnes pópuli glóriam eius. R.
- <sup>11</sup> Lux orta est iusto,  
et rectis corde lætitia.
- <sup>12</sup> Lætámini, iusti, in Dómino,  
et confitémini memóriæ sanctitatis eius. R.

**Lectio secunda**

*Secundum suam misericordiam salvos nos fecit.*

**Léctio Epistolæ beati Pauli apóstoli ad Titum 3, 4-7**

Cum benígnitas et humánitas appáruit Salvatóris nostri Dei, non ex opéribus iustitiæ, quæ fécimus nos, sed secúndum suam misericordiam salvos nos fecit per lavácrum regeneratiónis et renovatiónis Spíritus Sancti, quem effúdit super nos abúnde per Iesum Christum Salvatórem nostrum, ut iustificáti grátia ipsíus herédes simus secúndum spem vitæ ætérnæ. — Verbum Dómini.

**Alleluia****Lc 2, 14**

**R.** Alleluia. **Y.** Glória in altíssimis Deo,  
et in terra pax homínibus bonæ voluntátis.  
**R.** Alleluia.

**Evangelium**

*Invenerunt pastores  
Mariam et Ioseph et infantem.*

† Léctio sancti Evangeli secúndum Lucam **2, 15-20**

Factum est ut discessérunt ab eis ángeli in cælum, pastóres loquebántur ad ínicem: « Transeámus usque Béthleem, et videámus hoc verbum quod factum est, quod Dóminus osténdit nobis ». Et venérunt festináentes et invenérunt Mariám et Ioseph et infántem pósitum in præsépio. Vidéntes autem notum fecérunt verbum quod dictum erat illis de púero hoc.

Et omnes qui audiérunt miráti sunt de his quæ dicta erant a pastóribus ad ipsos: María autem conservábatur ómnia verba hæc cónferens in corde suo.

Et revérsi sunt pastóres glorificáentes et laudántes Deum in ómnibus quæ audierant et víderant sicut dictum est ad illos. — Verbum Dómini.

Dicitur Credo. **Ad verba** Et incarnátus est genuflectitur.

**Super oblata**

Múnera nostra, quæsumus, Dómine,  
nativitatís hodiérnae mystériis apta provéniant,  
ut, sicut homo génitus idem præfúlsit et Deus,  
sic nobis hæc terréna substántia cónferat  
quod divínū est.

Per Christum.

**Præfatio de Nativitate**, pp. 747-749.

Quando adhibetur Canon Romanus, dicitur Communicántes proprium.

**Ant. ad communionem****Cf. Zac 9, 9**

Exsúlta, fília Sion, lauda, fília Ierúsalem:  
ecce Rex tuus véniet sanctus et salvátor mundi.

**Post communionem**

Da nobis, Dómine, Fílii tui nativitatém  
læta devotióne coléntibus,  
huius arcána mystérii et plena fide cognoscere,  
et pleniore caritatis ardóre diligere. Per Christum.

**Ad Missam in die****Ant. ad introitum****Is 9, 6**

Puer natus est nobis, et filius datus est nobis,  
cuius impérium super húmerum eius,  
et vocábitur nomen eius magni consílii Angelus.

**Dicitur** Glória in excélsis.

**Collecta**

Deus, qui humánæ substántiæ dignitatém  
et mirabíliter condidísti, et mirabílius reformásti,  
da, quæsumus, nobis eius divinitatís esse cónsortes,  
qui humanitatis nostræ fieri dignátus est párticeps.  
Qui tecum vivit.

**Lectio prima**

*Videbunt omnes fines terræ salutare Dei nostri.*

**Léctio libri Isaíæ prophétæ****52, 7-10**

Quam pulchri super montes pedes annuntiántis et  
prædicántis pacem, annuntiántis bonum, prædicántis sa-  
lútem, dicéntis Sion: « Regnábit Deus tuus ! » Vox spe-  
culatórum tuórum: levavérunt vocem, simul laudábunt,  
quia óculo ad óculum vidébunt cum convérterit Dómi-  
nus Sion.

Gaudéte et laudáte simul, desérta Ierúsalem, quia consolátus est Dóminus pópulum suum, redémit Ierúsalem. Parávit Dóminus brácchium sanctum suum in óculis ómnium géntium, et vidébunt omnes fines terræ salutáre Dei nostri. — Verbum Dómini.

**Psalmus responsorius**

Ps 97, 1. 2-3 ab. 3 cd-4. 5-6 (R.: 3 c)

R. Vidérunt omnes térmimi terræ salutáre Dei nostri.

- 1 Cantáte Dómino cáanticum novum,  
quia mirabília fecit.  
Salvávit sibi déxtera eius,  
et brácchium sanctum eius. R.
- 2 Notum fecit Dóminus salutáre suum,  
in conspéctu géntium revelávit iustítiam suam.
- 3 Recordáatus est misericórdia suæ  
et veritatis suæ dómui Israel. R.
- 4 Vidérunt omnes térmimi terræ  
salutáre Dei nostri.  
Iubiláte Deo, omnis terra,  
erúmpite, exsultáte et psállite. R.
- 5 Psállite Dómino in cíthara,  
in cíthara et voce psalmi;  
in tubis ductílibus et voce tubæ córneæ,  
iubiláte in conspéctu regis Dómini. R.

**Lectio secunda**

*Locutus est nobis Deus in Filio.*

Léctio Epístolæ ad Hebréos 1, 1-6

Multifáriam et multis modis olim Deus locútus Pátribus in Prophétis, in novíssimis his diébus locútus est nobis in Fílio, quem constituit herédem universórum,

per quem fecit et sécula; qui, cum sit splendor glóriæ et figúra substántiae eius, et portet ómnia verbo virtútis suæ, purgatióne peccatórum facta, consédit ad déxteram Maiestatis in excélsis, tanto mélior ángelis efféctus quanto differéntius præ illis Nomen hereditávit.

Cui enim dixit aliquándo angelórum: « Fílius meus es tu, ego hódie génui te », et rursum: « Ego ero illi in Patrem et ipse erit mihi in Fílium »? Cum autem íterum introducít primogénitum in orbem terræ, dicit: « Et adórent eum omnes ángeli Dei ». — Verbum Dómini.

**Alleluia**

R. Allelúia. y. Dies sanctificátus illúxit nobis:  
veníte, gentes, et adoráte Dóminum:  
quia hódie descéndit lux magna super terram.  
R. Allelúia.

**Evangelium\***

*Verbum caro factum est,  
et habitavit in nobis.*

¶ Inítium sancti Evangélii secúndum Ioánnem 1, 1-18

In princípio erat Verbum, et Verbum erat apud Deum, et Deus erat Verbum.

Hoc erat in princípio apud Deum.

Omnia per ipsum facta sunt, et sine ipso factum est nihil, quod factum est, in ipso vita erat et vita erat lux hóminum, et lux in ténebris lucet, et ténebræ eam non comprehendérunt.

Fuit homo missus a Deo, cui nomen erat Ioánnes: hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine.

Erat lux vera, quæ illúminat omnem hóminem, véniens in mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt.

Quotquot autem recepérunt eum, dedit eis potestátem filios Dei fieri, his qui credunt in nómíne eius, qui non ex sanguínibus, neque ex voluntáte carnis, neque ex voluntáte viri, sed ex Deo nati sunt.

Et Verbum caro factum est, et habitávit in nobis, et vídimus glóriam eius, glóriam quasi Unigéniti a Patre, plenum grátiae et veritátis.

Ioánnes testimónium péribet de ipso, et clamat dicens: « Hic erat, quem dixi: "Qui post me ventúrus est, ante me factus est, quia prior me erat" ».

Et de plenitúdine eius nos omnes accépimus, et grátiam pro grátiâ; quia Lex per Móysem data est, grácia et véritas per Iesum Christum facta est.

Deum nemo vedit umquam; Unigénitus Deus, qui est in sinu Patris, ipse enarrávit. — Verbum Dómini.

vel brevior

† Inítium sancti Evangélii secúndum Ioánnem  
1, 1-5. 9-14

In princípio erat Verbum, et Verbum erat apud Deum, et Deus erat Verbum.

Hoc erat in princípio apud Deum.

Omnia per ipsum facta sunt, et sine ipso factum est nihil, quod factum est, in ipso vita erat et vita erat lux hóminum, et lux in ténebris lucet, et ténebrae eam non comprehendérunt.

Erat lux vera, quæ illúminat omnem hóminem, véniens in mundum. In mundo erat, et mundus per ipsum factus est, et mundus eum non cognóvit. In próprio venit, et sui eum non recepérunt.

Quotquot autem recepérunt eum, dedit eis potestátem filios Dei fieri, his qui credunt in nómíne eius, qui non ex sanguínibus, neque ex voluntáte carnis, neque ex voluntáte viri, sed ex Deo nati sunt.

Et Verbum caro factum est, et habitávit in nobis, et vídimus glóriam eius, glóriam quasi Unigéniti a Patre, plenum grátiae et veritátis. — Verbum Dómini.

Dicitur Credo. Ad verba Et incarnátus est genuflectitur.

### Super oblata

Oblátio tibi sit, Dómine, hodiérnæ sollemnitatis accépta, qua et nostræ reconciliatiónis procéssit perfécta placatio, et divíni cultus nobis est índita plenitúdo.

Per Christum.

Praefatio de Nativitate, pp. 747-749.

Quando adhibetur Canon Romanus, dicitur Communicántes proprium.

### Ant. ad communionem

Ps 97, 3

Vidérunt omnes fines terræ salutáre Dei nostri.

### Post communionem

Præsta, misericors Deus, ut natus hodie Salvátor mundi, sicut divinæ nobis generatiónis est auctor, ita et immortalitatis sit ipse largítor.

Qui vivit.

Dominica infra octavam Nativitatis Domini,  
vel, ea deficiente, die 30 decembris

S. FAMILIÆ IESU, MARIÆ ET IOSEPH  
Festum

**Ant. ad introitum**

Lc 2, 16

Venérunt pastóres festináentes,  
et invenérunt Maríam et Ioseph  
et Infántem pósitum in præsépio.

Dicitur Glória in excélsis.

**Collecta**

Deus, qui præclára nobis sanctæ Familiæ  
dignátus es exémpla præbére,  
concéde propítius,  
ut, domésticis virtútibus  
caritatísque vínculis illam sectántes,  
in létítia domus tuæ præmiis fruámur æternis.  
Per Dóminum.

**Lectio prima**

*Qui timet Dominum honorat parentes.*

Léctio libri Sirácidae

3, 3-7. 14-17 a

Deus honorávit patrem in fíliis, et iudícium matris  
exquírens firmávit in filios. Qui díligit Deum exorábit  
pro peccátis et continébit se ab illis et in oratióne dié-  
rum exaudiétur.

Et, sicut qui thesaurizat, ita et qui honoríficat ma-  
trem suam, qui honórat patrem suum iucundábitur in  
fíliis et in die oratiónis suæ exaudiétur. Qui honórat pa-  
trem suum vita vivet longióre, et qui obœdit patri refri-  
gerábit matrem.

Fili, súscipe senéctam patris tui et non contristes  
eum in vita illius et, si defécerit sensu, véniam da et ne  
spernas eum in virtúte tua; eleemosyna enim patris non  
erit in oblivíone; nam pro peccáto matris restituéatur tibi  
bonum, et in iustitia ædificábitur tibi.

Verbum Dómini.

**Psalmus responsorius** Ps 127, 1-2. 3. 4-5 (R.: cf. 1)

R. Beáti omnes qui timent Dóminum,  
qui ámbulant in viis eius.

<sup>1</sup> Beátus omnis qui timet Dóminum,  
qui ámbulat in viis eius.

<sup>2</sup> Labóres mánuum tuárum manducábis,  
beátus es, et bene tibi erit. R.

<sup>3</sup> Uxor tua sicut vitis fructífera  
in latéribus domus tuæ;  
fílli tui sicut novellæ olivárum  
in circúitu mensæ tuæ. R.

<sup>4</sup> Ecce sic benedicéetur homo,  
qui timet Dóminum.

<sup>5</sup> Benedícat tibi Dóminus ex Sion,  
et vídeas bona Ierúsalem  
ómnibus diébus vitæ tuæ. R.

**Lectio secunda**

*De vita domestica in Domino.*

Léctio Epístolæ beáti Pauli apóstoli  
ad Colossénses

3, 12-21

Fratres:

Indúite vos sicut elécti Dei, sancti et dilécti, víscera  
misericórdiae, benignitátem, humilitátem, mansuetúdinem,

patiéntiam, supportántes ívincem et donántes vobis ipsis si quis advérsus áliquem habet querélam; sicut et Dóminus donávit vobis ita et vos; super ómnia autem hæc caritátem, quod est vínculum perfectiónis.

Et pax Christi dominétur in córdibus vestris, ad quam et vocáti estis in uno còrpore; et grati estóte.

Verbum Christi hábitet in vobis abundánter, in omni sapiéntia docéntes et commonéntes vosmetíspos psalmis, hymnis, cánticis spiritálibus, in grátia cantántes in córdibus vestris Deo; et omne quodcúmque fáctis in verbo aut in ópere, ómnia in Nómíne Dómini Iesu, grátias agéntes Deo Patri per ipsum.

Mulíeres, súbditæ estóte viris, sicut óportet in Dómino. Viri, dilígite uxóres et nólite amári esse ad illas. Filií, oboédite paréntibus per ómnia, hoc enim plácitum est in Dómino. Patres, nólite ad indignationem provocáre filios vestros, ut non pusillo ánimo fiant.

Verbum Dómini.

Alleluia

Col 3, 15 a. 16 a

R. Alleluia. *Pax Christi exsúltet in córdibus vestris; verbum Christi hábitet in vobis abundánter.*  
R. Alleluia.

Evangelium

Anno A

*Accipe puerum et matrem eius,  
et fuge in Ægyptum.*

† Léctio sancti Evangélii secúndum Mattháeum  
2, 13-15. 19-23

Cum recessíssent Magi, ecce ángelus Dómini appáret in somnis Ioseph, dicens: « Surge et áccipe puerum et matrem eius, et fuge in Ægyptum; et esto ibi usque dum

dicam tibi; futúrum est enim ut Heródes quærat púerum ad perdéndum eum ».

Qui consúrgens accépit púerum et matrem eius nocte et recéssit in Ægyptum, et erat ibi usque ad óbitum Heródis; ut adimplerétur quod dictum est a Dómino per Prophétam dicéntem: « Ex Ægypto vocávi Fílium meum ».

Defúncto autem Heróde, ecce appáret ángelus Dómini in somnis Ioseph in Ægypto, dicens: « Surge et áccipe puerum et matrem eius et vade in terram Israel; defúncti sunt enim qui quaerébant ánimag púeri ». Qui surgens accépit puerum et matrem eius et venit in terram Israel.

Audiens autem quia Archeláus regnáret in Iudéa pro Heróde patre suo, tímuit illuc ire; et admónitus in somnis, secéssit in partes Galilææ et véniens habitávit in civitáte quæ vocátur Názareth, ut adimplerétur quod dictum est per Prophétas: « Nazaréus vocábitur ».

Verbum Dómini.

Anno B\*

*Puer crescebat plenus sapientia.*

† Léctio sancti Evangélii secúndum Lucam 2, 22-40

Postquam impléti sunt dies purgatiónis eórum secúndum legem Móysis, tulérunt Iesum paréntes eius in Hierosólymam, ut sísterent Dómino, sicut scriptum est in lege Dómini: « Omne masculínum adapériens vulvam sanctum Dómino vocábitur », et ut darent hóstiam secúndum quod dictum est in lege Dómini: « par túrturum aut duos pullos columbárum ».

Et ecce homo erat in Ierúsalem, cui nomen Sýmeon, et homo iste iustus et timorátus, expéctans consolatiónen Israel, et Spíritus Sanctus erat super eum, et respón-

sum accéperat a Spíritu Sancto non visúrum se mortem nisi prius vidéreret Christum Dómini.

Et venit in Spíritu in templum. Et cum indúcerent púerum Iesum paréntes eius, ut fácerent secúndum consuetúdinem Legis pro eo, et ipse accépit eum in ulnas suas et benedíxit Deum et dixit:

« Nunc dimítis servum tuum, Dómine, secúndum verbum tuum in pace: quia vidérunt óculi mei salutáre tuum, quod parásti ante fáciem ómnium populórum, lumen ad revelatióne gentium et glóriam plebis tuæ Israel ».

Et erat pater eius et mater mirántes super his quæ dicebántur de illo. Et benedíxit illis Sýmeon, et dixit ad Maríam matrem eius: « Ecce pósitus est hic in ruínam et resurrectionem multórum in Israel et in signum cui contradicétur — et tuam ipsíus ánimam pertránsiet gládius — ut reveléntur ex multis córdibus cogitatiónes ».

Et erat Anna prophetíssa, filia Phánuel, de tribu Aser; hæc procésserat in diébus multis, et víxerat cum viro suo annis septem a virginitaté sua. Et hæc vídua usque ad annos octogínta quáttuor, quæ non discedébat de templo, ieíuniis et obsecratióibus sérviens nocte ac die. Et hæc ipsa hora supervéniens confitebátur Deo et loquebátur de illo ómnibus qui exspectábant redemptiónem Ierúsalem.

Et ut perfecérunt ómnia secúndum legem Dómini, revérsi sunt in Galiléam in civitátem suam Názareth.

Puer autem crescébat et confortabátur plenus sapiéntia, et grácia Dei erat super illum.

Verbum Dómini.

vel brevior

✠ Léctio sancti Evangélii secúndum Lucam

2, 22. 39-40

Postquam impléti sunt dies purgatiónis eórum secúndum legem Móysis, tulérunt Iesum paréntes eius in Hierosólymam, ut sisterent Dómino.

Et ut perfecérunt ómnia secúndum legem Dómini, revérsi sunt in Galiléam in civitátem suam Názareth.

Puer autem crescébat et confortabátur plenus sapiéntia, et grácia Dei erat super illum. — Verbum Dómini.

Anno C

*Iesus in medio doctorum a parentibus invenitur.*

✠ Léctio sancti Evangélii secúndum Lucam

2, 41-52

Ibant paréntes Iesu per omnes annos in Ierúsalem in die festo Paschæ. Et cum factus esset annórum duódecim, ascendéntibus illis secúndum consuetúdinem diéi festi, consummatísque diébus, cum redírent, remánsit puer Iesus in Ierúsalem, et non cognovérunt paréntes eius. Existimáentes autem illum esse in comitátu, venérunt iter diéi et requirébant eum inter cognátos et notos, et non inveniéntes, regréssi sunt in Ierúsalem requiréntes eum.

Et factum est post tríduum invenérunt illum in templo sedéntem in médio doctórum audiéntem illos et interrogántem eos: stupébant autem omnes qui eum audiébant super prudéntia et respónsis eius.

Et vidéntes eum admiráti sunt, et dixit Mater eius ad illum: « Fili, quid fecísti nobis sic? Ecce pater tuus et ego doléntes quærebámus te ».

Et ait ad illos: « Quid est quod me quærebátis? Ne sciebátis quia in his quæ Patris mei sunt opórtet me esse? »

Et ipsi non intellexérunt verbum quod locútus est ad illos.

Et descéndit cum eis et venit Názareth, et erat súbditus illis. Et Mater eius conservábatur ómnia verba in corde suo.

Et Iesus proficiébat sapiéntia et ætátē et grátia apud Deum et hómines. — Verbum Dómini.

**Quando hoc festum celebratur die dominica, dicitur Credo.**

### Super oblata

Hóstiam tibi placatiónis offérimus, Dómine,  
supplíciter deprecántes,  
ut, Déíparae Vírginis beatique Ioseph  
interveniénte suffrágio,  
familiás nostras  
in tua grátia fírmiter et pace constítuas.  
Per Christum.

**Præfatio de Nativitate, pp. 747-749.**

Quando adhibetur Canon Romanus, dicitur **Communicantes pro- prium.**

### Ant. ad communionem

**Bar 3, 38**

Deus noster in terris visus est,  
et cum homínibus conversátus est.

### Post communionem

Quos cælestibus réfiscis sacraméntis,  
fac, clementissime Pater,  
sanctæ Familiæ exémpla iúgiter imitári,  
ut, post ærúmnas sǽculi,  
eius consórterium consequámur æténum.  
Per Christum.

Die 29 decembris

### De V die infra octavam Nativitatis Domini

#### Ant. ad introitum

**Io 3, 16**

Sic Deus diléxit mundum,  
ut Fílium suum unigénitum daret,  
ut omnis qui credit in eum non péreat,  
sed hábeat vitam aëternam.

Dicitur Glória in excélsis.

#### Collecta

Omnípotens et invisibilis Deus,  
qui tuæ lucis advéntu mundi ténebras effugásti,  
seréno vultu nos, quásimus, intuérē,  
ut magnificéntiam nativitátis Unigéniti tui  
dignis præcóniis collaudémus.  
Qui tecum vivit.

#### Lectio prior

*Qui diligit fratrem suum in lumine manet.*

**Léctio Epístolæ primæ beáti Ioánnis apóstoli 2, 3-11**

Caríssimi:

In hoc cognoscimus quóniam nójimus Iesum, si mandáta eius servémus. Qui dicit: « Novi eum », et mandáta eius non servat, mendax est, et in hoc véritas non est; qui autem servat verbum eius, vere in hoc cáritas Dei consummáta est; in hoc cognoscimus quóniam in ipso sumus. Qui dicit se in ipso manére, debet, sicut ille ambulávit, et ipse ambuláre.

Caríssimi, non mandátum novum scribo vobis, sed mandátum vetus, quod habuístis ab initio: mandátum vetus est verbum quod audístis. Verúmtamen mandátum

novum scribo vobis, quod est verum in ipso et in vobis, quóniam ténebræ tránseunt et lumen verum iam lucet.

Qui dicit se in luce esse et fratrem suum odit, in ténebris est usque adhuc. Qui díligit fratrem suum, in lúmine manet et scándalum ei non est; qui autem odit fratrem suum, in ténebris est et in ténebris ámbulat, et nescit quo vadat, quóniam ténebræ obcæcavérunt óculos eius. — Verbum Dómini.

### Psalmus responsorius

Ps 95, 1-2 a. 2 b-3. 5 b-6 (R.: 11 a)

R. Læténtur cæli et exsúltet terra.

<sup>1</sup> Cantáte Dómino cáanticum novum,  
cantáte Dómino, omnis terra.

<sup>2</sup> Cantáte Dómino, benedícite nómini eius. R.

Annuntiáte de die in diem salutáre eius.

<sup>3</sup> Annuntiáte inter gentes glóriam eius,  
in ómnibus pópolis mirabília eius. R.

<sup>5</sup> Dóminus autem cælos fecit.

<sup>6</sup> Magnificéntia et pulchritúdo in conspéctu eius,  
poténtia et decor in sanctuário eius. R.

Alleluia

Lc 2, 32

R. Alleluia. **¶** Lumen ad revelationem géntium,  
et glóriam plebis tuæ Israel. R. Alleluia.

Loco versus ante Evangelium, qui singulis diebus proponitur, alias adhiberi potest ex iis qui infra, p. 718, inveniuntur.

### Evangelium

*Lumen ad revelationem gentium.*

**†** Léctio sancti Evangélii secúndum Lucam 2, 22-35

Postquam impléti sunt dies purgatiónis eórum secúndum legem Móysis, tulérunt Iesum paréntes eius in

Hierosólymam ut sísterent Dómino, sicut scriptum est in lege Dómini: « Omne masculínum adapériens vulvam sanctum Dómino vocábitur », et ut darent hóstiam secúndum quod dictum est in lege Dómini: « par túrturum aut duos pullos columbárum ».

Et ecce homo erat in Ierúsalem, cui nomen Sýmeon, et homo iste iustus et timorátus, exspéctans consolatió nem Israel, et Spíritus Sanctus erat super eum, et respónsum accéperat a Spíritu Sancto non visúrum se mortem nisi prius vidéret Christum Dómini.

Et venit in Spíritu in templum. Et cum inducerent púerum Iesum paréntes eius ut fácerent secúndum consuetúdinem Legis pro eo, et ipse accépit eum in ulnas suas et benedíxit Deum et dixit:

« Nunc dimítis servum tuum, Dómine, secúndum verbum tuum in pace: quia vidérunt óculi mei salutáre tuum, quod parásti ante fáciem ómnium populórum, lumen ad revelationem géntium et glóriam plebis tuæ Israel ».

Et erat pater eius et mater mirántes super his quæ dicebántur de illo. Et benedíxit illis Sýmeon, et dixit ad Maríam matrem eius: « Ecce pósitus est hic in ruínam et resurrectiōnem multórum in Israel et in signum cui contradicétur — et tuam ipsius ánimag pertránsiet gládius — ut reveléntur ex multis córdibus cogitatiōnes ». — Verbum Dómini.

### Super oblata

Súscipe, Dómine, múnera nostra,  
quibus exercéntur commércia gloriósa,  
ut, offeréntes quæ dedísti,  
te ipsum mereámur accipere. Per Christum.

Præfatio de Nativitate, pp. 747-749.

Quando adhibetur Canon Romanus, dicitur Communicántes proprium.

**Ant. ad communionem**

Per víscola misericórdia Dei nostri,  
visitávit nos Oriens ex alto.

**Post communionem**

Da, quásumus, omnípotens Deus,  
ut mysteriorum virtúte sanctórum  
iúgiter vita nostra firmétur. Per Christum.

Lc 1, 78

**Die 30 decembris****De VI die infra octavam Nativitatis Domini**

Deficiente dominica infra octavam Nativitatis, hac die celebratur  
festum S. Familiæ Iesu, Mariæ et Ioseph (cf. p. 302).

**Ant. ad introitum**

Sap. 18, 14-15

Dum médium siléntium tenérent ómnia,  
et nox in suo cursu médium iter habéret,  
omnípotens sermo tuus, Dómine,  
de cælis a regálibus sédibus venit.

Dicitur Glória in excélsis.

**Collecta**

Concéde, quásumus, omnípotens Deus,  
ut nos Unigénihi tui nova per carnem natívitás líberet,  
quos sub peccáti iugo vetústa sérvitus tenet.  
Per Dóminum.

**Lectio prior**

*Qui facit voluntatem Dei manet in æternum.*

Léctio Epístolæ primæ beáti Ioánnis apóstoli 2, 12-17

Scribo vobis, filíoli: Remíssa sunt vobis peccáta propter Nomen eius. Scribo vobis, patres: Novistis Eum qui

ab início est. Scribo vobis, adulescéntes: Vicistis Malígnum. Scripsi vobis, párvuli: Nostis Patrem. Scripsi vobis, patres: Nostis Eum qui ab início est. Scripsi vobis, adulescéntes: Fortes estis et verbum Dei in vobis manet et vicistis Malígnum.

Nolite dilígere mundum neque ea quæ in mundo sunt. Si quis díligit mundum, non est caritas Patris in eo; quóniam omne quod est in mundo, concupiscéntia carnis et concupiscéntia oculórum et supérbia vitæ, non est ex Patre sed ex mundo est. Et mundus transit et concupiscéntia eius; qui autem facit voluntátem Dei manet in æternum.

Verbum Dómini.

**Psalmus responsorius** Ps 95, 7-8 a. 8 b-9. 10 (R.: 11 a)

R. Læténtur cæli et exsúltet terra.

1 Afférte Dómino, familiæ populórum,  
afférte Dómino glóriam et poténtiam,  
3 afférte Dómino glóriam nóminalis eius. R.

Tóllite hóstias et introíte in átria eius,  
adórante Dóminum in splendóre sancto.  
Contremíscite a fácie eius, univérsa terra. R.

5 Dícite in géntibus: « Dóminus regnávit ».  
Etenim corréxit orbem terræ  
qui non commovébitur;  
iudicábit pópulos in æquitáte. R.

**Alleluia**

R. Alleluia. R. Dies sanctificátus illúxit nobis:  
veníte, gentes, et adoráte Dóminum:  
quia hódie descéndit lux magna super terram.

R. Alleluia.

**Evangelium**

*Loquebatur de illo omnibus  
qui exspectabant redemptions Ierusalem.*

† Léctio sancti Evangélii secúndum Lucam 2, 36-40

In illo tempore:

Erat Anna prophetíssa, filia Phánuel, de tribu Aser; hæc procésserat in diébus multis, et víxerat cum viro suo annis septem a virginítate sua. Et hæc vídua usque ad annos octoginta quáttuor, quæ non discedébat de templo, ieíuniis et obsecratióibus sérviens nocte ac die. Et hæc ipsa hora supervéniens confitebátur Deo et loquebátur de illo ómnibus qui exspectábant redemptióinem Ierúsalem.

Et ut perfecérunt ómnia secúndum legem Dómini, revérsi sunt in Galiléam in civitátem suam Názareth.

Puer autem crescébat et confortabátur plenus sapiéntia, et grácia Dei erat super illum.

Verbum Dómini.

**Super oblata**

Múnera, quásumus, Dómine,  
tuæ plebis propitiá tus assúme,  
ut, quæ fidei pietáte profiténtur,  
sacraméntis cælestibüs apprehéndant.  
Per Christum.

Præfatio de Nativitate, pp. 747-749.

Quando adhibetur Canon Romanus, dicitur Communicantes proprium.

**Ant. ad communionem**

Io 1, 16

De plenitúdine eius nos omnes accépimus,  
et grátiā pro grácia.

**Post communionem**

Deus, qui nos sacraménti tui participatióne contíngis,  
virtútis eius efféctus in nostris córdibus operáre,  
ut suscipiéndo múnieri tuo per ipsum munus aptémur.  
Per Christum.

Die 31 decembris

**De VII die infra octavam Nativitatis Domini****Ant. ad introitum**

Is 9, 6

Puer natus est nobis, et filius datus est nobis,  
cuius impérium super húmerum eius,  
et vocábitur nomen eius magni consílii Angelus.

Dicitur Glória in excélsis.

**Collecta**

Omnípotens sempitérne Deus, qui in Fílii tui nativitáte  
tribuísti totius religiónis  
inítiū perfectionéisque constáre,  
da nobis, quásumus, in eius portióne censéri,  
in quo totius salútis humánae summa consístit.  
Per Dóminum.

**Lectio prior**

*Unctionem habetis a Sancto et scitis omnes.*

Léctio Epistolæ primæ beáti Ioánnis apóstoli 2, 18-21

Filíoli, novíssima hora est, et sicut audístis quia Antichrístus venit, ita nunc Antichrísti multi adsunt; unde cognoscimus quóniam novíssima hora est. Ex nobis prodiérent, sed non erant ex nobis; nam, si fuissent ex nobis, permansíssent nobiscum; sed ut manifestarétur quóniam illi omnes non sunt ex nobis.

Sed vos unctióne habétis a Sancto et scitis omnes. Non scripsi vobis quasi nesciéntibus veritaté, sed quasi sciéntibus eam, et quóniam omne mendácium ex veritáte non est.

Verbum Dómini.

**Psalmus responsorius Ps 95, 1-2, 11-12, 13 (R.: 11 a)**

R. Læténtr cæli et exsúltet terra.

- 1 Cantáte Dómino cáanticum novum,  
cantáte Dómino, omnis terra.
- 2 Cantáte Dómino, benédicite nómini eius,  
annuntiáte de die in diem salutáre eius. R.
- 11 Læténtr cæli et exsúltet terra,  
sonet mare et plenitúdo eius;
- 12 gaudébunt campi et ómnia quæ in eis sunt.  
Tunc exsultábunt ómnia ligna silvárum. R.
- 13 A fácie Dómini, quia venit,  
quóniam venit iudicáre terram.  
Iudicábit orbem terræ in iustítia  
et pöpulos in veritáte sua. R.

**Alleluia**

**Io 1, 14. 12 b**

R. Allelúia. y. Verbum caro factum est, et habitávit in nobis.

Quotquot recepérunt eum, dedit eis potestátem filios Dei fieri.

R. Allelúia.

**Evangelium**

*Verbum caro factum est.*

† Inítiu sancti Evangélii secúndum Ioánnem 1, 1-18

In princíprio erat Verbum, et Verbum erat apud Deum, et Deus erat Verbum.

Hoc erat in princípicio apud Deum.

Omnia per ipsum facta sunt, et sine ipso factum est nihil, quod factum est, in ipso vita erat et vita erat lux hóminum; et lux in ténebris lucet, et ténebræ eam non comprehendérunt.

Fuit homo missus a Deo, cui nomen erat Ioánnes: hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine.

Erat lux vera, quæ illúminat omnem hóminem, véniens in mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt.

Quotquot autem recepérunt eum, dedit eis potestátem filios Dei fieri, his qui credunt in nómine eius, qui non ex sanguínibus, neque ex voluntáte carnis, neque ex voluntáte viri, sed ex Deo nati sunt.

Et Verbum caro factum est, et habitávit in nobis, et vídimus glóriam eius, glóriam quasi Unigéniti a Patre, plenum grátiae et veritáts.

Ioánnes testimónium péribet de ipso, et clamat dicens: « Hic erat, quem dixi: "Qui post me venturus est, ante me factus est, quia prior me erat" ».

Et de plenitúdine eius nos omnes accépimus, et grátiā pro grátia; quia Lex per Móysem data est, grátiā et véritas per Iesum Christum facta est.

Deum nemo vidit umquam; Unigénitus Deus, qui est in sinu Patris, ipse enarrávit. — Verbum Dómini.

**Super oblata**

Deus, auctor sincérae devotiónis et pacis, da, quésumus, ut et maiestátem tuam conveniénter hoc múnere venerémur, et sacri participatióne mystérii fidéliter sénsibus uniámur. Per Christum.

Præfatio de Nativitate, pp. 747-749.

Quando adhibetur Canon Romanus, dicitur Communicantes proprium.

**Ant. ad communionem**

**1 Io 4, 9**

Misit Deus Filiū suūm unigénitūm in mundūm,  
ut vivámus per eum.

**Post communionem**

Divérsis plebs tua, Dómine, gubernáta subsídiis,  
et præsentia pietatis tuæ remédia cāpiat et futúra,  
ut, transeúntium rerum necessária consolatiōne fovénte,  
fiduciálius ad ætérrna conténdat.  
Per Christum.

Die 1 ianuarii

In octava Nativitatis Domini

**SOLLEMNITAS  
SANCTÆ DEI GENETRICIS MARIAE**

**Ant. ad introitum**

**Sedulius**

Salve, sancta Parens, enixa puérpera Regem,  
qui cælum terrámque regit in sécula sæculórum.

**Vel:**

**Cf. Is 9, 2. 6; Lc 1, 33**

Lux fulgébit hódie super nos,  
quia natus est nobis Dóminus;  
et vocábitur Admirabilis, Deus, Princeps pacis,  
Pater futúri sǽculi: cuius regni non erit finis.

**Dicitur** Glória in excélsis.

**Collecta**

Deus, qui salútis ætérnæ,  
beátæ Mariæ virginitáte fecúnda,  
humáno géneri præmia præstítisti,  
tríbue, quæsumus,  
ut ipsam pro nobis intercédere sentiámus,  
per quam merúimus Filiū tuum  
auctórem vitæ suscipere. Qui tecum vivit.

**Lectio prima**

*Invocabunt nomen meum super filios Israel,  
et ego benedicam eis.*

**Léctio libri Númeri**

**6, 22-27**

Locútus est Dóminus ad Móysen dicens: « Lóquere Aaron et filiis eius: Sic benedicátis filiis Israel et dicétis eis:

“ Benedícat tibi Dóminus et custódiat te: osténdat Dóminus fáciem suam tibi et misereártur tui. Convértat Dóminus vultum suum ad te et det tibi pacem ”.

Invocabúntque nomen meum super filios Israel, et ego benedíciam eis ». — Verbum Dómini.

**Psalmus responsorius Ps 66, 2-3. 5. 6 et 8 (R.: 2 a)**

R. Deus misereártur nostri, et benedícat nobis.

<sup>2</sup> Deus misereártur nostri, et benedícat nobis; illúminet vultum suum super nos.

<sup>3</sup> Ut cognoscártur in terra via tua,  
in ómnibus géntibus salutáre tuum. R.

<sup>5</sup> Læténtrit et exsúltent gentes,  
quóniam iúdicas pópulos in æquitáte,  
et gentes in terra dírigis. R.

<sup>6</sup> Confiteántur tibi pópuli, Deus,  
confiteántur tibi pópuli omnes.

<sup>8</sup> Benedícat nos Deus,  
et métuant eum omnes fines terræ. R.

**Lectio secunda**

*Misit Deus Filium suum, factum ex muliere.*

**Léctio Epístolæ beáti Pauli apóstoli ad Gálatas 4, 4-7**

Fratres:

Ubi venit plenitúdo témporis, misit Deus Fílium suum, factum ex muliere, factum sub Lege, ut eos qui sub Lege erant redímeret, ut adoptiónem filiórū recipérémus. Quóniam autem estis filii, misit Deus Spíritum Fílli sui in corda nostra, clamántem: « Abba, Pater! » Itaque iam non es servus, sed fílius; quod si fílius, et heres per Deum. — Verbum Dómini.

**Alleluia**

**Hebr 1, 1-2**

R. Allelúia. **V.** Multifárie olim Deus loquens pátribus in prophétis,  
novíssime diébus istis locútus est nobis in Fílio. R. Allelúia.

**Evangelium**

*Invenerunt Mariam et Ioseph et infantem ...  
Et post dies octo, vocatum est nomen eius Iesus.*

**† Léctio sancti Evangélii secúndum Lucam 2, 16-21**

In illo témpore:

Venérunt pastóres festinántes usque Béthleem et invenérunt Maríam et Ioseph et infántem pósitum in præsípio. Vidéntes autem notum fecérunt verbum quod dictum erat illis de púero hoc.

Et omnes qui audiérunt miráti sunt de his quæ dicta erant a pastóribus ad ipsos: María autem conservábát ómnia verba hæc cónferens in corde suo. Et réveráti sunt pastóres glorificántes et laudántes Deum in ómnibus quæ audíerant et víderant sicut dictum est ad illos.

Et postquam consummáti sunt dies octo ut circumciéreretur, vocátum est nomen eius Iesus, quod vocátum est ab Angelo prius quam in útero conciperéatur.

Verbum Dómini.

Dicitur Credo.

**Super oblata**

Deus, qui bona cuncta ínchoas benígnus et pérficiis,  
da nobis,  
de sollemnitáte sanctæ Dei Genetrícis lætálibus,  
sicut de initiis tuae grátiæ gloriámur,  
ita de perfectiōne gaudére. Per Christum.

Præfatio de beata Maria Virgine I (Et te in sollemnitate), p. 762.  
Quando adhibetur Canon Romanus, dicitur Communicantes proprium.

## Ant. ad communionem

Hebr 13, 8

Iesus Christus heri et hodie, ipse et in sæcula.

## Post communionem

Súmpsímus, Dómine, læti sacraménta cælestia:  
præsta, quæsumus,  
ut ad vitam nobis profícient sempitérnam,  
qui beátam semper Vírginem Maríam  
Fílli tui Genetrícem et Ecclésiæ Matrem  
profítéri gloriámur.  
Per Christum.

Diebus sequentibus, quando dicenda est Missa de feria, adhiben-  
tur textus infra propositi, p. 332.

## DOMINICA II POST NATIVITATEM

## Ant. ad introitum

Sap 18, 14-15

Dum médium siléntium tenérent ómnia,  
et nox in suo cursu médium iter habéret,  
omnípotens sermo tuus, Dómine,  
de cælis a regálibus sédibus venit.

Dicitur Glória in excélsis.

## Collecta

Omnípotens sempitérne Deus,  
fidélium splendor animárum,  
dignáre mundum glória tua implére benígnus,  
et cunctis pópolis appáre per tui lúminis claritatétem.  
Per Dóminum.

## Lectio prima

*Sapientia Dei in populo electo inhabitavit.*

## Léctio libri Sirácidae

24, 1-4. 12-16

Sapiéntia laudábit ánimam suam et in Deo honorábitur, et in médio pópuli sui gloriábitur; et in ecclésiis Altíssimi apériet os suum, et in conspéctu virtútis illíus gloriábitur, et in médio pópuli sui exaltábitur, et in plenitúdine sancta admirábitur; et in multitúdine electórum habébit laudem, et inter benedictos benedicétur.

Præcépit et dixit mihi créátor ómnium, et qui creávit me requiévit in tabernáculo meo, et dixit mihi: « In Iacob inhábita et in Israel hereditáre, et in eléctis meis mitte radíces ».

Ab initio et ante sǽcula créata sum, et usque ad futúrum sǽculum non désinam, et in habitatióne sancta coram ipso ministrávi.

Et sic in Sion firmáta sum, et in civitáte sanctificáta simíliter requiévi, et in Ierúsalem potéstan mea.

Et radicávi in pópulo honoríficáto, et in parte Dei mei heréditas illíus, et in plenitúdine sanctórum deténtio mea. — Verbum Dómini.

### Psalmus responsorius

Ps 147, 12-13. 14-15. 19-20 (R.: Io 1, 14)

R. Verbum caro factum est, et habitávit in nobis.

vel Alleluia.

<sup>12</sup> Lauda, Ierúsalem, Dóminum;  
colláuda Deum tuum, Sion.

<sup>13</sup> Quóniam confortávit seras portárum tuárum,  
benedíxit filiis tuis in te. R.

<sup>14</sup> Qui ponit fines tuos pacem,  
et ádipe fruménti sátiat te.

<sup>15</sup> Qui emíttit elóquium suum terræ,  
velóciter currit verbum eius. R.

<sup>16</sup> Qui annúntiat verbum suum Iacob,  
iustítias et iudícias sua Israel.

<sup>17</sup> Non fecit táliter omni natióni,  
et iudícias sua non manifestávit eis. R.

### Lectio secunda

Prædestinavit nos  
in adoptionem filiorum per Iesum.

Léctio Epístolæ beáti Pauli apóstoli ad Ephésios

1, 3-6. 15-18

Benedíctus Deus et Pater Dómini nostri Iesu Christi,  
qui benedíxit nos in omni benedictióne spiritáli in cælestibus in Christo, sicut élégit nos in ipso ante mundi constitutióñem, ut essémus sancti et immaculáti in con-

spéctu eius in caritaté, qui prædestinávit nos in adoptionem filiorum per Iesum Christum in ipsum, secúndum beneplácitum voluntatis suæ, in laudem gloriæ gratiæ suæ, in qua gratificávit nos in Dilécto.

Propterea et ego áudiens fidem vestram quæ est in Dómino Iesu et dilectionem in omnes sanctos, non cesso gratiás agens pro vobis memóriam fáciens in orationibus meis, ut Deus Dómini nostri Iesu Christi, Pater gloriæ, det vobis Spíritum sapiéntiæ et revelatiónis in agnitione eius, illuminátos óculos cordis vestri, ut sciatis quæ sit spes vocatiónis eius, quæ divítiae gloriæ hereditatis eius in sanctis. — Verbum Dómini.

Alleluia

Cf. 1 Tim 3, 16

R. Alleluia. R. Glória tibi, Christe, prædicato géntibus;  
glória tibi, Christe, crédito in mundo.

R. Alleluia.

### Evangelium\*

Verbum caro factum est, et habitavit in nobis.

† Léctio sancti Evangeli secúndum Ioánnem 1, 1-18

In princípio erat Verbum, et Verbum erat apud Deum, et Deus erat Verbum.

Hoc erat in principio apud Deum.

Omnia per ipsum facta sunt, et sine ipso factum est nihil, quod factum est, in ipso vita erat et vita erat lux hóminum, et lux in ténebris lucet, et ténebræ eam non comprehendérunt.

Fuit homo missus a Deo, cui nomen erat Ioánnes: hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine.

Erat lux vera, quæ illúminat omnem hóminem, véniens in mundum. In mundo erat, et mundus per ipsum

factus est, et mundus eum non cognovit. In propria venit, et sui eum non receperunt.

Quotquot autem receperunt eum, dedit eis potestatem filios Dei fieri, his qui credunt in nomine eius, qui non ex sanguinibus, neque ex voluntate carnis, neque ex voluntate viri, sed ex Deo nati sunt.

Et Verbum caro factum est, et habitavit in nobis, et vidiimus gloriam eius, gloriam quasi Unigeniti a Patre, plenum gratiae et veritatis.

Ioannes testimonium perhibet de ipso, et clamat dicens: « Hic erat, quem dixi: "Qui post me venturus est, ante me factus est, quia prior me erat" ».

Et de plenitudine eius nos omnes accipimus, et gratiam pro gratia; quia Lex per Moysen data est, gratia et veritas per Iesum Christum facta est.

Deum nemo vidit umquam; Unigenitus Deus, qui est in sinu Patris, ipse enarravit. — Verbum Domini.

**vel brevior**

✠ Léctio sancti Evangélii secundum Ioánnem  
1, 1-5. 9-14

In principio erat Verbum, et Verbum erat apud Deum, et Deus erat Verbum.

Hoc erat in principio apud Deum.

Omnia per ipsum facta sunt, et sine ipso factum est nihil, quod factum est, in ipso vita erat et vita erat lux hominum, et lux in tenebris lucet, et tenebrae eam non comprehendérunt.

Erat lux vera, quae illuminat omnem hominem, veniens in mundum. In mundo erat, et mundus per ipsum factus est, et mundus eum non cognovit. In propria venit, et sui eum non receperunt.

Quotquot autem receperunt eum, dedit eis potestatem filios Dei fieri, his qui credunt in nomine eius, qui non ex sanguinibus, neque ex voluntate carnis, neque ex voluntate viri, sed ex Deo nati sunt.

Et Verbum caro factum est, et habitavit in nobis, et vidiimus gloriam eius, gloriam quasi Unigeniti a Patre, plenum gratiae et veritatis. — Verbum Domini.

**Dicitur Credo.**

**Super oblata**

Oblata, Domine, munera  
Unigeniti tui nativitate sanctifica,  
qua nobis et via ostenditur veritatis,  
et regni caelstis vita promittitur.  
Per Christum.

**Præfatio de Nativitate, pp. 747-749.**

**Io 1, 12**

**Ant. ad communionem**

Omnibus qui receperunt eum,  
dedit eis potestatem filios Dei fieri.

**Post communionem**

Domine Deus noster, suppliciter te rogamus,  
ut, huius operatione mysterii,  
vitia nostra purgantur, et iusta desideria compleantur.  
Per Christum.

Die 6 ianuarii

## IN EPIPHANIA DOMINI

Sollemnitas

Ant. ad introitum

Cf. Mal 3, 1; 1 Chr 19, 12

Ecce advénit Dominátor Dóminus;  
et regnum in manu eius et potéstas et impérium.  
Dicitur Glória in excélsis.

## Collecta

Deus, qui hodiéra die Unigénitum tuum  
géntibus stella duce revelásti,  
concéde propítius, ut, qui iam te ex fide cognóvimus,  
usque ad contemplándam spéciem tuæ celsitudinis  
perducámur. Per Dóminum.

## Lectio prima

Gloria Domini super te orta est.

## Léctio libri Isaiae prophétæ

60, 1-6

Surge, illumináre, Ierúsalem, quia venit lumen tuum,  
et glória Dómini super te orta est. Quia ecce ténebrae  
opérunt terram, et calígo pópulos; super te autem orié-  
tur Dóminus, et glória eius in te vidébitur.

Et ambulábunt gentes in lúmine tuo, et reges in splen-  
dóre ortus tui. Leva in circúitu óculos tuos, et vide: om-  
nes isti congregáti sunt, venérunt tibi; filii tui de longe  
vénient, et filiæ tuæ de látere surgent.

Tunc vidébis et áfflues, mirábitur et dilatábitur cor  
tuum, quando convérsa fúerit ad te multitúdo maris, for-  
titúdo géntium vénerit tibi, inundátio camelórum opériet  
te, dromedárii Mádian et Ephá; omnes de Saba vénient,  
aurum et thus deferéntes, et laudem Dómino annuntián-  
tes. — Verbum Dómini.

## Psalmus responsoriū

Ps 71, 1-2. 7-8. 10-11. 12-13 (R.: cf. 11)

R. Adorábunt te, Dómine, omnes gentes terræ.

- 1 Deus, iudícium tuum regi da,  
et iustítiam tuam fílio regis;
- 2 iúdicet pópulum tuum in iustitia,  
et páuperes tuos in iudicio. R.
- 3 Florébit in diébus eius iustitia et abundántia pacis,  
donec auferátur luna.
- 4 Et dominábitur a mari usque ad mare,  
et a Flúmine usque ad términos orbis terrárum. R.
- 5 Reges Tharsis et ínsulæ múnera ófferent,  
reges Arabum et Saba dona addúcent.
- 6 Et adorábunt eum omnes reges,  
omnes gentes sérvient ei. R.
- 7 Quia liberábit ínopem clamántem,  
et páuperem cui non erat adiútor.
- 8 Parcet páuperi et ínopi,  
et ánimas páuperum salvas fáciet. R.

## Lectio secunda

Nunc revelatum est gentes  
esse coheredes promissionis.

## Léctio Epístolæ beáti Pauli apóstoli ad Ephésios

3, 2-3 a. 5-6

Fratres:

Audistis dispensatióne grátiæ Dei quæ data est mihi  
pro vobis, quóniam secúndum revelatióne notum mihi  
factum est mystérium, quod áliis generatióibus non in-  
nótuit fílii hóminum, sicuti nunc revelátum est sanctis  
Apóstolis eius et Prophétis in Spíritu: esse gentes co-

herédes et concorporáles et compartícipes promissiónis in Christo Iesu per Evangélium. — Verbum Dómini.

**Alleluia**

Mt 2, 2

R. Allelúia. **V**. Vídimus stellam eius in oriénte,  
et vénimus adoráre Dóminum. R. Allelúia.

### Evangelium

*Venimus ab oriente adorare regem.*

† Léctio sancti Evangélii secúndum Matthéum 2, 1-12

Cum natus esset Iesus in Béthleem Iudææ in diébus Heródis regis, ecce Magi ab oriénte venérunt Hierosólymam, dicéntes: « Ubi est qui natus est Rex Iudæórum? Vídimus enim stellam eius in oriénte et vénimus adoráre eum ».

Audiens autem Heródes rex turbátus est et omnis Hierosólyma cum illo; et cóngregans omnes príncipes sacerdótum et scribas pôpuli sciscitabátur ab eis ubi Christus nasceréatur.

At illi dixérunt ei: « In Béthleem Iudææ: sic enim scriptum est per Prophétam: “ Et tu, Béthleem terra Iuda, nequáquam mímina es in princípibus Iuda; ex te enim éxiet dux, qui reget pôpulum meum Israel ” ».

Tunc Heródes, clam vocátis Magis, diligénter dídicit ab eis tempus stellæ quæ appáruit eis, et mittens illos in Béthleem, dixit: « Ite, et interrogáte diligénter de púero; et cum invenéritis renuntiáte mihi, ut et ego véniens adórem eum ».

Qui, cum audíssent regem, abiérunt, et ecce stella quam víderant in oriénte antecedébat eos, usque dum véniens staret supra ubi erat puer. Vidéntes autem stellam gavísi sunt gáudio magno valde. Et intrántes domum vidérunt púerum cum María matre eius, et proci-

déntes adoravérunt eum; et apértis thesáuris suis, obtulerunt ei múnera, aurum et thus et myrrham.

Et respónso accépto in somnis ne redírent ad Heródem, per áliam viam revérsi sunt in régiónem suam.  
Verbum Dómini.

Dicitur Credo.

### Super oblata

Ecclésiæ tuæ, quésumus, Dómine, dona propítius intuére, quibus non iam aurum, thus et myrrha profértur, sed quod eisdem munéribus declarátur, immolátur et súmitur, Iesus Christus. Qui vivit.

*Præfatio de Epiphania, p. 750.*

Quando adhibetur Canon Romanus, dicitur **Communicántes proprium.**

**Ant. ad communionem**

**Cf. Mt 2, 2**

Vídimus stellam eius in oriénte,  
et vénimus cum munéribus adoráre Dóminum.

### Post communionem

Cælesti lúmine, quésumus, Dómine,  
semper et ubique nos præveni,  
ut mystérium, cuius nos partícipes esse voluísti,  
et puro cernámus intuítu, et digno percipiámus afféctu.  
Per Christum.

*Ubi sollemnitas Epiphaniæ non est de præcepto servanda, assignatur, tamquam diei proprio, dominicæ a die 2 ad diem 8 ianuarii occurrenti.*

## IN FERIIS TEMPORIS NATIVITATIS

a die 2 ianuarii

usque ad sabbatum ante festum Baptismatis Domini

Hæ Missæ adhibentur in fériis quibus sunt assignatæ, mutando collectam, prout indicatur.

### Feria secunda

#### Ant. ad introitum

Dies sanctificátus illúxit nobis:  
veníte, gentes, et adoráte Dóminum,  
quia descéndit lux magna super terram.

#### Collecta

#### Ante sollemnitatem Epiphaniæ

Da, quésumus, Dómine,  
pópulo tuo inviolábilem fídei firmitátem,  
ut, qui Unigénitum tuum in tua tecum glória sempitérnum  
in veritáte nostri córporis  
natum de Matre Vírgine confítentur,  
et a præsentib⁹ liberéntur advérsis,  
et mansúris gáudiis inserántur.  
Per Dóminum.

#### Post sollemnitatem Epiphaniæ

Corda nostra, quésumus, Dómine,  
tuæ maiestátis splendor illústret,  
quo per mundi huius ténebras transíre valeámus,  
et perveniámus ad pátriam claritátis æternæ.  
Per Dóminum.

Ante Epiphaniam dicuntur lectiones quæ pp. 340-352 extant,  
post vero Epiphaniam lectiones pp. 353-365 positæ.

#### Super oblata

Súscipe, Dómine, múnera nostra,  
quibus exercéntur commércia gloriósa,  
ut, offeréntes quæ dedísti,  
teípsum mereámur accípere.  
Per Christum.

Ante sollemnitatem Epiphaniæ: Præfatio de Nativitate, pp. 747-749.  
Post sollemnitatem Epiphaniæ: Præfatio de Epiphania, p. 750,  
vel de Nativitate, pp. 747-749.

#### Ant. ad communionem

Io 1, 14

Vídimus glóriam eius,  
glóriam quasi Unigéniti a Patre,  
plenum grátiæ et veritáti.

#### Post communionem

Da, quésumus, omnípotens Deus,  
ut, mysteriorum virtúte sanctórum,  
iúgiter vita nostra firmétur.  
Per Christum.

### Feria tertia

#### Ant. ad introitum

Ps 117, 26-27

Benedictus qui venit in nōmine Dómini:  
Deus Dóminus et illúxit nobis.

#### Collecta

#### Ante sollemnitatem Epiphaniæ

Deus, qui, per beatum sacræ Vírginis partum,  
Filii tui carnem humánis fecísti præiudiciis non tenéri,  
præsta, quésumus, ut, huius creatúræ novitáte suscépti,  
vetustátis antiquæ contágiiis exuámur.  
Per Dóminum.

**Post sollemnitatem Epiphaniæ**

Deus, cuius Unigénitus  
in substántia nostræ carnis appáruit,  
præsta, quásimus, ut per eum,  
quem símilem nobis foris agnóvimus,  
intus reformári mereámur.  
Qui tecum vivit.

*Ante Epiphaniam dicuntur lectiones quæ pp. 340-352 extant,  
post vero Epiphaniam lectiones pp. 353-365 posítæ.*

**Super oblata**

Múnera, quásimus, Dómine,  
tuæ plebis propitiátus assúme,  
ut, quæ fídei pietáte profiténtur,  
sacraméntis cælestibus apprehéndant.  
Per Christum.

*Ante sollemnitatem Epiphaniæ: Præfatio de Nativitate, pp. 747-749.  
Post sollemnitatem Epiphaniæ: Præfatio de Epiphania, p. 750,  
vel de Nativitate, pp. 747-749.*

**Ant. ad communionem**

**Eph 2, 4; Rom 8, 3**

Propter nímiam caritátem suam, qua diléxit nos Deus,  
Fílium suum misit in similitúdinem carnis peccáti.

**Post communionem**

Deus, qui nos sacraménti tui participatióne contíngis,  
virtútis eius efféctus in nostris còrdibus operáre,  
ut suscipiendo múnieri tuo per ipsum munus aptémur.  
Per Christum.

**Feria quarta****Ant. ad introitum**

**Is 9, 2**

Pópulus, qui ambulábat in ténebris,  
vidit lucem magnam;  
habitántibus in régione umbræ mortis, lux orta est eis.

**Collecta****Ante sollemnitatem Epiphaniæ**

Concéde nobis, omnípotens Deus,  
ut salutáre tuum, quod ad redemptióne mundi  
luce nova cælórum procéssit,  
nostris semper innovándis còrdibus oriátur.  
Per Dóminum.

**Post sollemnitatem Epiphaniæ**

Deus, illuminátor ómnium géntium,  
da pópulis tuis perpétua pace gaudére,  
et illud còrdibus nostris spléndidum lumen infúnde,  
quod patrum nostrórum méntibus aspersísti.  
Per Dóminum.

*Ante Epiphaniam dicuntur lectiones quæ pp. 340-352 extant,  
post vero Epiphaniam lectiones pp. 353-365 posítæ.*

**Super oblata**

Deus, auctor sincéræ devotiónis et pacis,  
da, quásimus, ut et maiestátem tuam  
conveníenter hoc múnere venerémur,  
et sacri participatióne mystérii fidéliter sénsibus uniámur.  
Per Christum.

*Ante sollemnitatem Epiphaniæ: Præfatio de Nativitate, pp. 747-749.  
Post sollemnitatem Epiphaniæ: Præfatio de Epiphania, p. 750,  
vel de Nativitate, pp. 747-749.*

**Ant. ad communionem**

**1 Io 1, 2**

Vita manifestáta est, quæ erat apud Patrem,  
et appáruit nobis

**Post communionem**

Divérsis plebs tua, Dómine, gubernáta subsídiis,  
et præséntia pietátis tuæ remédia cápiat et futúra,

ut, transeúntium rerum necessária consolatiōne fovēnte,  
fiduciālius ad ætēna conténdat. Per Christum.

### Feria quinta

#### Ant. ad introitum

Cf. Io 1, 1

In princípio et ante sēcula Deus erat Verbum,  
et ipse nasci dignātus est Salvátor mundi.

#### Collecta

#### Ante sollemnitatem Epiphaniæ

Deus, qui pôpulo tuo, Unigéniti tui nativitatē,  
redemptiōnis effēctum mirabiliter inchoāsti,  
ita, quásimus, fídei fámulis tuis trübue firmitatē,  
ut usque ad promissum gloriæ prémium,  
ipso gubernánte, pervéniant. Per Dóminum.

#### Post sollemnitatem Epiphaniæ

Deus, qui per Fílium tuūm  
æternitatis tuæ lumen cunctis géntibus suscitásti,  
da plebi tuæ fulgórem plenum  
sui Redemptoris agnoscere,  
ut ad perpétuam claritatē  
per eius incremēnta pervéniat.  
Per Dóminum.

*Ante Epiphaniam dicuntur lectiones quæ pp. 340-352 extant,  
post vero Epiphaniam lectiones pp. 353-365 positæ.*

#### Super oblata

Súscipe, Dómine, múnera nostra,  
quibus exercéntur commércia gloriósa,  
ut, offeréntes quæ dedísti,  
teípsum mereámur accípere. Per Christum.

*Ante sollemnitatem Epiphaniæ: Præfatio de Nativitate, pp. 747-749.  
Post sollemnitatem Epiphaniæ: Præfatio de Epiphania, p. 750,  
vel de Nativitate, pp. 747-749.*

Io 3, 16

#### Ant. ad communionem

Sic Deus diléxit mundum,  
ut Fílium suum unigénitum daret,  
ut omnis, qui credit in eum, non péreat,  
sed hábeat vitam ætérnam.

#### Post communionem

Da, quásimus, omnípotens Deus,  
ut, mysteriorum virtute sanctórum,  
iúgiter vita nostra firmétur.  
Per Christum.

### Feria sexta

#### Ant. ad introitum

Ps 111, 4

Exórtum est in ténebris lumen rectis corde,  
misericors, et miserátor, et iustus Dóminus.

#### Collecta

#### Ante sollemnitatem Epiphaniæ

Fidéles tuos, quásimus, Dómine, benígnus illúmina,  
et splendóre gloriæ tuæ corda eórum semper accénde,  
ut Salvatórem suum et incessánter agnoscant,  
et veráciter apprehéndant.

Per Dóminum.

#### Post sollemnitatem Epiphaniæ

Præsta, quásimus, omnípotens Deus,  
ut Salvatóris mundi, stella duce, manifestáta natívitas,  
mémentibus nostris revelétur semper et crescat.  
Per Dóminum.

*Ante Epiphaniam dicuntur lectiones quæ pp. 340-352 extant,  
post vero Epiphaniam lectiones pp. 353-365 positæ.*

**Super oblata**

Múnera, quásumus, Dómine,  
tuæ plebis propitiátus assúme,  
ut, quæ fideli pietáte profiténtur,  
sacraméntis cælestibus apprehéndant.  
Per Christum.

*Ante sollemnitatem Epiphaniæ: Præfatio de Nativitate, pp. 747-749.  
Post sollemnitatem Epiphaniæ: Præfatio de Epiphania, p. 750,  
vel de Nativitate, pp. 747-749.*

**Ant. ad communionem**

1 Io 4, 9

In hoc appáruit cáritas Dei in nobis,  
quóniam Fílium suum unigénitum misit Deus in mundum,  
ut vivámus per eum.

**Post communionem**

Deus, qui nos sacraménti tui participatióne contíngis,  
virtútis eius effectus in nostris códibus operáre,  
ut suscipiendo múnere tuo per ipsum munus aptémur.  
Per Christum.

**Sabbato****Ant. ad introitum**

Gal 4, 4-5

Misit Deus Fílium suum, factum ex muliere,  
ut adoptiónem filiórū recipérēmus.

**Collecta***Ante sollemnitatem Epiphaniæ*

Omnípotens sempítérne Deus,  
qui per advéntum unigéniti Fílli tui  
nova luce radiáre dignátus es,  
concéde nobis, ut, sicut eum per Virginis partum  
in forma nostri còporis merúimus habére partícipem,  
ita et in eius regno grátiae mereámur esse consórtes.  
Per Dóminum.

**Post sollemnitatem Epiphaniæ**

Omnípotens sempítérne Deus,  
qui per Unigénitum tuum  
novam creatúram nos tibi esse fecísti,  
præsta, quásumus, ut per grátiam tuam  
in illius inveniámur forma,  
in quo tecum est nostra substántia.  
Per Dóminum.

*Ante Epiphaniam dicuntur lectiones quæ pp. 340-352 extant,  
post vero Epiphaniam lectiones pp. 353-365 positæ.*

**Super oblata**

Deus, auctor sincéræ devotiónis et pacis,  
da, quásumus, ut maiestátem tuam  
conveniénter hoc múnere venerémur,  
et sacri participatióne mystérii fidéliter sénsibus uniámur.  
Per Christum.

*Ante sollemnitatem Epiphaniæ: Præfatio de Nativitate, pp. 747-749.  
Post sollemnitatem Epiphaniæ: Præfatio de Epiphania, p. 750,  
vel de Nativitate, pp. 747-749.*

**Ant. ad communionem**

Io 1, 16

De plenitúdine eius nos omnes accépimus,  
et grátiam pro grátia.

**Post communionem**

Divérsis plebs tua, Dómine, gubernáta subsídiis,  
et præsentia pietátis tuæ remédia cápiat et futúra,  
ut, transeúntium rerum necessária consolatióne fovénte,  
fiduciálius ad ætérrna conténdat.  
Per Christum.

## LECTIONES ANTE EPIPHANIAM DICENDÆ

## Die 2 ianuarii

## Lectio prior

*Quod audistis ab initio in vobis permaneat.*

Léctio Epístolæ primæ beáti Ioánnis apóstoli **2, 22-28**  
Caríssimi:

Quis est mendax nisi is qui negat quóniam Iesus est Christus? Hic est Antichrístus, qui negat Patrem et Fílium. Omnis qui negat Fílium, nec Patrem habet; qui confítetur Fílium, et Patrem habet.

Vos quod audistis ab initio in vobis permáneat; si in vobis permánserit quod ab initio audistis, et vos in Fílio et in Patre manébitis. Et hæc est repromissio quam ipse pollícitus est nobis, vitam ætérnam. Haec scripsi vobis de eis qui sedúcunt vos.

Et vos unctionem quam accepistis ab eo manet in vobis, et non necésse habétis ut áliquis dóceat vos; sed sicut únetio ipsíus docet vos de ómnibus, et verum est et non est mendácium, et, sicut dóciuit vos, manétis in eo.

Et nunc, filióli, manéte in eo, ut cum apparúerit ha-béamus fidúciam et non confundámur ab eo in advéntu eius. — Verbum Dómini.

## Psalmus responsorius

**Ps 97, 1. 2-3 ab. 3 cd-4 (R.: 3 a)**

R. Vidérunt omnes términi terræ salutáre Dei nostri.

Cantáte Dómino cáanticum novum,  
quia mirabília fecit.

Salvávit sibi déxtera eius,  
et bráccium sanctum eius. R.

Notum fecit Dóminus salutáre suum,  
in conspéctu géntium revelávit iustítiam suam.  
Recordátus est misericordiæ suæ  
et veritatis suæ dómui Israel. R.

Vidérunt omnes términi terræ salutáre Dei nostri.  
Iubiláte Deo, omnis terra,  
erúmpite, exsultáte et psálrite. R.

## Alleluia

**Hebr 1, 1-2**

R. Alleluia. V. Multifárie olim Deus loquens pátribus in prophétis,  
novíssime diébus istis locútus est nobis in Fílio. R. Alleluia.

Loco versus ante Evangelium, qui singulis diebus proponitur,  
alius adhíberi potest ex iis qui infra, p. 718, exstant.

## Evangelium

*Medius vestrum stat, quem vos non scitis.*

**† Léctio sancti Evangélii secúndum Ioánnem 1, 19-28**

Hoc est testimónium Ioánnis, quando misérunt ad eum Iudéi ab Hierosólymis sacerdótes et Levítas ut interrogárent eum: « Tu quis es? »

Et conféssus est, et non negávit; et conféssus est:  
« Non sum ego Christus ».

Et interrogáverunt eum: « Quid ergo? Elías es tu? »  
Et dicit: « Non sum ».

« Prophéta es tu? » Et respóndit: « Non ».

Dixerunt ergo ei: « Quis es? Ut respónsum demus his, qui misérunt nos; quid dicis de te ipso? »

Ait: « Ego vox clamantis in déserto: "Dirígite viam Dómini ", sicut dixit Isaías prophéta ».

Et qui missi fúerant erant ex Pharisæis. Et interrogavérunt eum, et dixérunt ei: « Quid ergo baptizas, si tu non es Christus, neque Elías, neque Prophéta? »

Respóndit eis Ioánnes dicens: « Ego baptizo in aqua; médius vestrum stat, quem vos non scitis, qui post me venturus est, cuius ego non sum dignus ut solvam eius corrígiam calceaménti ».

Hæc in Bethánia facta sunt trans Iordánum, ubi erat Ioánnes baptizans. — Verbum Dómini.

### Die 3 ianuarii

In regionibus ubi Epiphania celebratur dominica diebus a 2 ad 8 ianuarii occurrente, sumuntur post Epiphaniam lectiones pp. 353 ss. posita: Alibi:

#### Lectio prior

*Omnis qui in eo manet non peccat.*

Léctio Epistolæ primæ beati Ioánnis apóstoli

2, 29 — 3, 6

Caríssimi:

Si scitis quóniam iustus est, scítote quóniam et omnis qui facit iustitiam ex ipso natus est.

Videte qualem caritátem dedit nobis Pater, ut filii Dei nominémur: et sumus! Propter hoc mundus non cognoscit nos, quia non cognovit eum. Caríssimi, nunc filii Dei sumus, et nondum manifestátum est quid érimus; scimus quóniam cum ipse apparuerit, símiles ei érimus; quóniam vidébimus eum sicuti est.

Et omnis qui habet spem hanc in eo, castificat se sicut ille castus est. Omnis qui facit peccátum, et iniquitátem facit, quia peccátum est iniquitas. Et scitis quóniam ille appáruit ut peccátá tolleret, et peccátum in eo non est. Omnis qui in eo manet, non peccat; omnis qui peccat, non vidit eum, nec novit eum.

Verbum Dómini.

Psalmus responsorius Ps 97, 1. 3 cd-4. 5-6 (¶: 3 a)

R. Vidérunt omnes térm̄ini terræ salutare Dei nostri.

1 Cantáte Dómino cáanticum novum, quia mirabília fecit. Salvávit sibi déxtera eius, et bráccium sanctum eius. R.

3 Vidérunt omnes térm̄ini terræ salutare Dei nostri.

4 Iubiláte Deo, omnis terra, erúmpite, exsultáte et psállite. R.

5 Psállite Dómino in cíthara, in cíthara et voce psalmi; 6 in tubis ductilibus et voce tubæ córneæ, iubiláte in conspéctu regis Dómini. R.

Alleluia

Io 1, 14. 12 b

R. Allelúia. ¶. Verbum caro factum est et habitávit in nobis.

Quotquot receperunt eum, dedit eis potestátem filios Dei fieri. R. Allelúia.

#### Evangelium

Ecce Agnus Dei.

† Léctio sancti Evangélii secundum Ioánnem 1, 29-34

Altera die videt Ioánnes Iesum veniéntem ad se, et ait: « Ecce Agnus Dei qui tollit peccátum mundi. Hic est de quo dixi: "Post me venit vir qui ante me factus est, quia prior me erat". Et ego nesciébam eum, sed, ut manifestétur Israel, propterea veni ego in aqua baptizans ».

Et testimónium perhíbuit Ioánnes, dicens: « Vidi Spíritum descendéntem quasi colúmbam de cælo, et mansit super eum, et ego nesciébam eum, sed qui misit me baptizare in aqua, Ille mihi dixit: "Super quem víderis

Spíritum descendéntem et manéntem super eum, hic est qui baptizat in Spíitu Sancto ». Et ego vidi, et testimónium perhíbui quia hic est Fílius Dei ».

Verbum Dómini.

### Die 4 ianuarii

In regionibus ubi Epiphania celebratur dominica diebus a 2 ad 8 ianuarii occurrente, sumuntur post Epiphaniam lectiones pp. 353 ss. positæ. Alibi:

#### Lectio prior

*Non potest peccare, quoniam ex Deo natus est.*

Léctio Epístolæ primæ beáti Ioánnis apóstoli **3, 7-10**

Filíoli, nemo vos sedúcat; qui facit iustítiam iustus est, sicut ille iustus est; qui facit peccátum ex diábolo est, quóniam a principio diábolus peccat. Propter hoc appáruit Fílius Dei, ut dissólvat ópera diáboli.

Omnis qui natus est ex Deo, peccátum non facit, quóniam semen ipsius in eo manet; et non potest pecáre, quóniam ex Deo natus est. In hoc maniféstati sunt filii Dei et filii diáboli: omnis qui non facit iustítiam non est ex Deo, et qui non díligit fratrem suum.

Verbum Dómini.

Psalmus responsorius

Ps 97, 1. 7-8. 9 (R.: 3 a)

R. Vidérunt omnes térmīni terræ salutáre Dei nostri.

**1** Cantáte Dómino cáanticum novum,  
quia mirabília fecit.

Salvávit sibi déxtera eius,  
et bráccium sanctum eius. R.

**7** Sonet mare et plenitúdo eius,  
orbis terrárum, et qui hábitant in eo.

**8** Flúmina plaudent manu,  
simul montes exsultábunt. R.

A conspéctu Dómini, quóniam venit iudicáre terram. Iudicábit orbem terrárum in iustitia et pópulos in aequitáte. R.

#### Alleluia

#### Hebr 1, 1-2

R. Alleluia. **y.** Multifárie olim Deus loquens pátribus in prophétis, novíssime diébus istis locútus est nobis in Filio. R. Alleluia.

#### Evangelium

*Invenimus Messiam.*

**†** Léctio sancti Evangélī secúndum Ioánnem **1, 35-42**

In illo témporte:

Stabat Ioánnes et ex discípulis eius duo, et respíciens Iesum ambulántem dicit: « Ecce Agnus Dei ». Et audiérunt eum duo discípuli loquéntem et secúti sunt Iesum.

Convérsus autem Iesus et videns eos sequéntes se, dicit eis: « Quid quáritis? »

Qui dixérunt ei: « Rabbi (quod dícitur interpretátum: Magíster), ubi hábitas? »

Dicit eis: « Veníte et vidébitis ». Venérunt ergo et vidérunt ubi manéret, et apud eum mansérunt die illo: hora erat quasi décima.

Erat Andréas, frater Simónis Petri, unus ex duóbus, qui audierant ab Ioánni et secúti fúerant eum: invénit hic primum fratrem suum Simónem et dicit ei: « Invénimus Messíam (quod est interpretátum Christus) ».

Addúxit eum ad Iesum. Intúitus eum Iesus dixit: « Tu es Simon filius Ioánnis, tu vocáberis Cephas (quod interpretátur Petrus) ».

Verbum Dómini.

## Die 5 ianuarii

In regionibus ubi Epiphania celebratur dominica diebus a 2 ad 8 ianuarii occurrente, sumuntur post Epiphaniam lectiones pp. 353 ss. positæ. Alibi:

## Lectio prior

*Transivimus de morte in vitam,  
quoniam diligimus fratres.*

Léctio Epistolæ primæ beati Ioánnis apóstoli 3, 11-21

Caríssimi:

Hæc est annuntiatio quam audistis ab initio, ut diligamus alterutrum; non sicut Cain: ex Maligno erat et occidit fratrem suum; et propter quid occidit eum? Quóniam ópera eius maligna erant, fratris autem eius iusta.

Nolite mirari, fratres, si odit vos mundus. Nos scimus quóniam transivimus de morte in vitam, quóniam diligimus fratres; qui non dilit manet in morte. Omnis qui odit fratrem suum homicida est, et scitis quóniam omnis homicida non habet vitam æternam in se manentem.

In hoc nōvimus caritatem, quóniam ille pro nobis ánimam suam pósuit; et nos debémus pro fratribus áimas pónere.

Qui habuerit substántiam mundi et viderit fratrem suum necesse habére et cláuserit víscera sua ab eo, quómodo cáritas Dei manet in eo?

Filíoli, non diligamus verbo nec lingua, sed in ópere et veritatē. In hoc cognoscémus quóniam ex veritatē sumus, et in conspéctu eius placábimus corda nostra, quóniam si reprehénderit nos cor, maior est Deus corde nostro et cognoscit ómnia.

Caríssimi, si cor nostrum non reprehénderit nos, fidúciam habémus ad Deum. — Verbum Dómini.

## Psalmus responsorius

Ps 99, 2. 3. 4. 5 (R.: 2 a)

R. Iubiláte Dómino, omnis terra.

2 Iubiláte Dómino, omnis terra,  
servíte Dómino in lætitia;  
introíte in conspéctu eius in exsultatióne. R.

3 Scítote quóniam Dóminus ipse est Deus;  
ipse fecit nos, et ipsius sumus,  
pópulus eius et oves páscuæ eius. R.

4 Introíte portas eius in confessióne,  
átria eius in hymnis,  
confitémini illi, benedícite nómini eius. R.

5 Quóniam suávis est Dóminus;  
in ætérnum misericórdia eius,  
et usque in generatióne et generatióne  
véritas eius. R.

## Alleluia

R. Allelúa. V. Dies sanctificátus illúxit nobis:  
veníte, gentes, et adoráte Dóminum;  
quia hódie descéndit lux magna super ter-  
ram. R. Allelúa.

## Evangelium

Tu es Filius Dei, rex Israel.

† Léctio sancti Evangélii secúndum Ioánnem 1, 43-51

In illo témpore:

Vóluit Jesus exíre in Galiléam, et invénit Philíppum. Et dicit ei Jesus: « Séquere me ». Erat autem Philíppus a Bethsáida, civitáte Andréæ et Petri.

Invénit Philíppus Nathánael et dicit ei: « Quem scripsit Móyses in Lege et Prophétæ, invénimus, Iesum filium Ioseph a Názareth ».

Et dixit ei Natháael: « A Názareth potest áliquid boni esse? »

Dicit ei Philíppus: « Veni et vide ».

Vidit Iesus Natháael veniéntem ad se et dicit de eo: « Ecce vere Israelita in quo dolus non est ».

Dicit ei Natháael: « Unde me nosti? »

Respóndit Iesus et dixit ei: « Priúscum te Philíppus vocáret, cum esses sub ficu, vidi te ».

Respóndit ei Natháael: « Rabbi, tu es Filius Dei, tu rex es Israel ».

Respóndit Iesus et dixit ei: « Quia dixi tibi: "Vidi te sub ficu", credis? Maióra his vidébis ».

Et dicit ei: « Amen amen dico vobis: Vidébitis cælum apértum et ángelos Dei ascendéntes et descendéntes supra Fílium hóminis ». — Verbum Dómini.

### Die 6 ianuarii

In regionibus ubi Epiphania celebratur dominica diebus 7 vel 8 ianuarii occurrente.

#### Lectio prior

*Spiritus et aqua et sanguis.*

Léctio Epístolæ primæ beáti Ioánnis apóstoli 5, 5-13  
Caríssimi:

Quis est qui vincit mundum, nisi qui credit quóniam Iesus est Fílius Dei?

Hic est qui venit per aquam et sanguinem, Iesus Christus; non in aqua solum, sed in aqua et in sanguine; et Spíritus est qui testificátur, quóniam Spíritus est véritas. Quia tres sunt qui testificántur, Spíritus et aqua et sanguis, et hi tres in unum sunt.

Si testimónium hóminum accípimus, testimónium Dei maius est, quóniam hoc est testimónium Dei, quia

testificátus est de Filio suo. Qui credit in Fílium Dei, habet testimónium in se. Qui non credit Deo, mendácem facit eum, quóniam non crédidit in testimónium quod testificátus est Deus de Fílio suo.

Et hoc est testimónium, quóniam vitam aëternam dedit nobis Deus, et hæc vita in Fílio eius est. Qui habet Fílium habet vitam; qui non habet Fílium Dei vitam non habet.

Hæc scripsi vobis ut sciatis quóniam vitam habétis aëternam, qui créditis in Nómine Fílli Dei.

Verbum Dómini.

#### Psalmus responsorius

Ps 147, 12-13. 14-15. 19-20 (R: 12 a)

R. Lauda, Ierúsalem, Dóminum.

vel Allelúa.

<sup>12</sup> Lauda, Ierúsalem, Dóminum;  
colláuda Deum tuum, Sion,

<sup>13</sup> Quóniam confortávit seras portárum tuárum,  
benedíxit fílii tuis in te. R.

<sup>14</sup> Qui ponit fines tuos pacem,  
et ádipe fruménti sátiat te.

<sup>15</sup> Qui emíttit elóquium suum terræ,  
velóciter currit verbum eius. R.

<sup>16</sup> Qui annúntiat verbum suum Iacob,  
iustítias et iudicia sua Israel.

<sup>17</sup> Non fecit táliter omni natióni,  
et iudicia sua non manifestávit eis. R.

Alleluia

Cf. Mc 9, 6

R. Allelúa. <sup>¶</sup> Cæli aperti sunt et vox Patris intónuit:  
Hic est Fílius meus caríssimus: audíte illum.

R. Allelúa.

## Evangelium

*Tu es Filius meus dilectus, in te complacui.*

† Léctio sancti Evangélii secúndum Marcum 1, 7-11

In illo témpore:

Prædicábat Ioánnes dicens: « Venit fórtior me post me, cuius non sum dignus procúmbens sólvere corrígiam calceamentórum eius; ego baptizávi vos aqua, ille vero baptizábit vos in Spíritu Sancto ».

Et factum est in diébus illis, venit Jesus a Názareth Galiléæ et baptizáitus est in Iordáne ab Ioánne. Et statim ascéndens de aqua vidit apertos cælos et Spíritum tamquam colúmbam descendéntem in ipsum; et vox facta est de cælis: « Tu es Filius meus diléctus, in te complacui ». — Verbum Dómini.

## Die 7 ianuarii

In regionibus ubi Epiphania celebratur dominica die 8 ianuarii occurrente.

## Lectio prior

*Audit nos quidquid petierimus.*

Léctio Epistolæ primæ beáti Ioánnis apóstoli 5, 14-21

Caríssimi:

Hæc est fidúcia quam habémus ad eum, quia si quid petiérimus secúndum voluntátem eius audit nos. Et si scimus quóniam audit nos quicquid petiérimus, scimus quóniam habémus petitiones quas postulávimus ab eo.

Si quis videt fratrem suum peccáre peccátum non ad mortem, petet, et dabit ei Deus vitam, peccántibus non ad mortem. Est peccátum ad mortem; non pro illo dico

ut roget. Omnis iniustitia peccátum est, et est peccátum non ad mortem.

Scimus quóniam omnis qui natus est ex Deo non peccat, sed Ille qui génitus est ex Deo consérvat eum, et Malígnus non tangit eum. Scimus quóniam ex Deo sumus, et mundus totus in Malígno pósitus est. Et scimus quóniam Fílius Dei venit, et dedit nobis sensum ut cognoscámus eum qui verus est; et sumus in eo qui verus est, in Fílio eius Iesu Christo. Hic est qui verus est Deus et Vita ætérna.

Filíoli, custodíte vos a simulácris.

Verbum Dómini.

## Psalmus responsorius

Ps 149, 1-2. 3-4. 5 et 6 a et 9 b (R.: 4 a)

R. Beneplácitum est Dómino in pôpulo suo.

vel Allelúa.

1 Cantáte Dómino cáanticum novum;  
laus eius in ecclésia sanctórum.

2 Lætétur Israel in eo qui fecit eum,  
et filii Sion exsultent in rege suo. R.

3 Laudent nomen eius in choro,  
in týmpano et cíthara psallant ei.

4 Quia beneplácitum est Dómino in pôpulo suo,  
et honorábit mansuétos in salútem. R.

5 Iúbilent sancti in glória,  
læténtrur in cubílibus suis.

6 Exaltatiónes Dei in gútture eórum;

7 glória hæc est ómnibus sanctis eius. R.

## Alleluia

Lc 7, 16

R. Allelúa. V. Prophéta magnus surréxit in nobis  
et Deus visitávit plebem suam. R. Allelúa.

**Evangelium**

*Hoc fecit initium signorum Iesus  
in Cana Galilææ.*

† Léctio sancti Evangélii secúndum Ioánnem 2, 1-12

In illo témpore:

Núptiæ factæ sunt in Cana Galilææ, et erat Mater Iesu ibi: vocátus est autem et Iesus et discípuli eius ad núptias. Et deficiénte vino, dicit Mater Iesu ad eum: « Vinum non habent ».

Et dicit ei Iesus: « Quid mihi et tibi, muller? Non-dum venit hora mea ».

Dicit Mater eius ministris: « Quodcúmque díixerit vobis fácite ».

Erant autem ibi lapideæ hýdriæ sex, pósitæ secún-dum purificatióñem Iudéorūm, capiéntes síngulæ me-trétas binas vel ternas.

Dicit eis Iesus: « Impléte hýdrias aqua ». Et imple-vérunt eas usque ad sumnum. Et dicit eis: « Hauríte nunc et ferte architriclínō ». Illi autem tulérunt.

Ut autem gustávit architriclínus aquam vinum factam et non sciébat unde esset, minístri autem sciébant, qui hauríerant aquam, vocat sponsum architriclínus, et dicit ei: « Omnis homo primum bonum vinum ponit, et cum inebríati fúerint, id quod detérius est: tu servásti bonum vinum usque adhuc ».

Hoc fecit initium signórum Iesus in Cana Galilææ, et manifestávit glóriam suam, et credidérunt in eum discípuli eius.

Post hoc descéndit Caphárnaum ipse et Mater eius et fratres eius et discípuli eius; et ibi mansérunt non multis diébus. — Verbum Dómini.

**LECTIONES POST EPIPHANIAM DICENDÆ**

Ubi Epiphania die 6 ianuarii celebratur, dicuntur lectiones diei mensis respondentes; ubi vero Epiphania dominica a 2 ad 8 ianuarii celebratur, dicuntur lectiones feriae hebdomadae respondentes.

**Die 7 ianuarii  
vel feria secunda post Epiphaniam**

**Lectio prior**

*Probate spiritus si ex Deo sint.*

Léctio Epístolæ primæ beáti Ioánnis apóstoli

3, 22 — 4, 6

Caríssimi:

Quodcúmque petiérimus accípimus ab eo, quóniam mandáta eius custodímus et ea quæ sunt plácita coram eo fásimus.

Et hoc est mandátum eius, ut credámus Nómini Fílii eius Iesu Christi et diligámus altérutrum, sicut dedit mandátum nobis. Et qui servat mandáta eius, in ipso manet et ipse in eo; et in hoc cognoscimus quóniam manet in nobis, ex Spíritu quem nobis dedit.

Caríssimi, nólite omni spíritui crédere, sed probáte spíritus si ex Deo sint; quóniam multi pseudoprophétæ prodiérunt in mundum. In hoc cognoscitis Spíritum Dei: omnis spíritus qui confitétur Iesum Christum in carne venísse, ex Deo est, et omnis spíritus qui non confitétur Iesum, ex Deo non est; et hoc est Antíchrísti, quod audítis quóniam venit, et nunc iam in mundo est.

Vos ex Deo estis, filíoli, et vicístis eos, quóniam maior est qui in vobis est quam qui in mundo. Ipsi ex mundo sunt; ídeo ex mundo loquántur et mundus eos audit. Nos ex Deo sumus; qui cognoscit Deum, audit nos, qui non est ex Deo non audit nos. Ex hoc cognoscimus Spíritum veritatis et spíritum erróris. — Verbum Dómini.

## Psalms responoriū

Ps 2, 7-8. 10-11 (R.: 8 a)

R. Dabo tibi gentes hereditatē tuam.

<sup>7</sup> Prædicabō decretū eius:

Dóminus dixit ad me: « Filius meus es tu,  
ego hódie gennui te. »

<sup>8</sup> Póstula a me, et dabo tibi gentes hereditatē tuam,  
et possessiōnem tuam términos terræ ». R.

<sup>10</sup> Et nunc, reges, intellégite,  
erudímini qui iudicatis terram.

<sup>11</sup> Servíte Dómino in timore,  
et exsultáte ei cum tremore. R.

Alleluia

Mt 4, 23

R. Alleluia. <sup>y.</sup> Prædicabat Iesus Evangélium Regni,  
et sanabat omnem infirmitatē in populo.

R. Alleluia.

Loco versus ante Evangelium, qui singulis diebus proponitur,  
alius adhiberi potest ex iis qui infra p. 718 exstant.

Evangelium

Appropinquavit Regnum cælorum.

<sup>†</sup> Léctio sancti Evangélii secundum Matthæum  
4, 12-17. 23-25

In illo témpore:

Cum audisset Iesus quod Ioánnes tráditus esset, secessit in Galiléam. Et relícta Názareth venit et habitavit in Caphárnaum marítimam in finibus Zábulon et Néphthalim: ut implerétur quod dictum est per Isaíam prophétam:

« Terra Zábulon et terra Néphthalim, ad viam maris, trans Iordánem, Galiléa géntium, pòpulus qui sedébat in ténebris lucem vidi magnam, et sedéntibus in régione et umbra mortis lux orta est eis ».

Exinde cœpit Iesus prædicare et dicere: « Pænitentiam agite: appropinquavit enim Regnum cælorum ».

Et circumibat Iesus totam Galiléam, docens in synagógis eórum et prædicens Evangélium Regni et sanans omnem languórem et omnem infirmitatē in populo. Et abiit opínius eius in totam Sýriam; et obtulérunt ei omnes male habéntes, variis languóribus et torméntis comprehénsos et qui dæmónia habébant et lunáticos et paralíticos, et curávit eos. Et secútæ sunt eum turbæ multæ de Galiléa et Decápoli et Hierosólymis et Iudæa et de trans Iordánem. — Verbum Dómini.

Die 8 ianuarii  
vel feria tertia post Epiphaniam

Lectio prior

Deus caritas est.

Léctio Epistolæ primæ beati Ioánnis apóstoli 4, 7-10

Caríssimi, diligámus ívicem, quóniam cáritas ex Deo est, et omnis qui dilit ex Deo natus est et cognoscit Deum. Qui non dilit non cognovit Deum, quóniam Deus cáritas est.

In hoc appáruit cáritas Dei in nobis, quóniam Fílium suum unigénitum misit Deus in mundum ut vivámus per eum. In hoc est cáritas, non quasi nos dilexérimus Deum, sed quóniam ipse diléxit nos et misit Fílium suum propitiatiōnem pro peccatōs nostris. — Verbum Dómini.

Psalms responoriū

Ps 71, 1-2. 3-4 ab. 7-8 (R.: cf. 11)

R. Adorábunt te, Dómine, omnes gentes terræ.

<sup>1</sup> Deus, iudícium tuum regi da,  
et iustitiam tuam fílio regis;

- <sup>2</sup> iúdicet pópulum tuum in iustitia,  
et páuperes tuos in iudicio. R.
- <sup>3</sup> Afferant montes pacem pôpulo,  
et colles iustitiam.
- <sup>4</sup> Iudicabit páuperes pôpuli,  
et salvos fáciat filios ínopis. R.
- <sup>7</sup> Florébit in diébus eius iustitia et abundântia pacis,  
donec auferátur luna.
- <sup>8</sup> Et dominabitur a mari usque ad mare,  
et a Flúmine usque ad térmilos orbis terrárum. R.

**Alleluia**

Lc 4, 18-19

R. Alleluia. <sup>Y</sup>. Evangelizare paupéribus misit me Dóminus,  
prædicare captívis remissióne. R. Alleluia.

**Evangelium**

*Multiplicans panes,  
Iesus sese ut prophetam manifestat.*

**✚ Léctio sancti Evangélii secúndum Marcum 6, 34-44**

In illo tempore:

Vidit multam turbam Iesus, et misértus est super eos quia erant sicut oves non habéntes pastórem, et cœpit docére illos multa.

Et cum iam hora multa facta esset, accessérunt discípuli eius dicéntes: « Desértus est locus hic, et hora iam est multa; dimítte illos, ut eúntes in villas et vicos in circuítu emant sibi quod mandúcent ».

Respónsens autem ait illis: « Date illis vos manducáre ».

Et dicunt ei: « Eúntes emámus denáriis ducéntis panes, et dábimus eis manducáre ».

Et dicit eis: « Quot panes habétis? Ite, vidéte ».

Et cum cognovíssent, dicunt: « Quinque et duos pisces ».

Et præcepit illis ut accúmbere fácerent omnes se-cúndum contubérnia super víride fénium. Et discubuerunt secúndum áreas per centémos et per quinquagéños.

Et accéptis quinque pánibus et duóbus písibüs, íntuens in cælum benedíxit et fregit panes et dabat discípulis suis ut pónerent ante eos, et duos pisces divisit ómnibus. Et manducavérunt omnes et saturáti sunt; et sustulérunt fragménta duódecim cóphinos plenos, et de písibüs. Et erant qui manducavérunt panes quinque mília virórum. — Verbum Dómini.

**Die 9 ianuarii  
vel feria quarta post Epiphaniam**

**Lectio prior**

*Si diligamus invicem, Deus in nobis manet*

Léctio Epístolæ primæ beáti Ioánnis apóstoli 4, 11-18

Caríssimi, si sic Deus diléxit nos, et nos debémus altérutrum dilícere. Deum nemo vidiit umquam; si diligámus invicem, Deus in nobis manet et cáritas eius in nobis consummáta est.

In hoc cognoscimus quóniam in ipso manémus et ipse in nobis, quóniam de Spíitu suo dedit nobis. Et nos vídimus et testificámur quóniam Pater misit Fílium Salvatorem mundi.

Quisque conféssus fúerit: « Iesus est Fílius Dei », Deus in ipso manet et ipse in Deo. Et nos cognovimus et credídimus caritati quam habet Deus in nobis. Deus cáritas est, et qui manet in caritaté in Deo manet et Deus in eo manet.

In hoc consummáta est cáritas nobíscum, ut fidúciam habeámus in die iudíci, quia sicut ille est, et nos sumus

in hoc mundo. Timor non est in caritáte, sed perfécta cáritas foras mittit timórem, quóniam timor poenam habet, qui autem timet non est consummátus in caritáte.

Verbum Dómini.

### Psalmus responsorius

Ps 71, 1-2. 10-11. 12-13 (R.: cf. 11)

R. Adorábunt te, Dómine, omnes gentes terræ.

- 1 Deus, iudícium tuum regi da,  
et iustítiam tuam filio regis;
- 2 iúdicet pópulum tuum in iustitia,  
et páuperes tuos in iudicio. R.
- 10 Reges Tharsis et ínsulæ múnera ófferent,  
reges Arabum et Saba dona addúcēt.
- 11 Et adorábunt eum omnes reges,  
omnes gentes sérvient ei. R.
- 12 Quia liberábit ínopem clamántem,  
et páuperem cui non erat adiútor.
- 13 Parcet páuperi et ínopi,  
et ánimas páuperum salvas fáciet. R.

**Alleluia**

Cf. 1 Tim 3, 16

R. Allelúia. y. Glória tibi, Christe, prædicáto géntibus;  
glória tibi, Christe, crédito in mundo.

R. Allelúia.

### Evangelium

Viderunt eum ambulantem super mare.

† Léctio sancti Evangélii secúndum Marcum 6, 45-52

Postquam saturáti sunt quinque mília virórum, sta-  
tim coégit Iesus discípulos suos ascéndere navem ut  
præcéderent trans fretum ad Bethsáidam, dum ipse di-  
mítteret pópulum. Et cum dimisísset eos, ábiit in mon-  
tem oráre.

Et cum sero factum esset, erat navis in médio mari,  
et ipse solus in terra. Et videns eos laborántes in remi-  
gándo, erat enim ventus contrárius eis, circa quartam  
vigíliam noctis venit ad eos ámbulans super mare, et  
volébat præteríre eos.

At illi, ut vidérunt eum ambulántem super mare,  
putavérunt phantásma esse, et exclamavérunt; omnes  
enim eum vidérunt et conturbáti sunt. Statim autem locú-  
tus est cum eis et dicit illis: « Confídite, ego sum: no-  
líte timére ». Et ascéndit ad illos in navem, et cessávit  
ventus.

Et valde nimis intra se stupébant, non enim intel-  
léxerant de páníbus, sed erat cor illórum obcæcátum.

Verbum Dómini.

### Die 10 ianuarii vel feria quinta post Epiphaniam

#### Lectio prior

Qui diligit Deum diligt et fratrem suum.

Léctio Epístolæ primæ beáti Ioánnis apóstoli

4, 19 — 5, 4

Caríssimi:

Nos dilígimus Deum, quóniam ipse prior diléxit nos.  
Si quis díixerit: « Dílico Deum », et fratrem suum óde-  
rit, mendax est; qui enim non diligit fratrem suum quem  
videt, Deum quem non videt non potest diligere. Et  
hoc mandátum habémus ab eo, ut qui diligit Deum di-  
ligat et fratrem suum.

Omnis qui credit quóniam Iesus est Christus, ex  
Deo natus est, et omnis qui díligit Deum qui géniit, dí-  
ligit et eum qui natus est ex eo. In hoc cognóscoimus  
quóniam dilígimus natos Dei, cum Deum diligámus et  
mandáta eius faciámus.

Hæc est enim caritas Dei, ut mandata eius servemus; et mandata eius gravia non sunt, quoniam omne quod natum est ex Deo vincit mundum; et haec est victoria quae vicit mundum: fides nostra. — Verbum Domini.

### Psalmus responsorius

Ps 71, 1-2. 14 et 15 bc. 17 (R.: cf. 11)

R. Adorabunt te, Domine, omnes gentes terræ.

<sup>1</sup> Deus, iudicium tuum regi da,  
et iustitiam tuam filio regis.

<sup>2</sup> Iudicet populum tuum in iustitia,  
et pauperes tuos in iudicio. R.

<sup>14</sup> Ex oppressione et violencia redimet animas eorum,  
et pretiosus erit sanguis eorum coram illo.

<sup>15</sup> Et orabunt pro ipso semper;  
tota die benedicent ei. R.

<sup>17</sup> Sit nomen eius benedictum in saecula,  
ante solem permanebit nomen eius.  
Et benedicentur in ipso omnes tribus terræ,  
omnes gentes magnificabunt eum. R.

Alleluia

Lc 4, 18-19

R. Alleluia. <sup>y.</sup> Evangelizare pauperibus misit me Dominus,  
praedicare captiuis remissionem. R. Alleluia.

Evangelium

Hodie impleta est haec Scriptura.

† Læctio sancti Evangeli secundum Lucam 4, 14-22 a  
In illo tempore:

Regressus est Jesus in virtute Spiritus in Galileam.  
Et fama exiit per universam regionem de illo. Et ipse

docebat in synagogis eorum, et magnificabatur ab omnibus.

Et venit Nazareth, ubi erat nutritus, et intravit secundum consuetudinem suam die sabbati in synagogam, et surrexit legere. Et traditus est illi liber prophetæ Isaiae, et ut revolvit librum invenit locum ubi scriptum erat:

« Spiritus Domini super me, propter quod unxit me evangelizare pauperibus, misit me praedicare captiuis remissionem et caecis visum, dimittere confractos in remissione, praedicare annum Domini acceptum ».

Et cum plicuisset librum, reddidit ministro et sedit; et omnium in synagoga oculi erant intendentes in eum.

Cœpit autem dicens ad illos: « Hodie implœta est haec Scriptura in auribus vestris ». Et omnes testimoniū illi dabant et mirabantur in verbis gratiae quae procedebant de ore ipsius. — Verbum Domini.

### Die 11 ianuarii vel feria sexta post Epiphaniam

#### Lectio prior

Spiritus et aqua et sanguis.

Læctio Epistolæ primæ beati Ioannis apostoli

5, 5-6. 8-13

Carissimi:

Quis est qui vincit mundum, nisi qui credit quoniam Jesus est Filius Dei?

Hic est qui venit per aquam et sanguinem, Jesus Christus; non in aqua solum, sed in aqua et in sanguine; et Spiritus est qui testificatur, quoniam Spiritus est veritas. Quia tres sunt qui testificantur, Spiritus et aqua et sanguis, et hi tres in unum sunt.

Si testimoniū hominum accipimus, testimoniū Dei maius est, quoniam hoc est testimoniū Dei, quia testi-

ficátus est de Fílio suo. Qui credit in Fílium Dei, habet testimónium in se. Qui non credit Deo, mendácem facit eum, quóniam non crédidit in testimónium quod testifícatus est Deus de Fílio suo.

Et hoc est testimónium, quóniam vitam ætérnam dedit nobis Deus, et hæc vita in Fílio eius est. Qui habet Fílium habet vitam; qui non habet Fílium Dei vitam non habet.

Hæc scripsi vobis ut sciatis quóniam vitam habétis ætérnam, qui créditis in Nómine Fílli Dei.

Verbum Dómini.

### Psalmus responsorius

Ps 147, 12-13. 14-15. 19-20 (R.: 12 a)

R. Lauda, Ierúsalem, Dóminum.

vel Allelúia.

<sup>12</sup> Lauda, Ierúsalem, Dóminum;  
colláuda Deum tuum, Sion..

<sup>13</sup> Quóniam confortávit seras portárum tuárum,  
benedíxit fíliis tuis in te. R.

<sup>14</sup> Qui ponit fines tuos pacem,  
et ádipe fruménti sátiat te.

<sup>15</sup> Qui emittit eloquium suum terræ,  
velóciter currit verbum eius. R.

<sup>19</sup> Qui annúntiat verbum suum Iacob,  
iustítias et iudícia sua Israel.

<sup>20</sup> Non fecit táliter omni natióni,  
et iudícia sua non manifestávit eis. R.

Alleluia

Mt 4, 23

R. Allelúia. <sup>y.</sup> Prædicábat Jesus Evangélium Regni,  
et sanábát omnem infirmitátem in pópolo.  
R. Allelúia.

### Evangelium

Et confestim lepra discessit ab illo.

¶ Léctio sancti Evangélii secúndum Lucam 5, 12-16

Factum est cum esset Jesus in una civitátum, et ecce vir plenus lepra; et videns Iesum et prócidens in fáciem, rogávit eum dicens: « Dómine, si vis, potes me mun-dare ». Et exténdens manum tégit illum dicens: « Volo, mundáre », et conféstim lepra discessit ab illo.

Et ipse præcépit illi ut némini diceret, « Sed vade, osténde te sacerdóti, et offer pro emundatióne tua sicut præcépit Móyses, in testimónium illis ».

Perambulábat autem magis sermo de illo, et conve-niébant turbæ multæ ut audírent et curaréntur ab infir-mitátibus suis; ipse autem secedébat in desértis et orábat. — Verbum Dómini.

Die 12 ianuarii  
vel sabbato post Epiphaniam

### Lectio prior

Audit nos quidquid petierimus.

Léctio Epístolæ primæ beáti Ioánnis apóstoli 5, 14-21  
Caríssimi:

Hæc est fidúcia quam habémus ad eum, quia si quid petiérimus secúndum voluntátem eius audit nos. Et si scimus quóniam audit nos quidquid petiérimus, scimus quóniam habémus petitíones quas postulávimus ab eo.

Si quis videt fratrem suum peccáre peccátum non ad mortem, petet, et dabit ei Deus vitam, peccántibus non ad mortem. Est peccátum ad mortem; non pro illo dico ut roget. Omnis iniustitia peccátum est, et est peccátum non ad mortem.

Scimus quóniam omnis qui natus est ex Deo non peccat, sed Ille qui génitus est ex Deo consérvat eum, et Malígnus non tangit eum. Scimus quóniam ex Deo sumus, et mundus totus in Malígno pósitus est. Et scimus quóniam Fílius Dei venit, et dedit nobis sensum ut cognoscámus eum qui verus est; et sumus in eo qui verus est, in Fílio eius Iesu Christo. Hic est qui verus est Deus et Vita ætérna.

Filíoli, custodíte vos a simulácris. Amen.

Verbum Dómini.

### Psalmus responsorius

Ps 149, 1-2. 3-4. 5 et 6 a et 9 b (R.: 4 a)

R. Beneplácitum est Dómino in pópulo suo.

vel Allelúia.

- 1 Cantáte Dómino cáanticum novum;  
laus eius in ecclésia sanctórum.
- 2 Lætetur Israel in eo qui fecit eum,  
et fílli Sion exsúltent in rege suo. R.
- 3 Laudent nomen eius in choro,  
in týmpano et cíthara psallant ei.
- 4 Quia beneplácitum est Dómino in pópulo suo,  
et honorábit mansuétos in salútem. R.
- 5 Iúbilent sancti in glória,  
læténtur in cubílibus suis.
- 6 Exaltationes Dei in gútture eórum;  
glória hæc est ómnibus sanctis eius. R.

Alleluia

Mt 4, 16

R. Alleluia. R. Póplus, qui sedébat in ténebris, vidit lucem magnam,  
et sedéntibus in regióne umbræ mortis lux  
orta est eis. R. Alleluia.

### Evangelium

*Amicus sponsi gaudet propter vocem sponsi.*

† Léctio sancti Evangélii secúndum Ioánnem 3, 22-30

In illo témpore:

Venit Iesus et discípuli eius in Iudéam terram, et illuc demorabátur cum eis et baptizábat. Erat autem et Ioánnes baptizans in Aenor iuxta Salim, quia aquæ multæ erant illuc, et adveniébant et baptizabántur; nondum enim missus fúerat in cárcerem Ioánnes.

Facta est ergo quæstio ex discípulis Ioánnis cum Iudéo de purificatióne. Et venérunt ad Ioánnem, et dixerunt ei: « Rabbi, qui erat tecum trans Iordánem, cui tu testimónium perhibuísti, ecce hic baptizat et omnes vénient ad eum ».

Respóndit Ioánnes et dixit: « Non potest homo accípere quidquam nisi fúerit ei datum de célo. Ipsi vos mihi testimónium perhibétis quod díxerim: "Non sum ego Christus", sed: "Missus sum ante illum" ».

Qui habet sponsam sponsus est: amícus autem sponsi, qui stat et audit eum, gáudio gaudet propter vocem sponsi. Hoc ergo gáudium meum implétum est. Illum opórtet créscere, me autem mínuí ». — Verbum Dómini.

Dominica post diem 6 ianuarii occurrente  
**IN BAPTISMATE DOMINI**  
**Festum**

**Ant. ad introitum**

Cf. Mt. 3, 16-17

Baptizáto Dómino, aperti sunt cæli,  
 et sicut colúmba super eum Spíritus mansit,  
 et vox Patris intónuit:  
 Hic est Fílius meus diléctus, in quo mihi bene complácui.  
 Dicitur Glória in excélsis.

**Collecta**

Omnípotens sempítérne Deus,  
 qui Christum, in Iordáne flúmine baptizátum,  
 Spíritu Sancto super eum descendénte,  
 diléctum Fílium tuum sollémniter declarásti,  
 concéde fíliis adoptiόnis tuæ,  
 ex aqua et Spíritu Sancto renátis,  
 ut in beneplácito tuo iúgiter persevérēnt. Per Dóminum.

**Vel:**

Deus, cuius Unigénitus  
 in substántia nostræ carnis appáruit,  
 præsta, quæsumus,  
 ut, per eum, quem símilem nobis foris agnóvimus,  
 intus reformári mereámur. Qui tecum vivit.

**Lectio prima**

*Ecce servus meus,  
 in quo complacuit sibi anima mea.*

Léctio libri Isaiae prophétæ                   **42, 1-4. 6-7**

Hæc dicit Dóminus:

« Ecce servus meus, suscipiam eum, élactus meus,  
 complacuit sibi in illo ánima mea: dedi spíritum meum

super eum, iudícium géntibus próferet. Non clamábit neque accípiet persónam, nec audiétur vox eius foris. Cálamus quassátum non cónteret et linum fúmigans non extínguet, in veritaté edúcet iudícium. Non erit tristis neque turbuléntus, donec ponat in terra iudícium; et legem eius ínsulæ exspectábunt.

Ego Dóminus vocávi te in iustitia, et apprehéndi manum tuam, et servávi te, et dedi te in fœdus pôpuli in lucem géntium, ut aperíres óculos cæcórū et edúceres de conclusióne vinctum, de domo cárceris sedéntes in tenebris ». — Verbum Dómini.

**Psalmus responsorius**

Ps 28, 1 a et 2. 3 ac-4. 3 b et 9 b-10 (R.:11 b)

R. Dóminus benedícte pôpulo suo in pace.

- <sup>1</sup> Afférte Dómino, fílii Dei,
- <sup>2</sup> afférte Dómino glóriam nōminis eius,  
 adoráte Dóminum in splendóre sancto. R.
- <sup>3</sup> Vox Dómini super aquas,  
 Dóminus super aquas multas.
- <sup>4</sup> Vox Dómini in virtúte,  
 vox Dómini in magnificéntia. R.
- <sup>5</sup> Deus maiestatis intónuit:  
<sup>9</sup> et in templo eius omnes dicent glóriam.
- <sup>10</sup> Dóminus super dilúvium hábitat,  
 et sedébit Dóminus rex in ætérnum. R.

**Lectio secunda**

*Unxit eum Deus Spiritu Sancto.*

Léctio Actuum Apostolórum

**10, 34-38**

In diébus illis:

Apériens Petrus os dixit: « In veritaté compério quóniam non est personárum accéptor Deus, sed in

omni gente qui timet eum et operáтур iustítiam accéptus est illi.

Verbum misit fíliis Israel, evangelízans pacem per Iesum Christum — hic est ómnium Dóminus —: vos scitis, quod factum est verbum per univérsam Iudéam, incípiens a Galiléa post baptísmum quod prædicávit Ioánnes, Iesum a Názareth, quómodo unxit eum Deus Spíritu Sancto et virtúte, qui pertransívit benefaciéndo et sanándo omnes oppréssos a diábolo, quóniam « Deus erat cum illo ». — Verbum Dómini.

**Alleluia**

**Cf. Mc 9, 6**

℟. Allelúia. ♀. Cæli apérти sunt et vox Patris intónuit: « Hic est Fílius meus caríssimus; audíte il- lum ». ℟. Allelúia.

### Evangelium

#### Anno A

*Baptizatus Iesus vidit Spiritum Dei venientem super se.*

✠ Léctio sancti Evangélii secúndum Matthéum  
3, 13-17

In illo témpore:

Venit Iesus a Galiléa in Iordánem ad Ioánnem ut baptizarétur ab eo. Ioánnes autem prohibébat eum dicens: « Ego a te débeo baptizári, et tu venis ad me? »

Respóndens autem Iesus dixit ei: « Sine modo, sic enim decet nos implére omnem iustítiam ». Tunc dimíttit eum.

Baptizátus autem Iesus, conféstim ascéndit de aqua: et ecce apérти sunt ei cæli, et vidit Spíritum Dei descendéntem sicut colúmbam et veniéntem super se. Et ecce vox de cælis dicens: « Hic est Fílius meus diléctus, in quo mihi complacui ». — Verbum Dómini.

#### Anno B

*Tu es Fílius meus dilectus, in te complacui.*

✠ Léctio sancti Evangélii secúndum Marcum  
1, 7-11

In illo témpore:

Prædicábat Ioánnes dicens: « Venit fórtior me post me, cuius non sum dignus procúmbens sólvere corrígiam calceamentórum eius; ego baptizávi vos aqua, ille vero baptizábit vos in Spíritu Sancto ».

Et factum est in diébus illis, venit Iesus a Názareth Galiléæ et baptizátus est in Iordáne ab Ioánnе. Et statim ascéndens de aqua vidi apertos cælos et Spíritum tamquam colúmbam descendéntem in ipsum; et vox facta est de cælis: « Tu es Fílius meus diléctus, in te compláci ». — Verbum Dómini.

#### Anno C

*Iesu baptizato et orante, apertum est cælum.*

✠ Léctio sancti Evangélii secúndum Lucam  
3, 15-16. 21-22

In illo témpore:

Existimánte pôpulo et cogitántibus ómnibus in còrdibus suis de Ioánnе, ne forte ipse esset Christus, re-spóndit Ioánnes dicens ómnibus: « Ego quidem aqua baptizo vos: venit autem fórtior me, cuius non sum dignus sólvere corrígiam calceamentórum eius; ipse vos baptizábit in Spíritu Sancto et igni ».

Factum est autem cum baptizarétur omnis pôpulus et Iesu baptizáto et oránte, apertum est cælum et descéndit Spíritus Sanctus corporáli spécie sicut colúmba super ipsum, et vox de cælo facta est: « Tu es Fílius meus diléctus, in te complacui mihi ». — Verbum Dómini.

**Dicitur Credo.**

**Super oblata**

Súscipe múnera, Dómine,  
in dilécti Fílli tui revelatióne deláta,  
ut fidélium tuórum oblátio in eius sacrificiúm tránseat,  
qui mundi vóluit peccáta miserátus ablúere.  
Qui vivit.

**Præfatio: De mysterio Baptismatis Domini.**

- V.** Dóminus vobiscum.
- R.** Et cum spíritu tuo.
- V.** Sursum corda.
- R.** Habémus ad Dóminum.
- V.** Grátias agámus Dómino Deo nostro.
- R.** Dignum et iustum est.

Vere dignum et iustum est, æquum et salutáre,  
nos tibi semper et ubique grátias ágere:  
Dómine, sancte Pater, omnípotens ætére Deus:  
Qui miris signásti mystérii novum in Iordáne lavácrum,  
ut, per vocem de cælo delápsam,  
habitáre Verbum tuum inter hómines crederétur;  
et, per Spíritum in colúmbæ spécie descendéntem,  
Christus Servus tuus óleo perungí lætitiæ  
ac mitti ad evangelizándum paupéribus noscerétur.  
Et ídeo cum cælórum virtútibus  
in terris te iúgiter celebrámus,  
maiestáti tuæ sine fine clamántes:  
Sanctus, Sanctus, Sanctus Dóminus Deus Sábaoth ...

**Ant. ad communionem****Io 1, 32, 34**

Ecce de quo dicébat Ioánnes:  
Ego vidi et testimónium perhíbui  
quia hic est Fílius Dei.

**Post communionem**

Sacro múnere satiáti,  
cleméntiam tuam, Dómine, supplíciter exorámus,  
ut, Unigénitum tuum fidéliter audiéntes,  
filii tui vere nominémur et simus.  
Per Christum.

A feria II post hanc dominicam usque ad feriam III ante Qua  
dragesimam currit tempus « per annum ». In Missis tum de do  
minica tum de feria adhibentur textus infra propositi, pp. 373 ss.

## TEMPUS « PER ANNUM »

Tempus « per annum » complectitur 34 vel 33 hebdomadas. Initium sumit feria II, quæ sequitur dominicam post diem 6 Ianuarii occurrentem, et pergit usque ad initium Quadragesimæ; iterum incipit feria II post dominicam Pentecostes, et explicit sabbato ante dominicam I Adventus.

In Missali proinde exhibentur 34 Missæ pro dominicis et feriis huius temporis, quæ adhibentur hac ratione:

a) In dominicis sumitur de more Missa, quæ respondet numero dominicæ « per annum », nisi occurrat sollemnitas vel festum, quæ locum teneant dominicæ.

b) In feriis vero quælibet e 34 Missis dici potest, attenta utilitate pastorali fidelium.

Ratio autem computandi dominicas et hebdomadas « per annum » est sequens:

a) Dominica in qua fit festum Baptismatis Domini locum tenet primæ dominicæ « per annum »; hebdomada tamen quæ sequitur computatur prima « per annum ». Relique dominicæ et hebdomadæ ordine progressivo numerantur usque ad initium Quadragesimæ.

b) Post Pentecosten, si hebdomadæ « per annum » sunt 34, resumitur series ab ea hebdomada, quæ immediate sequitur ultimam ante Quadragesimam celebratam, attendo tamen quod Missæ dominicæ Pentecostes et sollemnitatis Ss.mæ Trinitatis locum tenent Missarum dominicalium. Si vero hebdomadæ « per annum » sunt 33, omittitur prima hebdomada, quæ sumenda eset post Pentecosten.

In dominicis dicitur Glória in excésis et Credo; in feriis vero omittitur et hymnus angelicus et symbolum.

Præfatio, in dominicis, dicitur de dominicis per annum, pp. 752-759; in feriis autem dicitur præfatio communis, pp. 773-778.

Ad communionem duplex ponitur antiphona, prior e psalmis, altera plerumque ex Evangelio. Una vel altera seligi potest, iuxta opportunitatem, illam tamen præferendo, quæ cum Evangelio Missæ forte concordet.

## Missæ dominicales et cotidianæ

### HEBDOMADA I « PER ANNUM »

Locum dominice primæ « per annum » tenet festum Baptismatis Domini, p. 366.

#### Feria secunda

##### Ant. ad introitum

In excélo throno vidi sedére virum,  
quem adorat multitúdo Angelórum,  
psalléntes in unum:  
Ecce cuius impérii nomen est in æternum.

##### Collecta

Vota, quæsumus, Dómine,  
supplicántis pópuli cælestí pietáte proséquere,  
ut et quæ agénda sunt vídeant,  
et ad implénda quæ viderint convaléscant.  
Per Dóminum.

#### Anno primo

##### Lectio prior

*Locutus est nobis Deus in Filio.*

#### Initium Epistolæ ad Hebráeos

1, 1-6

Multifáriam et multis modis olim Deus locútus Pátribus in Prophétis, in novíssimis his diébus locútus est nobis in Fílio, quem constituit herédem universórum, per quem fecit et sécula; qui, cum sit splendor gloriæ et figura substántiæ eius, et portet ómnia verbo virtutis suæ, purgatióne peccatórum facta, consédit ad déxteram Maiestatis in excésis, tanto mélior ángelis efféctus quanto differéntius præ illis Nomen hereditávit.

Cui enim dixit aliquando angelorum: « Filius meus es tu, ego hodie genui te », et rursum: « Ego ero illi in Patrem, et ipse erit mihi in Filium »? Cum autem iterum introduxit primogenitum in orbem terrae, dicit: « Et adorent eum omnes angeli Dei ».

Verbum Domini.

### Psalmus responsorius

Ps 96, 1 et 2 b. 6 et 7 c. 9 (R.: cf. 7 c)

R. Adorate Deum, omnes angeli eius.

<sup>1</sup> Dominus regnabit, exultet terra,  
laetentur insulae multae.

<sup>2</sup> Iustitia et iudicium firmamentum sedis eius. R.

<sup>3</sup> Annuntiaverunt caeli iustitiam eius,  
et vidérunt omnes populi gloriam eius.

<sup>4</sup> Adoráte eum, omnes dii. R.

<sup>5</sup> Quóniam tu Dóminus,  
Altíssimus super omnem terram,  
nimis exaltátus es super omnes deos. R.

### Anno secundo

#### Lectio prior

Affligebat Annam æmula eius quod Dominus  
conclusisset vulvam eius.

Inítiū libri primi Samuélis

1, 1-8

Fuit vir unus de Ramáthaim Sophim de monte Ephraim, et nomen eius Elcana, filius Iéroham, filii Eliu, filii Thohu, filii Suph, Ephrathæus. Et hábuit duas uxores: nomen uni Anna et nomen secundæ Phenénna. Fueruntque Phenénnae filii, Annæ autem non erant liberi.

Et ascendébat vir ille de civitate sua, statutis diébus, ut adoráret et sacrificáret Dómino exercituum in Silo.

Erant autem ibi duo filii Heli, Ophni et Phinees, sacerdotes Dómini.

Venit ergo dies, et immolávit Elcana, deditque Phenénnae uxori suæ et cunctis filiis eius et filiabus partes; Annæ autem dedit partem unam tristis, quia Annam diligébat; Dóminus autem conclúserat vulvam eius. Affligébat quoque eam æmula eius et vehementer angébat, in tantum ut exprobráret quod Dóminus conclusisset vulvam eius.

Sicque faciébat per singulos annos, cum, redeúnte tempore, ascénderent ad templum Dómini; et sic provocábant eam. Porro illa flebat et non capiébat cibum. Dixit ergo ei Elcana vir suus: « Anna, cur fles? et quare non cómedis? et quamóbre afflígitur cor tuum? Numquid non ego mélior tibi sum quam decem filii? »

Verbum Domini.

### Psalmus responsorius

Ps 115, 12-13. 14 et 17. 18-19 (R.: 17 a)

R. Tibi, Dómine, sacrificábo hóstiam laudis.

vel Alleluia.

<sup>12</sup> Quid retríbuam Dómino  
pro ómnibus quæ retríbuit mihi?

<sup>13</sup> Cálicem salutáris accípiam,  
et nomen Dómini invocábo. R.

<sup>14</sup> Vota mea Dómino reddam  
coram omni pôpulo eius.

<sup>17</sup> Tibi sacrificábo hóstiam laudis,  
et nomen Dómini invocábo. R.

<sup>18</sup> Vota mea Dómino reddam  
coram omni pôpulo eius,

<sup>19</sup> in átris domus Dómini,  
in medio tui, Ierúsalem. R.

**Alleluia**

**R.** Allelúia. **y.** Appropinquávit Regnum Dei,  
dicit Dóminus:  
pænitémini et crèdite Evangélio. **R.** Allelúia.

Loco versus ante Evangelium, qui singulis diebus proponitur,  
alius adhiberi potest ex iis qui infra, p. 719 inveniuntur.

**Evangelium**

*Pænitemini et credite Evangelio.*

**† Léctio sancti Evangélii secúndum Marcum 1, 14-20**

Postquam tráditus est Ioánnes, venit Iesus in Galiláam prædicans Evangélium Dei et dicens: « Implétum est tempus et appropinquávit Regnum Dei: pænitémini et crèdite Evangélio ».

Et prætériens secus mare Galilææ vidi Simónem et Andréam fratrem Simónis mitténtes in mare; erant enim pescatòres. Et dixit eis Iesus: « Veníte post me, et fáciam vos fíeri pescatòres hóminum ». Et prótinus relíctis rétibus secúti sunt eum.

Et progréssus pusíllum vidi Iacóbum Zebedéi et Ioánnem fratrem eius, et ipsos in navi componéntes rétia; et statim vocávit illos. Et relícto patre suo Zebedéo in navi cum mercenariis, abiérunt post eum.

Verbum Dómini.

**Super oblata**

Grata tibi sit, quæsumus, Dómine, tuæ plebis oblátio,  
per quam et sanctificationem réferat,  
et quæ pie precátur obtineat.  
Per Christum.

**Ant. ad communionem**

**Ps 35, 10**

Dómine, apud te est fons vitæ,  
et in lúmine tuo vidébimus lumen.

**Mc 1, 15**

**Vel:**

Ego veni ut vitam hábeant,  
et abundántius hábeant, dicit Dóminus.

**Io 10, 10**

**Post communionem**

Súpplices te rogámus, omnípotens Deus,  
ut, quos tuis réficiis sacraméntis,  
tibi étiam plácitis móribus  
dignánter deservíre concédas.  
Per Christum.

**Feria tertia****Ant. ad introitum**

In excélsō throno vidi sedére virum,  
quem adórat multitúdo Angelórum,  
psalléntes in unum:  
Ecce cuius impérii nomen est in æténum.

**Collecta**

Vota, quæsumus, Dómine,  
supplicántis pópuli cælesti pietáte proséquere,  
ut et quæ agénda sunt vídeant,  
et ad implénda quæ víderint convaléscant.  
Per Dóminum.

**Anno primo****Lectio prior**

*Decebat auctorem salutis  
per passiones consummare.*

**Léctio Epistolæ ad Hebráeos**

**2, 5-12**

Non ángelis subiécit Deus orbem terræ futúrum, de  
quo lóquimur. Testáitus est autem in quodam loco quis  
dicens:

« Quid est homo, quod memor es eius, aut filius hóminis, quóniam vísitas eum? Minuísti eum paulo minus ab ángelis, glória et honore coronásti eum, ómnia subiecísti sub pédibus eius ».

In eo enim quod ei ómnia subiécit, nihil dimísit non subiectibile ei. Nunc autem necdum vidémus ómnia subiecta ei; eum autem, quo paulo minus ab ángelis mino-rátus est, vidémus Iesum propter passiónem mortis glória et honore coronátum, ut grátia Dei pro ómnibus gu-stáverit mortem.

Decébat enim eum, propter quem ómnia et per quem ómnia, qui multos filios in glóriam addúxit, auctórem salútis eórum per passiónes consummáre. Qui enim sanctificat et qui sanctificántur ex uno omnes: propter quam causam non erubéscit fratres eos vocáre, dicens: « Nuntiábo nomen tuum frátribus meis, in médio ecclésiae laudábo te ». — Verbum Dómini.

### Psalmus responsorius

Ps 8, 2 ab et 5, 6-7, 8-9 (R.: cf. 7)

R. Constituísti Fílium tuum super ópera mánuum tuárum.

- <sup>2</sup> Dómine, Dóminus noster,  
quam admiráble est nomen tuum in univérsa terra!
- <sup>5</sup> Quid est homo, quod memor es eius?  
Aut fílius hóminis, quóniam vísitas eum? R.
- <sup>6</sup> Minuísti eum paulo minus ab ángelis,  
glória et honore coronásti eum;
- <sup>7</sup> et constituísti eum super ópera mánuum tuárum. R.
- <sup>8</sup> Omnia subiecísti sub pédibus eius,  
oves et boves univérsas,  
ínsuper et pécora campi,  
<sup>9</sup> vólucres cæli et pisces maris,  
quácumque perábulant sémitas maris. R.

### Anno secundo

#### Lectio prior

Recordatus est Annæ Dominus,  
et peperit Samuelem.

Léctio libri primi Samuélis

1, 9-20

In diébus illis:

Surrexit Anna, postquam coméderat et bíberat in Si-lo, et Heli sacerdóte sedénte super sellam ante postes templi Dómini. Cum esset Anna amáro ánimo, orávit ad Dóminum flens lárgiter, et votum vovit dicens:

« Dómine exercítum, si respíciens víderis afflictiō-nem fámulæ tuæ, et recordátus mei fúeris nec oblítus ancíllæ tuæ, dederisque servæ tuæ sexum virilem, dabo eum Dómino ómnibus diébus vitæ eius, et novácula non ascéndet super caput eius ».

Factum est autem, cum illa multiplicáret preces co-ram Dómino, ut Heli observáret os eius. Porro Anna loquebátur in corde suo, tantúmque lábia illíus move-bántur, et vox pénitus non audiebátur. Æstimávit ergo eam Heli temuléntam, dixítque ei: « Usquequo ébria eris? Dígere paulíspér vinum quo mades ».

Respóndens Anna: « Nequáquam », inquit, « dómine mi; nam múlier infélix nimis ego sum: vinúmque et omne quod inebríare potest non bibi, sed effúdi án-i-mam meam in conspéctu Dómini. Ne réputes ancíllam tuam quasi unam de filiábus Bélial, quia ex multitúdine dolórís et mærórís mei locúta sum usque in præsens ».

Tunc Heli ait ei: « Vade in pace, et Deus Israel det tibi petitióñem tuam quam rogásti eum ».

Et illa dixit: « Utinam invéniat ancilla tua grátiam in óculis tuis ». Et ábiit múlier in viam suam, et comédit, vultúsque illíus non sunt ámplius in divérsa mutáti.

Et surrexérunt mane, et adoravérunt coram Dómino.

reversique sunt et venérunt in domum suam Rámatha. Cognovit autem Elcana Annam uxórem suam, et recordátus est eius Dóminus. Et factum est post círculum diérum concépit Anna et péperit filium, vocavítque nomen eius Sámuel, eo quod a Dómino postuláasset eum.

Verbum Dómini.

**Psalmus responsorius**

1 Sam 2, 1. 4-5. 6-7. 8 abcd (R.: 1 a)

R. Exsultávit cor meum in Dómino, salvatóre meo.

I Exsultávit cor meum in Dómino:  
et exaltátum est cornu meum in Deo meo:  
dilatátum est os meum super inimícios meos,  
quia lètata sum in salutári tuo. R.

4 Arcus fórtium superátus est,  
et infírmi accínci sunt róbore.

5 Repléti prius pro pánibus se locavérunt,  
et famélici saturáti sunt;  
donec stérilis péperit plúrimos,  
et quæ multos habébat filios infirmáta est. R.

6 Dóminus mortíficat et vivíficat,  
dedúcit ad íferos et redúcit;

7 Dóminus páuperem facit et ditat,  
humiliat et súblevat. R.

8 Súscitat de púlvore egénūm  
et de stércore élavat páuperem,  
ut sédeat cum princípibus  
et sólum gloriæ téneat. R.

**Alleluia**

1 Th 2, 13

R. Alleluia. **V.** Accípite verbum Dei, non ut verbum hóminum,  
sed sicut est vere verbum Dei. R. Alleluia.

**Evangelium**

Erat docens eos quasi potestatem habens.

† Léctio sancti Evangélii secúndum Marcum 1, 21-28

In illo témpore: Iesus et discípuli eius ingrediúntur Capháraum. Et statim sábbatis ingréssus synagógam docébat. Et stupébant super doctrína eius, erat enim docens eos quasi potestátem habens et non sicut scribæ.

Et statim erat in synagóga eórum homo in spíritu im-mundo, et exclamávit dicens: « Quid nobis et tibi, Iesu Nazaréne? Venísti pérdere nos? Scio qui sis, Sanctus Dei ».

Et comminátus est ei Iesus dicens: « Obmutésce, et exi de hómine ». Et discírpens eum spíritus immundus et exclámans voce magna exívit ab eo.

Et miráti sunt omnes, ita ut conquírerent inter se dicéntes: « Quidnam est hoc? Doctrína nova cum potestate: et spirítibus immundi imperat, et obcediunt ei ». Et procéssit rumor eius statim ubique in omnem regió-nem Galiléæ.

Verbum Dómini.

**Super oblata**

Grata tibi sit, quásumus, Dómine,  
tuæ plebis oblátio,  
per quam et sanctificatiómem réferat,  
et quæ pie precátur obtíneat.  
Per Christum.

**Ant. ad communionem**

Ps 35, 10

Dómine, apud te est fons vitæ,  
et in lúmine tuo vidébimus lumen.

**Vel:**

Ego veni ut vitam hábeant,  
et abundántius hábeant, dicit Dóminus.

**Post communionem**

Súpplices te rogámus, omnípotens Deus,  
ut, quos tuis réficiis sacraméntis,  
tibi étiam plácitis móribus  
dignánter deservíre concédas.

Per Christum.

**Feria quarta****Ant. ad introitum**

In excélsō throno vidi sedére virum,  
quem adórat multitúdo Angelórum,  
psalléntes in unum:  
Ecce cuius impérii nomen est in æténum.

**Collecta**

Vota, quásumus, Dómine,  
supplicántis pópuli célesti pietáte proséquere,  
ut et quæ agénda sunt vídeant,  
et ad implénda quæ viderint convaléscant.  
Per Dóminum.

**Anno primo****Lectio prior**

*Debuit per omnia fratribus similari,  
ut misericors fieret.*

**Lectio Epistolæ ad Hebráeos****2, 14-18**

Quia púeri communicavérunt sanguini et carni, et  
ipse Iesus simíliter participávit iísdem, ut per mortem

**Io 10, 10****Feria quarta**

383

destrúeret eum qui habébat mortis impérium, id est diábolum, et liberáret eos qui timóre mortis per totam vi-tam obnóxii erant servitúti.

Nusquam enim ángelos apprehéndit, sed semen Abráhæ apprehéndit. Unde débuit per ómnia frátribus similiári, ut misericors fieret et fidélis Póntífex in iis quæ sunt ad Deum, et repropitiáret delicta pópuli; in quo enim passus est ipse tentátus, potens est eis qui tentán-tur auxiliári.

Verbum Dómini.

**Psalmus responsorius****Ps 104, 1-2. 3-4. 6-7. 8-9 (R.: 8 a)**

R. Memor fuit Dóminus in sáculum testaménti sui.  
vel Allelúa.

- <sup>1</sup> Confitémini Dómino et invocáte nomen eius,  
annuntiáte inter gentes ópera eius.
- <sup>2</sup> Cantáte ei et psállite ei,  
meditámini in ómnibus mirabílibus eius. R.
- <sup>3</sup> Laudámini in nómine sancto eius,  
lætétur cor quæréntium Dóminum.
- <sup>4</sup> Quérите Dóminum et poténtiam eius,  
quárte fáciem eius semper. R.
- <sup>6</sup> Semen Abraham, servi eius,  
filii Iacob, élécti eius.
- <sup>7</sup> Ipse Dóminus Deus noster;  
in univérsa terra iudícia eius. R.
- <sup>8</sup> Memor fuit in sáculum testaménti sui,  
verbi quod mandávit in mille generatiónes,
- <sup>9</sup> quod dispósuit cum Abraham,  
et iuraménti sui ad Isaac. R.

**Anno secundo****Lectio prior***Loquere, Domine, quia audit servus tuus.***Léctio libri primi Samuélis****3, 1-10. 19-20**

In diébus illis:

Puer Sámuel ministrábat Dómino coram Heli; et sermo Dómini erat pretiósus in diébus illis; non erat vísio manífesta. Factum est ergo in die quadam Heli iacébat in loco suo, et óculi eius caligáverant, nec pótērat vidére. Lucérna Dei ántequam extinguerétur, Sámuel dormiébat in templo Dómini, ubi erat arca Dei.

Et vocávit Dóminus: « Sámuel »; qui respóndens ait: « Ecce ego ». Et cucúrrit ad Heli et dixit: « Ecce ego, vocásti enim me ». Qui dixit: « Non vocávi; revértere et dormi ». Et ábiit et dormívit.

Et adiécit Dóminus rursum vocáre Samuélem. Con-surgénsque Sámuel ábiit ad Heli et dixit: « Ecce ego, quia vocásti me ». Qui respóndit: « Non vocávi te, fili mi; revértere et dormi ». Porro Sámuel necdum sciébat Dóminum, neque revelátus fúerat ei sermo Dómini.

Et adiécit Dóminus et vocávit adhuc Samuélem térito; qui consúrgens ábiit ad Heli, et ait: « Ecce ego, quia vocásti me ». Intelléxit ergo Heli quia Dóminus vocáret púerum, et ait ad Samuélem: « Vade et dormi; et si deín-cepis vocáverit te, dices: " Lóquere, Dómine, quia audit servus tuus " ». Abiit ergo Sámuel et dormívit in loco suo.

Et venit Dóminus, et stetit, et vocávit sicut vocáve-rat secúndo: « Sámuel, Sámuel ». Et ait Sámuel: « Ló-quere, Dómine, quia audit servus tuus ».

Crevit autem Sámuel, et Dóminus erat cum eo; et non cécidit ex ómnibus verbis eius in terram. Et cognóvit univérsus Israel a Dan usque Bersabée quod fidélis Sámuel prophéta esset Dómini.

Verbum Dómini.

**Psalmus responsorius****Ps 39, 2 et 5. 7-8 a. 8 b-9. 10 (R.: 8 a et 9 a)****R.** Ecce vénio, Dómine, ut fáciam voluntátem tuam.**2** Exspéctans exspectávi Dóminum,  
et inténdit mihi.**5** Beátus vir qui pósuit Dóminum spem suam,  
et non respéxit supérbos  
et declinántes in mendácium. **R.****7** Sacrificium et oblatiónen noluísti,  
aures autem fodísti mihi.Holocáustum et pro peccáto non postulásti,  
**8** tunc dixi: « Ecce vénio. **R.**In volúmine libri scriptum est de me  
**9** fáceré voluntátem tuam.Deus meus, vólui,  
et lex tua in præcordiis meis ». **R.****10** Annuntiávi iustítiam tuam in ecclésia magna;  
ecce lábia mea non prohibébo,  
Dómine, tu scisti. **R.****Alleluia****Io 10, 27****R.** Alleluía. **y.** Oves meæ vocem meam áudiunt, dicit  
Dóminus;  
et ego cognóscō eas, et sequúntur me.  
**R.** Alleluía.

## Evangelium

*Curavit multis  
qui vexabantur variis languoribus.*

**† Léctio sancti Evangélii secúndum Marcum 1, 29-39**

In illo tempore:

Egrediéntes Iesus et discípuli eius de synagóga venérunt in domum Simónis et Andréæ cum Iacóbo et Ioánnem. Socrus autem Simónis decumbébat febrítans, et statim dicunt ei de illa. Et accédens elevávit eam apprehénsa manu: et dimísit eam febris, et ministrábat eis.

Véspera autem facta, cum occidísset sol, afferébant ad eum omnes male habéntes et dæmónia habéntes; et erat omnis cívitas congregáta ad iánuam. Et curávit multis qui vexabantur variis languoribus, et dæmónia multa eiécit, et non sinébat loqui dæmónia, quóniam sciébant eum.

Et dilúculo valde mane surgens egréssus est et ábiit in desértum locum ibique orábat. Et persecútus est eum Simon et qui cum illo erant; et cum inveníssent eum, dixérunt ei: « Omnes querunt te ».

Et ait illis: « Eámus álibi in próximos vicos, ut et ibi prádicem: ad hoc enim veni ». Et venit prædicans in synagógis eórum per omnem Galiléam et dæmónia éiciens. — Verbum Dómini.

## Super oblata

Grata tibi sit, quésumus, Dómine, tuæ plebis oblátio, per quam et sanctificatiórem réferat, et quæ pie precátor obtíneat.

Per Christum.

## Ant. ad communionem

Ps 35, 10

Dómine, apud te est fons vitæ, et in lúmine tuo vidébimus lumen.

## Vel:

Ego veni ut vitam hábeant, et abundántius hábeant, dicit Dóminus.

## Post communionem

Súpplices te rogámus, omnípotens Deus, ut, quos tuis réfiscis sacraméntis, tibi étiam plácitis móribus dignánter deservíre concédas. Per Christum.

## Feria quinta

## Ant. ad introitum

In excélsō throno vidi sedére vírum, quem adórát multitúdo Angelórum, psalléntes in unum: Ecce cuius impérii nomen est in æténum.

## Collecta

Vota, quásumus, Dómine, supplicántis pópuli cælesti pietáte proséquere, ut et quæ agénda sunt vídeant, et ad implénda quæ víderint convalescant. Per Dóminum.

## Anno primo

## Lectio prior

*Adhortamini vos met ipsos,  
donec illud « Hodie » vocatur.*

Léctio Epístolæ ad Hebráeos

3, 7-14

Fratres:

Sicut dicit Spíritus Sanctus: « Hódie si vocem eius audiéritis, nolíte obdúrare corda vestra sicut in exacer-

batióne, secúndum diem tentatiónis in desérto, ubi tentavérunt me patres vestri in probatióne et vidérunt ópera mea quadragínta annos; propter quod infénsus fui generatióni huic et dixi: " Semper errant corde; ipsi autem non cognovérunt vias meas "; sicut iurávi in ira mea: " Non introíbunt in réquiem meam " ».

Vidéte, fratres, ne forte sit in álico vestrum cor malum incredulitatis discedéndi a Deo vivo, sed adhortámini vosmetípsos per síngulos dies, donec illud « Hódie » vocátur, ut non obdúratur quis ex vobis fallácia peccáti; partícipes enim Christi effécti sumus, si tamen inítiū substántiæ usque ad finem firmum retineámus.

Verbum Dómini.

**Psalmus responsorius** Ps 94, 6-7. 8-9. 10-11 (R.: 8)

R. Utinam hódie vocem Dómini audiátis:  
« Nolite obdúrare corda vestra ».

6 Veníte, adorémus et procidámus,  
et génuia flectámus ante Dóminum qui fecit nos,  
7 quia ipse est Deus noster,  
et nos pópulus páscuæ eius  
et oves manus eius. R.

8 Utinam hódie vocem eius audiátis:  
« Nolite obdúrare corda vestra,  
9 sicut in Meríba secúndum diem Massa in desérto,  
ubi tentavérunt me patres vestri;  
probavérunt me, etsi vidérunt ópera mea. R.

10 Quadragínta annis tédavit me generatiónis illíus,  
et dixi: " Pópulus errántium corde sunt isti ".

11 Et ipsi non cognovérunt vias meas;  
ídeo iurávi in ira mea:  
" Non introíbunt in réquiem meam " ». R.

Anno secundo

Lectio prior

Cæsus est Israel, et arca Dei captá est.

Lectio libri primi Samuélis

4, 1-11

Factum est in diébus illis, convenérunt Philísthiim in pugnam; et egréssus est Israel óbviā Philísthiim in prælrium, et castrametátus est iuxta Lápidem adiutorii. Porro Philísthiim venérunt in Aphec, et instruxérunt áciem contra Israel. Inito autem certámine, terga vertit Israel Philistháis; et cæsa sunt in illo certámine passim per agros quasi quáttuor mília virórum.

Et revérsus est pópulus ad castra, dixerúntque maióres natu de Israel: « Quare percússit nos Dóminus hódie coram Philísthiim? Afferámus ad nos de Silo arcam féderis Dómini, et véniat in médium nostri, ut salvet nos de manu inimicórum nostrórum ».

Misit ergo pópulus in Silo, et tulérunt inde arcam féderis Dómini exercítuum sedéntis super Chérubim; erántque duo filii Heli cum arca féderis Dei, Ophni et Phínees. Cumque venísset arca féderis Dómini in castra, vociferátus est omnis Israel clamóre grandi, et persónuit terra.

Et audiérunt Philísthiim vocem clamóris, dixerúntque: « Quænam est hæc vox clamóris magni in castris Hebræorum? » Et cognovérunt quod arca Dómini veñísset in castra. Timuerúntque Philísthiim dicéntes: « Venit Deus in castra »; et ingemuérunt dicéntes: « Væ nobis! Non enim fuit tanta exsultatió heri et nudiustertius. Væ nobis! Quis nos salvabit de manu déorum sublímium istórum? Hi sunt dii, qui percussérunt Ægýptum omni plaga in desérto. Confortámini et estóté viri, Philísthiim: ne serviátis Hebréis, sicut et illi serviérunt nobis: confortámini et belláte ».

Pugnavérunt ergo Philisthiim, et cæsus est Israel, et fugit unusquísque in tabernáculum suum, et facta est plaga magna nimis, et cecidérunt de Israel tríginta mília péditum. Et arca Dei capta est, duo quoque filii Heli mórtui sunt, Ophni et Phínees. — Verbum Dómini.

### Psalmus responsorius

**Ps 43, 10-11, 14-15, 24-25 (R.: 27 b)**

- R. Rédime nos, Dómine, propter misericórdiam tuam.  
 10 Nunc autem reppulisti et confudisti nos,  
     et non egrediéris, Deus, cum virtútibus nostris.  
 11 Convertisti nos retrórsum coram inimícis nostris,  
     et qui odérunt nos diripuérent sibi. R.  
 14 Posuísti nos opprórium vicínis nostris,  
     subsannatióнем et derísum his qui sunt in circúitu nostro.  
 15 Posuísti nos similitúdinem in géntibus,  
     commotióнем cápitis in pópolis. R.  
 24 Evígila, quare obdórmis, Dómine?  
     Exsúrge, et ne repéllas in finem.  
 25 Quare fáciem tuam avértis,  
     oblivísceris inópiæ nostræ et tribulatiónis nostræ? R.

**Alleluia**

**Mt 4, 23**

- R. Alleluia. **y.** Prædicábat Iesus Evangélium Regni,  
     et sanábatur omnem infirmitátem in pópolo.  
 R. Alleluia.

### Evangelium

*Discessit ab eo lepra, et mundatus est.*

- †** Léctio sancti Evangélii secúndum Marcum **1, 40-45**  
 In illo témpore:

Venit ad Iesum leprósus déprecans eum et genu flectens et dicens ei: « Si vis, potes me mundare ». Et misér-

tus exténdens manum suam tétigit eum, et ait illi: « Volo, mundare », et statim discessit ab eo lepra, et mundátus est.

Et infrémuit in eum statimq[ue] eiécit illum, et dicit ei: « Vide, némini quidquam díixeris, sed vade, osténde te sacerdóti et offer pro emundatióne tua quæ præcépit Móyses, in testimónium illis ».

At ille egréssus cœpit prædicáre multum et diffamáre sermónen, ita ut iam non posset manifésto in civitátem introíre, sed foris in desértis locis erat; et conveniébant ad eum úndique. — Verbum Dómini.

### Super oblata

Grata tibi sit, quæsumus, Dómine,  
 tuæ plebis oblátio,  
 per quam et sanctificatióнем réferat,  
 et quæ pie precátur obtíneat.  
 Per Christum.

### Ant. ad communionem

**Ps 35, 10**

Dómine, apud te est fons vitæ,  
 et in lúmine tuo vidébimus lumen.

### Vel:

**Io 10, 10**

Ego veni ut vitam hábeant,  
 et abundántius hábeant, dicit Dóminus.

### Post communionem

Súpplices te rogámus, omnípotens Deus,  
 ut, quos tuis résfiscis sacraméntis,  
 tibi étiam plácitis móribus  
 dignánter deservíre concédas.  
 Per Christum.

**Feria sexta****Ant. ad introitum**

In excélsō throno vidi sedére virum,  
quem adórat multítudo Angelórum,  
psalléntes in unum:  
Ecce cuius impérii nomen est in ætérnum.

**Collecta**

Vota, quásumus, Dómine,  
supplicántis pópuli cælesti pietáte proséquere,  
ut et quæ agénda sunt vídeant,  
et ad implénda quæ viderint convaléscant.  
Per Dóminum.

**Anno primo****Lectio prior**

*Festinémus ingredi in illam réquiem.*

Léctio Epístolæ ad Hebráeos

**4, 1-5. 11**

Fratres:

Timeámus ne forte, relícta pollicitatióne introeúndi in  
réquiem eius, existímétur áliquis ex vobis deésser; étenim  
et nobis evangelizátum est quemádmodum et illis, sed  
non prôfuit illis sermo audítus, non commíxtis fide cum  
iis qui audíerant.

Ingrédimus enim in réquiem, qui credídimus, quem  
ádmodum dixit: « Sicut iurávi in ira mea: Non introí-  
bunt in réquiem meam! », et quidem opéribus ab institu-  
tióne mundi factis. Dixit enim quodam loco de die sép-  
tima sic: « Et requiévit Deus die séptima ab ómnibus  
opéribus suis »; et in isto rursum: « Non introíbunt in  
réquiem meam! »

Festinémus ergo íngredi in illam réquiem, ut ne in  
idípsum quis íncidat inobediéntiae exémplum.  
Verbum Dómini.

**Psalmus responsorius**

*Ps 77, 3 et 4 bc. 6 c-7. 8 (R.: 7 c)*

R. Ne obliscámini óperum Dei.

Quanta audívimus et cognóvimus ea,  
et patres nostri narravérunt nobis,  
generatióni álteri narrántes  
laudes Dómini et virtútes eius. R.

Exsúrgent et narrábunt filiis suis,  
ut ponant in Deo spem suam,  
et non obliscántur óperum Dei,  
et mandáta eius custódiant. R.

Ne fiant sicut patres eórum,  
generatió rebéllis et exásperans;  
generatió quæ non firmávit cor suum,  
et non fuit fidélis Deo spíritus eius. R.

**Anno secundo****Lectio prior**

*Clamabitis a facie regis vestri,  
et non exaudiet vos Dominus, quia petistis vobis regem.*

Léctio libri primi Samuélis

**8, 4-7. 10-22 a**

In diébus illis:

Congregáti univérsi maióres natu Israel venérunt ad  
Samuélēm in Rámatha, dixerúntque ei: « Ecce tu senuí-  
sti, et filii tui non ámbulant in viis tuis: constitue no-  
bis regem, ut iúdicet nos, sicut et univérsæ habent na-  
tiones ». Displícuit sermo in óculis Samuélis, eo quod  
dixíssent: « Da nobis regem, ut iúdicet nos ». Et orávit

Sámuél ad Dóminum. Dixit autem Dóminus ad Samuél: « Audi vocem pópuli in ómnibus quæ loquúntur tibi; non enim te abiecérunt, sed me, ne regnem super eos ».

Dixit itaque Sámuél ómnia verba Dómini ad pópulum, qui petíerat a se regem, et ait: « Hoc erit ius regis, qui imperatúrus est vobis. Fílios vestros tollet et ponet in cùrribus suis, faciéisque sibi équites et præcursóres quadrigárum suárum; et constítuet sibi tribúnos et centuriónes, et aratóres agrórūm suórum et messóres ségetum, et fabros armórum et cùrruum suórum. Fílias quoque vestras fáciet sibi unguentárias et focárias et paníficas. Agros quoque vestros et víneas et olíveta óptima tollet, et dabit servis suis. Sed et ségetes vestras et vineárum réditus addecimábit, ut det eunúchis et fámulis suis. Servos étiam vestros et ancíllas et iúvenes óptimos et ásinos áuferet, et ponet in ópere suo. Greges quoque vestros addecimábit, vosque éritis ei servi. Et clamábitis in die illa a fácie regis vestri, quem elegístis vobis; et non exáudiet vos Dóminus in die illa, quia petístis vobis regem ».

Nóluit autem pópulus audíre vocem Samuélis, sed dixérunt: « Nequáquam: rex enim erit super nos, et érimus nos quoque sicut omnes gentes; et iudicábit nos rex noster, et egrediéatur ante nos, et pugnábit bella nostra pro nobis ». Et audívit Sámuél ómnia verba pópuli, et locútus est ea in áuribus Dómini. Dixit autem Dóminus ad Samuél: « Audi vocem eórum, et constitue super eos regem ». — Verbum Dómini.

### Psalmus responsorius Ps 88, 16-17. 18-19 (R.: cf. 2 a)

R. Misericórdias tuas, Dómine, in æténum cantábo.

<sup>16</sup> Beátus pópulus qui scit iubilatióne;  
Dómine, in lúmine vultus tui ambulábunt,

<sup>17</sup> et in nómíne tuo exsultábunt tota die,  
et in iustítia tua exaltabúntur. R.

<sup>18</sup> Quóniam decor virtútis eórum tu es,  
et in beneplácito tuo exaltábitur cornu nostrum.

<sup>19</sup> Quia Dómini est scutum nostrum,  
et sancti Israel rex noster. R.

Alleluia

Lc 7, 16

R. Allelúia. V. Prophéta magnus surréxit in nobis,  
et Deus visitávit plebem suam. R. Allelúia.

### Evangelium

Filius hominis habet potestatem in terra  
dimitendi peccata.

† Léctio sancti Evangélii secúndum Marcum 2, 1-12

Post dies intrávit íterum Iesus Caphárnaum, et audítum est quod in domo esset. Et convenérunt multi ita ut non ámplius caperéntur neque ad iánuam, et loquebátur eis verbum.

Et véniunt feréntes ad eum paralýticum, qui a quátuor portabátur. Et cum non possent offérre eum illi præ turba, nudavérunt tectum ubi erat, et perfodiéntes summittunt grabátum in quo paralýticus iacébat. Cum vidísset autem Iesus fidem illórum, ait paralýtico: « Fili, dimittúntur peccáta tua ».

Erant autem illic quidam de scribis sedéntes et cogitantes in córdibus suis: « Quid hic sic lóquitur? Blasphémat, quis potest dimittere peccáta nisi solus Deus? »

Quo statim cónognito Iesus spíritu suo quia sic cogitárent intra se, dicit illis: « Quid ista cogitátis in córdibus vestris? Quid est facilius dícere paralýtico: "Dimittuntur peccáta tua", an díceret: "Surge et tolle grabátum tuum et ámbula"? Ut autem sciatis quia potestátem

habet Fílius hóminis in terra dimitténdi peccáta, ait paralítico: "Tibi dico: Surge, tolle grabátum tuum et vade in domum tuam" ».

Et surréxit, et prótinus subláto grabáto ábiit coram ómnibus, ita ut admiraréntur omnes et glorificárent Deum, dicéntes: « Numquam sic vídimus ».

Verbum Dómini.

### Super oblata

Grata tibi sit, quásumus, Dómine, tuæ plebis oblátio, per quam et sanctificationem réferat, et quæ pie precátor obtíneat.  
Per Christum.

### Ant. ad communionem

Dómine, apud te est fons vitæ, et in lúmine tuo vidébimus lumen.

Ps 35, 10

### Vel:

Ego veni ut vitam hábeant, et abundántius hábeant, dicit Dóminus.

Io 10, 10

### Post communionem

Súpplices te rogámus, omnípotens Deus, ut, quos tuis réficiis sacraméntis, tibi étiam plácitis móribus dignánter deservíre concédas.  
Per Christum.

### Sabbato

### Ant. ad introitum

In excélsō throno vidi sedére virum, quem adórat multitudō Angelórum, psalléntes in unum:  
Ecce cuius impérii nomen est in ætérnum.

### Collecta

Vota, quásumus, Dómine, supplicántis pópoli cælesti pietáte proséquere, ut et quæ agénda sunt videant, et ad implénda quæ viderint convaléscant.  
Per Dóminum.

### Anno primo

#### Lectio prior

*Adeamus cum fiducia ad thronum gratiæ.*

Léctio Epistolæ ad Hebráeos

4, 12-16

Fratres:

Vivus est Dei sermo et éfficax et penetrabílor omni gládio ancípiti et pertíngens usque ad divisióne ánimæ ac spíritus, compágum quoque et medullárum, et disréctor cogitatiónum et intentiónum cordis; et non est creatúra invisíbilis in conspéctu eius, ómnia autem nuda et aperta sunt óculis eius, ad quem nobis sermo.

Habéntes ergo Pontíficem magnum qui penetrávit cælos, Iesum Fílium Dei, teneámus confessióne: non enim habémus Pontíficem qui non possit cómpati infrmitatibus nostris, tentátum autem per ómnia secundum similitúdinem absque peccáto.

Adeámus ergo cum fidúcia ad thronum grátiæ, ut misericórdiam consequámur et grátiam inveniámus in auxílium opportúnū. — Verbum Dómini.

### Psalmus responsorius

Ps 18, 8. 9. 10. 15 (R.: Io 6, 64 b)

R. Verba tua, Dómine, spíritus et vita sunt.

<sup>8</sup> Lex Dómini immaculáta, refíciens ánimam, testimónium Dómini fidéle, sapiéntiam præstans párvulís. R.

- <sup>9</sup> Iustitiae Dómini rectæ, lætificántes corda,  
præcéptum Dómini lúcidum, illúminans óculos. R.  
<sup>10</sup> Timor Dómini mundus, pérmanens in sǽculum sǽculi,  
iudícia Dómini vera, iusta ómnia simul. R.  
<sup>15</sup> Sint, ut compláceant elóquia oris mei,  
et meditátio cordis mei in conspéctu tuo.  
Dómine, adiútor meus et redémptor meus. R.

Anno secundo

Lectio prior

*Ecce vir quem dixerat Dominus,  
Saul dominabitur populo eius.*

Léctio libri primi Samuélis

9, 1-4. 17-19; 10, 1 a

Erat vir de Béniamin nómine Cis, fílius Abiel, fílli Seror, fílli Béchorath, fílli Aphia, fílli viri Iémimi, fortis róbore. Et erat ei fílius vocábulo Saul, élactus et bonus, et non erat vir de fíliis Israel mélior illo; ab húmero et sursum eminébat super omnem pólupum.

Períerant autem ásinæ Cis, patris Saul; et dixit Cis ad Saul fílium suum: « Tolle tecum unum de púeris, et consúrgens vade et quære ásinas ». Qui, cum transíssent per montem Ephraim et per terram Sálisa, et non inve-níssent, transíerunt étiam per terram Salim, et non erant, sed et per terram Iémini, et mínime reperérunt.

Cumque aspexisset Sámuel Saúlem, Dóminus dixit ei: « Ecce vir, quem díxeram tibi: " Iste dominábitur pólupo meo " ».

Accéssit autem Saul ad Samuél in médio portæ, et ait: « Indica, oro, mihi: ubi est domus Vidéntis? » Et respóndit Sámuel Saul dicens: « Ego sum Videns. Ascénde ante me in excélsum, ut comedátiis mecum hó-die; et dimíttam te mane et ómnia quæ sunt in corde tuo indicábo tibi ».

Tulit autem Sámuel lentículam ólei, et effúdit super caput eius, et deosculátus est eum; et ait: « Ecce unxit te Dóminus super hereditátem suam in príncipem, et liberábis pólupum suum de mánibus inimicórum eius, qui in circúitu eius sunt ». — Verbum Dómini.

Psalmus responsorius Ps 20, 2-3. 4-5. 6-7 (R.: 2 a)

R. Dómine, in virtúte tua lætábitur rex.

1 Dómine, in virtúte tua lætábitur rex,  
et super salutáre tuum exsultábit veheménter.

3 Desidérium cordis eius tribuísti ei,  
et voluntátem labiórum eius non denegásti. R.

4 Quóniam prævenísti eum in benedictiónibus dulcédiñis;  
posuísti in cápite eius corónam de auro puríssimo.

5 Vitam pétuit a te, et tribuísti ei,  
longítudinem diérum in sǽculum, et in sǽculum sǽculi. R.

6 Magna est glória eius in salutári tuo,  
magnificéntiam et décorum impónes super eum;  
7 quóniam pones eum benedictiónem in sǽculum sǽculi,  
lætificábis eum in gáudio ante vultum tuum. R.

Lc 4, 18-19

Alleluia  
R. Allelúa. Y. Evangelizáre paupéribus misit me Dóminus,  
prædicáre captívis remissióne. R. Allelúa.

Evangelium

*Non veni vocare iustos, sed peccatores.*

† Léctio sancti Evangélii secúndum Marcum 2, 13-17

In illo témpore:

Egréssus est Iesus rursus ad mare; omnísque turba  
veniébat ad eum, et docébat eos. Et cum præteríret, vi-

dit Levin Alphéi sedéntem ad telóneum, et ait illi: « Sé-quere me ». Et surgens secútus est eum.

Et factum est, cum accúmberet in domo illíus, et multi publicáni et peccatóres simul discumbébant cum Iesu et discípulis eius; erant enim multi et sequebántur eum. Et scribæ Phariséórum, vidéntes quia manducáret cum peccatóribus et publicánis, dicébant discípulis eius: « Quare cum publicánis et peccatóribus mandúcat? »

Et Jesus hoc audíto ait illis: « Non necéssse habent sani médicum sed qui male habent; non veni vocáre iustos sed peccatóres ». — Verbum Dómini.

#### Super oblata

Grata tibi sit, quásumus, Dómine, tuæ plebis oblátio,  
per quam et sanctificationem réferat,  
et quæ pie precátur obtíneat.  
Per Christum.

#### Ant. ad communionem

Ps 35, 10

Dómine, apud te est fons vitæ,  
et in lúmine tuo vidébimus lumen.

#### Vel:

Io 10, 10

Ego veni ut vitam hábeant,  
et abundántius hábeant, dicit Dóminus.

#### Post communionem

Súpplices te rogámus, omnípotens Deus,  
ut, quos tuis résicis sacraméntis,  
tibi étiam plácitis móribus dignánter deservíre concédas.  
Per Christum.

#### DOMINICA II « PER ANNUM »

#### Ant. ad introitum

Ps 65, 4

Omnis terra adóret te, Deus, et psallat tibi;  
psalmum dicat nómini tuo, Altíssime.

Dicitur Glória in excélsis.

#### Collecta

Omnípotens sempítérne Deus,  
qui cælestia simul et terréna moderáris,  
supplicatiōnes pôpuli tui cleménter exáudi,  
et pacem tuam nostris concéde tempóribus. Per Dóminum.

#### Anno A

#### Lectio prima

*Dedi te in lucem gentium, ut sis salus mea.*

#### Léctio libri Isaiae prophétæ

49, 3. 5-6

Dixit mihi Dóminus: « Servus meus es tu, Israel,  
quia in te gloriábor ».

Et nunc, dicit Dóminus formans me ex útero ser-vum sibi, ut redúcam Iacob ad eum, et Israel non con-gregábitur; et glorificátes sum in óculis Dómini, et Deus meus factus est fortitúdo mea.

Et dixit: « Parum est ut sis mihi servus ad suscitán-das tribus Iacob et fæces Israel converténdas: ecce dedi te in lucem géntium, ut sis salus mea usque ad extrémum terræ ». — Verbum Dómini.

#### Psalmus responsorius

Ps 39, 2 et 4 ab. 7-8 a. 8 b-9. 10 (R.: 8 a et 9 a)

R. Ecce vénio, Dómine, ut fáciam voluntátem tuam.

<sup>1</sup> Exspéctans exspectávi Dóminum,  
et inténdit mihi.

- <sup>4</sup> Et immisit in os meum cáanticum novum,  
carmen Deo nostro. **R.**
- <sup>7</sup> Sacrificium et oblationem noluisti,  
aures autem fodisti mihi.  
Holocáustum et pro peccáto non postulásti,  
<sup>8</sup> tunc dixi: « Ecce vénio. **R.**
- In volúmine libri scriptum est de me  
<sup>9</sup> fácere voluntátem tuam.  
Deus meus, vólui, et lex tua in præcordiis meis ». **R.**
- <sup>10</sup> Annuntiávi iustítiam tuam in ecclésia magna;  
ecce lábia mea non prohibébo, Dómíne, tu scisti. **R.**

### Lectio secunda

*Gratia vobis et pax a Deo Patre nostro  
et Domino Iesu.*

Initium Epístolæ primæ beáti Pauli apóstoli  
ad Corínthios 1, 1-3

Paulus, vocátus apóstolus Christi Iesu per voluntátem Dei, et Sósthenes frater, Ecclésia Dei quæ est Corínthi, sanctificátis in Christo Iesu, vocátis sanctis cum ómnibus qui ínvocant Nomen Dómini nostri Iesu Christi, in omni loco ipsórum et nostro:

Grátia vobis et pax a Deo Patre nostro et Dómino Iesu Christo. — Verbum Dómini.

**Alleluia**

**Io 1, 14. 12 b**

**R.** Allelúia. **y.** Verbum caro factum est et habitávit in nobis.

Quotquot receperunt eum, dedit eis potestátem filios Dei fieri. **R.** Allelúia.

Loco versus ante Evangelium, qui singulis dominicis « per annum » proponitur, alias adhiberi potest ex iis qui infra, p. 719, inveniuntur.

### Evangelium

*Ecce Agnus Dei qui tollit peccatum mundi.*

**†** Léctio sancti Evangélii secúndum Ioánnem 1, 29-34

In illo témpore:

Videt Ioánnes Iesum veniéntem ad se, et ait: « Ecce Agnus Dei qui tollit peccatum mundi. Hic est de quo dixi: " Post me venit vir, qui ante me factus est, quia prior me erat ". Et ego nesciébam eum, sed ut maniféstetur Israel propterea veni ego in aqua baptizans ».

Et testimónium perhíbuit Ioánnes dicens: « Vidi Spíritum descendéntem quasi colúmbam de célo, et mansit super eum, et ego nesciébam eum, sed qui misit me baptizáre in aqua, Ille mihi dixit: " Super quem víderis Spíritum descendéntem et manéntem super eum, hic est qui baptizat in Spíitu Sancto ".

Et ego vidi, et testimónium perhíbui quia hic est Fílius Dei ». — Verbum Dómini.

### Anno B

#### Lectio prima

*Loquere, Domine, quia audit servus tuus.*

Léctio libri primi Samuélis

3, 3 b-10. 19

In diébus illis:

Dormiébat Sámuel in templo Dómini, ubi erat arca Dei. Et vocávit Dóminus: « Sámuel »; qui respóndens ait: « Ecce ego ». Et cucúrít ad Heli et dixit: « Ecce ego, vocásti enim me ». Qui dixit: « Non vocávi; revértere et dormi ». Et ábit et dormívít.

Et adiécit Dóminus rursum vocáre Samuélem. Consurgensque Sámuel ábiit ad Heli et dixit: « Ecce ego, quia vocásti me ». Qui respóndit: « Non vocávi te, fili mi; revértere et dormi ». Porro Sámuel necdum sciébat Dóminum, neque revelátus fúerat ei sermo Dómini.

Et adiécit Dóminus et vocávit adhuc Samuélem térito; qui consúrgens ábiit ad Heli, et ait: « Ecce ego, quia vocásti me ». Intelléxit ergo Heli quia Dóminus vocáret púerum, et ait ad Samuélem: « Vade et dormi; et si deínceps vocáverit te, dices: "Lóquere, Dómine, quia audit servus tuus" ». Abiit ergo Sámuel et dormívit in loco suo.

Et venit Dóminus, et stetit, et vocávit sicut vocáverat secúndo: « Sámuel, Sámuel ». Et ait Sámuel: « Lóquere, Dómine, quia audit servus tuus ».

Crevit autem Sámuel, et Dóminus erat cum eo; et non cécidit ex ómnibus verbis eius in terram.

Verbum Dómini.

#### Psalmus responsorius

Ps 39, 2 et 4 ab. 7-8 a. 8 b-9. 10 (R.: 8 a et 9 a)

R. Ecce vénio, Dómine, ut fáciam voluntátem tuam.

<sup>2</sup> Exspéctans exspectávi Dóminum,  
et inténdit mihi.

<sup>4</sup> Et immísit in os meum cánticum novum,  
carmen Deo nostro. R.

<sup>7</sup> Sacrificium et oblationem noluísti,  
aures autem fodísti mihi.

<sup>8</sup> Holocáustum et pro peccáto non postulásti,  
tunc dixi: « Ecce vénio ». R.

<sup>9</sup> In volúmene libri scriptum est de me  
fáceré voluntátem tuam.

Deus meus, vólui,  
et lex tua in præcordiis meis ». R.

<sup>10</sup> Annuntiávi iustítiam tuam in ecclésia magna;  
ecce lábia mea non prohibébo, Dómine, tu scisti. R.

#### Lectio secunda

*Corpora vestra membra Christi sunt.*

Léctio Epístolæ primæ beáti Pauli apóstoli  
ad Corínthios

6, 13 c-15 a. 17-20

Fratres:

Corpus non fornicatióni sed Dómino et Dóminus córpori; Deus vero et Dóminum suscitávit et nos suscitábít per virtútem suam.

Nescítis quóniam córpora vestra membra Christi sunt? Qui autem adháret Dómino, unus Spíritus est.

Fúgite fornicatióne; omne peccátum quodcúmque fécerit homo extra corpus est, qui autem fornicátur in corpus suum peccat.

An nescítis quóniam corpus vestrum templum est Spíritus Sancti qui in vobis est, quem habétis a Deo, et non estis vestri? Empti enim estis prétio: glorificáte ergo Deum in corpore vestro. — Verbum Dómini.

Alleluia

Io 1, 41, 17 b

R. Allelúa. R. Invénimus Messíam, qui est Christus.  
Grátia et véritas per eum facta est.

R. Allelúa.

#### Evangelium

*Viderunt ubi maneret et apud eum manserunt.*

† Léctio sancti Evangélii secúndum Ioánnem 1, 35-42  
In illo témpore:

Iterum stabat Ioánnes et ex discípulis eius duo, et respíciens Iesum ambulántem dicit: « Ecce Agnus Dei ».

Et audiérunt eum duo discípuli loquéntem et secúti sunt Iesum. Convérsus autem Iesus et videns eos sequéntes se, dicit eis: « Quid quéritis? »

Qui dixérunt ei: « Rabbi (quod dicitur interpretátum: Magíster), ubi hábitas? »

Dicit eis: « Veníte et vidébitis ». Venérunt ergo et vidérunt ubi manéret, et apud eum mansérunt die illo: hora erat quasi décima.

Erat Andréas, frater Simónis Petri, unus ex duóbus qui audierant a Ioánnē et secúti fúerant eum: invénit hic primum fratrem suum Simónem et dicit ei: « Invénimus Messíam (quod est interpretátum Christus) ». Ad-dúxit eum ad Iesum.

Intúitus eum Iesus dixit: « Tu es Simon filius Ioán-nis, tu vocáberis Cephas (quod interpretátur Petrus) ». Verbum Dómini.

## Anno C

### Lectio prima

*Gaudet sponsus super sponsam.*

Léctio libri Isaiae prophétæ 62, 1-5

Propter Sion non tacébo, et propter Ierúsalem non quíescam, donec egrediátur ut splendor iustus eius, et salvátor eius ut lampas accendátur.

Et vidébunt gentes iustum tuum, et cuncti reges inclitum tuum; et vocábitur tibi nomen novum, quod os Dómini nominábit.

Et eris coróna gloriæ in manu Dómini, et diadéma regni in manu Dei tui.

Non vocáberis ultra « Derelicta », et terra tua non vocábitur ámplius « Desoláta »; sed vocáberis « Volúntas mea in ea », et terra tua « Inhabitáta », quia complácuit Dómino in te, et terra tua inhabitábitur.

Habitábit enim iúvenis cum vírgine, et habitábunt in te filii tui; et gaudébit sponsus super sponsam, et gau-débit super te Deus tuus. — Verbum Dómini.

### Psalmus responsorius

Ps 95, 1-2 a. 2 b-3. 7-8. 9-10 a et c (¶.: 3)

R. Annuntiáte in ómnibus pópolis mirabília Dómini.

- 1 Cantáte Dómino cáanticum novum,  
cantáte Dómino, omnis terra.
- 2 Cantáte Dómino, benedícite nómini eius. R.
- 3 Annuntiáte de die in diem salutáre eius.
- 4 Annuntiáte inter gentes glóriam eius,  
in ómnibus pópolis mirabília eius. R.
- 5 Afférte Dómino, familiæ populórum,  
afférte Dómino glóriam et poténtiam,
- 6 afférte Dómino glóriam nóminis eius. R.
- 7 Adoráte Dóminum in splendóre sancto.  
Contremíscite a fácie eius, univérsa terra,
- 8 dícite in géntibus: « Dóminus regnávit ».  
Iudicábit pópulos in æquitáte. R.

### Lectio secunda

*Unus et idem Spíritus, dividens  
singulis prout vult.*

Léctio Epístolæ primæ beáti Pauli apóstoli  
ad Corínthios

12, 4-11

Divisiónes gratiárum sunt, idem autem Spíritus; et divisiónes ministratiónum sunt, idem autem Dóminus; et divisiónes operatiónum sunt, idem vero Deus qui ope-rátur ómnia in ómnibus.

Unicuíque autem datur manifestatio Spíritus ad utilitátem. Alii quidem per Spíritum datur sermo sapiéntiæ,

álii autem sermo sciéntiae secúndum eúndem Spíritum, álteri fides in eódem Spíritu, álii donatiónes sanitátum in uno Spíritu, álii operatiónes virtútum, álii prophetá-  
tio, álii discréctio spirítuum, álii génera linguárum, álii interpretatio linguárum; hæc autem ómnia operátur unus et idem Spíritus, dívidens síngulis prout vult.

Verbum Dómini.

**Alleluia**

**2 Th 2, 14**

R. Alleluia. **y.** Deus vocávit nos per Evangélium,  
in acquisitióne glóriæ Dómini nostri Iesu  
Christi. R. Alleluia.

**Evangelium**

*Hoc fecit initium signorum Iesus in Cana Galilææ.*

**† Léctio sancti Evangélii secúndum Ioánnem 2, 1-12**

In illo témpore:

Núptiæ factæ sunt in Cana Galilææ, et erat Mater Iesu ibi: vocátus est autem et Iesus et discípuli eius ad núptias.

Et deficiénte vino, dicit Mater Iesu ad eum: « Vinum non habent ». Et dicit ei Iesus: « Quid mihi et tibi, mú-  
lier? Nondum venit hora mea ». Dicit Mater eius mi-  
nístris: « Quodcúmque díixerit vobis fácite ».

Erant autem ibi lapídeæ hýdriæ sex pósitæ secúndum purificatióne Iudeórum, capiéntes síngulæ metrétas bi-  
nas vel ternas. Dicit eis Iesus: « Impléte hýdrias aqua ». Et implevérunt eas usque ad summum. Et dicit eis:  
« Hauríte nunc et ferte architriclínō ». Illi autem tulérunt.

Ut autem gustávit architriclínus aquam vinum fac-  
tam, et non sciébat unde esset, mínistri autem sciébant  
qui hauríerant aquam, vocat sponsum architriclínus, et  
dicit ei: « Omnis homo primum bonum vinum ponit, et

cum inebríati fúerint, id quod detérius est: tu servásti bo-  
num vinum usque adhuc ».

Hoc fecit inítiū signórū Iesus in Cana Galilææ  
et manifestávit glóriam suam, et credidérunt in eum  
discípuli eius. Post hoc descéndit Caphárnaum ipse et  
Mater eius et fratres eius et discípuli eius, et ibi man-  
sérunt non multis diébus. — Verbum Dómini.

**Dicitur Credo.**

**Super oblata**

Concéde nobis, quásimus, Dómine,  
hæc digne frequentáre mystéria,  
quia, quóties huius hóstiae commemorátio celebrátur,  
opus nostræ redemptiónis exercétur. Per Christum.

**Præfatio de dominicis « per annum », pp. 752-759.**

**Ant. ad communionem**

**Ps 22, 5**

Parásti in conspéctu meo mensam,  
et calix meus inébrians quam præclárus est!

**Vel:**

**1 Io 4, 16**

Nos cognóvimus et credídimus caritáti,  
quam Deus habet in nobis.

**Post communionem**

Spíritum nobis, Dómine, tuæ caritatis infúnde,  
ut, quos uno cælesti pane satiásti,  
una fáciás pietáte concórdes. Per Christum.

**Feria secunda**

**Ant. ad introitum**

**Ps 65, 4**

Omnis terra adóret te, Deus, et psallat tibi;  
psalmum dicat nómini tuo, Altíssime.

**Collecta**

Omnípotens sempítérne Deus,  
qui cælestia simul et terréna moderáris,  
supplicatiōnes pôpuli tui cleménter exáudi,  
et pacem tuam nostris concéde tempóribus.  
Per Dóminum.

**Anno primo****Lectio prior**

*Cum esset Filius Dei, didicit ex his  
quæ passus est obœdientiam.*

**Léctio Epistolæ ad Hebræos****5, 1-10**

Omnis pôntifex ex homínibus assúmptus pro homí-  
nibus constitúitur in his quæ sunt ad Deum, ut ófferat  
dona et sacrificia pro peccátis, qui æque condolére possit  
his qui ignórant et errant, quóniam et ipse circúmdatus  
est infirmitáte, et propter eam debet, quemádmodum et  
pro pôpulo, ita étiam pro semetípsò offérre pro peccátis.  
Nec quisquam sumit sibi illum honórem sed qui vocátur  
a Deo, tamquam et Aaron.

Sic et Christus non semetípsum glorificávit ut Pón-  
tifex fíeret, sed qui locútus est ad eum: « Filius meus  
es tu, ego hódie génuí te »; quemádmodum et in álio  
dicit: « Tu es sacérdos in æténum secúndum órdinem  
Melchísedech ».

Qui, in diébus carnis suæ, preces supplicationésque  
ad eum qui possit salvum illum a morte fâcere, cum clá-  
móre válido et lácrimis ófferens, et exaudítus pro  
sua reveréntia, et quidem cum esset Filius, dídicit ex his  
quæ passus est obœdientiam; et, consummátus, factus est  
ómni bus obœdiéntibus sibi auctor salútis ætérnæ, appellá-  
látus a Deo Póntifex iuxta órdinem Melchísedech.

Verbum Dómini.

**Psalmus responsorius Ps 109, 1. 2. 3. 4 (R.: 4 bc)**

R. Tu es sacérdos in æténum  
secúndum órdinem Melchísedech.

<sup>1</sup> Dixit Dóminus Dómino meo: « Sede a dextris meis,  
donec ponam inimícós tuos  
scabéllum pedum tuórum ». R.

<sup>2</sup> Virgam poténtiæ tuæ emítte Dóminus ex Sion:  
dominare in médio inimicórum tuórum. R.

<sup>3</sup> Tecum principátus in die virtútis tuæ,  
in splendóribus sanctis,  
ex útero matutíni velut rorem génuí te. R.

<sup>4</sup> Iurávit Dóminus et non pænitébit eum:  
« Tu es sacérdos in æténum  
secúndum órdinem Melchísedech ». R.

**Anno secundo****Lectio prior**

*Melior est obœdientia quam victimæ.  
Abiecit te Dominus ne sis rex.*

**Léctio libri primi Samuélis****15, 16-23****In diébus illis:**

Ait Sámuel ad Saul: « Sine me, et indicábo tibi quæ  
locútus sit Dóminus ad me nocte ». Dixítque ei: « Ló-  
quere ». Et ait Sámuel: « Nonne, cum párvulus essem in  
óculis tuis, caput in tribubus Israel factus es? Unxitque  
te Dóminus in regem super Israel, et misit te Dóminus  
in viam et ait: “Vade, et intérifice peccatóres Amalec,  
et pugnábis contra eos usque ad internecciónem eórum ”.  
Quare ergo non audísti vocem Dómini, sed versus ad  
prædam es, et fecísti malum in óculis Dómini? »

Et ait Saul ad Samuélem: « Immo audívi vocem Dó-  
mini, et ambulávi in via per quam misit me Dóminus;

et addúxi Agag regem Amalec, et Amalec interféci. Tulit autem de præda pópulus oves et boves, primítias eórum quæ cæsa sunt, ut ímmolet Dómino Deo suo in Gálgalis ».

Et ait Sámuel: « Numquid vult Dóminus holocáusta et víctimas, et non pótius ut obœdiáтур voci Dómini? Mélior est enim obœdiéntia quam víctimæ, et auscultáre magis quam offérre ádipem aríetum. Quóniam quasi peccátum ariolándi est repugnáre, et quasi scelus idolatríæ nolle acquiéscere. Pro eo ergo quod abiecísti sermónen Dómini, abiécit te Dóminus ne sis rex ».

Verbum Dómini.

### Psalmus responsorius

Ps 49, 8-9. 16 bc-17. 21 et 23 (R.: 23 b)

- R. Qui immaculátus est in via, osténdam illi salutáre Dei.
- <sup>8</sup> Non in sacrificiis tuis árguam te;  
holocáusta enim tua in conspéctu meo sunt semper.
- <sup>9</sup> Non accípiam de domo tua vítulos,  
neque de grégebús tuis hircos. R.
- <sup>16</sup> « Quare tu enárras præcépta mea,  
et assúmis testaméntum meum in os tuum?
- <sup>17</sup> Tu vero odísti disciplínam,  
et proiecísti sermónes meos retrórsum. R.
- <sup>21</sup> Hæc fecísti, et tacui.  
Existimásti quod eram tui símilis:  
árguam te, et státuam illa contra fáciem tuam.
- <sup>23</sup> Qui immolábit sacrificium laudis, honorificábit me,  
et qui immaculátus est in via,  
osténdam illi salutáre Dei ». R.

Alleluia

Hebr 4, 12

- R. Alleluia. <sup>y.</sup> Vivus est sermo Dei et éfficax,  
et discrétor cogitatiónum et intentiónum  
cordis. R. Alleluia.

### Evangelium

Sponsus cum illis est.

† Léctio sancti Evangélii secúndum Marcum 2, 18-22

In illo témpore:

Erant discípuli Ioánnis et Pharisæi iejunántes. Et vénient et dicunt illi: « Cur discípuli Ioánnis et discípuli Phariséorum iejunánt, tui autem discípuli non iejunant? »

Et ait illis Iesus: « Numquid possunt convívæ nuptiárum, quámdiu sponsus cum illis est, iejunáre? Quanto témpore habent secum sponsum non possunt iejunáre; vénient autem dies cum auferétur ab eis sponsus, et tunc iejunábunt in illa die.

Nemo assuméntum panni rudis ássuit vestiménto véteri alióquin supplemémentum aufert áliquid ab eo, novum a véteri, et peior scissúra fit. Et nemo mittit vinum novéllum in utres véteres — alióquin dirúmpet vinum utres, et vínum perit et utres — sed vínum novum in utres novos ». — Verbum Dómini.

### Super oblata

Concéde nobis, quásimus, Dómine,  
hæc digné frequentáre mystéria,  
quia, quóties huius hóstiae commemoratió celebrátur,  
opus nostræ redemptiōnis exercétur. Per Christum.

Ant. ad communionem

Ps 22, 5

Parásti in conspéctu meo mensam,  
et calix meus inébrians quam præclárus est!

Vel:

1. Io 4, 16

Nos cognóvimus et credídimus caritati,  
quam Deus habet in nobis.

**Post communionem**

Spíritum nobis, Dómine, tuæ caritatis infúnde,  
ut, quos uno cælesti pane satiásti,  
una fáciás pietate concórdes.  
Per Christum.

**Feria tertia****Ant. ad introitum**

Omnis terra adóret te, Deus, et psallat tibi;  
psalmum dicat nómini tuo, Altíssime.

**Collecta**

Omnípotens sempiterne Deus,  
qui cælestia simul et terréna moderáris,  
supplicatiónes pôpuli tui cleménter exáudi,  
et pacem tuam nostris concéde tempóribus.  
Per Dóminum.

**Anno primo****Lectio prior**

*Propositam spem sicut anchoram habemus  
tutam ac firmam.*

**Lectio Epistolæ ad Hebráeos**

6, 10-20

**Fratres:**

Non est iniústus Deus ut obliscátur óperis vestri  
et dilectionis quam ostendistis Nómini ipsius, qui mi-  
nistrástris sanctis et ministrátris. Cúpimus autem unum-  
quémque vestrum eádem ostentare sollicitudinem ad  
expletiónem spei usque in finem, ut non segnes efficiá-  
mini, verum imitátóres eórum qui fide et patiéntia he-  
reditant promissiónes.

Abrahæ namque promittens Deus, quóniam néminem  
hábuit per quem iuráret maiórem, iurávit per semetíp-  
sum, dicens: « Utique benedícens benedícám te et mul-  
típlicans multiplicábo te »; et sic longanímiter ferens  
adéptus est repromissionem. Hómines enim per maiórem  
sui iurant, et omnis controvérsiae eórum finis ad con-  
firmatiónen est iuraméntum: in quo abundántius volens  
Deus osténdere pollicitatiónis herédbus immobilitátem  
consilií sui, se interposuit iureiurando, ut per duas res  
immóbiles, in quibus impossibile est mentiri Deum, for-  
tíssimum soláciúm habeámus qui confúgimus ad tenén-  
dam propósitam spem; quam sicut anchoram habémus  
ánimæ, tutam ac firmam et incedéntem usque in interiéra  
Veláminis, ubi præcúrsores pro nobis introívit Iesus, se-  
cundum órdinem Melchisedech Póntifex factus in æter-  
num. — Verbum Dómini.

**Psalmus responsorius**

Ps 110, 1-2. 4-5. 9 et 10 c (R.: 5 b)

R. Memor erit Dóminus in sǽculum testaménti sui.

vel Allelúa.

1 Confitébor Dómino in toto corde meo,  
in consilio iustórum et congregatióne.2 Magna ópera Dómini,  
exquirénda ómnibus qui cúpiunt ea. R.3 Memóriam fecit mirabílium suórum,  
misericors et miserátor Dóminus.4 Escam dedit timéntibus se;  
memor erit in sǽculum testaménti sui. R.5 Redemptiōnem misit pôpulo suo,  
mandávit in æternum testaméntum suum.6 Sanctum et terríbile nomen eius;  
7 laudatio eius manet in sǽculum sǽculi. R.

## Anno secundo

## Lectio prior

*Unxit Samuel David in medio fratrum eius,  
et directus est Spiritus Domini in eo.*

Léctio libri primi Samuélis

16, 1-13

In diébus illis:

Dixit Dóminus ad Samuélem: « Usquequo tu luges Saul, cum ego proiécerim eum ne regnet super Israel? Imple cornu tuum óleo et veni, ut mittam te ad Isai Beth-lehemítem: provídi enim in filiis eius mihi regem ». Et ait Sámuel: « Quómodo vadam? Audiet enim Saul, et interficiet me ». Et ait Dóminus: « Vítulum de arménto tolles in manu tua, et dices: "Ad immolándum Dómino veni". Et vocábis Isai ad victimam, et ego osténdam tibi quid fáciás, et unges quemcúmque monstrávero tibi ».

Fecit ergo Sámuel sicut locútus est ei Dóminus, ve-nítque in Béthlehem. Et admiráti sunt seniores civitatis occurréntes ei, dixerúntque: « Pacificus est ingrüssus tuus? » Et ait: « Pacificus: ad immolándum Dómino veni. Sanctificámini, et venité mecum ut ímmolement ». Sanctifi-cávit ergo Isai et filios eius, et vocávit eos ad sacrificium.

Cumque ingrüssi essent, vidit Eliab et ait: « Num coram Dómino est christus eius? » Et dixit Dóminus ad Samuélem: « Ne respicias vultum eius, neque altitudinem statúræ eius, quóniam abiéci eum; nec iuxta intúitum hóminis ego iúdico: homo enim videt ea quæ par-ent, Dóminus autem intuétur cor ». Et vocávit Isai Abínadab, et addúxit eum coram Samuél. Qui dixit: « Nec hunc élégit Dóminus ». Addúxit autem Isai Samma, de quo ait: « Etiam hunc non élégit Dóminus ». Addúxit itaque Isai septem filios suos coram Samuél, et ait Sámuel ad Isai: « Non élégit Dóminus ex istis ».

Dixítque Sámuel ad Isai: « Numquid iam compléti sunt filii? » Qui respóndit: « Adhuc réliquis est párvulus, et pascit oves ». Et ait Sámuel ad Isai: « Mitte et adduc eum; nec enim discumbémus priúsquam huc ille véniat ».

Misit ergo et addúxit eum. Erat autem rufus et pulcher aspéctu, decoráque fácie. Et ait Dóminus: « Surge, unge eum: ipse est enim ». Tulit ergo Sámuel cornu ólei, et unxit eum in médio fratrum eius; et diréctus est Spíritus Dómini a die illa in David et déinceps. Surgénsque Sámuel ábiit in Rámatha. — Verbum Dómini.

## Psalmus responsoriū

Ps 88, 20. 21-22. 27-28 (R.: 21 a)

R. Invéni David servum meum.

<sup>20</sup> Tunc locútus es in visióne sanctis tuis, et dixisti:  
« Pósui adiutoriúm in poténte,  
et exaltávi eléctum de plebe. R.

<sup>21</sup> Invéni David servum meum;  
óleo sancto meo unxi eum.

<sup>22</sup> Manus enim mea firma erit cum eo,  
et bráccium meum confortábit eum. R.

<sup>27</sup> Ipse invocábit me: Pater meus es tu,  
Deus meus et refúgium salútis meæ.

<sup>28</sup> Et ego primogénitum ponam illum,  
excélsum præ régibus terræ ». R.

## Alleluia

Cf. Eph 1, 17-18

R. Alleluia. <sup>v.</sup> Pater Dómini nostri Iesu Christi illúminet  
óculos cordis nostri,  
ut sciámus quæ sit spes vocatiónis nostræ.  
R. Alleluia.

## Evangelium

*Sabbatum propter hominem factum est,  
et non homo propter sabbatum.*

† Léctio sancti Evangélii secúndum Marcum 2, 23-28

Factum est cum Dóminus sábbatis ambuláret per sata, discípuli eius cœpérunt prágredi velléntes spicas. Phariséi autem dicébant ei: « Ecce, quid fáciunt sábbatis quod non licet? »

Et ait illis: « Numquam legístis quid fécerit David, quando necessitatétem hábuit et esúriit ipse et qui cum eo erant? Quómodo introívit in domum Dei sub Abíathar príncipe sacerdótum et panes propositiónis manducávit, quos non licet manducáre nisi sacerdótibus, et de-dit étiā eis qui cum eo erant? »

Et dicébat eis: « Sábbatum propter hóminem factum est, et non homo propter sábbatum; itaque dóminus est Fílius hóminis étiā sábbati ». — Verbum Dómini.

## Super oblata

Concéde nobis, quásumus, Dómine,  
hæc digne frequentáre mystéria,  
quia, quóties huius hóstiæ commemorátio celebrátur,  
opus nostræ redemptiόnis exercétur.  
Per Christum.

## Ant. ad communionem

Ps 22, 5

Parásti in conspéctu meo mensam,  
et calix meus inébrians quam præclárus est!

## Vel:

1 Io 4, 16

Nos cognóvimus et credídimus caritati,  
quam Deus habet in nobis.

## Post communionem

Spíritum nobis, Dómine, tuæ caritatis infúnde,  
ut, quos uno cælesti pane satiásti,  
una fáciás pietatē concórdes.  
Per Christum.

## Feria quarta

## Ant. ad introitum

Ps 65, 4

Omnis terra adóret te, Deus, et psallat tibi;  
psalmum dicat nōmini tuo, Altíssime.

## Collecta

Omnípotens sempítérne Deus,  
qui cælestia simul et terréna moderáris,  
supplicatiōnes pópuli tui cleménter exáudi,  
et pacem tuam nostris concéde tempóribus.  
Per Dóminum.

## Anno primo

## Lectio prior

*Tu es sacerdos in æternum  
secundum ordinem Melchisedech.*

Léctio Epístolæ ad Hebráeos

7, 1-3. 15-17

Fratres:

Melchisedech, rex Salem, Sacérdos Dei summi, qui obviávit Abrahæ regréssu a cæde regum et benedíxit ei, cui et décimam ómnium divísit Abraham, primum quidem qui interpretátur « Rex iustitiæ », deinde autem et Rex Salem, quod est « Rex pacis », sine patre, sine matre, sine genealógia, neque inítiū diérum neque finem vitæ habens, assimilátus autem Fílio Dei, manet Sacérdos in perpétuum.

Et amplius adhuc maniféstum est, si secúndum si-militúdinem Melchísedech exsúrgit álius Sacérdos, qui non secúndum Legem mandáti carnális factus est, sed secúndum virtútem vitæ insolúbilis, testimónium enim áccipit: « Tu es sacérdos in ætérnum secúndum órdinem Melchísedech ».

Verbum Dómini.

**Psalmus responsorius** Ps 109, 1. 2. 3. 4 (R.: 4 bc)

R. Tu es sacérdos in ætérnum  
secúndum órdinem Melchísedech.

1 Dixit Dóminus Dómino meo:

« Sede a dextris meis,  
donec ponam inimícōs tuos  
scabéllum pedum tuórum ». R.

2 Virgam poténtiae tuæ emittet Dóminus ex Sion:  
dominare in médio inimicórum tuórum. R.

3 Tecum principátus in die virtútis tuæ,  
in splendóribus sanctis,  
ex útero matutíni velut rōrem génu te. R.

4 Iurávit Dóminus et non pænitébit eum:  
« Tu es sacérdos in ætérnum  
secúndum órdinem Melchísedech ». R.

**Anno secundo**

**Lectio prior**

*Prævaluit David adversus Philisthæum  
in funda et lapide.*

Léctio libri primi Samuélis

17, 32-33. 37. 40-51

In diébus illis:

Cum addúctus fuisset David ad Saul, locútus est ei:  
« Non cóncidat cor cuiúsquam in eo; ego servus tuus

vadam, et pugnábo advérsus Philisthæum ». Et ait Saul ad David: « Non vales résistere Philisthæo isti, nec pugnáre advérsus eum, quia puer es; hic autem vir bel-látor est ab adolescéntia sua ».

Et ait David: « Dóminus, qui erípuit me de manu leónis et de manu ursi, ipse me liberábit de manu Philisthæi huius ». Dixit autem Saul ad David: « Vade, et Dóminus tecum sit ».

Et tulit báculum suum, quem semper habébat in má-nibus; et élégit sibi quinque limpidíssimos lápides de torrénte, et misit eos in peram pastorálem, quam habébat secum, et fundam manu tulit, et procéssit advérsus Phi-listhæum.

Ibat autem Philisthæus incédens et appropínquans advérsus David, et ármiger eius ante eum. Cumque inspe-xisset Philisthæus et vidísset David, despéxit eum: erat enimadoléscens rufus et pulcher aspéctu. Et dixit Phi-listhæus ad David: « Numquid ego canis sum, quod tu venis ad me cum báculo? » Et maledíxit Philisthæus David in diis suis; dixítque ad David: « Veni ad me, et dabo carnes tuas volatílibus cæli et béstii terræ ».

Dixit autem David ad Philisthæum: « Tu venis ad me cum gládio et hasta et clípeo; ego autem vénio ad te in nómine Dómini exercítuum, Dei ágminum Israel, quibus exprobrásti hódie. Et dabit te Dóminus in manu mea, et percútiam te, et áuferam caput tuum a te; et dabo cadávera castrórum Philisthiim hódie volatílibus cæli et béstii terræ, ut sciat omnis terra quia est Deus in Israel, et nóverit univérsa ecclésia hæc, quia non in glá-dio nec in hasta salvat Dóminus: ipsíus enim est bellum, et tradet vos in manus nostras ».

Cum ergo surrexísset Philisthæus, et veníret et ap-propinquáret contra David, festinávit David et cucúrrit ad pugnam ex advérso Philisthæi. Et misit manum suam

in peram, tulítque unum lápidem, et funda iecit; et circumdúcens percússit Philistháeum in fronte; et infíxus est lapis in fronte eius, et cécidit in fáciem suam super terram.

Prævaluítque David advérsus Philistháeum in funda et lápide; percussúmque Philistháeum interfécit; cumque gládium non habéret in manu, David cucúrrit et stetit super Philistháeum; et tulit gládium eius, et edúxit eum de vagína sua, et interfécit eum, præcidítque caput eius.

Verbum Dómini.

**Psalmus responsorius** Ps 143, 1. 2. 9-10 (R.: 1 a)

R. Benedíctus Dóminus, præsídium meum.

1 Benedíctus Dóminus, præsídium meum,  
qui docet manus meas ad próclíum,  
et dígitos meos ad bellum. R.

2 Misericórdia mea et fortitúdo mea,  
refúgium meum et liberátor meus;  
scutum meum, et in ipso sperávi,  
qui subdit pópulum meum sub me. R.

9 Deus, cáanticum novum cantábo tibi,  
in psaltério decachórdo psallam tibi,

10 qui das salútem régibus,  
qui rédimis David servum tuum  
de gládio maliño. R.

**Alleluia**

Mt 4, 23

R. Alleluia. v. Prædicábat Iesus Evangélium Regni,  
et sanábatur omnem infirmitátem in pópulo.  
R. Alleluia.

**Evangelium**

Licet sabbatis animam salvam facere an perdere?

† Léctio sancti Evangélii secúndum Marcum 3, 1-6

In illo témpore:

Introívit Iesus íterum in synagógam. Et erat ibi homo habens manum áridam; et observábant eum si sábbatis curáret illum, ut accusárent eum.

Et ait hómini habénti manum áridam: « Surge in médium ». Et dicit eis: « Licet sábbatis bene fácerem an male? Animam salvam fácerem an pérdere? » At illi tacébant. Et circumspíciens eos cum ira, contristátus super cæcitaté cordis eórum, dicit hómini: « Exténde manum ». Et exténdit, et restitúta est manus eius.

Et exeúntes Phariséi statim cum Herodiánis consílium faciébant advérsus eum quómodo eum pérderent.

Verbum Dómini.

**Super oblata**

Concéde nobis, quássumus, Dómine,  
hæc dignæ frequentáre mystéria,  
quia, quóties huius hóstiæ commemorátio celebrátur,  
opus nostræ redemptiónis exercétur.  
Per Christum.

**Ant. ad communionem**

Ps 22, 5

Parásti in conspéctu meo mensam,  
et calix meus inébrians quam præclárus est!

**Vel:**

1 Io 4, 16

Nos cognóvimus et credidimus caritáti,  
quam Deus habet in nobis.

**Post communionem**

Spíritum nobis, Dómine, tuæ caritatis infúnde,  
ut, quos uno cælesti pane satiásti,  
una fáciás pietaté concórdes.  
Per Christum.

**Feria quinta****Ant. ad introitum**

Ps 65, 4

Omnis terra adóret te, Deus, et psallat tibi;  
psalmum dicat nómini tuo, Altíssime.

**Collecta**

Omnípotens sempitérne Deus,  
qui cælestia simul et terréna moderáris,  
supplicatiōnes populi tui cleménter exaudi,  
et pacem tuam nostris concéde tempóribus.  
Per Dóminum.

**Anno primo****Lectio prior**

*Hostias obtulit semel semetipsum offerendo.*

Léctio Epístolæ ad Hebréos

7, 25 — 8, 6

Fratres:

Iesus salvare in perpétuum potest accédentes per semetipsum ad Deum, semper vivens ad interpellandum pro eis.

Talis enim et decébat ut nobis esset Pónifex, sanctus, innocens, impollútus, segregátus a peccatóribus, et excél-sior cælis factus: qui non habet necessitatēm cotidie, quemádmodum pontifices, prius pro suis delictis hóstias offérre, deinde pro Pópoli; hoc enim fecit semel semet-

ípsum offeréndo. Lex enim hómines constituit pontifices infirmitatēm habéntes, sermo autem iuris iurandū, quod post Legem est, Fílium in ætérnum consummātum.

Caput autem super ea quae dicuntur: talem habémus Pontíficem qui consédit in déxtera throni Maiestatis in cælis, Sanctórum minister et Tabernáculi veri, quod fixit Dóminus, non homo.

Omnis enim pónifex ad offerénda múnera et hóstias constituitur; unde necesse erat et hunc habére aliquid quod offérret. Si ergo esset super terram, nec esset sacerdos, cum sint qui offérant secundum Legem múnera; qui figuræ et umbræ deserviunt cælestium, sicut respónsum est Móysi cum consummaturus esset Tabernáculum: «Vide enim, inquit, ómnia fácies secundum exémplar quod tibi osténsum est in Monte»; nunc autem differentius sortitus est ministérium, quanto et meliòris Testaménti Mediátor est, quod in meliòribus re promissiōnibus sancítum est. — Verbum Dómini.

**Psalmus responsorius**

Ps 39, 7-8 a. 8 b-9. 10. 17 (R.: 8 a et 9 a)

R. Ecce vénio, Dómine, ut fáciám voluntatēm tuam.

7 Sacrificium et oblationem noluísti,  
aures autem fodísti mihi.  
Holocáustum et pro peccáto non postulásti,  
8 tunc dixi: «Ecce vénio. R.

In volúmine libri scriptum est de me  
9 fáceré voluntatēm tuam.  
Deus meus, vólui,  
et lex tua in præcordiis meis ». R.

10 Annuntiávi iustitiam tuam in ecclésia magna;  
ecce lábia mea non prohibébo, Dómine, tu scisti. R.

<sup>17</sup> Exsúltent et læténtrur in te omnes quæréntes te,  
et dicant semper: « Magnificétur Dóminus »  
qui díligunt salutáre tuum. R.

## Anno secundo

## Lectio prior

*Quærit pater meus Saul occidere te.*

Léctio libri primi Samuélis

18, 6-9; 19, 1-7

In diébus illis:

Cum reverterétur, percússso Philisthéo, David, egrésae sunt mulieres de univérsis úrbibus Israel, cantántes chorósque ducéntes, in occúrsum Saul regis, in týmpanis lætitiæ et in sistris. Et præcínabant mulieres, ludéntes atque dicéntes: « Percússit Saul mille, et David decem mília ». Irátus est autem Saul nimis, et displicuit in óculis eius sermo iste; dixítque: « Dederunt David decem mília, et mihi mille dederunt; quid ei súperest, nisi solum regnum? » Non rectis ergo óculis Saul aspi-ciébat David a die illa et deínceps.

Locútus est autem Saul ad Iónatham, fílium suum, et ad omnes servos suos, ut occíderent David. Porro Iónathas, fílius Saul, diligébat David valde; et indicávit Iónathas David dicens: « Quærit Saul, pater meus, occídere te; quaprópter obsérrva te, quæso, mane, et manébis clam et abscondéris. Ego autem egrédiens stabo iuxta patrem meum in agro ubicúmque fúeris; et ego loquar de te ad patrem meum, et quodcúmque vídero nuntiábo tibi ».

Locútus est ergo Iónathas de David bona ad Saul, patrem suum, dixítque ad eum: « Ne pecces, rex, in servum tuum David, quia non peccávit tibi, et ópera eius bona sunt tibi valde. Et pósuit ánimam suam in manu

sua et percússit Philisthéum, et fecit Dóminus salútēm magnam univérsō Israéli: vidísti et lætátus es. Quare ergo peccas in sanguine innóxio interficiens David, qui est absque culpa? » Quod cum audísset Saul, placátus voce Iónathæ iurávit: « Vivit Dóminus, quia non occidétur ».

Vocávit itaque Iónathas David, et indicávit ei ómnia verba hæc; et introduxit Iónathas David ad Saul, et fuit ante eum sicut fúerat heri et nudiustértius.

Verbum Dómini.

## Psalmus responsorius

Ps 55, 2-3. 9-10 ab. 10 c-11. 12-13 (R.: 5 bc)

R. In Deo sperávi, non timébo.

<sup>2</sup> Miserére mei, Deus,  
quóniam conculcávit me homo,  
tota die impúgnans oppréssit me.

<sup>3</sup> Conculcavérunt me inimíci mei tota die,  
quóniam multi pugnant advérsū me, Altíssime. R.

<sup>9</sup> Peregrinatíones meas tu numerásti:  
pone lácrimas meas in utre tuo;  
nonne in suppeditatióne tua?

<sup>10</sup> Tunc converténtur inimíci mei retrórsum,  
in quacúmque die invocávero: R.

Ecce cognóvi quóniam Deus meus es.

<sup>11</sup> In Deo cuius laudábo sermóinem,  
in Dómino cuius laudábo sermóinem. R.

<sup>12</sup> In Deo sperávi,  
non timébo: quid fáciet mihi homo?

<sup>13</sup> Super me sunt, Deus, vota tua;  
reddam laudatiónes tibi. R.

**Alleluia****2 Tim 1, 10 b**

**R.** Allelúia. **y.** Salvátor noster Iesús Christus destrúxit mortem,  
et illuminávit vitam per Evangélium.  
**R.** Allelúia.

**Evangelium**

*Spiritus immundi clamabant: « Tu es Filius Dei »,  
et Iesús comminabatur eis ne manifestarent illum.*

**† Léctio sancti Evangélii secúndum Marcum 3, 7-12**

In illo tempore:

Iesus cum discípulis suis secéssit ad mare. Et multa turba a Galiláea secúta est; et a Iudéa et ab Hierosólymis et ab Iduméa et qui trans Iordánem et circa Tyrum et Sidónem, multitúdo magna, audiéntes quæ faciébat, venérunt ad eum. Et dixit discípulis suis ut navícula sibi præsto esset propter turbam ne comprímerent eum.

Multos enim sanávit, ita ut irrúerent in eum ut illum tángerent quotquot habébant plágas. Et spíritus im-múndi, cum illum vidébant, procidébant ei et clamábant dicéntes: « Tu es Fílius Dei ». Et vehémenter comminabátur eis ne manifestárent illum. — Verbum Dómini.

**Super oblata**

Concéde nobis, quásimus, Dómine,  
hæc digne frequentáre mystéria,  
quia, quóties huius hóstiæ commemorátio celebrátur,  
opus nostræ redemptiónis exercétur.  
Per Christum.

**Ant. ad communionem**

**Ps 22, 5**

Parásti in conspéctu meo mensam,  
et calix meus inébrians quam præclárus est!

**1 Io 4, 16****Vel:**

Nos cognóvimus et credídimus caritáti,  
quam Deus habet in nobis.

**Post communionem**

Spíritum nobis, Dómine, tuæ caritatis infúnde,  
ut, quos uno cælesti pane satiásti,  
una fáciás pietáte concórdes. Per Christum.

**Feria sexta****Ant. ad introitum****Ps 65, 4**

Omnis terra adóret te, Deus, et psallat tibi;  
psalmum dicat nómini tuo, Altíssime.

**Collecta**

Omnípotens sempítérne Deus,  
qui cælestia simul et terréna moderáris,  
supplicatiónes pôpuli tui cleménter exáudi,  
et pacem tuam nostris concéde tempóribus. Per Dóminum.

**Anno primo****Lectio prior****Melioris Testamenti Mediátor est.****Léctio Epístolæ ad Hebræos****8, 6-13**

Fratres:

Nunc Póntífex noster differéntius sortitus est mini-stérium, quanto et meliórí Testaménti Mediátor est, quod in melióribus re promissióibus sancítum est. Nam si illud prius culpa vacáset, non secúndi locus inquire-réatur; vituperans enim eos dicit:

« Ecce dies véniant, dicit Dóminus, et consummábo super domum Israel et super domum Iuda Testamén-

tum novum, non secundum Testaméntum quod feci pátribus eórum in die qua apprehéndi manum illórum ut edúcerem illos de terra Ægypti, quóniam ipsi non permansérunt in Testaménto meo, et Ego negléxi eos, dicit Dóminus.

Quia hoc est testaméntum quod testábor dómui Israel post dies illos, dicit Dóminus, dando leges meas in mentem eórum, et in corde eórum superscríbam eas, et ero eis in Deum et ipsi erunt mihi in Pópulum. Et non docébit unusquisque civem suum et unusquisque fratrem suum, dicens: " Cognósce Dóminum ", quóniam omnes scient Me, a minóre usque ad maiórem eórum. Quia propítius ero iniquitátibus eórum, et peccatórum illórum iam non memorábor ».

Dicéndo « Novum » veterávit prius; quod autem antiquátur et senescit prope intéritum est.

Verbum Dómini.

### Psalmus responsorius

Ps 84, 8 et 10, 11-12, 13-14 (R.: 11 a)

R. Misericórdia et véritas obviavérunt sibi.

<sup>8</sup> Osténde nobis, Dómine, misericórdiam tuam,  
et salutáre tuum da nobis.

<sup>10</sup> Verúmtamen prope timéntes eum salutáre ipsíus,  
ut inhábitet glória in terra nostra. R.

<sup>11</sup> Misericórdia et véritas obviavérunt sibi,  
iustitia et pax osculátæ sunt.

<sup>12</sup> Véritas de terra orta est,  
et iustitia de cælo prospéxit. R.

<sup>13</sup> Etenim Dóminus dabit benignitatēm,  
et terra nostra dabit fructum suum.

<sup>14</sup> Iustitia ante eum ambulábit,  
et ponet in via gressus suos. R.

### Anno secundo

#### Lectio prior

*Non mittam manum in eum,  
quia christus Domini est.*

#### Léctio libri primi Samuélis

24, 3-21

In diébus illis:

Assúmens Saul tria mília electórum virórum ex omni Israel, perréxit ad investigándum David et viros eius, étiam super abruptíssimas petras, quæ solis ibícibus pérviæ sunt. Et venit ad caulas óvium, quæ se offerébant viánti.

Erátque ibi spelúnca, quam ingrédus est Saul; porro David et viri eius in interióre parte spelúncae latébant. Et dixérunt servi David ad eum: « Ecce dies de qua locútus est Dóminus ad te: " Ego tradam tibi inimicum tuum, ut fáciás ei sicut placuerit in oculis tuis " ». Surrexit ergo David, et præcídit oram clámydis Saul silénter. Post hæc percússit cor suum David, eo quod abscidíisset oram clámydis Saul; dixítque ad viros suos: « Propítius sit mihi Dóminus, ne fáciam hanc rem domino meo christo Dómini, ut mittam manum meam in eum, quia christus Dómini est ». Et confrégit David viros suos sermóribus, et non permísit eos ut consúrgerent in Saul.

Porro Saul, exsúrgens de spelúnca, pergébat cœpto itinere. Surréxit autem et David post eum, et egréssus de spelúnca, clamávit post tergum Saul, dicens: « Dómine, mi rex ». Et respéxit Saul post se, et inclínans se David pronus in terram adorávit.

Dixítque ad Saul: « Quare audis verba hóminum loquéntium: " David quærít malum adversum te? " Ecce hódie vidérunt oculi tui quod tradíderit te Dóminus in manu mea in spelúnca; et cogitávi ut occíderem te, sed pepérict tibi oculus meus. Dixi enim: " Non exténdam

manum meam in dómínum meum, quia christus Dómini est ». Quin pótius, pater mi, vide et cognósce oram clámydis tuæ in manu mea, quóniam, cum præscíderem summittátem clámydis tuæ, nólui exténdere manum meam in te. Animadvérte et vide quóniam non est in manu mea malum neque iniquitas, neque peccávi in te; tu autem insidiáris ánimæ meæ, ut áuferas eam. Iúdicet Dóminus inter me et te, et ulciscátur me Dóminus ex te; manus autem mea non sit in te. (Sicut et in provérbio antíquo dícitur: « Ab ímpiis egrediétur ímpietas »; manus ergo mea non sit in te). Quem perséqueris, rex Israel? Quem perséqueris? Canem mórtuum perséqueris, et púlicem unum. Sit Dóminus iudex; et iúdicet inter me et te: et vídeat et iúdicet causam meam, et éruat me de manu tua ».

Cum autem compléssset David loquens sermónes huiscémodi ad Saul, dixit Saul: « Numquid vox hæc tua est, fili mi David? » Et levávit Saul vocem suam, et flévit. Dixítque ad David: « Iústior tu es quam ego: tu enim tribuísti mihi bona, ego autem réddidi tibi mala. Et tu indicásti hódie quæ féceris mihi bona, quómodo tradíderit me Dóminus in manum tuam, et non occíderis me. Quis enim, cum invénerit inimícum suum, dimittet eum in via bona? Sed Dóminus reddit tibi vicissítudinem hanc pro eo quod hódie operátus es in me. Et nunc scio quod certíssime regnatúrus sis et habitúrus in manu tua regnum Israel ».

Verbum Dómini.

**Psalmus responsorius** Ps 56, 2. 3-4. 6 et 11 (R.: 2 a)

R. Miseré mei, Deus, miseré mei.

Miseré mei, Deus, miseré mei,  
quóniam in te cófugit áнима mea:  
et in umbra alárum tuárum confúgiam,  
donec tránseant insídiae. R.

- 3 Clamábo ad Deum Altíssimum,  
Deum qui benefécit mihi.
- 4 Mittet de cælo, et liberábit me;  
dabit in opprórium conculcántes me.  
Mittet Deus misericórdiam suam et veritátem suam. R.
- Exaltáre super cælos, Deus,  
super omnem terram glória tua,  
quóniam magnificáta est usque ad cælos  
misericórdia tua,  
et usque ad nubes véritas tua. R.

Alleluia

2 Cor 5, 19 ac

R. Alleluia. y. Deus erat in Christo mundum reconcilians  
sibi,  
et pósuit in nobis verbum reconciliatiónis.  
R. Alleluia.

Evangelium

Vocavit quos voluit ipse, ut essent cum illo.

† Léctio sancti Evangélii secúndum Marcum 3, 13-19

In illo témpore:

Ascéndit Iesus in montem et vocat ad se quos voluit ipse, et venérunt ad eum. Et fecit Duódecim ut essent cum illo et ut mítteret eos prædicare habéntes potestátem eiciéndi dæmónia.

Et impósuit Simóni nomen Petrum, et Iacóbum Zebédæi et Ioánnem fratrem Iacóbi, et impósuit eis nómina Boanérges, quod est Fílii Tonítrui; et Andréam et Phílippum et Bartholoméum et Matthéum et Thomam et Iacóbum Alpháeí et Thaddéum et Simónem Cananéum et Iudam Iscarióth, qui et trádidit illum.

Verbum Dómini.

**Super oblata**

Concéde nobis, quás sumus, Dómine,  
hæc digne frequentáre mystéria,  
quia, quóties huius hóstiae commemorátio celebrátur,  
opus nostræ redemptiónis exercétur.  
Per Christum.

**Ant. ad communionem**

Ps 22, 5

Parásti in conspéctu meo mensam,  
et calix meus inébrians quam præclárus est!

**Vel:**

1 Io 4, 16

Nos cognóvimus et credídimus caritáti,  
quam Deus habet in nobis.

**Post communionem**

Spíritum nobis, Dómine, tuæ caritatis infúnde,  
ut, quos uno cælesti pane satiásti,  
una fácias pietatē concórdes.

Per Christum.

**Sabbato****Ant. ad introitum**

Ps 65, 4

Omnis terra adóret te, Deus, et psallat tibi;  
psalmum dicat nómini tuo, Altíssime.

**Collecta**

Omnípotens sempitérne Deus,  
qui cælestia simul et terréna moderáris,  
supplicatiōnes populi tui cleménter exáudi,  
et pacem tuam nostris concéde tempóribus.  
Per Dóminum.

**Anno primo****Lectio prior**

*Per proprium sanguinem introivit semel in Sancta.*

Léctio Epístolæ ad Hebráeos

9, 2-3. 11-14

Fratres:

Tabernáculum præparátum est primum, in quo ínerat candelábrum et mensa et propositio panum, quod díicitur « Sancta »; post secúndum autem Velaméntum, Tabernáculum quod díicitur « Sancta Sanctórum ».

Christus autem cum advénit Póntifex futurórum bonórum, per ámplius et perféctius Tabernáculum non manufáctum, id est non huius creátiōnis, neque per sán-guinem hircórum et vitulórum sed per próprium sán-guinem introívit semel in Sancta, ætérrna redemptiōne invénta.

Si enim sanguis hircórum et taurórum et cinis vútulae aspérsums inquinátos sanctificat ad emundatiōnem carnis, quanto magis sanguis Christi, qui per Spíritum ætérrnum semetípsum óbtulit immaculátum Deo, emundábit con-scientiam nostram ab opéribus mórtuis ad serviéndum Deo vivénti. — Verbum Dómini.

**Psalmus responsorius** Ps 46, 2-3. 6-7. 8-9 (R.: 6)

R. Ascéndit Deus in iúbilo, et Dóminus in voce tubæ.

<sup>2</sup> Omnes gentes, pláudite mánibus,  
iubiláte Deo in voce exsultatiōnis.

<sup>3</sup> Quóniam Dóminus Altíssimus, terríbilis,  
rex magnus super omnem terram. R.

<sup>6</sup> Ascéndit Deus in iúbilo,  
et Dóminus in voce tubæ.

<sup>7</sup> Psálite Deo, psálite;  
psálite regi nostro, psálite. R.

- <sup>8</sup> Quóniam rex omnis terrae Deus,  
psálite sapiénter.  
<sup>9</sup> Regnávit Deus super gentes,  
Deus sedet super sedem sanctam suam. R.

## Anno secundo

## Lectio prior

*Quomodo ceciderunt fortis in prælio?*

Ínitium libri secúndi Samuélis 1, 1-4. 11-12. 19. 23-27

In diébus illis:

Revérsus est David a cæde Amalec, et mansit in Síceleg duos dies. In die autem tértia appáruit homo véniens de castris Saul, veste consíssa et púlvore conspérsus caput; et, ut venit ad David, cécidit super fáciem suam et adorávit. Dixítque ad eum David: « Unde venis? » Qui ait ad eum: « De castris Israel fugi ». Et dixit ad eum David: « Quod est verbum quod factum est? Indica mihi ». Qui ait: « Fugit pópulus ex prælio, et multi corruéntes e pôpulo mórtui sunt; sed et Saul et Iónathas, fílius eius, interiérunt ».

Apprehéndens autem David vestiménta sua scidit, omnesque viri qui erant cum eo; et planxérunt, et flevérunt, et ieunavérunt usque ad vésperam super Saul et super Iónatham fílium eius, et super pôpulum Dómini, et super domum Israel, eo quod corruíssent gládio:

« Incliti Israel super montes tuos interfécti sunt. Quómodo cecidérunt fortis?

Saul et Iónathas, amábiles et decóri in vita sua, in morte quoque non sunt divisi; áquila velocióres, leónibus fortiores.

Filiae Israel, super Saul flete, qui vestiébat vos cóccino in déliiis, qui præbébat ornaménta áurea cùltui vestro.

Quómodo cecidérunt fortis in prælio?

Iónathas in excélsis tuis occísus est. Dóleo super te, frater mi Iónatha, decóre nimis et amabilis super amórem mulierum. Sicut mater únicum amat filium suum, ita ego te diligébam.

Quómodo cecidérunt robústi, et periérunt arma béllica? » — Verbum Dómini.

## Psalmus responsoriū

Ps 79, 2-3. 5-7 (R.: 4 b)

R. Illúстра fáciem tuam, Dómine, et salvi érimus.

<sup>2</sup> Qui pascis Israel, inténde,  
qui dedúcis velut ovem Joseph.

<sup>3</sup> Qui sedes super Chérubim, effúlge  
coram Ephraim, Béniamín et Manásse.

Excita poténtiam tuam, et veni, ut salvos fáciás nos. R.

<sup>5</sup> Dómine Deus virtútum,  
quoúsque irascéris super oratióneum pôpuli tui?

<sup>6</sup> Cibásti nos pane lacrimárum,  
et potum dedísti nobis in lácrimis copióse.

<sup>7</sup> Posuísti nos in contradiccionem vicínis nostris,  
et inimíci nostri subsannavérunt nos. R.

## Alleluia

Cf. Act 16, 14 b

R. Alleluia. <sup>Y.</sup> Aperi, Dómine, cor nostrum,  
ut intendámus verbis Fílii tui. R. Alleluia.

## Evangelium

Dicebant sui: «In furorem versus est ».

† Léctio sancti Evangélii secúndum Marcum 3, 20-21

In illo témpore:

Venit Jesus cum discípulis suis ad domum; et convénit íterum turba, ita ut non possent neque panem mandu-

cáre. Et cum audíssent sui, exierunt tenére eum, dicébant enim: « In furórem versus est ».

Verbum Dómini.

### Super oblata

Concédé nobis, quássumus, Dómine,  
hæc digne frequentáre mystéria,  
quia, quóties huius hóstiae commemorátio celebrátur,  
opus nostræ redemptiónis exercétur.  
Per Christum.

### Ant. ad communionem

Ps 22, 5

Parásti in conspéctu meo mensam,  
et calix meus inébrians quam præclárus est!

Vel:

1 Io 4, 16

Nos cognóvimus et credídimus caritáti,  
quam Deus habet in nobis.

### Post communionem

Spíritum nobis, Dómine, tuæ caritatis infúnde,  
ut, quos uno cælesti pane satiásti,  
una fáciás pietáte concórdes.

Per Christum.

### DOMINICA III « PER ANNUM »

#### Ant. ad introitum

Ps 95, 1. 6

Cantáte Dómino cáanticum novum,  
cantáte Dómino, omnis terra.  
Conféssio et pulchritúdo in conspéctu eius,  
sánctitas et magnificéntia in sanctificatióne eius.  
Dicitur Glória in excélsis.

#### Collecta

Omnípotens sempiterne Deus,  
dírige actus nostros in beneplácito tuo,  
ut in nómine dilécti Filii tui  
mereámur bonis opéribus abundáre. Per Dóminum.

#### Anno A

##### Lectio prima

*In Galilæa gentium,  
vidit populus lucem magnam.*

##### Léctio libri Isaiae prophétæ

9, 1-4

Primo témpore alleviáta est terra Zábulon et terra Néphthali; et novíssimo aggraváta est via maris trans Iordánum Galilææ géntium.

Póplus, qui ambulábat in ténebris, vidit lucem magnam; habitántibus in régione umbræ mortis lux orta est eis. Multiplicásti gentem, et non magnificásti lætitiam; lætabúntur coram te, sicut qui lætántur in messe, sicut exsúltant victóres, capta præda, quando dívidunt spólia.

Iugum enim óneris eius, et virgam húmeri eius, et sceptrum exactórís eius superásti, sicut in die Mádian.

Verbum Dómini.

## Psalmus responsorius Ps 26, 1. 4. 13-14 (R.: 1 a)

R. Dóminus illuminatio mea et salus mea.

<sup>1</sup> Dóminus illuminatio mea et salus mea, quem timébo?  
Dóminus protéctor vitæ meæ, a quo trepidábo? R.

<sup>4</sup> Unum pétii a Dómino, hoc requíram:  
ut inhábitem in domo Dómini  
ómnibus diébus vitæ meæ,  
ut vídeam voluptátem Dómini,  
et vísitem templum eius. R.

<sup>13</sup> Credo vidére bona Dómini in terra vivéntium.

<sup>14</sup> Exspécta Dóminum, viriliter age,  
et confortétur cor tuum, et sústine Dóminum. R.

## Lectio secunda

*Idipsum dicatis omnes, et non sint  
in vobis schismata.*

Léctio Epístolæ primæ beáti Pauli apóstoli  
ad Corínthios 1, 10-13. 17

Obsecro vos, fratres, per Nomen Dómini nostri Iesu Christi, ut idípsum dicátis omnes, et non sint in vobis schismata, sitis autem perfécti in eódem sensu et in éadem senténtia.

Significátum est enim mihi de vobis, fratres mei, ab his qui sunt Chloes, quia contentiōnes inter vos sunt. Hoc autem dico, quod unusquisque vestrum dicit: « Ego quidem sum Pauli », « Ego autem Apóllo », « Ego vero Cephæ », « Ego autem Christi ».

Divísus est Christus? Numquid Paulus crucifíxus est pro vobis, aut in nómíne Pauli baptizáti estis?

Non enim misit me Christus baptizáre sed evange-lizáre, non in sapiéntia verbi, ut non evacuétur crux Christi. — Verbum Dómini.

## Alleluia

Mt 4, 23

R. Alleluia. *y.* Prædicábat Iesus Evangélium Regni,  
et sanábait omnem infirmitátem in pópulo.  
R. Alleluia.

## Evangelium\*

*Venit in Capharnaum, ut impleretur  
quod dictum est per Isaiam.*

## † Léctio sancti Evangélii secúndum Matthéum 4, 12-23

Cum audísset Iesus quod Ioánnes tráditus esset, se-céssit in Galiléam. Et relieta Názareth venit et habitávit in Caphárnaum marítimam in fínibus Zábulon et Nép-thalim: ut implerétur quod dictum est per Isaíam pro-phétam dicéntem:

« Terra Zábulon et terra Néphalim, ad viam ma-ris trans Iordánum, Galiléa géntium, pópulus qui sedé-bat in ténebris lucem vidi magnam, et sedéntibus in régióne et umbra mortis lux orta est eis ».

Exínde coepit Iesus prædicáre et dícere: « Pænitén-tiam ágite: appropinquávit enim Regnum cælórum ».

Ambulans autem iuxta mare Galiléæ vidi duos fra-tres, Simónem qui vocátur Petrus et Andréam fratrem eius, mitténtes rete in mare; erant enim piscatóres. Et ait illis: « Veníte post me, et fáciám vos piscatóres hó-minum ». At illi contínuo, relíctis rétibus, secúti sunt eum.

Et procédens inde vidi álios duos fratres, Iacóbum Zebedéi et Ioánnem fratrem eius, in navi cum Zebe-déo patre eórum reficiéntes rétia sua: et vocávit eos. Illi autem statim, relícta navi et patre suo, secúti sunt eum.

Et circumíbat Iesus totam Galiléam, docens in syna-

gogis eorum et prædicens Evangélium Regni et sanans omnem languorem et omnem infirmitatem in populo.

Verbum Dómini.

vel brevior

**¶ Léctio sancti Evangélii secundum Mattháeum 4, 12-17**

Cum audisset Iesus quod Ioánnes tráditus esset, secéssit in Galiléam. Et relícta Názareth venit et habítavit in Caphárnaum maritimam in fínibus Zábulon et Néphalim: ut implerétur quod dictum est per Isaíam prophétam dicéntem:

« Terra Zábulon et terra Néphalim, ad viam maris, trans Iordánum, Galiléa géntium, póplus qui sedébat in ténebris lucem vidi magnam, et sedéntibus in régione et umbra mortis lux orta est eis ».

Exinde cœpit Iesus prædicare et dícere: « Pænitentiam agite: appropinquávit enim Regnum cælorum ».

Verbum Dómini.

**Anno B**

**Lectio prima**

*Conversi sunt Ninivitæ de via sua mala.*

**Léctio libri Ionæ prophétæ**

**3, 1-5. 10**

Factum est verbum Dómini ad Ionam, dicens: « Surge, et vade in Níniven civitatem magnam, et prædica in ea prædicacionem, quam ego loquor ad te ». Et surréxit Ionas, et ábiit in Níniven iuxta verbum Dómini.

Et Nínive erat cívitas magna itinere trium diérum. Et cœpit Ionas introire in civitatem itinere diéi unius, et clamávit et dixit: « Adhuc quadraginta dies, et Nínive subvertetur ».

Et credidérunt viri Nínivitæ in Deum, et prædicáverunt ieínum, et vestiti sunt saccis a maiore usque ad minórem.

Et vidit Deus ópera eorum, quia convérsi sunt de via sua mala; et misértus est Deus super malítiam, quam locútus fúerat ut fáceret eis, et non fecit.

Verbum Dómini.

**Psalmus responsorius**

**Ps 24, 4 bc-5 ab. 6-7 bc. 8-9 (R.: 4 b)**

R. Vias tuas, Dómine, demónstra mihi.

4 Vias tuas, Dómine, demónstra mihi,  
et sémitas tuas édoce me.

5 Dírige me in veritáte tua et doce me,  
quia tu es Deus salútis meæ. R.

6 Reminiscere miseratiónum tuárum, Dómine,  
et misericordiárum tuárum,  
quóniam a século sunt.

7 Secundum misericordiam tuam  
meménto mei tu,  
propter bonitátem tuam, Dómine. R.

8 Dulcis et rectus Dóminus,  
propter hoc peccatóres viam docébit;  
9 díriget mansuétos in iudicio,  
docébit mites vias suas. R.

**Lectio secunda**

*Præterit figura huius mundi.*

**Léctio Epístolæ primæ beati Pauli apóstoli  
ad Corínthios**

**7, 29-31**

Hoc dico, fratres, tempus breviátum est; réliquum est ut et qui habent uxóres tamquam non habéntes

sint, et qui flent tamquam non flentes, et qui gaudent tamquam non gaudentes, et qui emunt tamquam non possidentes, et qui utuntur hoc mundo, tamquam non abutentes; præterit enim figura huius mundi.

Verbum Dómini.

Alleluia

Mc 1, 15

R. Allelúia. **V.** Appropinquávit Regnum Dei;  
crédite Evangélio. R. Allelúia.

Evangelium

Pænitemini et credite Evangelio.

**†** Léctio sancti Evangélii secúndum Marcum 1, 14-20

Postquam tráditus est Ioánnes, venit Iesus in Galiléam prædicans Evangélium Dei et dicens: « Implétum est tempus et appropinquávit Regnum Dei: pænitémini et créde Evangélio ».

Et prætériens secus mare Galiléæ vidit Simónem et Andréam fratrem Simónis mitténtes in mare; erant enim piscatōres. Et dixit eis Iesus: « Veníte post me, et fáciám vos fíeri piscatōres hóminum ». Et prótinus relíctis rétibus secuti sunt eum.

Et progrēssus pusillum vidit Iacóbum Zebedéi et Ioánnem fratrem eius, et ipsos in navi, componéntes rétia, et statim vocávit illos. Et relícto patre suo Zebedéo in navi cum mercennariis abiérunt post eum.

Verbum Dómini.

## Anno C

### Lectio prima

Legerunt in libro Legis, et intellexerunt  
cum legeretur.

Léctio libri Nehemíæ

8, 2-4 a. 5-6. 8-10

In diébus illis:

Attulit Esdras sacerdos Legem coram multitúdine virorum et mulierum, cunctisque qui pótérant intelligere, in die prima mensis séptimi. Et legit in eo apérte in platéa, quae erat ante portam Aquárum, de mane usque ad médiam diem, in conspéctu virorum et mulierum et sapiéntium; et aures omnis populi erant erécta ad librum.

Stetit autem Esdras scriba super gradum línneum, quem fécerat ad loquendū. Et apéruit Esdras librum coram omni populo (super univérsū quippe populum eminébat), et cum aperuisset eum, stetit omnis populus. Et benedíxit Esdras Dómino Deo magno, et respóndit omnis populus: « Amen. Amen », elevans manus suas. Et incurvati sunt, et adoravérunt Deum proni in terram.

Et legérunt in libro Legis Dei distícte et apérte ad intellegéndum; et intellexérunt cum legeretur. Dixit autem Nehemías (ipse est Athérsatha) et Esdras, sacerdos et scriba, et levítæ interpretantes univérsō populo: « Dies sanctificátus est Dómino Deo nostro: nolite lugére et nolite flere ». Flebat enim omnis populus, cum audíret verba Legis. Et dixit eis: « Ite, comédite píngua, et bóbite mulsum, et míttite partes his qui non præparavérunt sibi; quia sanctus dies Dómini est. Et nolite contristári: gáudium étenim Dómini est fortitúdo nostra ».

Verbum Dómini.

## Psalmus responsorius

Ps 18, 8. 9. 10. 15 (R.: Io 6, 64 b)

R. Verba tua, Dómine, spíritus et vita sunt.

8 Lex Dómini immaculáta, refíciens ániam, testimónium Dómini fidéle, sapiéntiam præstans párvulis. R.

9 Iustítiae Dómini rectæ, lætificántes corda, præcéptum Dómini lúcidum, illúminans óculos. R.

10 Timor Dómini mundus, pémanens in sǽculum sǽculi, iudícia Dómini vera, iusta ómnia simul. R.

15 Sint, ut compláceant eloquía oris mei, et meditátio cordis mei in conspéctu tuo, Dómine, adiútor meus et redémptor meus. R.

## Lectio secunda\*

*Vos estis corpus Christi,  
et membra ex parte.*

Léctio Epístolæ primæ beáti Pauli apóstoli  
ad Corínthios

12, 12-30

Fratres:

Sicut corpus unum est et membra habet multa, ómnia autem membra cóporis cum sint multa unum corpus sunt, ita et Christus: étenim in uno Spíritu omnes nos in unum corpus baptizáti sumus, sive Iudéi sive Græci, sive servi sive líberi, et omnes unum Spíritum potáti sumus. Nam et corpus non est unum membrum sed multa. Si díixerit pes: « Non sum manus, non sum de córpore », non ídeo non est de córpore; et si díixerit auris: « Non sum óculus, non sum de córpore », non ídeo non est de córpore; si totum corpus óculus est, ubi auditus? Si totum auditus, ubi odorátus?

Nunc autem pósuit Deus membra, unumquódque eórum in córpore sicut vóluit. Quod si essent ómnia unum membrum, ubi corpus? Nunc autem multa quidem membra, unum autem corpus. Non potest dícere óculus mánui: « Non es mihi necessária! », aut íterum caput pédibus: « Non estis mihi necessárii! »; sed multo magis quæ vidéntur membra cóporis infirmióra esse, necessária sunt, et quæ putámus ignobiliora membra esse cóporis, his honórem abundantíorem circúmdamus, et quæ inhonestá sunt nostra abundantíorem honestátem habent, honesta autem nostra nullus egent. Sed Deus temperávit corpus, ei cui déerat abundantíorem tribuéndo honórem, ut non sit schisma in córpore, sed idípsum pro ínvicem sollicita sint membra. Et sive pátitur unum membrum, compatiúntur ómnia membra; sive glorificátur unum membrum, congáudent ómnia membra.

Vos autem estis corpus Christi et membra ex parte. Et quosdam quidem pósuit Deus in Ecclésia primum apóstolos, secúndo prophétas, tértio doctóres, deínde virtútes, exin donatiónes curatiónum, opitulatiónes, gubernatiónes, génera linguárum. Numquid omnes apóstoli? Numquid omnes prophétæ? Numquid omnes doctóres? Numquid omnes virtútes? Numquid omnes donatiónes habent curatiónum? Numquid omnes linguis loquántur? Numquid omnes interpretántur? — Verbum Dómini.

## vel brevior

Léctio Epístolæ primæ beáti Pauli apóstoli  
ad Corínthios

12, 12-14. 27

Fratres:

Sicut corpus unum est et membra habet multa, ómnia autem membra cóporis cum sint multa unum corpus sunt, ita et Christus: étenim in uno Spíritu omnes

nos in unum corpus baptizáti sumus, sive Iudéi sive Græci, sive servi sive liberi, et omnes unum Spíritum potáti sumus. Nam et corpus non est unum membrum sed multa.

Vos autem estis corpus Christi et membra ex parte.  
Verbum Dómini.

**Alleluia****Lc 4, 18-19**

**R.** Allelúia. **v.** Evangelizáre paupéribus misit me Dóminus,  
prædicáre captívis remissiónem. **R.** Allelúia.

**Evangelium***Hodie impleta est hæc Scriptura.*

**†** Léctio sancti Evangélii secúndum Lucam  
**1, 1-4; 4, 14-21**

Quóniam quidem multi conáti sunt ordináre narratióne quæ in nobis complétæ sunt rerum, sicut tradiérunt nobis qui ab initio ipsi vidérunt et minístri fuérunt verbi, visum est et mihi, adsecúto a princípio omnia, diligénter ex órdine tibi scribere, óptime Theóphile, ut cognóscas eórum verbórum de quibus eruditus es firmitátem.

In illo témpore:

Regréssus est Iesus in virtúte Spíritus in Galiláeum. Et fama éxiit per univérsam régiónem de illo. Et ipse docébat in synagógis eórum, et magnificabátur ab ómnibus.

Et venit Názareth, ubi erat nutritus, et intrávit secúndum consuetúdinem suam die sábbati in synagógam, et surréxit légere. Et tráditus est illi liber prophétæ Isaiae, et ut revólvit librum invénit locum ubi scriptum erat:

« Spíritus Dómini super me, propter quod unxit me evangelizáre paupéribus, misit me prædicáre captívis re-

missióne et cæcis visum, dimíttere confráctos in remissióne, prædicáre annum Dómini accéptum ».

Et cum plicuisset librum, réddidit minístro et sedit; et ómnium in synagóga óculi erant intendéntes in eum. Cœpit autem dícere ad illos: « Hódie impléta est hæc Scriptúra in áuribus vestris ». — Verbum Dómini.

**Dicitur Credo.****Super oblata**

Múnera nostra, Dómine, súscipe placátus,  
quæ sanctificándo nobis, quásimus,  
salutária fore concéde. Per Christum.

**Præfatio de dominicis « per annum », pp. 752-759.**

**Ant. ad communionem****Ps 33, 6**

Accédite ad Dóminum et illuminámini,  
et fácies vestræ non confundéntur.

**Vel:****Io 8, 12**

Ego sum lux mundi, dicit Dóminus;  
qui séquitur me, non ábulat in ténebris,  
sed habébit lumen vitæ.

**Post communionem**

Præsta nobis, quásimus, omnípotens Deus,  
ut, vivificationis tuæ grátiam consequéntes,  
in tuo semper múnere gloriémur. Per Christum.

**Feria secunda****Ant. ad introitum****Ps 95, 1. 6**

Cantáte Dómino cápticum novum,  
cantáte Dómino, omnis terra.  
Conféssio et pulchritúdo in conspéctu eius,  
sánctitas et magnificéntia in sanctificatióne eius.

**Collecta**

Omnípotens sempitérne Deus,  
dírige actus nostros in beneplácito tuo,  
ut in nómine dilécti Fílli tui  
mereámur bonis opéribus abundáre.  
Per Dóminum.

**Anno primo****Lectio prior**

*Semel oblatus ad auferenda peccata,  
secundo apparebit exspectantibus se.*

Léctio Epístolæ ad Hebráeos                    9, 15. 24-28

**Fratres:**

Christus Novi Testaménti Mediátor est, ut, morte intercedénte, in redemptióne eárum prævaricatónum, quæ erant sub prióre Testaménto, recompromissióne accípiant qui vocáti sunt ætérnæ hereditátis.

Non enim in manufácta Sancta Christus introívit, quæ sunt similitúdo verórum, sed in ipsum cælum, ut appáreat nunc vúltui Dei pro nobis; neque ut sëpe ófferat semetípsum, quemádmodum póntifex intrat in Sancta per síngulos annos in sanguine aliéno. Alióquin oportébat eum frequénter pati ab orígene mundi; nunc autem semel in consummatiōne sæculórum ad destitutiōnem peccáti per sacrificiū sui manifestátus est.

Et quemádmodum statútum est homínibus semel mori, post hoc autem iudiciū, sic et Christus semel oblátus ad multórum auferénda peccáta, secúndo sine peccáto apparébit exspectantibus se in salútem.

Verbum Dómini.

**Psalmus responsorius**

Ps 97, 1. 2-3 ab. 3 cd-4. 5-6 (R.: 1 a)

R. Cantáte Dómino cápticum novum,  
quia mirabília fecit.

1 Cantáte Dómino cápticum novum,  
quia mirabília fecit.  
Salvávit sibi déxtera eius,  
et bráccium sanctum eius. R.

2 Notum fecit Dóminus salutáre suum,  
in conspéctu géntium revelávit iustítiam suam.

3 Recordáitus est misericórdiae suæ  
et veritatis suæ dómui Israel. R.

Vidérunt omnes térmīni terræ  
salutáre Dei nostri.

4 Iubiláte Deo, omnis terra,  
erúmpite, exultáte et psálite. R.

5 Psálite Dómino in cíthara,  
in cíthara et voce psalmi;

6 in tubis ductílibus et voce tubæ córneæ,  
iubiláte in conspéctu regis Dómini. R.

**Anno secundo****Lectio prior**

*Tu pasces populum meum Israel.*

Léctio libri secúndi Samuélis

5, 1-7. 10

**In diébus illis:**

Venérunt univérsæ tribus Israel ad David in Hebron, dicéntes: « Ecce nos os tuum et caro tua sumus. Sed et heri et nudiustertius, cum esset Saul rex super nos, tu eras edúcens et redúcens Israel: dixit autem Dóminus

ad te: " Tu pasces pôpulum meum Israel et tu eris dux super Israel " ».

Venérunt quoque et seniores Israel ad regem in Hebron, et percussit cum eis rex David foedus in Hebron coram Dômino; unxeruntque David in regem super Israel. Filius triginta annorum erat David cum regnare coepisset et quadraginta annis regnavit. In Hebron regnavit super Iudam septem annis et sex mensibus; in Ierusalem autem regnavit triginta tribus annis super omnem Israel et Iudam.

Et abiit rex et omnes viri qui erant cum eo, in Ierusalem ad Iebusaeum habitatorem terrae, dictumque est David ab eis: « Non ingrediéris huc nisi abstuleris cœcos et claudos, dicentes: " Non ingrediétur David huc " ». Cepit autem David arcem Sion: haec est civitas David.

Et ingrediebatur proficiens atque succrescens, et Dominus Deus exercituum erat cum eo. — Verbum Domini.

### Psalmus responsorius

**Ps 88, 20. 21-22. 25-26 (R.: 25 a)**

- R. Véritas mea et misericordia mea cum ipso.
- 20 Tunc locutus es in visione sanctis tuis, et dixisti:  
« Pôsui adiutorium in potente,  
et exaltavi electum de plebe. R.
- 21 Invéni David servum meum;  
óleo sancto meo unxi eum.
- 22 Manus enim mea firma erit cum eo,  
et bracchium meum confortabit eum. R.
- 25 Et véritas mea et misericordia mea cum ipso  
et in nomine meo exaltabitur cornu eius.
- 26 Et ponam super mare manum eius,  
et super flumina déxteram eius ». R.

### Alleluia

**2 Tim 1, 10 b**

R. Alleluia. **y.** Salvator noster Jesus Christus destruxit mortem,  
et illuminavit vitam per Evangelium.  
R. Alleluia.

### Evangelium

*Satanas finem habet.*

**✚ Léctio sancti Evangelii secundum Marcum 3, 22-30**  
In illo tempore:

Scribæ qui ab Hierosolymis descendére dicébant:  
« Beélzebul habet » et: « In principe dæmonum éicit dæmónia ».

Et convocatis eis in parabolis dicébat illis: « Quómodo potest Sátanas Sátanam éiceré? Et si regnum in se dividátur, non potest stare regnum illud; et si domus in semetípsam dispertiátur, non póterit domus illa stare. Et si Sátanas consurréxit in semetípsum et dispertitus est, non potest stare sed finem habet. Nemo autem potest in domum fortis ingrüssus vasa eius dirípere, nisi prius fortem alliget, et tunc domum eius dirípiet.

Amen dico vobis: Omnia dimitténtur filii hominum, peccata et blasphemiae quibus blasphemaverint; qui autem blasphemaverit in Spíritum Sanctum non habet remissionem in æternum, sed reus est æterni delicti ». Quóniam dicébant: « Spíritum immundum habet ».

Verbum Domini.

### Super oblata

Múnera nostra, Domine, suscipe placatus,  
quæ sanctificando nobis, quæsumus,  
salutaria fore concéde.  
Per Christum.

**Ant. ad communionem**

Accédite ad Dóminum et illuminámini,  
et fácies vestræ non confundéntur.

**Vel:**

Ego sum lux mundi, dicit Dóminus;  
qui séquitur me, non ábulat in ténebris,  
sed habébit lumen vitæ.

**Post communionem**

Præsta nobis, quæsumus,  
omnípotens Deus,  
ut, vivificationis tuæ grátiam consequéntes,  
in tuo semper múnere gloriémur.  
Per Christum.

**Feria tertia****Ant. ad introitum**

Cantáte Dómino cáanticum novum,  
cantáte Dómino, omnis terra.  
Conféssio et pulchritúdo in conspéctu eius,  
sánctitas et magnificéntia  
in sanctificatióne eius.

**Collecta**

Omnípotens sempitérne Deus,  
dírige actus nostros in beneplácito tuo,  
ut in nómine dilécti Fílli tui  
mereámur bonis opéribus abundáre.  
Per Dóminum.

**Ps 33, 6****Io 8, 12****Anno primo****Lectio prior**

*Ecce venio ut faciam, Deus, voluntatem tuam.*

**Léctio Epístolæ ad Hebráeos****10, 1-10****Fratres:**

Umbram habens Lex bonórum futurórum, non ipsam imáginem rerum, per síngulos annos iísdem ipsis hóstiis quas ófferunt indesinénter, numquam potest accédentes perféctos fáceré; alióquin nonne cessássent offérrri, ídeo quod nullam habérent ultra consciéntiam peccatórum cultóres semel mundáti? Sed in ipsis commemoratió pecatórum per síngulos annos fit, impossíbile enim est sánquinem taurórum et hircórum auférre peccáta.

Ideo ingrédien mundum dicit: « Hóstiam et oblationem noluísti, corpus autem aptásti mihi: holocaustómatá et sacrificia pro peccáto non tibi placuérunt. Tunc dixi: Ecce vénio: in capitulo libri scriptum est de me, ut fáciam, Deus, voluntátem tuam ».

Supérius dicens: « Hóstias et oblatiōnes et holocaustómatá et sacrificia pro peccáto noluísti nec placuérunt tibi » quæ secúndum Legem offerúntur, tunc dixit: « Ecce vénio ut fáciam voluntátem tuam ». Aufert pri-mum ut secúndum státuat; in qua voluntáte sanctificáti sumus per oblationem corporis Christi Iesu in semel.

Verbum Dómini.

**Psalmus responsorius**

**Ps 39, 2 et 4 ab. 7-8 a. 10. 11 (¶: 8 a et 9 a)**

**¶.** Ecce vénio, Dómine, ut fáciam voluntátem tuam.

**2** Exspéctans exspectávi Dóminum,  
et inténdit mihi.

**4** Et immísit in os meum cáanticum novum,  
carmen Deo nostro. **¶.**

- <sup>7</sup> Sacrificium et oblationem noluisti,  
aures autem fodisti mihi.  
Holocustum et pro peccato non postulasti,  
tunc dixi: « Ecce venio ». R.
- <sup>10</sup> Annuntiavi iustitiam tuam in ecclesia magna;  
ecce labia mea non prohibeo, Domine, tu scisti. R.
- <sup>11</sup> Iustitiam tuam non abscondi in corde meo,  
veritatem tuam et salutare tuum dixi.  
Non abscondi misericordiam tuam  
et veritatem tuam ab ecclesia magna. R.

## Anno secundo

## Lectio prior

*David et omnis Israel ducebant arcam  
testamenti Domini in iubilo.*

## Lectio libri secundi Samuélis

6, 12 b-15. 17-19

In diebus illis:

Abiit David et adduxit arcam Dei de domo Obédom in civitatem David cum gáudio. Et erant cum David septem chori et víctima vítuli. Cumque transcendísent qui portabant arcam Domini sex passus, immolabat bovem et arítem. Et David saltabat totis víribus ante Dóminum; porro David erat accinctus ephod líneo. Et David et omnis domus Israel ducebant arcam testaménti Domini in iúbilo et in clangore búcinæ.

Et introduxérunt arcam Domini, et imposuérunt eam in loco suo in médio tabernáculi, quod teténderat ei David; et óbtulit David holocústa et pacífica coram Dómino. Cumque complésset ófferens holocústa et pacífica, benedíxit pópulo in nómíne Domini exercítuum. Et partitus est univérsae multitúdini Israel, tam viro quam muléri, singulis collýridam panis unam, et assa-

túram búbulæ carnis unam, et símilam fríxam óleo. Et ábiit omnis pópulus unusquisque in domum suam.

Verbum Domini.

## Psalmus responsorius Ps 23, 7. 8. 9. 10 (p.: cf. 8 a)

R. Quis est iste rex gloriæ?  
Dominus ipse est.

<sup>7</sup> Attollite, portæ, capita vestra,  
et elevámini, portæ æternáles,  
et introbit rex gloriæ. R.

<sup>8</sup> Quis est iste rex gloriæ?  
Dominus fortis et potens,  
Dominus potens in prælio. R.

<sup>9</sup> Attollite, portæ, capita vestra,  
et elevámini, portæ æternáles,  
et introbit rex gloriæ. R.

<sup>10</sup> Quis est iste rex gloriæ?  
Dominus virtutum ipse est rex gloriæ. R.

## Alleluia

Cf. Mt 11, 25

R. Alleluia. R. Benedíctus es, Pater, Domine cæli et terræ,  
quia mystéria Regni párvulis revelásti.

R. Alleluia.

## Evangelium

*Qui fecerit voluntatem Dei, hic frater meus  
et soror mea et mater est.*

## † Léctio sancti Evangélii secundum Marcum 3, 31-35

In illo tempore:

Venit Mater Iesu et fratres eius et foris stantes mi-  
serunt ad eum vocantes eum. Et sedebat circa eum turba,

et dicunt ei: « Ecce Mater tua et fratres tui et sorores tuæ foris quærunt te ».

Et respóndens eis ait: « Quæ est mater mea et fratres mei? » Et circumspíciens eos qui in circúitu eius sedébant, ait: « Ecce mater mea et fratres mei. Qui enim fécerit voluntátem Dei, hic frater meus et soror mea et mater est ». — Verbum Dómini.

### Super oblata

Múnera nostra, Dómine, súscipe placátus,  
quæ sanctificándo nobis, quæsumus,  
salutária fore concéde.

Per Christum.

### Ant. ad communionem

Accédite ad Dóminum et illuminámini,  
et fácies vestræ non confundéntur.

### Vel:

Ego sum lux mundi, dicit Dóminus;  
qui séquitur me, non ábulat in ténebris,  
sed habébit lumen vitæ.

### Post communionem

Præsta nobis, quæsumus, omnípotens Deus,  
ut, vivificationis tuæ grátiā consequéntes,  
in tuo semper múnere gloriémur.  
Per Christum.

Ps 33, 6

Io 8, 12

### Feria quarta

### Ant. ad introitum

Cantáte Dómino cáanticum novum,  
cantáte Dómino, omnis terra.  
Confessio et pulchritúdo in conspéctu eius,  
sánctitas et magnificéntia in sanctificatione eius.

Ps 95, 1. 6

### Collecta

Omnípotens sempítérne Deus,  
dírige actus nostros in beneplácito tuo,  
ut in nómine dilécti Fílli tui  
mereámur bonis opéribus abundáre. Per Dóminum.

### Anno primo

#### Lectio prior

*Consummavit in sempiternum eos qui sanctificantur.*

### Léctio Epístolæ ad Hebráeos

10, 11-18

Omnis quidem sacérdos stat cotídie ministrans et eásdem sæpe ófferens hóstias, quæ numquam possunt auférre peccáta. Hic autem, una pro peccátis oblátâ hóstia, in sempiternum consédit in déxtera Dei, de cétero exspéctans « donec ponántur inimíci eius scabéllum pedum eius »; una enim oblatiōne consummávit in sempiternum eos qui sanctificantur.

Testificátur autem nobis et Spíritus Sanctus; postquam enim dixit: « Hoc est Testaméntum quod testábor ad illos post dies illos, dicit Dóminus, dando leges meas in córdibus eórum, et in mente eórum superscríbam eas, et peccatórum eórum et iniquitátum eórum iam non recordábor amplius ».

Ubi autem horum remissio, iam non oblátio pro peccáto. — Verbum Dómini.

### Psalmus responsorius

Ps 109, 1. 2. 3. 4 (R.: 4 bc)

R. Tu es sacérdos in ætérnum  
secúndum órdinem Melchísedech.

Dixit Dóminus Dómino meo: « Sede a dextris meis,  
donec ponam inimícos tuos  
scabéllum pedum tuórum ». R.

- <sup>2</sup> Virgam poténtiæ tuæ emittet Dóminus ex Sion:  
dominare in medio inimicorum tuorum. R.
- <sup>3</sup> Tecum principátus in die virtutis tuæ,  
in splendóribus sanctis,  
ex útero matutini velut rorem géni te. R.
- <sup>4</sup> Iurávit Dóminus et non pænitébit eum:  
« Tu es sacérdos in ætérnum  
secundum órdinem Melchisedech ». R.

## Anno secundo

## Lectio prior

*Suscitabo semen tuum post te  
et firmabo regnum eius.*

Léctio libri secundi Samuélis

7, 4-17

In diébus illis:

Ecce sermo Dómini ad Nathan dicens: « Vade et lóquere ad servum meum David: Hæc dicit Dóminus: " Numquid tu ædificábis mihi domum ad habitandum? Neque enim habitávi in domo, ex die illa qua edúxi filios Israel de terra Ægypti usque in diem hanc; sed ambulábam in tabernáculo et in tentório. Per cuncta loca, quæ transívi cum ómnibus fíliis Israel, numquid loquens locútus sum ad unam de tríbus Israel, cui præcépi ut páscret pópulum meum Israel, dicens: Quare non ædificástis mihi domum cédrinam? »

Et nunc hæc dices servo meo David: Hæc dicit Dóminus exercítuum: « Ego tuli te de páscuis sequéntem greges, ut esses dux super pópulum meum Israel. Et fui tecum in ómnibus ubiqúmque ambulásti, et interfeci uni-versos inimicos tuos a fácie tua, fecique tibi nomen grande iuxta nomen magnórum qui sunt in terra. Et ponam locum pópulo meo Israel, et plantábo eum, et ha-

bitábit sub eo, et non turbábitur ámplius; nec addent fílii iniquitatis ut afflígant eum sicut prius, ex die qua constitui iúdices super pópulum meum Israel.

Et réquiem dabo tibi ab ómnibus inimicis tuis, prædicítque tibi Dóminus quod domum fáciat tibi Dóminus. Cumque compléti fúerint dies tui, et dormieris cum pátribus tuis, suscitábo semen tuum post te, quod egredié-tur de útero tuo, et firmábo regnum eius.

Ipse ædificábit domum nómini meo, et stabílam thronum regni eius usque in sempitérnum. Ego ero ei in patrem, et ipse erit mihi in fílium. Qui si iníque áliquid gésserit, árguam eum in virga virórum et in plagis filiòrum hóminum. Misericórdiam autem meam non áuferam ab eo, sicut abstuli a Saul, quem amóvi a fácie mea. Et fidélis erit domus tua et regnum tuum usque in ætérnum ante fáciem tuam, et thronus tuus erit firmus iúgiter ».

Secundum ómnia verba hæc et iuxta univérsam vi-siónem istam sic locútus est Nathan ad David.

Verbum Dómini.

## Psalmus responsorius

Ps 88, 4-5. 27-28. 29-30 (R.: 29 a)

R. In ætérnum servábo illi misericórdiam meam.

<sup>4</sup> « Dispósui testaméntum électo meo,  
iurávi David servo meo:

<sup>5</sup> Usque in ætérnum confirmábo semen tuum,  
et ædificábo in génératiónen  
et génératiónen sedem tuam ». R.

<sup>27</sup> « Ipse invocábit me: Pater meus es tu,  
Deus meus et refúgium salútis meæ.

<sup>28</sup> Et ego primogénitum ponam illum,  
excélsum præ régibus terræ. R.

<sup>29</sup> In ætérnum servábo illi misericórdiam meam,  
et testaméntum meum fidéle ipsi.

<sup>30</sup> Et ponam in sǽculum sǽculi semen eius,  
et thronum eius sicut dies cæli ». R.

**Alleluia**

R. Alleluia. V. Semen est verbum Dei, sator autem Christus;  
omnis qui invenit eum, manébit in ætérnum.  
R. Alleluia.

**Evangelium**

*Exiit seminans ad seminandum.*

† Léctio sancti Evangélii secúndum Marcum 4, 1-20

In illo tempore:

Iterum cepit Iesus docére ad mare. Et congregátur ad eum turba plúrima, ita ut in navem ascéndens sedéret in mari, et omnis turba circa mare super terram erant. Et docébat eos in parábolis multa, et dicébat illis in doctrína sua:

« Audíte: Ecce éxiit séminans ad seminandum. Et factum est, dum séminat, áliud cécidit circa viam, et venérunt vólucres et comedérunt illud. Aliud cécidit super petrósā, ubi non habébat terram multam, et statim exórtum est, quóniam non habébat altitúdinem terræ; et quando exórtus est sol, exæstuávit, et eo quod non habéret radícem, exáruit; et áliud cécidit in spinas, et ascendérunt spinae et suffocavérunt illud, et fructum non dedit. Et ália cecidérunt in terram bonam et dabant fructum: ascendébant et crescébant et afferébant unum triginta et unum sexaginta et unum centum ». Et dicébat: « Qui habet aures audiéndi, audiat ».

Et cum esset singuláris, interrogavérunt eum hi qui circa eum erant cum Duódecim parábolas. Et dicébat eis: « Vobis datum est mystérium Regni Dei: illis autem

qui foris sunt, in parábolis ómnia flunt, ut “ vidéntes vídeant et non vídeant, et audiéntes áudiant et non intélegant, ne quando convertántur et dimittátur eis ” ».

Et ait illis: « Nescítis parábolas hanc, et quómodo omnes parábolas cognoscéti?

Qui séminat, verbum séminat. Hi autem sunt qui circa viam ubi seminátur verbum, et cum audíerint, conféstim venit Sátanas et aufert verbum quod seminátum est in eos. Et hi sunt qui super petrósā seminántur: qui cum audíerint verbum statim cum gáudio accípiunt illud, et non habent radícem in se sed temporáles sunt; deínde orta tribulatióne vel persecutióne propter verbum, conféstim scandalizántur. Et álii sunt qui in spinis seminántur: hi sunt qui verbum audiérunt, et ærúmnæ sǽculi et decéptio divitiárum et circa réliqua concipi scéntiæ introeúntes suffócant verbum, et sine fructu effícitur. Et hi sunt qui super terram bonam semináti sunt, qui áudiunt verbum et suscípiunt et fructificant unum triginta et unum sexaginta et unum centum ».

Verbum Dómini.

**Super oblata**

Múnera nostra, Dómine, súscipe placátus,  
quæ sanctificándo nobis, quésumus,  
salutária fore concéde. Per Christum.

**Ant. ad communionem**

Ps 33, 6

Accédite ad Dóminum et illuminámini,  
et fácies vestræ non confundéntur.

**Vel:**

Io 8, 12

Ego sum lux mundi, dicit Dóminus;  
qui séquitur me, non ábulat in ténebris,  
sed habébit lumen vitæ.

**Post communionem**

Præsta nobis, quæsumus, omnípotens Deus,  
ut, vivificatiónis tuæ grátiam consequéntes,  
in tuo semper múnere gloriémur. Per Christum.

**Feria quinta****Ant. ad introitum**

Ps 95, 1. 6

Cantáte Dómino cáanticum novum,  
cantáte Dómino, omnis terra.  
Conféssio et pulchritúdo in conspéctu eius,  
sánctitas et magnificéntia in sanctificatióne eius.

**Collecta**

Omnípotens sempítérne Deus,  
dírige actus nostros in beneplácito tuo,  
ut in nómine dilécti Fílli tui  
mereámur bonis opéribus abundáre.  
Per Dóminum.

**Anno primo****Lectio prior**

*In plenitudine fidei teneamus spei confessionem  
et consideremus invicem in provocacionem caritatis.*

**Léctio Epístolæ ad Hebráeos**

10, 19-25

Habéntes, fratres, fidúciam in intróitum Sanctórum  
in sanguine Iesu, quam initiávit nobis viam novam et  
vivéntem per Velámen, id est carnem suam, et Sacer-  
dótium Magnum super Domum Dei, accedámus cum vero  
corde in plenitúdo fídei, aspérsi corda a consciéntia  
mala et ablúti corpus aqua munda; teneámus spei con-  
fessiónen indeclinábilem, fidélis enim est qui repromí-  
sit; et considerémus invicem in provocacióne caritátis

et bonórum óperum, non deseréntes congregatióne no-  
stram, sicut est consuetúdinis quibúsdam, sed exhortán-  
tes et tanto magis quanto vidétis appropinquántem  
diem. — Verbum Dómini.

**Psalmus responsorius Ps 23, 1-2. 3-4 ab. 5-6 (R.: cf. 6)**

R. Hæc est generátió quæréntium fáciem tuam, Dómine.  
Dómini est terra et plenitúdo eius,  
orbis terrárum et qui hábitant in eo.  
2 Quia ipse super mária fundávit eum,  
et super flúmina firmávit eum. R.  
3 Quis ascéndet in montem Dómini,  
aut quis stabit in loco sancto eius?  
4 Innocens máníbus et mundo corde,  
qui non accépit in vanum nomen eius. R.  
5 Hic accípiet benedictiónem a Dómino,  
et iustificatióne a Deo salutári suo.  
6 Hæc est generátió quæréntium eum,  
quæréntium fáciem Dei Iacob. R.

**Anno secundo****Lectio prior**

*Quis ego sum, Domine Deus,  
et quæ domus mea?*

**Léctio libri secúndi Samuélis**

7, 18-19. 24-29

Postquam locútus est Nathan ad David, ingréssus  
est rex et sedit coram Dómino, et dixit: « Quis ego  
sum, Dómine Deus, et quæ domus mea, quia adduxísti  
me huc usque? Sed et hoc parum visum est in conspéctu  
tuo, Dómine Deus, nisi loqueréris étiam de domo servi  
tui in longínquum (ista est enim lex Adam), Dómine  
Deus.

Firmásti enim tibi pópulum tuum Israel in pópulum sempitérnum; et tu, Dómine Deus, factus es eis in Deum. Nunc ergo, Dómine Deus, verbum, quod locútus es super servum tuum et super domum eius, súscita in sempitérnum, et fac sicut locútus es; ut magnificéetur nomen tuum usque in sempitérnum, atque dicátur: "Dóminus exercítuum Deus super Israel". Et domus servi tui David erit stabilitá coram Dómino.

Quia tu, Dómine exercítuum, Deus Israel, revelásti aurem servi tui dicens: "Domum ædificábo tibi"; propterea invénit servus tuus cor suum ut oráret te oratióne hac. Nunc ergo, Dómine Deus, tu es Deus, et verba tua erunt vera; locútus es enim ad servum tuum bona hæc.

Incipe ergo et bénedic dómui servi tui, ut sit in sempitérnum coram te, quia tu, Dómine Deus, locútus es, et benedictiōne tua benedicéetur domus servi tui in sempitérnum ». — Verbum Dómini.

### Psalmus responsorius

Ps 131, 1-2. 3-5. 11. 12. 13-14 (R.: Le 1, 32 a)

R. Dabit illi Dóminus Deus sedem David patris eius.

<sup>1</sup> Meménto, Dómine, David  
et omnis mansuetúinis eius.

<sup>2</sup> Quia iurávit Dómino,  
votum vovit Poténti Iacob: R.

<sup>3</sup> « Non introíbo in tabernáculum domus meæ,  
non ascéndam in lectum strati mei;

<sup>4</sup> non dabo somnum óculis meis  
et pálpbris meis dormitatióne;

<sup>5</sup> donec invéniam locum Dómino,  
tabernáculum Poténti Iacob ». R.

<sup>11</sup> Iurávit Dóminus David,  
véritas est, et non recédet ab ea:  
« De fructu ventris tui  
ponam super sedem tuam. R.

<sup>12</sup> Si custodíerint filii tui testaméntum meum,  
et testimónia mea quæ docébo eos,  
filii eórum usque in sǽculum  
sedébunt super sedem tuam ». R.

<sup>13</sup> Quóniam elégit Dóminus Sion,  
desiderávit eam in habitatióne sibi:

<sup>14</sup> « Hæc réquies mea in sǽculum sǽculi;  
hic habitábo, quóniam desiderávi eam ». R.

Alleluia

Ps 118, 105

R. Allelúia. **R.** Lucérna pédibus meis verbum tuum,  
et lumen sémitis meis. **R.** Allelúia.

### Evangelium

*Lucerna venit ut super candelabrum ponatur.  
In qua mensura mensi fueritis, remetietur vobis.*

† Léctio sancti Evangélii secúndum Marcum 4, 21-25

In illo témpore: Dicébat Iesus turbæ:

« Numquid venit lucérna ut sub módio ponátur aut sub lecto? Nonne ut super candelábrum ponátur? Non enim est áliquid absconditum nisi ut manifestétur, nec factum est occútum nisi ut in palam véniat. Si quis habet aures audiéndi, áudiat ».

Et dicébat illis: « Vidéte quid audiátis. In qua mensura mensi fuéritis, remetietur vobis et adiciétur vobis. Qui enim habet, dábitur illi; et qui non habet, étiam quod habet auferéatur ab illo ». — Verbum Dómini.

**Super oblata**

Múnera nostra, Dómine, súscipe placátus,  
quæ sanctificándo nobis, quásimus,  
salutária fore concéde.  
Per Christum.

**Ant. ad communionem**

Accédite ad Dóminum et illuminámini,  
et fácies vestræ non confundéntur.

**Vel:**

Ego sum lux mundi, dicit Dóminus;  
qui séquitur me, non ámbulat in ténebris,  
sed habébit lumen vitæ.

**Post communionem**

Præsta nobis, quásimus, omnípotens Deus,  
ut, vivificationis tuæ grátiam consequéntes,  
in tuo semper múnere gloriémur.  
Per Christum.

**Feria sexta****Ant. ad introitum**

Cantáte Dómino cáanticum novum,  
cantáte Dómino, omnis terra.  
Conféssio et pulchritúdo in conspéctu eius,  
sánctitas et magnificéntia in sanctificatióne eius.

**Collecta**

Omnípotens sempítérne Deus,  
dírige actus nostros in beneplácito tuo,  
ut in nómine dilécti Fílli tui  
mereámur bonis opéribus abundáre.  
Per Dóminum.

**Ps 33, 6****Io 8, 12****Ps 95, 1. 6****Anno primo****Lectio prior**

*Magnum certamen sustinuistis.  
Nolite itaque abicere confidentiam.*

**Léctio Epístolæ ad Hebráeos****10, 32-39****Fratres:**

Rememorámini prístinos dies, in quibus illumináti magnum certámen sustinuistis passiónum, in áltero qui-dem oppróbiis et tribulatióibus spectáculum facti, in áltero autem sócií táliter conversántium effécti; nam et vinctis compássi estis, et rapínam bonórum vestrórum cum gáudio suscepistis, cognoscéntes vos habére meliorem substántiam et manéntem.

Nolíte itaque abícere confidentiam vestram, quæ magna habet remuneratióne, patiéntia enim vobis neces-sária est ut voluntátem Dei faciéntes reportétis promis-siónem. Adhuc enim módicum quántulum, qui ventúrus est véniet et non tardábit: iustus autem meus ex fide vi-vet, quod si subtráixerit se, non sibi cómplacet in eo ánima mea.

Nos autem non sumus subtractiōnis in perditióne, sed fídei in acquisitióne ánime.

**Verbum Dómini.****Psalmus responsorius****Ps 36, 3-4. 5-6. 23-24. 39-40 (R.: 39 a)****R. Salus iustórum a Dómino.**

<sup>3</sup> Spera in Dómino et fac bonitátem,  
et inhabitábis terram et pascéris in fide.

<sup>4</sup> Delectáre in Dómino,  
et dabit tibi petitíones cordis tui. **R.**

- <sup>5</sup> Commítte Dómino viam tuam et spera in eo,  
et ipse fáciet;  
<sup>6</sup> et edúcet quasi lumen iustítiam tuam,  
et iudícium tuum tamquam merídiem. R.  
<sup>23</sup> A Dómino gressus hóminis confirmántur,  
et viam eius volet.  
<sup>24</sup> Cum cecíderit non collidétur,  
quia Dóminus susténtat manum eius. R.  
<sup>39</sup> Salus autem iustórum a Dómino,  
et protéctor in témpore tribulatiónis.  
<sup>40</sup> Et adiuvábit eos Dóminus et liberábit eos,  
et éruet eos a peccatóribus et salvábit eos,  
quia speráverunt in eo. R.

## Anno secundo

## Lectio prior

*Despexisti me et tulisti uxorem Uriæ  
ut esset uxor tua.*

Léctio libri secúndi Samuélis      11, 1-4 a. 5-10 a. 13-17

Factum est, verténte anno, eo témpore quo solent reges ad bella procédere, misit David Ioab et servos suos cum eo et univérsum Israel; et vastavérunt filios Ammon, et obsedérunt Rabba. David autem remánsit in Ierúsalem.

Dum hæc ageréntur, áccidit ut súrgeret David de strato suo post meridiem, et deambuláret in solário domus régiæ; vidítque mulierem se lavántem ex advérso super solárium suum; erat autem muller pulchra valde. Misit ergo rex et requisivívit quæ esset muller; nuntiatúmque est ei quod ipsa esset Bethsabée, fília Eliam, uxor Uriæ Hethæi. Missis itaque David núnctiis, tulit eam; et

revérsa est in domum suam, concépto fetu, mitténsque nuntiávit David, et ait: « Concépi ». Misit autem David ad Ioab, dicens: « Mitte ad me Uríam Hethéum ». Misítque Ioab Uríam ad David. Et venit Urías ad David. Quæsivítque David quam recte ágeret Ioab et pópulus, et quómodo administraréatur bellum. Et dixit David ad Uríam: « Vade in domum tuam, et lava pedes tuos ». Et egréssus est Urías de domo regis, secutúsque est eum cibus régius. Dormívit autem Urías ante portam domus régiæ cum áliis servis domini sui, et non descéndit ad domum suam. Nuntiatúmque est David a dicéntibus: « Non ivit Urías in domum suam ». Et vocávit eum David ut coméderet coram se et biberet, et inebríávit eum. Qui egréssus vespere dormívit in strato suo cum servis domini sui; et in domum suam non descéndit.

Factum est ergo mane, et scripsit David epístolam ad Ioab misítque per manum Uriæ, scribens in epístola: « Pónite Uríam ex advérso belli, ubi fortíssimum est prélíum, et derelínquite eum ut percússus intéreat ».

Igitur cum Ioab obsidéret urbem, pósuit Uriám in loco ubi sciébat viros esse fortíssimos. Egressique viri de civitáte bellábant advérsum Ioab; et cecidérunt de pópulo servórum David, et mórtuus est étiam Urías Hethæus. — Verbum Dómini.

## Psalmus responsorius

Ps 50, 3-4. 5-6 a. 6 bc-7. 10-11 (R.: cf. 3 a)

R. Miserére, Dómine, quia peccávimus.

<sup>3</sup> Miserére mei, Deus, secúndum misericórdiam tuam; et secúndum multitúdinem miseratiónum tuárum dele iniquitaté meam.

<sup>4</sup> Amplius lava me ab iniquitaté mea,  
et a peccáto meo munda me. R.

- 5 Quóniam iniquitátem meam ego cognósco,  
et peccátum meum contra me est semper.
- 6 Tibi, tibi soli peccávi, et malum coram te feci. R.  
Ut iustus inveniáris in senténtia tua  
et æquus in iudício tuo.
- 7 Ecce enim in iniquitáte generátus sum,  
et in peccáto concépit me mater mea. R.
- 10 Audíre me fácies gáudium et lætitiam,  
et exsultábunt ossa quæ humiliásti.
- 11 Avérte fáciem tuam a peccátis meis,  
et omnes iniquitátes meas dele. R.

Alleluia

Cf. Mt 11, 25

R. Allelúia. ¶ Benedíctus es, Pater, Dómine cæli et  
terræ,  
quia mystéria Regni párvulis revelásti.

R. Allelúia.

Evangelium

Iacit semen et dormit, et semen increscit,  
dum nescit ille.

† Léctio sancti Evangélii secúndum Marcum 4, 26-34

In illo témpore: Dicébat Iesus turbis:

« Sic est Regnum Dei, quemádmodum si homo iáciat seméntem in terram et dórmiat et exsúrgat nocte ac die, et semen gérminet et incréscat dum nescit ille. Ultro terra fructificat, primum herbam, deínde spicam, deínde plenum frumentum in spica. Et cum se prodúixerit fructus, statim mittit falcem quóniam adest messis ».

Et dicébat: « Quómodo assimilábimus Regnum Dei, aut in qua parábola ponémus illud? Sicut granum sinápis, quod cum seminátum fúerit in terra, minus est ómnibus semínibus quæ sunt in terra, et cum seminátum fúerit,

ascéndit et fit maius ómnibus holéribus et facit ramos magnos, ita ut possint sub umbra eius aves cæli habítare ».

Et tálibus multis parábolis loquebátur eis verbum, prout pótent audíre; sine parábola autem non loquebátur eis, seórsum autem discípulis suis disserébat ómnia. — Verbum Dómini.

## Super oblata

Múnera nostra, Dómine, súscipe placátus,  
quia sanctificándo nobis, quésumus,  
salutária fore concéde.

Per Christum.

## Ant. ad communionem

Ps 33, 6

Accédite ad Dóminum et illuminámini,  
et fácies vestræ non confundéntur.

## Vel:

Io 8, 12

Ego sum lux mundi, dicit Dóminus;  
qui séquitur me, non ábulat in ténebris,  
sed habébit lumen vitæ.

## Post communionem

Præsta nobis, quésumus, omnípotens Deus,  
ut, vivificationis tuæ grátiā consequéntes,  
in tuo semper múnere gloriémur.

Per Christum.

## Sabbato

## Ant. ad introitum

Ps 95, 1. 6

Cantáte Dómino cápticum novum,  
cantáte Dómino, omnis terra.  
Conféssio et pulchritúdo in conspéctu eius,  
sánctitas et magnificéntia in sanctificatióne eius.

## Collecta

Omnípotens sempítérne Deus,  
dírige actus nostros in beneplácito tuo,  
ut in nómíne dilécti Filii tui  
mereámur bonis opéribus abundáre.  
Per Dóminum.

## Anno primo

## Lectio prior

*Exspectabat civitatem, cuius artifex  
et conditor Deus.*

Léctio Epístolæ ad Hebréos

11, 1-2. 8-19

Est fides sperandórum substántia, rerum argumén-tum non appárentium. In hac enim testimónium conse-cúti sunt seniores.

Fide vocátus Abraham obcedívit in locum exíre quem acceptúrus erat in hereditátem, et exívit nésciens quo iret. Fide peregrinátus est in terra promissiónis tamquam in aliena, in cásulis habitándo cum Isaac et Iacob, coherédibus promissiónis eiúsdem; exspectábat enim fundaménta habéntem civitátem, cuius ártifex et cónditor Deus.

Fide — et ipsa Sarra stérilis — virtútem in concep-tiónem séminis accépit étiam præter tempus ætátis, quóniam fidélem crédidit esse eum qui promíserat; propter quod et ab uno orti sunt, et hoc emórtuo, tamquam sídera cæli in multitúdine et sicut haréna quæ est ad oram maris innumerábilis.

Iuxta fidem defúncti sunt omnes isti, non accéptis promissióibus, sed a longe eas aspiciéntes et salutántes, et confiténtes quia peregríni et hóspites sunt super ter-

ram; qui enim hæc dicunt, signícant se pátriam inquirere. Et si quidem illíus meminíssent de qua exíerant, habébant útique tempus reverténdi; nunc autem meliórem áppetunt, id est cælestem. Ideo non confúnditur Deus vocári Deus eórum, parávit enim illis Civitátem.

Fide óbtulit Abraham Isaac cum tentaréatur, et uni-génitum offerébat ille qui suscéperat promissiónes, ad quem dictum erat: « In Isaac vocábitur tibi semen », arbitrátus quia et a mórtuis suscitáre potens est Deus; unde eum et in parábola reportávit.

Verbum Dómini.

**Psalmus responsorius Lc 1, 69-70. 71-72. 73-75 (¶.: 68)**

¶. Benedíctus Dóminus Deus Israel,  
quia visitávit plebem suam.

¶. Et eréxit cornu salútis nobis  
in domo David púeri sui:  
¶. sicut locútus est per os sanctórum,  
qui a sáculo sunt, prophetárum eius. ¶.

¶. Salútem ex inimícis nostris,  
et de manu ómnium qui odérunt nos:  
¶. ad faciéndam misericórdiam cum pátribus nostris,  
et memorári testaménti sui sancti. ¶.

¶. Iusiurándum, quod iurávit ad Abraham  
patrem nostrum,  
datúrum se nobis;  
ut sine timóre,  
de manu inimicórum nostrorum liberáti,  
serviámus illi  
in sanctítate et iustítia coram ipso  
ómnibus diébus nostris. ¶.

## Anno secundo

Lectio prior

Peccavi Domino.

Léctio libri secundi Samuélis

12, 1-7 a. 10-17

In diébus illis:

Misit Dóminus Nathan ad David. Qui cum venisset ad eum, dixit ei: « Duo viri erant in civitáte una, unus dives et alter pauper. Dives habébat oves et boves plúrimos valde; pauper autem nihil habébat omnínō præter ovem unam párvulam, quam émerat et nutríerat, et quæ créverat apud eum cum fíliis eius simul, de pane illius cómedens et de cálice eius bibens, et in sinu illius dórmiens: erátque illi sicut fília. Cum autem peregrínus quidam venisset ad dívitem, parcens ille súmère de óvibus et de bobus suis, ut exhibéret convívium peregríno illi qui vénérat ad se, tulit ovem viri páuperis, et præparávit cibos hómini qui vénérat ad se ».

Irátus autem indignatióne David advérsus hóminem illum nimis, dixit ad Nathan: « Vivit Dóminus, quóniam filius mortis est vir qui fecit hoc; ovem reddet in quádruplum, eo quod fécerit verbum istud et non pepérerit ».

Dixit autem Nathan ad David: « Tu es ille vir. Quam-óbrem non recédet gládium de domo tua usque in sem-pitérnum, eo quod despéxeris me, et túleris uxórem Uriæ Hethæi ut esset uxor tua. Itaque hæc dicit Dóminus: "Ecce ego suscitábo super te malum de domo tua, et tollam uxóres tuas in óculis tuis, et dabo próximo tuo, et dórmiet cum uxóribus tuis in óculis solis huius. Tu enim fecísti abscondite; ego autem fáciam verbum istud in conspéctu omnis Israel et in conspéctu solis " ».

Et dixit David ad Nathan: « Peccávi Dómino ». Di-xítque Nathan ad David: « Dóminus quoque tránstulit

peccátum tuum: non moríeris. Verúntamen, quóniam blasphemáre fecísti inimícōs Dómini propter verbum hoc, fílius qui natus est tibi morte moríetur ». Et revérsus est Nathan in domum suam.

Percússit quoque Dóminus párvulum, quem pepérerat uxor Uriæ David, et desperátus est. Deprecatúsque est David Dóminum pro párvulo, et iejunávit David iejúnio, et ingréssus seórsum iácuít super terram. Venérunt autem seniôres domus eius cogéntes eum ut súrgeret de terra; qui nóluit nec comédit cum eis cibum.

Verbum Dómini.

Psalmus responsorius

Ps 50, 12-13. 14-15. 16-17 (R.: 12 a)

R. Cor mundum crea in me, Deus.

12 Cor mundum crea in me, Deus,  
et spíritum firmum ínnova in viscéribus meis.13 Ne proícias me a fácie tua,  
et spíritum sanctum tuum ne áuferas a me. R.14 Redde mihi lætítiam salutáris tui,  
et spíritu promptíssimo confírma me.15 Docébo iníquos vias tuas,  
et ímpii ad te converténtur. R.16 Líbera me de sanguínibus, Deus, Deus salútis meæ,  
et exsultábit lingua mea iustítiam tuam.17 Dómine, lábia mea apérias,  
et os meum annuntiábit laudem tuam. R.

Alleluia

Io 3, 16

R. Alleluia. R. Sic Deus diléxit mundum, ut Fílium suum unigénitum daret;  
omnis qui credit in eum habet vitam ætéram. R. Alleluia.

**Evangelium**

*Quis est iste, quia et ventus et mare  
obœdiunt ei?*

✠ Léctio sancti Evangélii secúndum Marcum **4, 35-40**

In illa die, cum sero esset factum, ait Iesus discípulis suis: « Transeámus contra ». Et dimitténtes turbam, asúmunt eum ut erat in naví, et áliæ naves erant cum illo.

Et exóritur procélla magna venti, et fluctus se mitébant in navem, ita ut iam implerétur navis. Et erat ipse in puppi supra cervícal dórmiens; et excítant eum et dicunt ei: « Magíster, non ad te pértinet quia perimus? » Et exsúrgens comminátus est vento, et dixit mari: « Tace, obmutésce ». Et cessávit ventus, et facta est tranquíllitas magna.

Et ait illis: « Quid tímidi estis? Necdum habétis fidem? » Et timuérunt magno timóre, et dicébant ad al térum: « Quis, putas, est iste, quia et ventus et mare obœdiunt ei? » — Verbum Dómini.

**Super oblata**

Múnera nostra, Dómine, súscipe placátus,  
quæ sanctificándo nobis, quæsumus,  
salutária fore concéde.  
Per Christum.

**Ant. ad communionem**

Accédite ad Dóminum et illuminámini,  
et fácies vestræ non confundéntur.

**Vel:**

Ego sum lux mundi, dicit Dóminus;  
qui séquitur me, non ámbulat in ténebris,  
sed habébit lumen vitæ.

**Ps 33, 6**

**Io 8, 12**

**Post communionem**

Præsta nobis, quæsumus, omnípotens Deus,  
ut, vivificatiónis tuæ grátiam consequéntes,  
in tuo semper múnere gloriémur.

Per Christum.

## DOMINICA IV « PER ANNUM »

Ant. ad introitum

Ps 105, 47

Salvos nos fac, Dómine Deus noster,  
et cóngrega nos de natióñibus,  
ut confiteámur nómini sancto tuo,  
et gloriémur in laude tua.

Dicitur Glória in excélsis.

Collecta

Concéde nobis, Dómine Deus noster,  
ut te tota mente venerémur,  
et omnes hómines rationábili diligámus afféctu.  
Per Dóminum.

Anno A

Lectio prima

*Derelinquam in medio tui populum  
pauperem et egenum.*

Léctio libri Sophoniæ prophétæ

2, 3; 3, 12-13

Quérите Dóminum, omnes mansuéti terræ, qui iudí-  
cium eius estis operáti; quárte iustum, quárte man-  
suétum, si quómodo abscondámini in die furóris Dómini.

« Derelínquam in médio tui pópulum páuperem et  
egénūm, et sperábunt in nómine Dómini. Relíquiæ  
Israel non fácient iniquítatem, nec loquéntur mendáciū;  
et non inveniétur in ore eórum lingua dolósa, quóniam  
ipsi pascéntur et accubábunt, et non erit qui extér-  
reat ». — Verbum Dómini.

Psalmus resp. Ps 145, 7. 8-9 a. 9 bc-10 (R.: Mt 5, 3)

R. Beáti páuperes spíritu,  
quóniam ipsórum est regnum cælórum.  
vel Alleluia.

7 Qui custódit veritátem in sáculum,  
facit iudícum oppréssis,  
dat escam esuriéntibus.

Dóminus solvit compedítos. R.

8 Dóminus illúminat cæcos,  
Dóminus érigit depréssos,  
Dóminus díligit iustos,

9 Dóminus custódit ádvenas. R.

Pupíllum et víduam susténtat,  
et viam peccatórum dispérdit.

10 Regnábit Dóminus in sácula,  
Deus tuus, Sion, in generatióñem et generatióñem. R.

Lectio secunda

In firma mundi elegit Deus.

Léctio Epístolæ primæ beáti Pauli apóstoli  
ad Corínthios

1, 26-31

Vidéte vocatióñem vestram, fratres, quia non mul-  
ti sapiéntes secúndum carnem, non multi poténtes, non  
multi nóbiles; sed quæ stulta sunt mundi élégit Deus  
ut confúndat sapiéntes, et infírma mundi élégit Deus  
ut confúndat fórtia, et ignobília mundi et contemptibília  
élégit Deus quæ non sunt, ut ea quæ sunt destrúeret,  
ut non gloriéтур omnis caro in conspéctu Dei.

Ex ipso autem vos estis in Christo Iesu, qui factus  
est Sapiéntia nobis a Deo et iustitia et sanctificatio et  
redémpcio, ut quemádmodum scriptum est: « Qui glo-  
riátur, in Dómino gloriéтур ». — Verbum Dómini.

Alleluia

Mt 5, 12 a

R. Alleluia. R. Gaudéte et exsultáte,  
quóniam merces vestra copiosa est in cælis.  
R. Alleluia.

## Evangelium

*Beati pauperes spiritu.*

† Léctio sancti Evangélii secúndum Matthéum  
5, 1-12 a

In illo témporte:

Videns Iesus turbas, ascéndit in montem; et cum sedísset, accessérunt ad eum discípuli eius; et apériens os suum docébat eos dicens:

« Beáti páuperes spíritu, quóniam ipsórum est Re-gnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítunt iustítiam, quóniam ipsi saturabúntur.

Beáti misericórdes, quia ipsi misericordiam conse-quéntur.

Beáti mundo corde, quóniam ipsi Deum vidébunt.

Beáti pacífi, quóniam filii Dei vocabúntur.

Beáti qui persecutióne patiúntur propter iustítiam, quóniam ipsórum est Regnum cælórum.

Beáti estis cum maledíxerint vobis et persecúti vos fúerint et díixerint omne malum advérsu-m vos, men-tientes, propter me; gaudéte et exsultáte, quóniam merces vestra copiosa est in cælis ». — Verbum Dómini.

## Anno B

## Lectio prima

*Prophetam suscitaro et ponam verba mea  
in ore eius.*

Léctio libri Deuteronomíi  
18, 15-20

Locútus est Móyses pôpulo dicens:

« Prophétam de gente tua et de frátribus tuis sicut me suscitábit tibi Dóminus Deus tuus: ipsum áudies, ut

petísti a Dómino Deo tuo in Horeb, quando cóntio con-gregáta est, atque dixísti: " Ultra non áudiā vocem Dó-mini Dei mei et ignem hunc máximum amplius non vi-débo, ne móriar " ».

Et ait Dóminus mihi: « Bene ómnia sunt locúti. Prophétam suscitatō eis de médio fratrum suórum sí-milem tui, et ponam verba mea in ore eius, loquetúrque ad eos ómnia quæ præcépero illi.

Qui autem verba eius, quæ loquétur in nómine meo, audíre noluerit, ego ultor exístam. Prophéta autem, qui arrogántia depravátus, volúerit loqui in nómine meo, quæ ego non præcépi illi ut diceret, aut ex nómine alienórum deórum, interficiétur ».

Verbum Dómini.

## Psalmus responsoriū

Ps 94, 1-2. 6-7. 8-9 (R.: 8)

R. Utinam hódie vocem Dómini audiátis:

« Nolíte obduráre corda vestra ».

<sup>1</sup> Veníte, exsultémus Dómino;  
iubilémus Deo salutári nostro.

<sup>2</sup> Præoccupémus fáciem eius in confessióne,  
et in psalmis iubilémus ei. R.

<sup>6</sup> Veníte, adorémus et procidámus,  
et génu-a flectámus ante Dóminum qui fecit nos,

<sup>7</sup> quia ipse est Deus noster,  
et nos pôpulus páscae eius  
et oves manus eius. R.

<sup>8</sup> Utinam hódie vocem eius audiátis:  
« Nolíte obduráre corda vestra,

<sup>9</sup> sicut in Meríba secúndum diem Massa in desérto,  
ubi tentavérunt me patres vestri:  
probavérunt me, etsi vidérunt ópera mea ». R.

## Lectio secunda

*Virgo cogitat quæ Domini sunt,  
ut sit sancta.*

Léctio Epístole primæ beáti Pauli apóstoli  
ad Corínthios

7, 32-35

Fratres:

*Volo vos sine sollicitudine esse.*

Qui sine uxore est sollicitus est quæ Dómini sunt, quómodo pláceat Dómino; qui autem cum uxore est sollicitus est quæ sunt mundi, quómodo pláceat uxori, et divísus est. Et muller innupta et virgo cójitat quæ Dómini sunt, ut sit sancta et córpore et spíritu; que autem nupta est cójitat quæ sunt mundi, quómodo pláceat viro.

Porro hoc ad utilitatem vestram dico, non ut láqueum vobis iníciām, sed ad honéstum et ad adhæréndum Dómino sine distractiōne. — Verbum Dómini.

Alleluia

Mt 4, 16

R. Alleluia. *¶ Pópulus qui sedébat in ténebris vidi lucem magnam,  
et sedéntibus in régione umbræ mortis lux  
orta est eis. R. Alleluia.*

## Evangelium

*Erat docens eos quasi potestatem habens.*

† Léctio sancti Evangélii secúndum Marcum 1, 21-28

In illo témpore:

Ingrediúntur Caphárnaum Iesus et discípuli sui. Et statim sábbatis ingrēssus synagógam docébat. Et stu-pabant super doctrína eius, erat enim docens eos quasi potestátem habens et non sicut scribæ.

Et statim erat in synagóga eórum homo in spíritu immúnido, et exclamávit dicens: « Quid nobis et tibi, Iesu Nazaréne? Venísti pérdere nos? Scio qui sis, Sanctus Dei ».

Et comminátus est ei Iesus dicens: « Obmutésce, et exi de hómīne ». Et discírpens eum spíritus immúnido et exclámans voce magna exívit ab eo.

Et miráti sunt omnes, ita ut conquírerent inter se dicentes: « Quidnam est hoc? Doctrína nova cum potestáte: et spirítibus immúnidis ímparat, et obédiunt ei ». Et procéssit rumor eius statim ubique in omnem régiónem Galiléæ.

Verbum Dómini.

## Anno C

## Lectio prima

*Prophetam in gentibus dedi te.*

Léctio libri Ieremíæ prophétæ

1, 4-5. 17-19

In diébus Iosíæ: Factum est verbum Dómini ad me dicens: « Priúsquam te formárem in útero, novi te; et ántequam exires de vulva, sanctificávi te, et prophétam in géntibus dedi te.

Tu ergo accíngi lumbos tuos, et surge, et lóquere ad eos ómnia quæ ego præcípio tibi. Ne formídes a fácie eórum, nec enim timére te fáciam vultum eórum.

Ego quippe dedi te hódie in civitátem munítam, et in colúmnam féream, et in murum áreum, super omnem terram: régibus Iuda, príncipib⁹ eius et sacerdórib⁹ et pôpulo terræ.

Et bellábunt adversum te et non prævalébunt, quia ego tecum sum, ait Dóminus, ut liberem te ».

Verbum Dómini.

## Psalmus responsorius

Ps 70, 1-2. 3-4 a. 5-6 ab. 15 ab et 17 (R.: cf. 15)

R. Os meum annuntiabit salutare tuum, Dómine.

1 In te, Dómine, sperávi,  
non confundar in ætérnum.2 In iustitia tua líbera me, et éripe me;  
inclína ad me aurem tuam, et salva me. R.3 Esto mihi in rupem præsidii  
et in domum munitam, ut salvum me fácias,  
quóniam fortitudo mea et refúgium meum es tu.

4 Deus meus, éripe me de manu peccatóris. R.

5 Quóniam tu es exspectatio mea, Dómine;  
Dómine, spes mea a iuventute mea.6 Super te innixus sum ex útero,  
de ventre matris meæ tu es suscéptor meus. R.15 Os meum annuntiabit iustitiam tuam,  
tota die salutare tuum.17 Deus, docuisti me a iuventute mea;  
et usque nunc annuntiabo mirabília tua. R.

## Lectio secunda\*

*Manent fides, spes, caritas; maior autem  
est caritas.*Léctio Epistolæ primæ beati Pauli apóstoli  
ad Corínthios 12, 31 — 13, 13

Fratres:

Æmulámini charismata maióra. Et adhuc excellentiōrem viam vobis démonstro.

Si linguis hóminum loquar et angelórum, caritatem autem non hábeam, factus sum velut æs sonans aut cýmbalum tinniens. Et si habúero prophetiam et nōverim

mystéria ómnia et omnem sciéntiam, et si habúero omnem fidem ita ut montes tránsferam, caritatem autem non habúero, nihil sum. Et si distribúero in cibos omnes facultates meas, et si tradídero corpus meum ut glórier, caritatem autem non habúero, nihil mihi prodest.

Cáritas pátiens est, benígna est cáritas, non æmulátur, non agit supérbe, non inflátur, non est ambitiosa, non quærít quæ sua sunt, non irritáatur, non cógitat malum, non gaudet super iniquitatem, congáudet autem veritati: ómnia suffert, ómnia credit, ómnia sperat, ómnia sústinet.

Cáritas numquam excidit. Sive prophetiae, evacuabúntur; sive linguæ, cessábunt; sive sciéntia, destruéntur. Ex parte enim cognoscimus et ex parte prophetámus; cum autem vénérerit quod perféctum est, evacuábitur quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus; quando factus sum vir, evacuávi quæ erant párvuli. Vidémus enim nunc per spéculum in ænígate, tunc autem fácie ad fáciem; nunc cognósco ex parte, tunc autem cognoscam sicut et cóngnitus sum.

Nunc autem manet fides, spes, cáritas, tria hæc; maior autem ex his est cáritas. — Verbum Dómini.

## vel brevior

Léctio Epistolæ primæ beati Pauli apóstoli  
ad Corínthios 13, 4-13

Fratres:

Cáritas pátiens est, benígna est cáritas, non æmulátur, non agit supérbe, non inflátur, non est ambitiosa, non quærít quæ sua sunt, non irritáatur, non cógitat malum, non gaudet super iniquitatem, congáudet autem

veritati: ómnia suffert, ómnia credit, ómnia sperat, ómnia sústinet.

Cáritas numquam excidit: sive prophetiae, evacuabuntur; sive linguæ, cessabunt; sive scientia, destruétur. Ex parte enim cognoscimus et ex parte prophetamus; cum autem vénérerit quod perfectum est, evacuabitur quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus; quando factus sum vir, evacuávi quae erant párvuli. Vidémus enim nunc per spéculum in ænigmate, tunc autem fácie ad fáciem; nunc cognósco ex parte, tunc autem cognoscam sicut et cónitus sum.

Nunc autem manet fides, spes, cáritas, tria hæc; maior autem ex his est cáritas. — Verbum Dómini.

**Alleluia**

**Lc 4, 18-19**

℟. Allelúia. ḡ. Evangelizare paupéribus misit me Dóminus,  
prædicare captívis remissiónem. ℟. Allelúia.

**Evangelium**

*Iesus sicut Elias et Eliseus non ad Iudæos  
tantum mittitur.*

✠ Léctio sancti Evangélii secúndum Lucam **4, 21-30**

In illo tempore:

Cœpit Jesus dicere in synagóga: « Hódie impléta est hæc Scriptúra in áuribus vestris ». Et omnes testimónium illi dabant et mirabántur in verbis grátiae quae procedabant de ore ipsius, et dicébant: « Nonne hic filius est Ioseph? »

Et ait illis: « Utique dicétis mihi hanc similitúdinem: " Médice, cura te ipsum "; quanta audívimus facta in Caphárnaum, fac et hic in pátria tua ». Ait autem:

« Amen dico vobis: Nemo prophéta accéptus est in pátria sua. In veritaté autem dico vobis: Multæ víduæ erant in diébus Elíæ in Israel, quando clausum est cælum annis tribus et ménsibus sex, cum facta est fames magna in omni terra; et ad nullam illárum missus est Elías nisi in Sarépta Sidóniæ ad muliérem víduam. Et multi leprósi erant in Israel sub Eliséo prophéta et nemo eórum mundátus est nisi Náaman Syrus ».

Et repléti sunt omnes in synagóga ira hæc audiéntes, et surrexérunt et eiecérunt illum extra civitátem, et duxérunt illum usque ad superciliū montis, supra quem cívitas illórum erat aedificáta, ut præcipítarent eum. Ipse autem tránsiens per médium illórum ibat.

Verbum Dómini.

Dicitur Credo.

**Super oblata**

Altáribus tuis, Dómine,  
múnera nostræ servitútis inférimus,  
quæ, placátus assúmens,  
sacraméntum nostræ redemptiónis effícias.  
Per Christum.

**Præfatio de dominicis « per annum », pp. 752-759.**

**Ant. ad communionem**

**Ps 30, 17-18**

Illúmina fáciem tuam super servum tuum,  
et salvum me fac in tua misericordia.  
Dómine, non confúndar, quóniam invocávi te.

**Vel:**

**Mt 5, 3-4**

Beáti páuperes spíritu,  
quóniam ipsórum est Regnum cælórum.  
Beáti mites, quóniam ipsi possidébunt terram.

**Post communionem**

Redemptiónis nostræ múnere vegetáti,  
quásumus, Dómine,  
ut hoc perpétuæ salútis auxílio  
fides semper vera profíciat. Per Christum.

**Feria secunda****Ant. ad introitum**

Salvos nos fac, Dómine Deus noster,  
et cóngrega nos de natióñibus,  
ut confiteámur nómini sancto tuo,  
et gloriémur in laude tua.

**Collecta**

Concéde nobis, Dómine Deus noster,  
ut te tota mente venerémur,  
et omnes hómines rationábili diligámus afféctu.  
Per Dóminum.

**Anno primo****Lectio prior**

*Per fidem devicerunt regna. Deus pro nobis  
melius aliquid providebit.*

**Léctio Epístolæ ad Hebráeos****11, 32-40****Fratres:**

Quid adhuc dicam? Defíciens enim me tempus enarrántem de Gédeon, Barac, Samson, Iepháe, David et Sámuel atque Prophétis, qui per fidem devicerunt regna, operáti sunt iustítiam, adépti sunt repromissiones, obturavérunt ora leónum, extinxérunt ímpetum ignis, effugérunt áciem gládii, convaluerunt de infirmitáte, fortes

facti sunt in bello, castra vertérunt exterórum; accepé-  
runt mulieres de resurrectióne mórtuos suos;

álii autem disténti sunt, non suscipiéntes redemp-  
tiónem, ut meliórem invenírent resurrectióne;

álii vero ludíbria et vérbera expérti sunt, ínsuper et  
víncula et cárcerem; lapidáti sunt, secti sunt, in occisióne  
gládii mórtui sunt, circumiérunt in melótis, in péllibus  
caprínis, egéntes, angustiáti, afflícti, quibus dignus non  
erat mundus, in solitudinibus errántes et móntibus  
et spelúncis et in cavérnis terræ.

Et hi omnes testimónium per fidem consecúti non  
reportavérunt promissiónem, Deo pro nobis mélius áli-  
quid providénte, ut ne sine nobis consummaréntur.

Verbum Dómini.

**Psalmus resp.****Ps 30, 20. 21. 22. 23. 24 (R.: 25)**

R. Confortétur cor vestrum,  
omnes qui sperátis in Dómino.

<sup>20</sup> Quam magna multitúdo dulcédiris tuæ, Dómine,  
quam abscondísti timéntibus te.  
Perfecísti eis qui sperant in te,  
in conspéctu filiórum hóminum. R.

<sup>21</sup> Abscóndes eos in abscondito facié tuæ  
a conturbatióne hóminum;  
próteges eos in tabernáculo  
a contradiccióne linguárum. R.

<sup>22</sup> Benedíctus Dóminus,  
quóniam mirificávit misericórdiam suam mihi  
in civitáte muníta. R.

<sup>23</sup> Ego autem dixi in trepidatióne mea:  
« Præcísus sum a conspéctu oculórum tuórum ».  
Verúmtamen exaudísti vocem oratiónis meæ,  
dum clamárem ad te. R.

<sup>24</sup> Dilígitе Dóminum, omnes sancti eius:  
fidéles consérvat Dóminus,  
et retríbuet abundánter faciéntibus supérbiam. R.

## Anno secundo

## Lectio prior

*Fugiamus a facie Absalom. Dimittite Semei  
ut maledicat, iuxta præceptum Domini.*

Léctio libri secúndi Samuélis 15, 13-14. 30; 16, 5-13 a

In diébus illis:

Venit núnctius ad David dicens: « Toto corde univérsus Israel séquitur Absalom ». Et ait David servis suis qui erant cum eo in Ierúsalem: « Súrgite, fugiámus; neque enim erit nobis effúgium a fácie Absalom. Festináte égredi, ne forte véniens óccupet nos, et impéllat super nos ruínam, et percútiat civitátem in ore gládii ».

Porro David ascendébat Clivum Olivárum, scandens et flens, nudis pédibus incédens et opérto cápite; sed et omnis pópulus, qui erat cum eo, opérto cápite ascen-débat plorans.

Venit ergo rex David usque Bahúrim, et ecce egre-diebátur inde vir de cognatióne domus Saul, nómine Sé-meí, filius Gera; procedebátque egrédiens et maledicébat, mittebátque lápides contra David et contra univérsos ser-vos regis. Omnis autem pópulus et univérsi bellatóres a dextro et a sinistro látere regis incedébant.

Ita autem loquebátur Sémeí, cum malediceret regi: « Egrédere, egrédere, vir sanguinum et vir Bélial: réddit tibi Dóminus univérsum sanguinem domus Saul, quóniam invasísti regnum pro eo, et dedit Dóminus regnum in manu Absalom filii tui; et ecce premunt te mala tua, quóniam vir sanguinum es ».

Dixit autem Abísai filius Sárviæ regi: « Quare ma-ledícit canis hic mórtuus dómino meo regi? Vadam et amputábo caput eius ».

Et ait rex: « Quid mihi et vobis est, filii Sárviæ? Dimítte eum ut maledicat; Dóminus enim præcépit ei ut malediceret David; et quis est qui áudeat dicere quare sic fécerit? » Et ait rex Abísai et univérsis servis suis: « Ecce filius meus, qui egréssus est de útero meo, quærer ániam meam; quanto magis nunc filius Iémini. Dimítte eum ut maledicat iuxta præcéptum Dómini. Si forte respíciat Dóminus afflictiónem meam, et reddat mihi Dóminus bonum pro maledictióne hac hodiérrna ».

Ambulábat itaque David et sócii eius per viam cum eo. — Verbum Dómini.

Psalmus responsoriū Ps 3, 2-3. 4-5. 6-7 (R.: 7 b)

R. Exsúrge, Dómine, salvum me fac.

1 Dómine, quid multiplicáti sunt qui tríbulant me?

2 Multi insúrgunt advérsum me,

3 multi dicunt ánime meæ:

« Non est salus ipsi in Deo ». R.

4 Tu autem, Dómine, protéctor meus es,

5 glória mea et exáltans caput meum.

6 Voce mea ad Dóminum clamávi,

et exaudívit me de monte sancto suo. R.

7 Ego obdormívi et soporátus sum,

exsurréxi quia Dóminus suscépit me.

8 Non timébo mília pópuli circumdántis me.

Exsúrge, Dómine, salvum me fac, Deus meus. R.

Alleluia

Lc 7, 16

R. Allelúa. Y. Prophéta magnus surréxit in nobis,  
et Deus visitávit plebem suam. R. Allelúa.

## Evangelium

*Exi, spiritus immunde, ab homine.*

† Léctio sancti Evangélii secúndum Marcum 5, 1-20

In illo tempore:

Venérunt Iesus et discípuli sui trans fretum maris in régionem Gerasenórum. Et exeúnte eo de navi, statim occurrít ei de monuméntis homo in spíritu immúnido, qui domicílium habébat in monuméntis; et neque caténis iam quisquam eum póterat ligáre, quóniam sæpe compédibus et caténis vinctus dirupísset caténas et cómpedes comminuísset, et nemo póterat eum domáre; et semper nocte ac die in monuméntis et in móntibus erat clamans et cónidens se lapídibus.

Et videns Iesum a longe cucúrrit et adorávit eum, et clamans voce magna dicit: « Quid mihi et tibi, Iesu fili Dei Altíssimi? Adiúro te per Deum, ne me tórqueas ». Dicébat enim illi: « Exi, spíritus immunde, ab hómine ». Et interrogábat eum: « Quod tibi nomen est? » Et dicit ei: « Légio nomen mihi est, quia multi sumus ». Et deprecábatur eum multum ne se expélleret extra régionem.

Erat autem ibi circa montem grex porcórū magnus pascens, et deprecáti sunt eum dicéntes: « Mitte nos in porcos, ut in eos introeámus ». Et concéssit eis. Et exeúntes spíritus immundi introiérunt in porcos. Et magno ímpetu grex ruit per præcipítium in mare, ad duo mília, et suffocabántur in mari.

Qui autem pascébant eos fugérunt et nuntiavérunt in civitátem et in agros; et egréssi sunt vidére quid es- set facti. Et véniunt ad Iesum, et vident illum qui a dæmónio vexabátur sedéntem, vestítum et sanæ mentis, eum qui legiónem habúerat, et timuérunt. Et qui víde- rant, narravérunt illis quáliter factum esset ei qui dæ-

mónium habúerat, et de porcis. Et rogáre eum cœpérunt ut discéderet a finib⁹ eórum.

Cumque ascéderet navem, qui dæmónio vexátus fúerat deprecábatur eum ut esset cum illo. Et non admí- sit eum, sed ait illi: « Vade in domum tuam ad tuos, et annúntia illis quanta tibi Dóminus fécerit et misértus sit tui ». Et ábiit et cœpit prædicáre in Decápoli quanta sibi fecísset Iesus, et omnes mirabántur.

Verbum Dómini.

## Super oblata

Altáribus tuis, Dómine,  
múnera nostræ servitútis inférimus,  
quæ, placátus assúmens,  
sacraméntum nostræ redemptiónis effícias.  
Per Christum.

Ant. ad communionem

Ps 30, 17-18

Illúmina fáciem tuam super servum tuum,  
et salvum me fac in tua misericórdia.  
Dómine, non confúndar, quóniam invocávi te.

Vel:

Mt 5, 3-4

Beáti páuperes spíritu,  
quóniam ipsórum est Regnum cælórum.  
Beáti mites, quóniam ipsi possidébunt terram.

## Post communionem

Redemptiónis nostræ múnere vegetáti,  
quésimus, Dómine,  
ut hoc perpétuæ salútis auxílio  
fides semper vera proficiat.  
Per Christum.

**Feria tertia****Ant. ad introitum**

Salvos nos fac, Dómine Deus noster,  
et cóngrega nos de natióibus,  
ut confiteámur nómini sancto tuo,  
et gloriémur in laude tua.

**Collecta**

Concédé nobis, Dómine Deus noster,  
ut te tota mente venerémur,  
et omnes hómines rationábili diligámus afféctu.  
Per Dóminum.

**Anno primo****Lectio prior**

*Per patientiam curramus propositum  
nobis certamen.*

**Léctio Epístolæ ad Hebráeos****12, 1-4****Fratres:**

Et nos, tantam habéntes circumpósitam nobis nubem téstium, deponéntes omne pondus et circúmstans nos peccátum, per patiéntiam currámus propósitum nobis certámen, aspiciéntes in auctórem fídei et consummatórem Iesum, qui pro gáudio sibi propósito sustinuit crucem, confusióne contémpta, atque in déxtera throni Dei sedet.

Recogítate enim eum qui talem sustinuit a peccatóribus advérsum semetiúsum contradiccionem, ut ne fatigémini ánimi vestris deficiéntes. Nondum usque ad sanguinem restitístis advérsus peccátum repugnántes.

Verbum Dómini.

**Ps 105, 47****Psalmus responsorius****Ps 21, 26 b-27. 28 et 30. 31-32 (R.: 27 b)**

R. Laudábunt te, Dómine, qui te requírunt.

<sup>26</sup> Vota mea reddam in conspéctu timéntium eum.

<sup>27</sup> Edent páuperes, et saturabúntur,  
et laudábunt Dóminum qui requírunt eum:  
« Vivant corda eórum in sǽculum sǽculi ». R.

<sup>28</sup> Reminiscéntur et converténtur ad Dóminum  
univérsi fines terræ,  
et adorábunt in conspéctu eius  
univérsæ familiæ géntium.

<sup>30</sup> Ipsum solum adorábunt omnes qui dórmiant in terra;  
in conspéctu eius prócient omnes  
qui descéndunt in púlverem. R.

Anima autem mea illi vivet,  
et semen meum sérviet ipsi.

<sup>31</sup> Narrábitur de Dómino generatióni ventúræ,  
<sup>32</sup> et annuntiábunt iustítiam eius  
pópulo qui nascétur: « Hæc fecit Dóminus ». R.

**Anno secundo****Lectio prior**

*Fili mi, Absalom, quis mihi tribuat  
ut ego moriar pro te?*

**Léctio libri secúndi Samuélis****18, 9-10. 14 b. 24-25 a. 30 — 19, 3****In diébus illis:**

Accidit ut occúrreret Absalom servis David sedens mulo; cumque ingréssus fuisset mulus subter condénsam quercum et magnam, adhésat caput eius quércui et, illo suspenso inter cælum et terram, mulus cui insíderat

pertransívit. Vedit autem hoc quíspiam, et nuntiávit Ioab, dicens: « Vidi Absalom pendére de queru ». Tulit ergo Ioab tres lánceas in manu sua, et infíxit eas in corde Absalom.

David autem sedébat inter duas portas. Speculátor vero qui erat in fastígio portæ super murum, elevans óculos vedit hóminem curréntem solum, et exclámans indicávit regi. Dixítque rex: « Transi, et sta hic ». Cumque ille transísset et staret, appáruit Chusi et véniens ait: « Bonum appórtó núnctum, dómine mi rex; iudicávit enim pro te Dóminus hódie de manu ómnium, qui surrexérunt contra te ».

Dixit autem rex ad Chusi: « Estne pax púero Absalom? » Cui respónsens Chusi: « Fiant, inquit, sicut puer, inimíci dómini mei regis, et univérsi qui consúrgunt advérsus eum in malum ». Contristátus itaque rex ascéndit cenáculum portæ, et flevit. Et sic loquebátur vadens: « Fili mi Absalom! Absalom fili mi! Quis mihi tríbuat ut ego móriar pro te? Absalom fili mi! Fili mi Absalom! »

Nuntiátum est autem Ioab quod rex fleret et lugéret filium suum, et versa est victória in luctum in die illa omni pópulo; audívit enim pópulus in die illa dici: « Dolet rex super filio suo ». Et declinávit pópulus in die illa íngredi civitátem, quómodo declináre solet pópulus versus et fúgiens de prélío. — Verbum Dómini.

### Psalmus responsorius Ps 85, 1-2. 3-4. 5-6 (R.: 1 a)

R. Inclína, Dómine, aurem tuam et exáudi me.

<sup>1</sup> Inclína, Dómine, aurem tuam et exáudi me,  
quóniam inops et pauper sum ego.

<sup>2</sup> Custódi ániam meam, quóniam sanctus sum;  
salvum fac servum tuum, Deus meus,  
sperántem in te. R.

- <sup>3</sup> Miserére mei, Dómine,  
quóniam ad te clamávi tota die.
- <sup>4</sup> Lætífica ániam servi tui,  
quóniam ad te, Dómine, ániam meam levávi. R.
- <sup>5</sup> Quóniam tu, Dómine, suávis et mitis,  
et multæ misericórdiæ ómnibus invocántibus te.
- <sup>6</sup> Auribus pércepe, Dómine, oratióne meam,  
et inténde voci deprecatiónis meæ. R.

Alleluia

Mt 8, 17

R. Alleluia. <sup>¶</sup> Ipse infirmitátes nostras accépit,  
et aegrotatiónes nostras portávit. R. Alleluia.

### Evangelium

Puella, tibi dico, surge.

† Léctio sancti Evangélii secúndum Marcum 5, 21-43

In illo témpore:

Cum transcendísset Iesus in navi rursus trans fre-  
tum, convénit turba multa ad illum et erat circa mare.  
Et venit quidam de archisynagógis nómine Iáirus, et vi-  
dens eum prócidit ad pedes eius, et deprecátor eum  
multum, dicens: « Filiola mea in extrémis est, veni, im-  
póne manus super eam ut salva sit et vivat ». Et ábiit  
cum illo. Et sequebátur eum turba multa, et compri-  
mébant illum.

Et múlier quæ erat in proflúvio ságuinis annis duó-  
decim et fúerat multa perpéssa a complúribus médicis et  
erogáverat ómnia sua nec quicquam profécerat sed mag-  
is detérius habébat, cum audísset de Iesu, venit in  
turba retro et tétigít vestíméntum eius; dicébat enim:  
« Si vel vestíménta eius tetígero, salva ero ». Et confé-  
stím siccátus est fons ságuinis eius, et sensit córpore  
quod sanáta esset a plaga.

Et statim Iesus cognoscens in semetipso virtutem quae exierat de eo, conversus ad turbam aiébat: « Quis tégit vestimenta mea? » Et dicébant ei discípuli sui: « Vides turbam compriméntem te, et dicitis: « Quis me tégit? » » Et circumspiciébat vidére eam quae hoc fécerat. Múlier autem timens et tremens, sciens quod factum esset in se, venit et prócidit ante eum, et dixit ei omnem veritátem. Ille autem dixit ei: « Fília, fides tua te salvam fecit: vade in pace, et esto sana a plaga tua ».

Adhuc eo loquénte, véniant ab archisynagógo dicéntes: « Fília tua mórtua est; quid ultra vexas Magistrum? » Iesus autem, verbo quod dicebátur audito, ait archisynagógo: « Noli timére, tantúmodo crede ». Et non admísit quemquam sequi se nisi Petrum et Iacóbum et Ioánnem fratrem Iacóbi.

Et véniant ad domum archisynagógi, et videt tumultum et flentes et heiulántes multum, et ingrüssus ait eis: « Quid turbámini et plorátis? Puélla non est mórtua, sed dormit ». Et irridébant eum.

Ipse vero, eléctis ómnibus, assúmit patrem puélla et matrem et qui secum erant, et ingréditur ubi erat puélla; et tenens manum puéllae ait illi: « Talítha, qum », quod est interpretátum: « Puélla, tibi dico, surge ». Et confestim surréxit puélla et ambulábat; erat enim anórnum duódecim. Et obstupérunt contínuo stupore magno. Et præcónpit illis veheménter, ut nemo id sciret, et dixit dari illi manducáre. — Verbum Dómini.

### Super oblata

Altáribus tuis, Dómine,  
múnera nostræ servítutis inférimus,  
quæ, placátus assúmens,  
sacraméntum nostræ redemptiónis effícias.  
Per Christum.

### Ant. ad communionem

Ps 30, 17-18

Illúmina fáciem tuam super servum tuum,  
et salvum me fac in tua misericórdia.  
Dómine, non confúndar,  
quóniam invocávi te.

### Vel:

Mt 5, 3-4

Beáti páuperes spíritu,  
quóniam ipsórum est Regnum cælórum.  
Beáti mites, quóniam ipsi possidébunt terram.

### Post communionem

Redemptiónis nostræ múnere vegetáti,  
quásumus, Dómine,  
ut hoc perpétuae salútis auxílio  
fides semper vera proficiat.  
Per Christum.

### Ant. ad introitum

Salvos nos fac, Dómine Deus noster,  
et cóngrega nos de natióibus,  
ut confiteámur nómini sancto tuo,  
et gloriémur in laude tua.

### Collecta

Concéde nobis, Dómine Deus noster,  
ut te tota mente venerémur,  
et omnes hómines  
rationábili diligámus afféctu.  
Per Dóminum.

## Anno primo

## Lectio prior

*Quem diligit Dominus castigat.*

Léctio Epistolæ ad Hebræos

12, 4-7. 11-15

Fratres:

Nondum usque ad sanguinem restitistis advérsus peccatum repugnantes, et obliti estis exhortationis, quæ vobis tamquam filiis lóquitur:

« Fili mi, noli neglégere disciplinam Dómini, neque deficiás dum ab eo argueris; quem enim díligit Dóminus castigat, flagellat autem omnem filium quem récipit ».

Ad disciplinam suffertis; tamquam filios vos tractat Deus; quis enim filius quem non cōrripit pater?

Omnis autem disciplina in præsenti quidem videtur non esse gaudii sed mæroris, póstea autem fructum pacificum exercitatis per eam reddit iustitiae. Propter quod remissas manus et soluta génua erigite, et gressus rectos facite péibus vestris, ut quod claudum est non extorqueáatur, magis autem sanéatur.

Pacem sectámini cum ómnibus, et sanctificationem, sine qua nemo vidébit Dóminum, providentes ne quis desit gratiæ Dei, ne qua radix amaritudinis sursum germinans pertúrbet et per illam inquinéntur multi.

Verbum Dómini.

## Psalmus responsorius

Ps 102, 1-2. 13-14. 17-18 a (R.: cf. 17)

R. Misericordia Dómini ab æterno super timéntes eum.

- <sup>1</sup> Bénedic, áнима mea, Dómino;  
et ómnia quæ intra me sunt, nómini sancto eius.  
<sup>2</sup> Bénedic, áнима mea, Dómino,  
et noli oblivisci omnes retributiones eius. R.

<sup>13</sup> Quómodo miserétur pater filiòrum, miséritus est Dóminus timéntibus se.

<sup>14</sup> Quóniam ipse cognóvit figmémentum nostrum, recordátus est quóniam pulvis sumus. R.

<sup>17</sup> Misericordia autem Dómini ab æterno, et usque in æternum super timéntes eum, et iustitia illius in filios filiòrum;

<sup>18</sup> in eos qui servant testaméntum eius. R.

## Anno secundo

## Lectio prior

*Ego sum qui peccavi numerans populum; isti qui oves sunt, quid fecerunt?*

Léctio libri secundi Samuélis

24, 2. 9-17

In diébus illis:

Dixit David rex ad Ioab príncipem exércitus sui: « Perámbula omnes tribus Israel a Dan usque Bersabée, et numeráte pópulum, ut sciam númerum eius ». Dedit ergo Ioab númerum descriptiōnis pópuli regi; et invénta sunt de Israel octingénta mília virórum fórtium, qui edúcerent gládium, et de Iuda quingénta mília pugnatórum.

Percússit autem cor David eum, postquam numerátus est pópulus; et dixit David ad Dóminum: « Peccávi valde in hoc facto; sed precor, Dómine, ut tránsferas iniquitatēm servi tui, quia stulte egi nimis ». Surréxit itaque David mane, et sermo Dómini factus est ad Gad prophétam et vidéntem David dicens: « Vade et lóquere ad David: Hæc dicit Dóminus: ".Trium tibi datur óptio; élige unum quod volúeris ex his ut fáciam tibi" ».

Cumque venísset Gad ad David, nuntiávit ei dicens: « Aut septem annis véniet tibi fames in terra tua,

aut tribus ménsibus fúgies adversários tuos et illi te persequéntur, aut certe tribus diébus erit pestiléntia in terra tua. Nunc ergo delíbera, et vide quem respóndeam ei, qui me misit, sermónum ». Dixit autem David ad Gad: « Coáctor nímis; sed mélius est ut ícidam in manus Dómini (multæ enim misericórdiae eius sunt), quam in manus hóminum ».

Immisítque Dóminus pestiléntiam in Israel de mane usque ad tempus constitútum; et mórtui sunt ex pôpulo a Dan usque ad Bersabée septuagínta mília virórum.

Cumque extendísset manum suam Angelus Dómini super Ierúalem ut disperderet eam, misértus est Dóminus super afflictiónem, et ait Angelo percutiénti pôpulum: « Súfficit: nunc cóntine manum tuam ». Erat autem Angelus Dómini iuxta áream Areúna Iebuséi.

Dixítque David ad Dóminum, cum vidiisset Angelum cädéntem pôpulum: « Ego sum qui peccávi, ego iníque egi; isti, qui oves sunt, quid fecérunt? Vertátur, óbsercro, manus tua contra me et contra domum patris mei ».

Verbum Dómini.

### Psalmus responsorius Ps 31, 1-2. 5. 6. 7 (R.: cf. 5 c)

R. Remítte, Dómine, culpam peccáti mei.

<sup>1</sup> Beátus cui remíssa est iníquitas,  
et obtéctum est peccátum.

<sup>2</sup> Beátus vir cui non imputávit Dóminus delíctum,  
nec est in spíritu eius dolus. R.

<sup>3</sup> Peccátum meum cógnitum tibi feci,  
et delíctum meum non abscóndi.

Dixi: « Confitébor advérsum me  
iniquitátem meam Dómino ».

Et tu remisisti impietátem peccáti mei. R.

<sup>6</sup> Propter hoc orábit ad te omnis sanctus  
in témpore opportúno.

Et in dilúvio aquárum multárum  
ad eum non approximábunt. R.

<sup>7</sup> Tu es refúgium meum, a tribulatióne conservábis me;  
exsultatióibus salútis circúmdabis me. R.

Alleluia

Io 10, 27

R. Alleluia. ¶ Oves meæ vocem meam áudiunt, dicit  
Dóminus;  
et ego cognósco eas, et sequúntur me.  
R. Alleluia.

Evangelium

Non est propheta sine honore nisi in patria sua.

† Léctio sancti Evangélii secúndum Marcum 6, 1-6

In illo témpore:

Venit Iesus in pátriam suam et sequebántur illum discípuli sui. Et facto sábbato cœpit in synagóga docére; et multi audiéntes admirabántur dicéntes: « Unde huic hæc et quæ est sapiéntia quæ data est illi et virtútes tales quæ per manus eius efficiúntur? Nonne hic est faber, fílius Maríæ, et frater Iacóbi et Iosétis et Iudæ et Simónis? Et nonne soróres eius hic nobiscum sunt? » Et scandalizabántur in illo.

Et dicébat eis Iesus: « Non est prophéta sine honore nisi in pátria sua et in cognatióne sua et in domo sua ». Et non póterat ibi virtútem ullam fácere, nisi paucos infírmos impósitus mánibus curávit: et mirabátur propter incredulitatém eórum. Et circumíbat castélla in circuítu docens. — Verbum Dómini.

Super oblata

Altáribus tuis, Dómine,  
múnera nostræ servitús inférimus,

quæ, placátus assúmens,  
sacraméntum nostræ redemptiónis effícias.  
Per Christum.

## Ant. ad communionem

Ps 30, 17-18

Illúmina fáciem tuam super servum tuum,  
et salvum me fac in tua misericórdia.  
Dómine, non confúndar, quóniam invocávi te.

## Vel:

Mt 5, 3-4

Beáti páuperes spíritu,  
quóniam ipsórum est Regnum cælórum.  
Beáti mites, quóniam ipsis possidébunt terram.

## Post communionem

Redemptiónis nostræ múnere vegetáti,  
quésimus, Dómine,  
ut hoc perpétuæ salútis auxilio  
fides semper vera proficiat.  
Per Christum.

## Feria quinta

## Ant. ad introitum

Ps 105, 47

Salvos nos fac, Dómine Deus noster,  
et cóngrega nos de natióibus,  
ut confiteámur nómini sancto tuo,  
et gloriémur in laude tua.

## Collecta

Concéde nobis, Dómine Deus noster,  
ut te tota mente venerémur,  
et omnes hómines rationábili diligámus afféctu.  
Per Dóminum.

## Anno primo

## Lectio prior

*Accessistis ad Sion Montem  
et Civitatem Dei viventis.*

## Léctio Epístolæ ad Hebráeos

12, 18-19, 21-24

Fratres:

Non accessistis ad tractábilem et ardéntem ignem  
et túrbinem et calíginem et procéllam et tubæ sonum  
et vocem verbórum, quam qui audiérunt recusáverunt  
ne ultra eis fieret verbum. Et ita terríbile erat quod  
videbátur, Móyses dixit: « Extérritus sum et tremebundus ».

Sed accessistis ad Sion Montem et Civitátem Dei  
vivéntis, Ierúsalem cælestem et multa mília angelórum,  
frequéntiam et Ecclésiam primogenítórum qui conscripti  
sunt in cælis, et iúdicem Deum ómnium, et spíritus iú-  
storum qui consummáti sunt, et Testaménti Novi Medi-  
tórem Iesum, et sanguinem aspersiónis, mélius loquéntem  
quam Abel. — Verbum Dómini.

## Psalmus responsorius

Ps 47, 2-3 a. 3 b-4. 9. 10-11 (R.: cf. 10)

R. Suscélpimus, Deus, misericórdiam tuam  
in médio templi tui.

<sup>2</sup> Magnus Dóminus et laudábilis nimis,  
in civitáte Dei nostri.

<sup>3</sup> Mons sanctus eius collis speciósus,  
exultátio univérsæ terræ. R.

Mons Sion, extréma aquilónis,  
cívitas regis magni.

<sup>4</sup> Deus in dómibus eius notus  
factus est ut refúgium. R.

- <sup>9</sup> Sicut audívimus, sic vídimus  
in civitáte Dómini virtútum,  
in civitáte Dei nostri;  
Deus fundávit eam in æténum. **R.**
- <sup>10</sup> Recogitámus, Deus, misericórdiam tuam  
in médio templi tui.
- <sup>11</sup> Secúndum nomen tuum, Deus,  
sic et laus tua in fines terræ;  
iustitia plena est déxtera tua. **R.**

## Anno secundo

## Lectio prior

*Ego ingredior viam universæ terræ;  
confortare, Salomon, et esto vir.*

## Léctio libri primi Regum

2, 1-4. 10-12

Appropinquavérunt dies David ut morerétur, præcepítque Salomóni filio suo, dicens: « Ego ingrédior viam univérsæ terræ; confortare et esto vir, et obsérrva custódias Dómini Dei tui, ut ámbules in viis eius, ut custódias cæremónias eius et præcépta eius et iudicia et testimónia, sicut scriptum est in lege Móysi; ut intellegas univérsa quæ facis et quoquācumque te vérteris; ut confírmet Dóminus sermónes suos, quos locútus est de me dicens: " Si custodíerint filii tui vias suas, et ambuláverint coram me in veritatē in omni corde suo et in omni ánima sua, non auferéntur tibi vir de sólio Israel " ».

Dormívít ígitur David cum pátribus suis, et sepultus est in civitáte David. Dies autem, quibus regnávit David super Israel, quadraginta anni sunt: in Hebron regnávit septem annis, in Ierúsalem triginta tribus.

Sálomon autem sedit super thronum David patris sui, et firmátum est regnum eius nimis.

Verbum Dómini.

## Psalmus responsorius

1 Chron 29, 10. 11 ab. 11 d-12 a. 12 bed (R.: 12 b)

**R.** Tu, Dómine, domináris ómnia.

Benedictus es, Dómine Deus Israel patris nostri, ab ætérno in æténum. **R.**

<sup>11</sup> Tua est, Dómine, magnificéntia et poténtia et glória atque victória, et tibi laus; cuncta enim, quæ in cælo sunt et in terra, tua sunt. **R.**

Tuum, Dómine, regnum, et tu es super omnes príncipes.

Tuæ divítiae et tua est glória. **R.**

Tu domináris ómnium, in manu tua virtus et poténtia, in manu tua magnitúdo et impérium ómnium. **R.**

## Alleluia

Mc 1, 15

**R.** Alleluia. **y.** Appropinquávit Regnum Dei; crídete Evangélio. **R.** Alleluia.

## Evangelium

*Cœpit eos mittere.*

**†** Léctio sancti Evangélii secúndum Marcum 6, 7-13

In illo témpore:

Cónvocat Iesus Duódecim, et cœpit eos mittere bínos, et dabat illis potestátem in spíritus immúndos; et præcépit eis ne quid tollerent in via nisi virgam tantum: non panem, non peram neque in zona aes, sed ut calcearéntur sandáliis et ne indueréntur duábus túnicis.

Et dicébat eis: « Quocumque introiéritis in domum, illuc manéte donec exeáti inde. Et quicumque locus non recéperit vos nec audierint vos, exeúntes inde excútite púlverem de pédibus vestris in testimónium illis ».

Et exeúntes prædicavérunt ut pæniténtiam ágerent,

et dæmónia multa eiciébant, et ungébant óleo multos  
ægrótos et sanábant. — Verbum Dómini.

### Super oblata

Altáribus tuis, Dómine,  
múnera nostræ servítutis inférimus,  
quæ, placátus assúmens,  
sacraméntum nostræ redemptiónis effícias.  
Per Christum.

### Ant. ad communionem

Ps 30, 17-18

Illúmina fáciem tuam super servum tuum,  
et salvum me fac in tua misericórdia.  
Dómine, non confúndar, quóniam invocávi te.

### Vel:

Mt 5, 3-4

Beáti páuperes spíritu,  
quóniam ipsórum est Regnum cælórum.  
Beáti mites, quóniam ipsis possidébunt terram.

### Post communionem

Redemptiónis nostræ múnere vegetáti,  
quássumus, Dómine,  
ut hoc perpétuae salútis auxílio  
fides semper vera profíciat.  
Per Christum.

### Feria sexta

### Ant. ad introitum

Ps 105, 47

Salvos nos fac, Dómine Deus noster,  
et cóngrega nos de natiónibus,  
ut confiteámur nómini sancto tuo,  
et gloriémur in laude tua.

### Collecta

Concéde nobis, Dómine Deus noster,  
ut te tota mente venerémur,  
et omnes hómines rationábili diligámus afféctu.  
Per Dóminum.

### Anno primo

#### Lectio prior

Iesus Christus heri et hodie idem,  
et in sæcula.

Léctio Epístolæ ad Hebráeos

13, 1-8

Fratres:

Cáritas fraternitátis máneat. Hospitalitátem nolíte  
oblivísci, per hanc enim quidam nesciéntes hospítio re-  
cepérunt ángelos. Mementóte vínctorum tamquam simul  
vínciti, laborántium tamquam et ipsi in corpore mo-  
rántes.

Honorábile connúbium in ómnibus et torus imma-  
culátus, fornicatóres enim et adúltéros iudicábit Deus.

Sint mores sine avarítia; conténti præsentibús; ipse  
enim dixit: « Non te déseram neque derelíquam »; ita  
ut confidénter dicámus: « Dóminus mihi adiútor est, non  
timébo; quid fáciet mihi homo? »

Mementóte præpositórum vestrórum, qui vobis lo-  
cúti sunt verbum Dei, quorum intuéntes éxitum con-  
versatiónis imitámini fidem.

Iesus Christus heri et hodie idem, et in sæcula.  
Verbum Dómini.

Psalmus responsorius Ps 26, 1. 3. 5. 8 b-9 abc (R.: 1 a)

R. Dóminus illuminátio mea et salus mea.

Dóminus illuminátio mea et salus mea, quem timébo?  
Dóminus protéctor vitæ meæ, a quo trepidábo? R.

- <sup>3</sup> Si consístant advérsum me castra,  
non timébit cor meum;  
si exsúrgat advérsum me prólium,  
in hoc ego sperábo. R.
- <sup>5</sup> Quóniam occultábit me in tentório suo,  
in die malórum.  
Abscóndet me in abscondito tabernáculi sui,  
in petra exaltábit me. R.
- <sup>8</sup> Fáciem tuam, Dómine, requíram.  
<sup>9</sup> Ne avértas fáciem tuam a me,  
ne declínes in ira a servo tuo.  
Adiútor meus es tu, ne me reícias. R.

## Anno secundo

## Lectio prior

*De omni corde suo David laudavit  
Dominum, et dilexit Deum.*

## Lectio libri Sirácidae

47, 2-13

Quasi adeps separátus a carne, sic David a filiis Israel.

Cum leónibus lusit quasi cum agnis, et in ursis simíliter fecit, sicut in agnis óvium. In iuventúte sua numquid non occídit gigántem, et ábstulit opprórium de gente? In tolléndo manum saxo fundæ deiécit exultationem Golíæ; nam invocávit Dóminum omnipoténtem, et dedit in déxtera eius tollere hóminem fortè in bello, et exaltare cornu gentis suæ. Sic in decem míliabus glorificávit eum, et laudávit eum in benedictiónibus Dómini, in offeréndo illi corónam glóriæ.

Contrívit enim inimícos úndique, et extirpávit Philísthiūm contrários usque in hodiérnum diem; contrívit cornu ipsórum usque in atérnum.

In omni ópere dedit confessióne Sancto et Excélso in verbo glóriæ; de omni corde suo laudávit Dóminum, et diléxit Deum, qui fecit illum, et dedit illi contra inimícos poténtiam.

Et stare fecit cantóres contra altáre, et in sono eórum dulces fecit modos; et dedit in celebratióibus decus, et ornávit témpora usque ad consummatiúne vitæ, ut laudárent nomen sanctum Dómini, et amplificárent mane Dei sanctitatétem.

Dóminus purgávit peccáta ipsius, et exaltávit in ætérnum cornu eius, et dedit illi testaméntum regni, et sedem glóriæ in Israel. — Verbum Dómini.

## Psalmus responsorius

Ps 17, 31. 47 et 50. 51 (R.: cf. 47 b)

R. Benedíctus sit Deus salútis meæ!

<sup>31</sup> Deus, impollúta via eius,  
elóquia Dómini igne examináta;  
protector est ómnium sperántium in se. R.

<sup>47</sup> Vivat Dóminus, et benedíctus Adiútor meus,  
et exaltétur Deus salútis meæ.

<sup>50</sup> Proptérea confitébor tibi in natióibus, Dómine,  
et nómini tuo psalmum dicam. R.

<sup>51</sup> Magníficans salútes regis sui,  
et fáciens misericórdiam Christo suo,  
David et sémini eius usque in sǽculum. R.

## Alleluia

Cf. Lc 8, 15

R. Alleluia. R. Beáti qui in corde bono et óptimo verbum  
Dei rétinent,  
et fructum áfferunt in patiéntia.  
R. Alleluia.

## Evangelium

*Quem ego decollavi Ioannem,  
hic resurrexit.*

✠ Léctio sancti Evangélii secúndum Marcum 6, 14-29

In illo témpore:

Audívit Heródes rex, maniféstum enim factum est nomen Iesu, et dicébant: « Ioánnes Baptista resurréxit a mórtuis, et propterea inoperántur vírtutes in illo ». Alii autem dicébant: « Elías est ». Alii vero dicébant: « Prophéta est quasi unus ex prophétis ». Quo audítio Heródes aiébat: « Quem ego decollávi Ioánnem, hic resurréxit ».

Ipse enim Heródes misit ac tenuit Ioánnem et vinxit eum in cárcere propter Herodíadem uxórem Philíppi fratri sui, quia dúxerat eam. Dicébat enim Ioánnes Heródi: « Non licet tibi habére uxórem fratris tui ». Heródias autem insidiabátur illi et volébat occídere eum nec póterat: Heródes enim metuébat Ioánnem, sciens eum virum iustum et sanctum, et custodiébat eum, et audítio eo multum hæsítábat et libénter eum audiébat.

Et cum dies opportúnus accidísset quo Heródes náti suo cenam fecit principibüs suis et tribúnis et prímis Galiléæ, cumque introísset filia ipsius Herodíadi et saltásset, plácuit Heródi simúlque recumbéntibus. Rex ait puéllæ: « Pete me quod vis, et dabo tibi ». Et iurávit illi multum: « Quidquid petérис a me, dabo tibi, usque ad dimidium regni mei ». Quæ cum exísset, dixit matri suæ: « Quid petam? » At illa dixit: « Caput Ioánnis Baptistæ ».

Cumque introísset statim cum festinatióne ad regem, petívit dicens: « Volo ut prótinus des mihi in disco caput Ioánnis Baptistæ ». Et contristátus rex propter iuriárum et propter recumbéntes nóluit eam decípere et

statim misso spiculatóre rex præcépit afférri caput eius. Et ábiens decollávit eum in cárcere et áttulit caput eius in disco et dedit illud puéllæ, et puélla dedit illud matrì sua.

Quo audítio discípuli eius venérunt et tulérunt cor-pus eius et posuérunt illud in monuménto.

Verbum Dómini.

## Super oblata

Altáribus tuis, Dómine,  
múnera nostræ servitútis inférimus,  
quæ, placátus assúmens,  
sacraméntum nostræ redemptiónis effícias.  
Per Christum.

Ant. ad communionem

Ps 30, 17-18

Illúmina fáciem tuam super servum tuum,  
et salvum me fac in tua misericórdia.  
Dómine, non confúndar, quóniam invocávi te.

Vel:

Mt 5, 3-4

Beáti páuperes spíritu,  
quóniam ipsórum est Regnum cælórum.  
Beáti mites, quóniam ipsi possidébunt terram.

## Post communionem

Redemptiónis nostræ múnere vegetáti,  
quásumus, Dómine,  
ut hoc perpétuæ salútis auxílio  
fides semper vera proficiat. Per Christum.

## Sabbato

Ant. ad introitum

Ps 105, 47

Salvos nos fac, Dómine Deus noster,  
et cóngrega nos de natióibus,

ut confiteámur nómini sancto tuo,  
et gloriémur in laude tua.

**Collecta**

Concéde nobis, Dómine Deus noster,  
ut te tota mente venerémur,  
et omnes hómines rationábili diligámus afféctu.  
Per Dóminum.

**Anno primo****Lectio prior**

*Deus pacis, qui eduxit de mortuis Pastorem  
magnum, aptet vos in omni bono.*

Léctio Epístolæ ad Hebráeos

13, 15-17. 20-21

Fratres:

Per Iesum offerámus hóstiam laudis semper Deo, id est fructum labiórum confítentium Nómini eius. Beneficéntiae autem et communiónis nólite oblívisci, tálibus enim hóstiis oblectátur Deus.

Obœdítte præpósitus vestris et subiacéte eis, ipsi enim pervaigilant pro animábus vestris quasi ratíonem reddítúri, ut cum gáudio hoc fácient et non geméntes, hoc enim non expedit vobis.

Deus autem pacis, qui edúxit de mórtuis Pastórem magnum óvium in ságuine Testaménti æterni Dóminum nostrum Iesum, aptet vos in omni bono ut faciátis voluntátem eius, fáciens in nobis quod pláceat coram se per Iesum Christum, cui glória in sácula sæculórum. Amen. — Verbum Dómini.

**Psalmus responsorius** Ps 22, 1-3 a. 3 b-4. 5. 6 (R.: 1)

R. Dóminus pascit me, et nihil déerit.

<sup>1</sup> Dóminus pascit me, et nihil mihi déerit:  
<sup>2</sup> in páscuis viréntibus me collocávit,

super aquas quiétis edúxit me,  
ánimam meam refécit. R.

Dedúxit me super sémitas iustítiae  
propter nomen suum.

Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculus tuus  
ipsa me consoláta sunt. R.

Parásti in conspéctu meo mensam  
advérsus eos qui tríbulant me;  
impinguásti in óleo caput meum,  
et calix meus redúndat. R.

Etenim benígnitas et misericórdia subsequéntur me  
ómnibus diébus vitæ meæ,  
et inhabitábo in domo Dómini  
in longitúdinem diérum. R.

**Anno secundo****Lectio prior**

*Dabis servo tuo cor docile, ut  
populum tuum iudicare possit.*

Léctio libri primi Regum

3, 4-13

In diébus illis:

Abiit Sálomon in Gábaon ut immoláret ibi; illud quippe erat excélsum máximum. Mille hóstias in holocáustum óbtulit Sálomon super altáre illud in Gábaon. Appáruit autem Dóminus Salomóni per sómnium nocte dicens:  
« Póstula quod vis ut dem tibi ».

Et ait Sálomon: « Tu fecísti cum servo tuo David, patre meo, misericórdiam magnam, sicut ambulávit in conspéctu tuo in veritáte et iustitia et recto corde tecum; custodísti ei misericórdiam tuam grandem, et dedísti

ei filium sedéntem super thronum eius, sicut est hódie. Et nunc, Dómíne Deus, tu regnáre fecísti servum tuum pro David patre meo. Ego autem sum puer párvulus, et ignórans egréssum et intróitum meum. Et servus tuus in médio est pópuli quem elegísti, pópuli infinítí, qui numerári et supputári non potest præ multitúdine. Dabis ergo servo tuo cor dócile, ut pópulum tuum iudicáre possit, et discérnere inter bonum et malum. Quis enim pótterit iudicáre pópulum istum, pópulum tuum hunc multum? »

Plácuit ergo sermo coram Dómino, quod Sálomon postuláset huiuscémodi rem. Et dixit Dómíni Salomóni: « Quia postulásti verbum hoc, et non petísti tibi dies multos nec divítias aut ánimas inimicórum tuórum, sed postulásti tibi sapiéntiam ad discernéndum iudícium: ecce feci tibi secúndum sermónes tuos, et dedi tibi cor sápiens et intéllegens, in tantum ut nullus ante te símilis tui fúerit, nec post te surrectúrus sit. Sed et hæc, quæ non postulásti, dedi tibi, divítias scilicet et glóriam, ut nemo fúerit símilis tui in régibus cunctis retro diébus ». — Verbum Dómini.

#### Psalmus responsorius

Ps 118, 9. 10. 11. 12. 13. 14 (R.: 12 b)

- R. Doce me, Dómíne, iustificatiónes tuas.
- <sup>9</sup> In quo mundábit adolescéntior viam suam?  
In custodiéndo sermónes tuos. R.
- <sup>10</sup> In toto corde meo exquisívi te,  
ne erráre me fáciás a præcéptis tuis. R.
- <sup>11</sup> In corde meo abscondí eloquía tua,  
ut non peccem tibi. R.
- <sup>12</sup> Benedíctus es, Dómíne;  
doce me iustificatiónes tuas. R.

<sup>13</sup> In lábiis meis  
numerávi ómnia iudícia oris tui. R.

<sup>14</sup> In via testimoniórum tuórum delectátus sum  
sicut in ómnibus divítiis. R.

Alleluia

Io 10, 27

R. Alleluia. **y.** Oves meæ vocem meam áudiunt, dicit Dóminus;

et ego cognósco eas, et sequúntur me.

R. Alleluia.

#### Evangelium

Erant sicut oves non habentes pastorem.

✚ Léctio sancti Evangélii secúndum Marcum 6, 30-34

In illo tempore:

Conveniéntes Apóstoli ad Iesum renuntiavérunt illi ómnia quæ égerant et docuérant. Et ait illis: « Veníte vos ipsi seórsum in desértum locum, et requiéscite püssillum ». Erant enim qui veniébant et redibant multi, et nec manducándi spátiū habébant.

Et abiérunt in navi in desértum locum seórsum. Et vidérunt eos abeúntes et cognovérunt multi, et pedestre de ómnibus civitátibus concurrérunt illuc et prævenirunt eos.

Et éxiens vidi multam turbam, et misértus est super eos quia erant sicut oves non habéntes pastórem, et cœpit docére illos multa. — Verbum Dómini.

#### Super oblata

Altáribus tuis, Dómíne,  
múnera nostræ servitútis inférimus,  
quæ, placátus assúmens,  
sacraméntum nostræ redemptiónis effícias.  
Per Christum.

## Ant. ad communionem

Ps 30, 17-18

Illúmina fáciem tuam super servum tuum,  
et salvum me fac in tua misericórdia.  
Dómine, non confúndar, quóniam invocávi te.

Vel:

Mt 5, 3-4

Beáti páuperes spíritu,  
quóniam ipsórum est Regnum cælórum.  
Beáti mites, quóniam ipsi possidébunt terram.

## Post communionem

Redemptiónis nostræ múnere vegetáti,  
quésimus, Dómine,  
ut hoc perpétuæ salútis auxílio  
fides semper vera profíciat.  
Per Christum.

## DOMINICA V « PER ANNUM »

## Ant. ad introitum

Ps 94, 6-7

Veníte, adorémus Deum,  
et procidámus ante Dóminum, qui fecit nos;  
quia ipse est Dóminus Deus noster.

Dicitur Glória in excélsis.

## Collecta

Famíliam tuam, quésumus, Dómine,  
contínua pietáte custódi,  
ut, quæ in sola spe gratiæ cælestis innítitur,  
tua semper protectiōne muniátur. Per Dóminum.

## Anno A

## Lectio prima

Erumpet quasi mane lumen tuum.

## Lectio libri Isaiae prophétæ

58, 7-10

Hæc dicit Dóminus:

« Frange esuriénti panem tuum, et egénos vagósque  
induc in domum tuam; cum víderis nudum, óperi eum,  
et carnem tuam ne despéixeris.

Tunc erúmpet quasi mane lumen tuum, et sánitas  
tua cítius oriétur; et anteíbit fáciem tuam iustitia tua,  
et glória Dómini colliget te.

Tunc invocábis, et Dóminus exáudiet; clamábis, et  
dicet: “ Ecce adsum ”.

Si abstúleris de médio tui caténam, et desíeris extén-  
dere dígitum, et loqui quod non prodest; cum efflúderis  
esuriénti ániam tuam, et ániam afflíctam repléveris,  
oriétur in ténebris lux tua, et ténebræ tuæ erunt sicut  
merídies ». — Verbum Dómini.

## Psalmus responsorius

Ps 111, 4-5. 6-7. 8 a et 9 (R.: 4 a)

R. Exórtum est in ténebris lumen rectis.

vel Allelúia.

- <sup>4</sup> Exórtum est in ténebris lumen rectis,  
misericors et miserátor et iustus.  
<sup>5</sup> Iucundus homo qui miserétur et cómodat,  
dispónet res suas in iudicio. R.  
<sup>6</sup> Quia in æternum non commovébitur.  
In memória æterna erit iustus,  
<sup>7</sup> ab auditíone mala non timébit.  
Parátum cor eius, sperans in Dómino. R.  
<sup>8</sup> Confirmátum est cor eius, non timébit.  
<sup>9</sup> Distribuit, dedit paupéribus;  
iustitia eius manet in séculum sáculi,  
cornu eius exaltábitur in glória. R.

## Lectio secunda

*Annuntiavi vobis testimonium Christi crucifixi.*Léctio Epístolæ primæ beáti Pauli apóstoli  
ad Corínthios

2, 1-5

Ego, cum venísssem ad vos, fratres, veni non per sublimitátem sermónis aut sapiéntiae annúntians vobis mystérium Dei. Non enim iudicávi scire me áliquid inter vos nisi Iesum Christum et hunc crucifíxum.

Et ego in infirmitáte et timóre et tremóre multo fui apud vos, et sermo meus et prædicátió mea non in persuasibílibus sapiéntiæ verbis, sed in ostensióne Spíritus et virtútis, ut fides vestra non sit in sapiéntia hóminum sed in virtúte Dei. — Verbum Dómini.

## Alleluia

Io 8, 12

R. Allelúia. *V.* Ego sum lux mundi, dicit Dóminus;  
qui séquitur me habébit lumen vitæ.  
R. Allelúia.

## Evangelium

*Vos estis lux mundi.*

† Léctio sancti Evangélii secúndum Mattháeum

5, 13-16

In illo témpore: Dixit Iesus discípulis suis:

« Vos estis sal terræ; quod si sal evanúerit, in quo saliétur? Ad níhil valet ultra nisi ut mittátur foras et conculcétur ab homínibus.

Vos estis lux mundi. Non potest cívitas abscondi supra montem pósita; neque accéndunt lucérnam et ponunt eam sub módio sed super candelábrum, ut lúceat ómnibus qui in domo sunt.

Sic lúceat lux vestra coram homínibus, ut vídeant vestra bona ópera et gloríficient Patrem vestrum qui in cælis est ». — Verbum Dómini.

## Anno B

## Lectio prima

*Replebor doloribus usque ad tenebras.*

Léctio libri Iob

7, 1-4. 6-7

Locútus est Iob dicens:

« Milítia est vita hóminis super terram, et sicut dies mercenárii, dies eius. Sicut servus desíderat umbram, et sicut mercenárius præstolátur finem óperis sui, sic et ego hábui menses vácuos, et noctes laboríosas enumerávi mihi.

Si dormíero, dicam: “ Quando consúrgam? ” Et rur-

sum expectabo vésperam, et replébor dolóribus usque ad ténebras.

Dies mei velócius transíerunt, quam a texénte tela succíditur, et consúmpti sunt absque ulla spe. Meménto quia ventus est vita mea, et non revertétur óculus meus ut vídeat bona ». — Verbum Dómini.

**Psalmus resp.** Ps 146, 1-2. 3-4. 5-6 (R.: cf. 3 a)

R. Laudáte Dóminum, qui sanat contrítos corde.

vel Allelúia.

1 Laudáte Dóminum,  
quóniam bonum est psállere Deo nostro,  
quóniam iucundum est celebrare laudem.

2 Ædificans Ierúsalem Dóminus,  
dispersos Israel congregabit. R.

3 Qui sanat contrítos corde,  
et alligat plagas eórum;

4 qui númerat multitúdinem stellárum,  
et ómnibus eis nómina vocat. R.

5 Magnus Dóminus noster, et magnus virtúte,  
sapiéntiae eius non est númerus.

6 Susténtat mansuétos Dóminus,  
humílians autem peccatórem usque ad terram. R.

### Lectio secunda

Væ mihi est si non evangelizávero!

Léctio Epístolæ primæ beáti Pauli apóstoli  
ad Corínthios 9, 16-19. 22-23

Fratres:

Si evangelizávero, non est mihi glória; nécessitas enim mihi incúbit; vae enim mihi est si non evangelizávero!

Si enim volens hoc ago, mercédem hábeo; si autem invitus, dispensátio mihi crédata est. Quæ est ergo merces mea? Ut Evangélium prædicans sine sumptu ponam Evangélium, ut non abútar potestáte mea in Evangélio.

Nam, cum liber essem ex ómnibus, ómnium me ser-vum feci, ut plures lucri fácerem. Factus sum infírmis infírmus, ut infírmos lucri fácerem, ómnibus ómnia factus sum, ut álios útique fácerem salvos. Omnia autem fácio propter Evangélium, ut compárticeps eius effíciar. Verbum Dómini.

Alleluia

Mt 8, 17

R. Allelúia. Y. Ipse infirmitátes nostras accépit,  
et ægrotatiónes nostras portávit. R. Allelúia.

### Evangelium

Curavit multos qui vexabantur variis languoribus.

† Léctio sancti Evangélii secúndum Marcum 1, 29-39

In illo témpore:

Egrediéntes Iesus et discípuli sui de synagóga ve-nérunt in domum Simónis et Andréæ cum Iacóbó et Ioánni. Socrus autem Simónis decumbébat febrítans, et statim dicunt ei de illa. Et accédens elevávit eam apprehénsa manu: et dimísit eam febris, et ministrábat eis.

Véspere autem facto, cum occidísset sol, afferébant ad eum omnes male habéntes et dæmónia habéntes; et erat omnis cívitas congregáta ad iánuam. Et curávit multos qui vexabantur variis languoribus, et dæmónia multa eiécit, et non sinébat loqui dæmónia, quóniam sciébant eum.

Et dilúculo valde mane surgens egréssus est et abiit in desértum locum ibíque orábat. Et persecútus est eum

Simon et qui cum illo erant; et cum inveníssent eum, dixerunt ei: « Omnes querunt te ».

Et ait illis: « Eamus alibi in próximos vicos, ut et ibi prédicem: ad hoc enim veni ». Et venit prædicans in synagógis eórum per omnem Galiléam et dæmónia eiciens. — Verbum Dómini.

### Anno C

#### Lectio prima

*Ecce ego, mitte me.*

Léctio libri Isaiae prophétæ

6, 1-2 a. 3-8

In anno quo mórtuus est rex Ozías, vidi Dóminum sedéntem super sólium excésum et elevátum; et ea quæ sub ipso erant replébant templum. Séraphim stabant super illud: sex alæ uni et sex alæ áltéri.

Et clamábant alter ad álterum, et dicébant: « Sanctus, Sanctus, Sanctus Dóminus Deus exercítuum: plena est omnis terra glória eius ». Et commóta sunt superliminária cárdenum a voce clamántis, et domus repléta est fumo.

Et dixi: « Væ mihi, quia tacui, quia vir pollútus lábiis ego sum, et in médio pópuli pollúta lábia habéntis ego hábito, et Regem Dóminum exercítuum vidi óculis meis! »

Et volávit ad me unus de Séraphim, et in manu eius cálculus, quem fórcipe túlerat de altári; et tétigit os meum, et dixit: « Ecce tétigit hoc lábia tua, et auferétur iniquitas tua, et peccátum tuum mundábitur ».

Et audívi vocem Dómini dicéntis: « Quem mittam? et quis ibit nobis? » Et dixi: « Ecce ego, mitte me ».

Verbum Dómini.

#### Psalmus responsoriū

Ps 137, 1-2 a. 2 bc-3. 4-5. 7 c-8 (R.: 1 c)

R. In conspéctu angelórum psallam tibi, Dómine.

Confitébor tibi, Dómine, in toto corde meo, quóniam audísti verba oris mei.

In conspéctu angelórum psallam tibi, adorábo ad templum sanctum tuum. R.

Confitébor nómini tuo propter misericórdiam tuam et veritátem tuam, quóniam magnificásti super omne nomen eloquium tuum.

In quacúmque die invocávero te, exáudi me; multiplicábis in ánima mea virtútem. R.

Confitebúntur tibi, Dómine, omnes reges terræ, quia audiérunt eloquia oris tui.

Et cantábunt vias Dómini, quóniam magna est glória Dómini. R.

Salvum me fáciet déxtera tua.

Dóminus opus perfíciet pro me; Dómine, misericórdia tua in séculum: ópera mánuum tuárum ne remíttas. R.

#### Lectio secunda\*

*Sic prædicamus et sic credidistis.*

Léctio Epístolæ primæ beáti Pauli apóstoli ad Corínthios

15, 1-11

Notum vobis fácio, fratres, Evangélium quod evangelizávi vobis, quod et accepístis, in quo et statis, per quod et salvámini, qua ratioñe evangelizáverim vobis si tenétis, nisi si frustra credidistis.

Trádidi enim vobis in primis quod et accépi, quóniam Christus mórtuus est pro peccátis nostris secúndum Scriptúras, et quia sepúltus est, et quia suscítatus est tértia die secúndum Scriptúras, et quia visus est Cephæ, et post hæc Duódecim; deínde visus est plus quam quingéntis frátribus simul, ex quibus plures manent usque adhuc, quidam autem dormiérunt; deínde visus est Iacóbo, deínde Apóstolis ómnibus; novíssime autem ómnium, tamquam abortívo, visus est et mihi.

Ego enim sum mínimus apostolórum, qui non sum dignus vocári apóstolus, quóniam persecútus sum Ecclésiam Dei; grátia autem Dei sum id quod sum, et grátia eius in me vácula non fuit, sed abundántius illis ómnibus laborávi, non ego autem, sed grátia Dei mecum.

Igitur sive ego sive illi sic prædicámus et sic credístis. — Verbum Dómini.

vel brevior

Léctio Epístolæ primæ beáti Pauli apóstoli  
ad Corínthios 15, 3-8. 11

Fratres:

Trádidi vobis in primis quod et accépi, quóniam Christus mórtuus est pro peccátis nostris secúndum Scriptúras, et quia sepúltus est, et quia suscítatus est tértia die secúndum Scriptúras, et quia visus est Cephæ, et post hæc Duódecim; deínde visus est plus quam quingéntis frátribus simul, ex quibus plures manent usque adhuc, quidam autem dormiérunt; deínde visus est Iacóbo, deínde Apóstolis ómnibus; novíssime autem ómnium, tamquam abortívo, visus est et mihi.

Igitur sive ego sive illi sic prædicámus et sic credístis. — Verbum Dómini.

Alleluia

R. Alleluia. ¶. Veníte post me, dicit Dóminus, et fáciám vos píscatóres hóminum.  
R. Alleluia.

Evangelium

*Relictis omnibus secuti sunt illum.*

† Léctio sancti Evangélii secúndum Lucam 5, 1-11  
In illo témptore:

Cum turba urgéret Iesum et audíret verbum Dei, et ipse stabat secus stagnum Genésareth, et vidit duas naves stantes secus stagnum; píscatóres autem descénderant de illis et lavábant rétia. Ascéndens autem in unam návem, quæ erat Simónis, rogávit eum a terra redúcere píscillum, et sedens docébat de navícola turbas.

Ut cessávit autem loqui, dixit ad Simónem: « Duc in altum et laxáte rétia vestra in captúram ». Et respónsens Simon dixit: « Præcéptor, per totam noctem labórantes nihil cépimus; in verbo autem tuo laxábo rétia ». Et cum hoc fecíssent, conclusérunt píscium multitudinem copíosam, rumpebántur autem rétia eórum. Et annuérunt sóciis qui erant in ália návi, ut venírent et adiuvárent eos, et venérunt, et implevérunt ambas navículas ita ut mergeréntur.

Quod cum vidéret Simon Petrus, prócidit ad génuam Iesu dicens: « Exi a me, quia homo peccátor sum, Dómine »: stupor enim circumdédérat eum et omnes, qui cum illo erant, in captúra píscium quos céperant, simíliter autem et Iacóbum et Ioánnem, filios Zebedæi, qui erant sóci Simónis. Et ait ad Simónem Iesus: « Noli timére, ex hoc iam hómines eris cápiens ».

Et subdúctis ad terram návibus, relíctis ómnibus secuti sunt illum. — Verbum Dómini.

Mt 4, 19

**Dicitur Credo.**

### Super oblata

Dómine Deus noster, qui has pótius creatúras ad fragilitatis nostrae subsídium condidísti, tríbue, quésumus, ut étiam æternitatis nobis fiant sacraméntum. Per Christum.

Præfatio de dominicis « per annum », pp. 752-759.

### Ant. ad communionem

Ps 106, 8-9

Confiteántur Dómino misericórdiæ eius, et mirabilia eius fíliis hóminum, quia satiávit ániam inánem, et ániam esuriéntem satiávit bonis.

### Vel:

Mt 5, 5-6

Beáti qui lugent, quóniam ipsi consolabúntur. Beáti qui esúriunt et sítunt iustítiam, quóniam ipsi saturabúntur.

### Post communionem

Deus, qui nos de uno pane et de uno cálice partícipes esse voluísti, da nobis, quésumus, ita vívere, ut, unum in Christo effécti, fructum afferámus pro mundi salúte gaudéntes. Per Christum.

### Feria secunda

### Ant. ad introitum

Ps 94, 6-7

Veníte, adorémus Deum, et procidámus ante Dóminum, qui fecit nos; quia ipse est Dóminus Deus noster.

### Collecta

Famíliam tuam, quásumus, Dómine, contínuā pietáte custódi, ut, quæ in sola spe grátiae cælestis innítitur, tua semper protectiōne muniátur. Per Dóminum.

### Anno primo

#### Lectio prior

*Dixit Deus, et factum est ita.*

### Inítium libri Génésis

1, 1-19

In princípio creávit Deus cælum et terram. Terra autem erat inánis et vácuas, et ténebræ erant super fáciem abýssi, et spíritus Dei ferebátur super aquas.

Dixítque Deus: « Fiat lux ». Et facta est lux. Et vidit Deus lucem quod esset bona, et divísit lucem a ténebris. Appellavítque lucem diem et ténebras noctem. Factúmque est vespere et mane, dies unus.

Dixit quoque Deus: « Fiat firmaméntum in médio aquárū et dívidat aquas ab aquis ». Et fecit Deus firmaméntum, divisítque aquas, quæ erant sub firmaménto, ab his quæ erant super firmaméntum. Et factum est ita. Vocávitque Deus firmaméntum cælum. Et factum est vespere et mane, dies secúndus.

Dixit vero Deus: « Congregéntur aquæ, quæ sub caelo sunt, in locum unum, et appáreat árida ». Et factum est ita. Et vocávit Deus áridam terram, congregatiōnésque aquárū appellávit mária. Et vidit Deus quod esset bonus.

Et ait: « Gérminet terra herbam viréntem et faciéntem semen et lignum pomíferum fáciens fructum iuxta genus suum, cuius semen in semetípso sit super terram ». Et factum est ita. Et protulit terra herbam vi-

réntem et faciéntem semen iuxta genus suum lignúmque fáciens fructum et habens unumquódque seméntem secundum spéciem suam. Et vidit Deus quod esset bonum. Et factum est vespere et mane, dies tértius.

Dixit autem Deus: « Fiant luminária in firmaménto cæli et dívidant diem ac noctem et sint in signa et témporta et dies et annos, ut lúceant in firmaménto cæli et illúminent terram ». Et factum est ita. Fecítque Deus duo luminária magna: lumináre maius, ut præesset diéi, et lumináre minus, ut præesset nocti, et stellas. Et pósuit eas in firmaménto cæli, ut lucerent super terram, et præessent diéi ac nocti, et divíderent lucem ac ténebras. Et vidit Deus quod esset bonum. Et factum est vespere et mane, dies quartus. — Verbum Dómini.

### Psalmus responsorius

Ps 103, 1-2 a. 5-6. 10 et 12. 24 et 35 c (R.: 31 b)

R. Lætetur Dóminus in opéribus suis.

- <sup>1</sup> Bénedic, áнима mea, Dómino:  
Dómine Deus meus, magnificátus es veheménter.  
Confessióinem et decórem induísti,
- <sup>2</sup> amictus lúmine sicut vestíménto. R.
- <sup>5</sup> Qui fundásti terram super stabilitátem suam,  
non inclinábitur in séculum séculi.
- <sup>6</sup> Abýssus sicut vestiméntum opéruit eam,  
super montes stabant aquæ. R.
- <sup>10</sup> Qui emíttis fontes in torréntes;  
inter médium móntium pertransíbunt.
- <sup>12</sup> Super ea vólucres cæli habitábunt,  
de médio ramórum dabunt voces. R.
- <sup>24</sup> Quam multiplicáta sunt ópera tua, Dómine:  
ómnia in sapiéntia fecísti,  
impléta est terra creatúra tua.
- <sup>35</sup> Bénedic, áнима mea, Dómino. R.

### Anno secundo

#### Lectio prior

*Intulerunt arcam foederis in Sanctum Sanctorum,  
et nebula implevit domum Domini.*

#### Léctio libri primi Regum

8, 1-7. 9-13

In diébus illis:

Congregáti sunt omnes maióres natu Israel cum principibús tríbuum et duces familiárum filiórum Israel ad regem Salomónem in Ierúsalem, ut deférrent arcam foederis Dómini de civitáte David, id est de Sion. Conveníntque ad regem Salomónem univérsus Israel in mense Ethánim in sollénni die (ipse est mensis séptimus). Venerúntque cuncti senes de Israel, et tulérunt arcam sacerdótes, et portavérunt arcam Dómini et tabernáculum foederis et ómnia vasa sanctuárii, quæ erant in tabernáculo; et ferébant ea sacerdótes et levítæ.

Rex autem Sálomon et omnis multitúdo Israel, quæ convénerat ad eum, gradiebátur cum illo ante arcam; et immolábant oves et boves absque aestimatióne et número. Et intulérunt sacerdótes arcam foederis Dómini in locum suum, in oráculo templi, in Sanctum Sanctórum, subter alas Chérubim; síquidem Chérubim expandébant alas super locum arcae, et protegébant arcam et vectes eius désuper. In arca autem non erat áliud nisi duæ tábulae lapídeæ, quas posuerat in ea Móyses in Horreb, quando pépigit Dóminus foedus cum filiis Israel cum egredéréntur de terra Aegýpti.

Factum est autem, cum exíssent sacerdótes de sanctuário, nébula implévit domum Dómini, et non pótent sacerdótes stare et ministráre propter nébulam; impléverat enim glória Dómini domum Dómini.

Tunc ait Sálomon: « Dóminus dixit ut habitáret in

nébula. Aedificans aedificávi domum in habitaculum tuum,  
firmíssimum sólum tuum in sempitérnum ».

Verbum Dómini.

**Psalmus responsorius** Ps 131, 6-7. 8-10 (R.: 8 a)

- R. Surge, Dómine, in réquiem tuam.
- 6 Ecce audívimus eam esse in Ephrata,  
invénimus eam in Campis Iaar.
- 7 Ingrediámur in tabernáculum eius,  
adorémus ad scabéllum pedum eius. R.
- 8 Surge, Dómine, in réquiem tuam,  
tu et arca fortitúdinis tuæ.
- 9 Sacerdótes tui induántur iustítiam,  
et sancti tui exsultent.
- 10 Propter David servum tuum  
non avértas fáciem Christi tui. R.

**Alleluia** Mt 4, 23

- R. Alleluia. **X.** Prædicábat Iesus Evangélium Regni,  
et sanábatur omnem infirmitátem in pópulo.
- R. Alleluia.

**Evangelium**

*Quotquot tangebant eum salvi fiebant.*

**† Léctio sancti Evangélii secúndum Marcum** 6, 53-56

In illo témpore:

Cum transfretássent Iesus et discípuli sui in terram,  
pervenérunt Genésareth et applicuérunt.

Cumque egréssi essent de navi, contínuo cognovérunt  
eum et percurréntes univérsam régiónem illam coepérunt  
in grabátis eos qui se male habébant circumférre ubi  
audiébant eum esse. Et quocumque introíbat in vicos  
aut in civitátes vel in villas, in platéis ponébant infírmos,

et deprecabántur eum ut vel fímbriam vestíménti eius  
tángerent: et quotquot tangébant eum, salvi fiébant.

Verbum Dómini.

**Super oblata**

Dómine Deus noster,  
qui has pótius creatúras  
ad fragilitatis nostre subsídium condidísti,  
tribue, quásimus,  
ut étiam aëternitatis nobis fiant sacraméntum.  
Per Christum.

**Ant. ad communionem**

Ps 106, 8-9

Confiteántur Dómino misericórdiæ eius,  
et mirabilia eius fílii hóminum,  
quia satiávit ániam inánem,  
et ániam esuriéntem satiávit bonis.

**Vel:**

Mt 5, 5-6

Beáti qui lugent, quóniam ipsi consolabúntur.  
Beáti qui esúriunt et sítiunt iustítiam,  
quóniam ipsi saturabúntur.

**Post communionem**

Deus, qui nos de uno pane et de uno cálice  
partícipes esse voluísti,  
da nobis, quásimus, ita vívere,  
ut, unum in Christo effécti,  
fructum afferámus pro mundi salúte gaudéntes.  
Per Christum.

**Feria tertia**

**Ant. ad introitum**

Ps 94, 6-7

Veníte, adorémus Deum,  
et procidámus ante Dóminum, qui fecit nos;  
quia ipse est Dóminus Deus noster.

**Collecta**

Familiam tuam, quęsumus, Dómine,  
contínua pietate custodi,  
ut, quę in sola spe gratię céléstis innítitur,  
tua semper protectione muniatur.  
Per Dóminum.

**Anno primo****Lectio prior**

*Faciamus hominem ad imaginem  
et similitudinem nostram.*

**Léctio libri Génesis**

1, 20 — 2, 4 a

Dixit étiam Deus: « Prodúcant aquae réptile ánimæ vivéntis, et volátile super terram sub firmaménto celi ». Creavítque Deus cete grändia, et omnem ánimam vi-véntem atque motábilem, quam prodúxerant aquae in spécies suas, et omne volátile secúndum genus suum. Et vidi Deus quod esset bonum, benedixítque eis dicens: « Créscite et multiplicámini et repléte aquas maris, avésque multiplicéntur super terram ». Et factum est vespere et mane, dies quintus.

Dixit quoque Deus: « Prodúcat terra ánimam vivéntem in génere suo, iuménta et reptilia et béstias terræ secúndum spécies suas ». Factúmque est ita. Et fecit Deus béstias terræ iuxta spécies suas et iuménta et omne réptile terræ in génere suo. Et vidi Deus quod esset bonum.

Et ait: « Faciámus hóminem ad imáginem et simili-tudinem nostram; et præsit píscibus maris et volatílibus celi et béstii universaque terræ omnique réptili, quod movétur in terra ». Et creávit Deus hóminem ad imáginem suam; ad imáginem Dei creávit illum: másculum et féminam creávit eos.

Benedixítque illis Deus et ait: « Créscite et multiplicámini et repléte terram et subícite eam et dominámini píscibus maris et volatílibus celi et univérsis animántibus, que movéntur super terram ».

Dixítque Deus: « Ecce dedi vobis omnem herbam af-feréntem semen super terram et univérsa ligna, quę habent in semetípsis seméntem géneris sui, ut sint vo-bis in escam et cunctis animántibus terræ omnique vó-lucri celi et univérsis, que movéntur in terra et in qui-bus est ánima vivens, ut hábeant ad vescéndum ». Et factum est ita. Vidítque Deus cuncta quę fécerat, et erant valde bona. Et factum est vespere et mane, dies sextus.

Igitur perfécti sunt celi et terra et omnis ornátus eórum. Complevítque Deus die séptimo opus suum, quod fécerat, et requiévit die séptimo ab univérsō ópere quod patrárat. Et benedixit dié séptimo et sanctificávit illum, quia in ipso cessáverat ab omni ópere suo, quod creávit Deus ut fáceret.

Istæ sunt generatiōnes celi et terræ.  
Verbum Dómini.

**Psalmus responsorius** Ps 8, 4-5. 6-7. 8-9 (R.: 2 a)

R. Dómine, Dóminus noster,  
quam admiráble est nomen tuum in univérsa terra!  
4 Quando vídeo cælos tuos, ópera digitórum tuórum,  
lunam et stellas quę tu fundásti:  
5 quid est homo, quod memor es eius?  
aut filius hóminis, quóniam vísitas eum? R.  
6 Minuísti eum paulo minus ab ángelis,  
glória et honore coronásti eum;  
7 et constitúisti eum super ópera mánuum tuárum.  
Omnia subiecísti sub pédibus eius: R.  
8 Oves et boves univérsas,  
ínsuper et pécora campi,

<sup>9</sup> vólucres cæli et pisces maris,  
quæcúmque perámbulant sémitas maris. R.

Anno secundo

Lectio prior

Dixisti: Erit nomen meum ibi, ut exaudias  
deprecationem populi tui Israel.

Léctio libri primi Regum

8, 22-23. 27-30

In diébus illis:

Stetit Sálomon ante altáre Dómini in conspéctu ecclésiae Israel et expándit manus suas in cælum, et ait:

« Dómine Deus Israel, non est símilis tui deus in cælo désuper et super terram deórsum, qui custódis pac-tum et misericórdiam servis tuis, qui ámbulant coram te in toto corde suo.

Ergóne putándum est quod vere Deus hábitet super terram? Si enim cælum et cæli cælórum te cápere non possunt, quanto magis domus hæc quam ædificávi! Sed résponce ad oratiómem servi tui et ad preces eius, Dómine Deus meus. Audi hymnum et oratiómem, quam servus tuus orat coram te hódie. Ut sint óculi tui apérta super domum hanc nocte ac die, super domum de qua dixisti: " Erit nomen meum ibi "; ut exáudias oratiómem quam orat in loco isto ad te servus tuus.

Ut exáudias deprecationem servi tui et pópuli tui Israel, quodcúmque oráverint in loco isto. Et exáudies in loco habitáculi tui, in cælo, et, cum exaudíeris, propítius eris ». — Verbum Dómini.

Psalmus responsorius Ps 83, 3. 4. 5 et 10. 11 (R.: 2)

R. Quam dilécta tabernácula tua, Dómine virtútum!

<sup>3</sup> Concupíscit et déficit ánima mea in átria Dómini.  
Cor meum et caro mea exsultavérunt in Deum vivum. R.

<sup>4</sup> Etenim passer invénit sibi domum,  
et turtur nidum sibi, ubi ponat pullos suos:  
altária tua, Dómine virtútum,  
rex meus et Deus meus. R.

<sup>5</sup> Beáti qui hábitant in domo tua,  
in perpétuum laudábunt te.

<sup>10</sup> Protéctor noster áspice, Deus,  
et résponce in fáciem Christi tui. R.

<sup>11</sup> Quia mélior est dies una in átriis tuis super mília,  
elégi ad limen esse in domo Dei mei,  
magis quam habitáre in tabernáculis peccatórum. R.

Alleluia

Ps 118, 36 a. 29 b

R. Alleluia. R. Inclína cor meum, Deus, in testimónia tua;  
et legem tuam da mihi benígne.

R. Alleluia.

Evangelium

Relinquentes mandatum Dei,  
tenetis traditionem hominum.

† Léctio sancti Evangélii secúndum Marcum 7, 1-13

In illo témpore:

Convénient ad Iesum Pharisæi et quidam de scribis venientes ab Hierosólymis, et cum vidíssent quosdam ex discípulis eius communíbus mánibus, id est non lotis, manducáre panes — Pharisæi enim et omnes Iudæi nisi pugillo lavent manus non mandúcant, tenéntes traditiómem seniórum, et a foro nisi baptizéntur non cómedunt, et ália multa sunt quæ accepérunt servánda: baptísmata cálicum et urceórum et æramentórum et lectórum — et interrogant eum Pharisæi et scribæ: « Quare discípuli tui non ámbulant iuxta traditiómem seniórum, sed com-múnibus mánibus mandúcant panem? »

At ille dixit eis: « Bene prophetávit Isaías de vobis hypócritis, sicut scriptum est: " Pópulus hic lábiis me honórat, cor autem longe est a me; in vanum autem me colunt, docéntes doctrínas præcépta hóminum ". Relinquentes mandátum Dei tenétis traditióne hóminum ». Et dicébat illis: « Bene írritum fácitis præcéptum Dei, ut traditióne vestram servétis. Móyses enim dixit: " Honóra patrem tuum et matrem tuam "; et: " Qui male-díixerit patri aut matri morte moriátur "; vos autem dícitis: " Si díixerit homo patri aut matri: Corban, quod est ' donum ', quodcúmque ex me tibi profúerit ", ultra non permítitis ei fáceré quidquam patri aut matri, rescindéntes verbum Dei per traditióne vestram quam tradidistis; et simília huiúsmodi multa fácitis ».

Verbum Dómini.

### Super oblata

Dómine Deus noster,  
qui has pótius creatúras  
ad fragilitatis nostrae subsídium condidísti,  
tribue, quásumus,  
ut étiam aëternitatis nobis fiant sacraméntum.  
Per Christum.

### Ant. ad communionem

Ps 106, 8-9

Confiteántur Dómino misericórdiæ eius,  
et mirabília eius filii hóminum,  
quia satiávit ániam inánem,  
et ániam esuriéntem satiávit bonis.

### Vel:

Beáti qui lugent,  
quóniam ipsi consolabúntur.  
Beáti qui esúriunt et sítiunt iustíam,  
quóniam ipsi saturabúntur.

Mt 5, 5-6

### Post communionem

Deus, qui nos de uno pane et de uno cálice partípices esse voluísti,  
da nobis, quásumus, ita vívere,  
ut, unum in Christo effécti,  
fructum afferámus pro mundi salúte gaudéntes.  
Per Christum.

### Feria quarta

#### Ant. ad introitum

Ps 94, 6-7

Veníte, adorémus Deum,  
et procidámus ante Dóminum, qui fecit nos;  
quia ipse est Dóminus Deus noster.

### Collecta

Famíliam tuam, quásumus, Dómine,  
contínua pietáte custódi,  
ut, quæ in sola spe grátiæ cæléstis innítitur,  
tua semper protectiōne muniátur.  
Per Dóminum.

### Anno primo

#### Lectio prior

*Tulit Dominus Deus hominem et posuit eum  
in paradiso voluptatis.*

#### Léctio libri Génesis

2, 4 b-9. 15-17

In die qua fecit Dóminus Deus cælum et terram, et omne virgultum agri, ántequam oríretur in terra, omnémque herbam regiónis, priúsqam germináret; non enim pluerat Dóminus Deus super terram, et homo non erat, qui operarétur terram; sed fons ascendébat e terra irrigans univérsam superfíciem terræ.

Formávit ígitur Dóminus Deus hóminem de limo terræ, et inspirávit in fáciem eius spiráculum vitæ, et factus est homo in ánimam vivéntem.

Plantáverat autem Dóminus Deus paradísum volup-tatis a princípio, in quo pósuit hóminem quem formáverat. Produxítque Dóminus Deus de humo omne li-gnum pulchrum visu et ad vescéndum suáve; lignum étiam vitæ in médio paradísi lignúmque scíentiae boni et mali.

Tulit ergo Dóminus Deus hóminem, et pósuit eum in paradíso voluptatis, ut operarétur et custodíret illum, præcepítque ei dicens: « Ex omni ligno paradísi cómede; de ligno autem scíentiae boni et mali ne cómedas; in quo-cúmque enim die coméderis ex eo morte moriéris ».

Verbum Dómini.

### Psalmus responsorius

Ps 103, 1-2 a. 27-28. 29 bc-30 (¶.: 1 a)

- R.** Bénedic, áнима mea, Dómino.
- I.** Bénedic, áнима mea, Dómino:  
Dómine Deus meus,  
magnificátus es veheménter.  
Confessióinem et décorém induísti,  
**2** amíctus lúmine sicut vestíménto. **R.**
- 27** Omnia a te expéctant,  
ut des illis escam in témpore suo.
- 28** Dante te illis, collígent,  
aperiénte te manum tuam,  
implebúntur bonis. **R.**
- 29** Revocábis spíritum eórum, et déficient,  
et in púlverem suum reverténtur.
- 30** Emíttes spíritum tuum, et creabúntur,  
et renovábis fáciem terræ. **R.**

### Anno secundo

#### Lectio prior

*Vidit regina Saba omnem sapientiam Salomonis.*

#### Léctio libri primi Regum

10, 1-10

#### In diébus illis:

Regína Saba, audíta fama Salomónis in nómine Dómini, venit tentáre eum in aenigmátibus. Et ingrésa Ie-rúsalem multo cum comitátu et divítia, camélis portán-tibus arómata et aurum infinitum nimis et gemmas pretiósas, venit ad regem Salomónem; et locúta est ei uni-vérsa quæ habébat in corde suo. Et dócuit eam Sálomon ómnia verba quæ proposúerat; non fuit sermo qui re-gem posset latére, et non respondéret ei.

Vídens autem regína Saba omnem sapiéntiam Salomónis et domum, quam ædificáverat, et cibos mensæ eius, et habitácula servórum, et órdines ministrántium vestésque eórum, et pincérnas, et holocáusta, quæ of-ferébat in domo Dómini, non habébat ultra spíritum; dixítque ad regem:

« Verus est sermo, quem audívi in terra mea super sermónibus tuis et super sapiéntia tua. Et non credébam narrántibus mihi, donec ipsa veni et vidi óculis meis, et probávi quod média pars mihi nuntiáta non fúerit. Maior est sapiéntia et ópera tua quam rumor quem audívi.

Beáti viri tui et beáti servi tui, qui stant coram te semper et áudiunt sapiéntiam tuam. Sit Dóminus Deus tuus benedictus, cui complacuísti, et pósuit te super thronum Israel, eo quod diléxerit Dóminus Israel in sempitérnū et constituit te regem, ut fáceres iudicium et iústítiām ».

Dedit ergo regi centum vigínti talénta auri, et aró-mata multa nimis et gemmas pretiósas. Non sunt alláta

ultra arómata tam multa quam ea quæ dedit regína Saba  
regi Salomóni.

Verbum Dómini.

**Psalmus responsorius**

Ps 36, 5-6. 30-31. 39-40 (R.: 30 a)

R. Os iusti meditábitur sapiéntiam.

5 Commítte Dómino viam tuam et spera in eo,  
et ipse fáciet;

6 et edúcet quasi lumen iustítiam tuam,  
et iudícium tuum tamquam meridiem. R.

30 Os iusti meditábitur sapiéntiam,  
et lingua eius loquétur iudícium;

31 lex Dei eius in corde ipsíus,  
et non vacillábunt gressus eius. R.

39 Salus autem iustórum a Dómino,  
et protéctor eórum in témpore tribulatiónis.

40 Et adiuvábit eos Dóminus et liberábit eos,  
et éruet eos a peccatóribus et salvábit eos,  
quia speravérunt in eo. R.

**Alleluia**

Io 17, 17 b. a

R. Allelúa. R. Sermo tuus, Dómine, véritas est;  
sanctífica nos in veritáte.

R. Allelúa.

**Evangelium**

*Quod de homine exit, illud coinquinat hominem.*

† Léctio sancti Evangélii secúndum Marcum 7, 14-23

In illo témpore:

Advocáta íterum Iesus turba dicébat illis: « Audíte  
me omnes et intellégite: Nihil est extra hóminem in-

tróiens in eum, quod possit eum coinquinare; sed quæ  
de hómine procédunt, illa sunt quæ coínquinant hó-  
minem ».

Et cum introísset in domum a turba, interrogábant  
eum discípuli eius parábolam. Et ait illis: « Sic et vos  
imprudéntes estis? Non intellégitis quia omne extrínsecus  
intróiens in hóminem non potest eum coinquinare, quia  
non íntroit in cor eius sed in ventrem, et in secéssum  
exit? » — Purgans omnes escas.

Dicébat autem: « Quod de hómine exit, illud coín-  
quinat hóminem; ab intus enim de corde hóminum cogi-  
tationes malæ procédunt, fornicationes, furta, homicídia,  
adultéria, avaritiæ, nequitiæ, dolus, impudicitia, óculus  
malus, blasphémia, supérbia, stultitia: ómnia hæc mala  
ab intus procédunt et coínquinant hóminem ».

Verbum Dómini.

**Super oblata**

Dómine Deus noster,  
qui has pótius creatúras  
ad fragilitatis nostræ subsídium condidísti,  
tribue, quésumus,  
ut étiam æternitatis nobis fiant sacraméntum.  
Per Christum.

**Ant. ad communionem**

Ps 106, 8-9

Confiteántur Dómino misericórdiæ eius,  
et mirabília eius filiis hóminum,  
quia satiávit ánimam inánem,  
et ánimam esuriéntem satiávit bonis.

**Vel:**

Mt 5, 5-6

Beáti qui lugent, quóniam ipsi consolabúntur.  
Beáti qui esúriunt et sítunt iustítiam,  
quóniam ipsi saturabúntur.

**Post communionem**

Deus, qui nos de uno pane et de uno cálice  
partícipes esse voluísti,  
da nobis, quásimus, ita vívere,  
ut, unum in Christo effécti,  
fructum afferámus pro mundi salúte gaudéntes.  
Per Christum.

**Feria quinta****Ant. ad introitum**

Veníte, adorémus Deum,  
et procidámus ante Dóminum, qui fecit nos;  
quia ipse est Dóminus Deus noster.

**Collecta**

Familiam tuam, quásimus, Dómine,  
contínua pietáte custódi,  
ut, quæ in sola spe grátiae cœlestis innítitur,  
tua semper protectiōne muniátur.  
Per Dóminum.

**Anno primo****Lectio prior**

*Duxit eam ad Adam.  
Et erunt duo in carne una.*

**Lectio libri Génesis****2, 18-25**

Dixit Dóminus Deus: « Non est bonum esse hóminem solum; faciámus ei adiutorium símile sibi ».

Formátiis igitur Dóminus Deus de humo cunctis animántibus terræ et univérsis volatílibus cœli, addúxit ea ad Adam, ut vidéret quid vocáret ea; omne enim quod vocávit Adam ánimæ vivéntis, ipsum est nomen eius. Ap-

pellavítque Adam nomínibus suis cuncta animántia, et univérsa volatília cœli, et omnes béstias terræ. Adæ vero non inveniebátur adiutor símilis eius.

Immísit ergo Dóminus Deus sopórem in Adam. Cumque obdormísset, tulit unam de costis eius, et replévit carnem pro ea; et ædificávit Dóminus Deus costam, quam túlerat de Adam, in mulíferem, et addúxit eam ad Adam. Dixítque Adam:

« Hoc nunc es ex óssibus meis, et caro de carne mea; hæc vocábitur " Virágó ", quóniam de viro sumpta est ».

Quamóbrem relínquet homo patrem suum et matrem, et adhærerébit uxóri suæ, et erunt duo in carne una.

Erat autem utérque nudus, Adam scilicet et uxor eius, et non erubescébant.

Verbum Dómini.

**Psalmus responsorius****Ps 127, 1-2. 3. 4-5. ( R.: cf. 1 a )**

R. Beáti omnes qui timent Dóminum.

<sup>1</sup> Beátus omnis qui timet Dóminum,  
qui ámbulat in viis eius.

<sup>2</sup> Labóres mánuum tuárum manducábis,  
beátus es, et bene tibi erit. R.

<sup>3</sup> Uxor tua sicut vitis fructífera  
in latéribus domus tuæ;  
filii tui sicut novellæ olivárum  
in circúitu mensæ tuæ. R.

<sup>4</sup> Ecce sic benedicéatur homo,  
qui timet Dóminum.

<sup>5</sup> Benedícat tibi Dóminus ex Sion,  
et vídeas bona Ierúsalem  
ómnibus diébus vitæ tuæ. R.

Anno secundo

Lectio prior

*Quia non custodisti pactum, scindam regnum tuum,  
sed tribum unam dabo filio tuo, propter David.*

Lectio libri primi Regum

11, 4-13

Cum iam esset senex rex Sálomon, depravátum est cor eius per muliéres ut sequerétur deos alienos; nec erat cor eius perfectum cum Dómino Deo suo sicut cor David, patris eius. Sed colébat Sálomon Astárthen, deam Sidoniórum, et Moloch, idólum Ammonitárum. Fecítque Sálomon quod non placúerat coram Dómino, et non adimplévit ut sequerétur Dóminum sicut David, pater eius. Tunc ædificávit Sálomon fanum Chamos, idólo Moab, in monte qui est contra Ierúsalem, et Moloch, idólo filiórū Ammon. Atque in hunc modum fecit univerásis uxóribus suis alienigenis, quæadolébant tura et immolábant diis suis.

Igitur irátus est Dóminus Salomóni, quod avérsa esset mens eius a Dómino Deo Israel, qui apparúerat ei secundo, et præcéperat de verbo hoc, ne sequerétur deos alienos, et non custodívit quæ mandávit ei Dóminus. Dixit itaque Dóminus Salomóni:

« Quia habuísti hoc apud te, et non custodísti pactum meum et præcépta mea quæ mandávi tibi, disrúmpens scindam regnum tuum, et dabo illud servo tuo. Verúmtamen in diébus tuis non fáciam, propter David patrem tuum: de manu filii tui scindam illud. Nec totum regnum áuferam, sed tribum unam dabo filio tuo, propter David servum meum et Ierúsalem quam elégi ».

Verbum Dómini.

Psalmus responsorius

Ps 105, 3-4. 35-36. 37 et 40 (R.: 4 a)

R. Meménto nostri, Dómine, in beneplácito pópuli tui.

<sup>3</sup> Beáti qui custodiunt iudícium,  
et fáciunt iustitiam in omni témpore.

<sup>4</sup> Meménto nostri, Dómine, in beneplácito pópuli tui,  
visita nos in salutári tuo. R.

<sup>35</sup> Et commíxti sunt inter gentes,  
et didicérunt ópera eórum.

<sup>36</sup> Et serviérunt sculptílibus eórum,  
et factum est illis in scándalum. R.

<sup>37</sup> Et immolavérunt fílios suos,  
et fílias suas dæmóniis.

<sup>40</sup> Et exársit ira Dóminus in pópulum suum,  
et abominátus est hereditátem suam. R.

Alleluia

Iac 1, 21

R. Allelúa. *y.* In mansuetúdine suscípite ínsitum verbum,

quod potest salváre ánimas vestras.  
R. Allelúa.

Evangelium

Catelli sub mensa comedunt de micis puerorum.

† Léctio sancti Evangélii secúndum Marcum 7, 24-30

In illo témpore:

Surgens Iesus ábiit in fines Tyri et Sidónis. Et ingrésus domum néminem voluit scire, et non pótuit latére.

Sed statim ut audívit de eo muller, cuius habébat filia spíritum immúndum, véniens prócédit ad pedes eius. Erat autem muller Græca, Syropheníssa género. Et rogábat eum ut dæmónium eiceret de filia eius.

Et dicébat illi: « Sine prius saturári filios, non est enim bonum súmere panem filiórū et míttere catéllis ».

At illa respóndit et dicit ei: « Dómine, étiam catélli sub mensa cómedunt de micis puerórū ».

Et ait illi: « Propter hunc sermóñem vade, éxiit dæmónium de fília tua ». Et cum abísset domum suam, in-vénit puéllam iacéntem supra lectum et dæmónium exíse. — Verbum Dómini.

### Super oblata

Dómine Deus noster,  
qui has pótius creatúras  
ad fragilitáris nostræ subsídium condidísti,  
tríbue, quásimus,  
ut étiam aëternitáris nobis fiant sacraméntum.  
Per Christum.

### Ant. ad communionem

Ps 106, 8-9

Confiteántur Dómino misericórdiæ eius,  
et mirabília eius filiis hóminum,  
quia satiávit ánimam inánem,  
et ánimam esuriéntem satiávit bonis.

### Vel:

Mt 5, 5-6

Beáti qui lugent, quóniam ipsi consolabúntur.  
Beáti qui esúriunt et sítunt iustítiam,  
quóniam ipsi saturabúntur.

### Post communionem

Deus, qui nos de uno pane et de uno cálice  
partícipes esse voluísti,  
da nobis, quásimus, ita vivere,  
ut, unum in Christo effécti,  
fructum afferámus pro mundi salúte gaudéntes.  
Per Christum.

### Feria sexta

#### Ant. ad introitum

Ps 94, 6-7

Veníte, adorémus Deum,  
et procidámus ante Dóminum, qui fecit nos;  
quia ipse est Dóminus Deus noster.

#### Collecta

Famíliam tuam, quásimus, Dómine,  
contínua pietáte custódi,  
ut, quæ in sola spe grátiae cælestis innítitur,  
tua semper protectióne muniátur. Per Dóminum.

### Anno primo

#### Lectio prior

Eritis sicut dii scientes bonum et malum.

#### Lectio libri Génesis

3, 1-8

Serpens erat callídior cunctis animántibus terræ,  
quæ fécerat Dóminus Deus. Qui dixit ad muliérem: « Cur præcépit vobis Deus, ut non comedérétis de omni ligno  
paradísi? »

Cui respóndit mulier: « De fructu lignórum, quæ sunt in paradíso, vescimur; de fructu vero ligni, quod est in médio paradísi, præcépit nobis Deus ne comedéremus et ne tangerémus illud, ne forte moriámur ».

Dixit autem serpens ad muliérem: « Nequáquam morte moriémini. Scit enim Deus quod, in quocúmque die comedérétis ex eo, aperiéntur oculi vestri, et éritis sicut dii sciéntes bonum et malum ».

Vidit ígitur mulier quod bonum esset lignum ad vescéndum et pulchrum oculis aspectúque delectáibile, et tulit de fructu illius, et comédit dedítque viro suo, qui comédit. Et aperti sunt oculi ambórum. Cumque cogno-

víssent se esse nudos, consuérunt fólia ficus et fecérunt sibi perizómata.

Et, cum audíssent vocem Dómini Dei deambulántis in paradíso ad auram post meridiem, abscóndit se Adam et uxor eius a fácie Dómini Dei in médio ligni parádisi. — Verbum Dómini.

**Psalmus responsorius** Ps 31, 1-2, 5, 6, 7 (R.: 1 a)

R. Beátus cui remíssa est iníquitas.

- 1 Beátus cui remíssa est iníquitas,  
et obtéctum est peccátum.
- 2 Beátus vir cui non imputávit Dóminus delíctum,  
nec est in spíritu eius dolus. R.
- 5 Peccátum meum cógnitum tibi feci,  
et delíctum meum non abscóndi.  
Dixi: « Confitébor advérsum me  
iniquitátem meam Dómino ».  
Et tu remisisti impietátem peccáti mei. R.
- 6 Propter hoc orábit ad te omnis sanctus  
in témpore opportúno.  
Et in dilúvio aquárum multárum  
ad eum non approximábunt. R.
- 7 Tu es refúgium meum,  
a tribulatióne conservábis me;  
exsultatióibus salútis circúmdabis me. R.

**Anno secundo**

**Lectio prior**

*Recessit Israel a domo David*

**Lectio libri primi Regum**

11, 29-32; 12, 19

Factum est in témpore illo, ut Ieróboam egrederéatur de Ierúsalem, et inveníret eum Ahías Silonítés prophéta

in via, opértus pállio novo; erant autem duo tantum in agro.

Apprehendénsque Ahías pállium suum novum, quo coopértus erat, scidit in duódecim partes, et ait ad Ieróboam: « Tolle tibi decem scissúras; hæc enim dicit Dóminus Deus Israel: "Ecce ego scindam regnum de manu Salomónis, et dabo tibi decem tribus. Porro una tribus remanébit ei, propter servum meum David et Ierúsalem civitátem quam elégi ex ómnibus tríbubus Israel" ».

Recessítque Israel a domo David usque in præséntem diem. — Verbum Dómini.

**Psalmus responsorius**

Ps 80, 10-11 ab, 12-13, 14-15 (R.: cf. 11 a et 9 a)

R. Ego sum Dóminus Deus tuus: audi vocem meam.

- 10 Non erit in te deus aliénus  
neque adorábis deum extráneum.
- 11 Ego enim sum Dóminus Deus tuus,  
qui edúxi te de terra Ægypti. R.
- 12 Et non audívit pópulus meus vocem meam,  
et Israel non inténdit mihi.
- 13 Et dimísi eos secúndum durítiam cordis eórum,  
ibunt in adinventiúnibus suis. R.
- 14 Si pópulus meus audísset me,  
Israel si in viis meis ambulásset,
- 15 in brevi inimícós eórum humiliássem,  
et super tribulántes eos misíssem manum meam. R.

**Alleluia**

Cf. Act 16, 14 b

R. Alleluia. V. Aperi, Dómine, cor nostrum,  
ut intendámus verbis Fílli tui.

R. Alleluia.

## Evangelium

*Surdos fecit audire et mutos loqui.*

† Léctio sancti Evangélii secúndum Marcum

7, 31-37

In illo témpore:

Exiens Iesus de fínibus Tyri venit per Sidónem ad mare Galiláeæ inter médios fines Decapóleos.

Et addúcunt ei surdum et mutum et deprecabántur eum ut impónat illi manum. Et apprehéndens eum de turba seórsum misit dígitos suos in aurículas eius et exspuens tétigit linguaṁ eius, et suspíciens in cælum ingé-muit et ait illi: « Effetha », quod est: « Adaperí-re ». Et statim apértæ sunt aures eius, et solútum est vínculum linguaे eius, et loquebátur recte.

Et præcipit illis ne cui dicerent: quanto autem eis præcipiébat, tanto magis plus prædicábant.

Et eo ámplius admirabántur dicéntes: « Bene ómnia fecit, et surdos fecit audíre et mutos loqui ».

Verbum Dómini.

## Super oblata

Dómine Deus noster,  
qui has pótius creatúras  
ad fragilitatis nostræ subsídium condidísti,  
tribue, quásumus,  
ut étiam aëternitatis nobis fiant sacraméntum.  
Per Christum.

## Ant. ad communionem

Ps 106, 8-9

Confiteántur Dómino misericórdia eius,  
et mirabilia eius filiis hóminum,  
quia satiávit ániam inánem,  
et ániam esuriéntem satiávit bonis.

## Vel:

Mt 5, 5-6

Beáti qui lugent, quóniam ipsi consolabúntur.  
Beáti qui esúriunt et sítiunt iustítiam,  
quóniam ipsi saturabúntur.

## Post communionem

Deus, qui nos de uno pane et de uno cálice  
partícipes esse voluísti,  
da nobis, quásumus, ita vivere,  
ut, unum in Christo effécti,  
fructum afferámus pro mundi salúte gaudéntes.  
Per Christum.

## Sabbato

## Ant. ad introitum

Ps 94, 6-7

Veníte, adorémus Deum,  
et procidámus ante Dóminum, qui fecit nos;  
quia ipse est Dóminus Deus noster.

## Collecta

Famíliam tuam, quásumus, Dómine,  
contínuā pietáte custódi,  
ut, quæ in sola spe grátiae cælestis innítitur,  
tua semper protectione muniátur. Per Dóminum.

## Anno primo

## Lectio prior

*Emisit eum Dominus de paradiſo voluptatis  
ut operaretur terram.*

## Léctio libri Génesis

3, 9-24

Vocávit Dóminus Deus Adam et dixit ei: « Ubi es? »  
Qui ait: « Voce tuam audívi in paradiſo, et tímui  
eo quod nudus essem, et abscóndi me ».

Cui dixit: « Quis enim indicávit tibi quod nudus es-  
ses, nisi quod ex ligno, de quo præcéperam tibi ne com-  
éderes, comedísti? »

Dixítque Adam: « Múlier, quam dedísti mihi sóciam,  
dedit mihi de ligno, et comédi ».

Et dixit Dóminus Deus ad mulíerem: « Quare hoc  
fecísti? »

Quæ respóndit: « Serpens decépit me, et comédi ».

Et ait Dóminus Deus ad serpéntem: « Quia fecísti  
hoc, maledictus es inter ómnia animántia et béstias ter-  
ræ; super pectus tuum gradiéris, et terram cómedes  
cunetis diébus vitæ tuæ. Inimicitias ponam inter te et  
mulíerem, et semen tuum et semen illiū; ipsa cónteret  
caput tuum, et tu insidiáberis calcáneo eius ».

Mulíeri quoque dixit: « Multiplicábo aérumnas tuas  
et concéptus tuos; in dolóre páries filios, et sub viri  
potestáte eris, et ipse dominábitur tui ».

Adæ vero dixit: « Quia audísti vocem uxóris tuæ  
et comedísti de ligno, ex quo præcéperam tibi ne comé-  
deres, maledicta terra in ópere tuo; in labóribus cóme-  
des ex ea cunctis diébus vitæ tuæ. Spinæ et tríbulos ger-  
minábit tibi, et cómedes herbam terræ. In sudóre vul-  
tus tui vescérис pane, donec revertáris in terram, de qua  
sumptus es; quia pulvis es, et in púlverem revertéris ».

Et vocávit Adam nomen uxóris suæ « Eva », eo quod  
mater esset cunctórum vivéntium.

Fecit quoque Dóminus Deus Adæ et uxóri eius túni-  
cas pellíceas, et índuit eos et ait: « Ecce Adam quasi unus  
ex nobis factus est, sciens bonum et malum; nunc ergo,  
ne forte mittat manum suam et sumat étiam de ligno  
vitæ, et cómedat et vivat in aétérnum ».

Et emísit eum Dóminus Deus de paradíso voluptátis,  
ut operaréatur terram, de qua sumptus est. Eiecitque  
Adam, et collocávit ante paradísum voluptátis Chérubim

et flámmeum gládium atque versátilem, ad custodién-  
dam viam ligni vitæ.

Verbum Dómini.

**Psalmus responsorius Ps 89, 2. 3-4. 5-6. 12-13 (R.: 1)**

R. Dómine, refúgium factus es nobis,  
a generatióne in generatióne.

<sup>2</sup> Priúsquam montes nasceréntur  
aut gignerétur terra et orbis,  
a século et usque in séculum tu es Deus. R.

<sup>3</sup> Redúcis hóminem in púlverem;  
et dixísti: « Revertímini, filii hóminum ».

<sup>4</sup> Quóniam mille anni ante óculos tuos  
tamquam dies hestérra quæ prætériit,  
et custódia in nocte. R.

<sup>5</sup> Perfúndis eos somno,

<sup>6</sup> erunt mane sicut herba succréscens:  
mane floret et crescit,  
véspera décidit et aréscit. R.

<sup>12</sup> Dinumeráre dies nostros sic doce nos,  
ut inducámus cor ad sapiéntiam.

<sup>13</sup> Convértere, Dómine, úisquequo?  
Et deprecábilis esto super servos tuos. R.

### Anno secundo

#### Lectio prior

*Fecit Ieroboam duos vitulos aureos.*

Léctio libri primi Regum

**12, 26-32; 13, 33-34**

In diébus illis:

Dixit Ieroboam in corde suo: « Nunc revertéatur re-  
gnum ad domum David, si ascénderit pópulus iste ut  
fáciat sacrificia in domo Dómini in Ierúsalem; et con-

vertéatur cor pópuli huius ad dómínum suum Róboam regem Iuda; interfícientque me et reverténtur ad eum ». Et excogitáto consilio fecit duos vítulos áureos, et dixit eis: « Nólite ultra ascéndere in Ierúsalem; ecce dii tui, Israel, qui te eduxérunt de terra Ægýpti ». Posuitque unum in Bethel et álterum in Dan. Et factum est verbum hoc in peccátum; ibat enim pópulus ad adorándum vítulum usque in Dan.

Et fecit fana in excélsis, et sacerdótes de extrémis pópuli, qui non erant de fíliis Levi. Constituítque diem sollémnem in mense octávo, quintadécima die mensis, in similitúdinem sollemnitátis quæ celebrabat in Iuda. Et ascéndens altáre simíliter fecit in Bethel, ut immoláret vítulis quos fabricátus fúerat; constituítque in Bethel sacerdótes excelsórum quæ fécerat.

Non est revérsus Ieróboam de viá sua péssima, sed e contrario fecit de novíssimis pópuli sacerdótes excelsórum. Quicúmque volébat implébat manum suam, et fiébat sacérdos excelsórum. Et propter hanc causam pecávit domus Ieróboam, et evérsa est et deléta de superfície terræ. — Verbum Dómini.

### Psalmus responsorius

Ps 105, 6-7 a. 19-20. 21-22 (R.: 4 a)

R. Meménto nostri, Dómine,  
in beneplácito pópuli tui.

<sup>6</sup> Peccávimus cum pátribus nostris,  
iniúste égimus, iniúitatem fécimus.

<sup>7</sup> Patres nostri in Ægýpto  
non intellexérunt mirabília tua. R.

<sup>19</sup> Et fecérunt vítulum in Horeb,  
et adoravérunt scúptile;

<sup>20</sup> et mutavérunt glóriam suam  
in similitúdinem tauri comedéntis fenum. R.

<sup>21</sup> Oblíti sunt Deum qui salvávit eos,  
qui fecit magnália in Ægýpto,

<sup>22</sup> mirabília in terra Cham,  
terribília in mari Rubro. R.

Alleluia

Mt 4, 4 b

R. Alleluia. ♀. Non in solo pane vivit homo,  
sed in omni verbo quod procédit de ore Dei.

R. Alleluia.

Evangelium

Manducaverunt et saturati sunt.

† Léctio sancti Evangélii secúndum Marcum 8, 1-10

In illis diébus íterum cum turba multa esset nec habérent quod manducárent, convocáti Iesús discípulis ait illis: « Miséreor super turbam, quia iam tríduo sústinent me nec habent quod mandúcent; et si dimísero eos ieíunos in domum suam, defícient in via; et quidam ex eis de longe venérunt ».

Et respondérunt ei discípuli sui: « Unde istos pótérter quis hic saturáre páníbus in solitúdine? »

Et interrogábát eos: « Quot panes habétis? »

Qui dixérunt: « Septem ».

Et præcépit turbæ discúmbere supra terram; et acípiens septem panes, grátias agens fregit et dabat discípulis suis ut appónerent et apposuérunt turbæ. Et habébant piscículos paucos; et benedícens eos, iussit hos quoque appóni.

Et manducavérunt et saturáti sunt, et sustulérunt quod superáverat de fragméntis septem sportas. Erant autem quasi quáttuor mília. Et dimísit eos.

Et statim ascéndens navem cum discípulis suis venit in partes Dalmanútha.

Verbum Dómini.

**Super oblata**

Dómine Deus noster,  
qui has pótius creatúras  
ad fragilitáris nostræ subsídium condidísti,  
tríbue, quásimus,  
ut étiam aëternitátis nobis fiant sacraméntum.  
Per Christum.

**Ant. ad communionem**

Ps 106, 8.9

Confiteántur Dómino misericórdia eius,  
et mirabília eius filiis hóminum,  
quia satiávit ánīmā inámēm,  
et ánīmā esuriéntēm satiávit bonis.

**Vel:**

Mt 5, 5-6

Beáti qui lugent, quóniam ipsi consolabúntur.  
Beáti qui esúriunt et sitiunt iustítiam,  
quóniam ipsi saturabúntur.

**Post communionem**

Deus; qui nos de uno pane et de uno cálice  
partícipes esse voluísti,  
da nobis, quásimus, ita vívere,  
ut, unum in Christo effécti,  
fructum afferámus pro mundi salúte gaudéntes.  
Per Christum.

**DOMINICA VI « PER ANNUM »****Ant. ad introitum**

Ps 30, 3-4

Esto mihi in Deum protectórem, et in locum refúgii,  
ut salvum me fácias.

Quóniam firmaméntum meum et refúgium meum es tu,  
et propter nomen tuum dux mihi eris, et enútries me.

**Dicitur** Glória in excélsis.

**Collecta**

Deus,  
qui te in rectis et sincéris manére pectóribus ásseris,  
da nobis tua grácia tales exsístere,  
in quibus habitare dignérис. Per Dóminum.

**Anno A****Lectio prima**

Nemini mandavit impie agere.

**Léctio libri Sirácidae**

15, 16-21

Si volúeris mandáta serváre, conservábunt te, et in  
perpéturn fidem plácitam fácere.

Appósuit tibi aquam et ignem; ad quod volúeris pór-  
ridge manum tuam.

Ante hóminem vita et mors, bonum et malum: quod  
placuerit ei dábitur illi.

Quóniam multa sapiéntia Dei, et fortis in poténtia  
videns omnes sine intermissióne.

Oculi Dómini ad timéntes eum, et ipse agnoscit om-  
nem óperam hóminis.

Némini mandávit ímpie ágere, et némini dedit spá-  
tium peccándi. — Verbum Dómini.

## Psalmus responsorius

Ps 118, 1-2. 4-5. 17-18. 33-34 (R: 1b)

- R. Beáti qui ámbulant in lege Dómini.  
 1 Beáti immaculáti in via,  
     qui ámbulant in lege Dómini.  
 2 Beáti qui servant testimónia eius,  
     in toto corde exquirunt eum. R.  
 4 Tu mandásti mandáta tua custodíri nimis.  
 5 Utinam dirigántur viæ meæ  
     ad custodiéndas iustificatiónes tuas. R.  
 17 Bénéfac servo tuo, et vivam,  
     et custódiam sermónum tuum.  
 18 Revélá oculos meos,  
     et considerábo mirabília de lege tua. R.  
 33 Legem pone mihi, Dómine,  
     viam iustificatiónum tuárum,  
     et servábo eam semper.  
 34 Da mihi intelléctum, et servábo legem tuam,  
     et custódiam illam in toto corde meo. R.

## Lectio secunda

*Prædestinavit Deus sapientiam ante sæcula  
 in gloriam nostram.*

Léctio Epístolæ primæ beáti Pauli apóstoli  
 ad Corínthios 2, 6-10

Fratres:

Sapiéntiam lóquimur inter perféctos, sapiéntiam vero non huius sǽculi neque príncipum huius sǽculi qui destruúntur,

sed lóquimur Dei sapiéntiam in mystério, quæ abscón-dita est, quam prædestinávit Deus ante sæcula in glóriam nostram; quam nemo príncipum huius sǽculi cognovit;

si enim cognovíssent, numquam Dóminum glóriæ crucifíssent. Sed sicut scriptum est: « Quod óculus non vidit nec auris audívit, nec in cor hóminis ascéndit, quæ preparávit Deus his qui díligunt illum ».

Nobis autem revelávit Deus per Spíritum: Spíritus enim ómnia scrutátur, étiam profúnda Dei.

Verbum Dómini.

Alleluia

Cf. Mt 11, 25

R. Alleluia. R. Benedíctus es, Pater, Dómine cæli et terræ,  
     quia mystéria Regni párvulis revelásti.  
 R. Alleluia.

## Evangelium\*

*Sic dictum est antiquis; ego autem dico vobis.*

† Léctio sancti Evangélii secúndum Mattháeum 5, 17-37  
 In illo témpore: Dixit Iesus discípulis suis:

« Nolíte putáre quóniam veni sólvere Legem aut Prophétas: non veni sólvere sed adimplére. Amen quippe dico vobis: Donec tránseat cælum et terra, iota unum aut unus apex non præteríbit a Lege donec ómnia fiant.

Qui ergo sólverit unum de mandátis istis mínimis et docuérit sic hómines, míminus vocábitur in Regno cælórum; qui autem fécerit et docuérit, hic magnus vocábitur in Regno cælórum.

Dico enim vobis: Nisi abundáverit iustítia vestra plus quam scribárum et Pharisæórum, non intrábitis in Regnum cælórum.

Audístis quia dictum est antiquis: " Non occídes "; qui autem occíderit, reus erit iudício. Ego autem dico vobis: Omnis qui irásctitur fratri suo, reus erit iudício; qui autem díixerit fratri suo: " Racha ", reus erit concí-

lio; qui autem díixerit: " Fátue ", reus erit gehénnæ ignis.

Si ergo ófferes munus tuum ad altáre, et ibi recordátus fúeris quia frater tuus habet áliquid advérsum te, relínque ibi munus tuum ante altáre et vade prius, reconciliare fratri tuo, et tunc véniens offer munus tuum.

Esto conséntiens adversário tuo cito dum es in via cum eo, ne forte tradat te adversárius iúdici, et iudex tradat te minístro, et in cárcerem mittáris. Amen dico tibi: Non éxies inde donec reddas novíssimum quadrántem.

Audístis quia dictum est: " Non mœcháberis ". Ego autem dico vobis: Omnis qui víderit mulíerem ad concupiscéndum eam iam mœchátus est eam in corde suo.

Quod si óculus tuus dexter scandalizat te, érue eum et próice abs te: expedit enim tibi ut péreat unum membrórum tuórum quam totum corpus tuum mittátur in gehénnam. Et si déxtera manus tua scandalizat te, abscide eam et próice abs te: expedit enim tibi ut péreat unum membrórum tuórum quam totum corpus tuum ábeat in gehénnam.

Dictum est autem: " Quicúmque dimiserit uxórem suam, det illi libéllum repúdii ". Ego autem dico vobis: Omnis qui dimiserit uxórem suam, excépta fornicatióne causa, facit eam mœchári, et qui dimíssam dúxerit, adulterat.

Iterum audístis quia dictum est antíquis: " Non per iurábis ", " reddes autem Dómino iuraménta tua ". Ego autem dico vobis: Non iuráre omníno, neque per cælum, quia thronus Dei est; neque per terram, quia scabéllum est pedum eius, neque per Hierosólymam, quia cívitas est magni Regis; neque per caput tuum iuráveris, quia non potes unum capíllum album fácere aut nigrum.

Sit autem sermo vester: " Est est ", " Non non "; quod autem his abundántius est a Malo est ».

Verbum Dómini.

vel brevior

† Léctio sancti Evangélii secúndum Matthéum

5, 20-22 a. 27-28. 33-34 a. 37

In illo témpore: Dixit Iesus discípulis suis:

« Dico vobis: Nisi abundáverit iustitia vestra plus quam scribárum et Pharisæórum, non intrábitis in Regnum cælórum.

Audístis quia dictum est antíquis: " Non occídes "; qui autem occíderit, reus erit iudicio. Ego autem dico vobis: Omnis qui irásctitur fratri suo, reus erit iudicio.

Audístis quia dictum est: " Non mœcháberis ". Ego autem dico vobis: Omnis qui víderit mulíerem ad concupiscéndum eam iam mœchátus est eam in corde suo.

Iterum audístis quia dictum est antíquis: " Non per iurábis ", " reddes autem Dómino iuraménta tua ". Ego autem dico vobis: Non iuráre omníno.

Sit autem sermo vester: " Est est ", " Non non "; quod autem his abundántius est a Malo est ».

Verbum Dómini.

Anno B

Lectio prima

*Solus habitabit leprosus extra castra.*

Léctio libri Levítici

13, 1-2. 44-46

Locútus est Dóminus ad Móysen et Aaron, dicens:

« Homo, in cuius cute et carne ortus fúerit divérsus color, sive pústula aut quasi lucens quíppiam, id est

plaga lepræ, adducétur ad Aaron sacerdótem, vel ad unum quémlibet filiòrum eius.

Quicúmque ergo maculátus fúerit lepra, et separátus est ad arbitrium sacerdótis, habébit vestiménta dissúta, caput nudum, os veste contéctum, contaminátum ac sórdidum se clamábit. Omni témpore, quo leprósus est et immundus, solus habitábit extra castra ».

Verbum Dómini.

**Psalmus responsorius** Ps 31, 1-2. 5. 11 (¶: cf. 7)

¶ Tu es refúgium meum, gáudio salútis círcumdas me.  
 1 Beátus cui remíssa est iniquitas,  
 et obtéctum est peccátum.  
 2 Beátus vir cui non imputávit Dóminus delictum,  
 nec est in spíritu eius dolus. ¶  
 3 Peccátum meum cógnitum tibi feci,  
 et delictum meum non abscóndi.  
 Dixi: « Confitébor advérsum me  
 iniquitátem meam Dómino ».  
 Et tu remisisti impietátem peccati mei. ¶  
 11 Lætámini in Dómino et exsultáte, iusti,  
 et gloriámini, omnes recti corde. ¶

### Lectio secunda

*Imitatores mei estote, sicut et ego Christi.*

Léctio Epístolæ primæ beáti Pauli apóstoli  
 ad Corínthios 10, 31 — 11, 1

Fratres:

Sive manducátis sive bíbitis sive áliud quid fácitis,  
 ómnia in glóriam Dei fácite. Sine offensióne estote Iudaei  
 et Græcis et Ecclésiæ Dei, sicut et ego per ómnia ómnibus pláceo, non quærens quod mihi útile est sed quod  
 multis, ut salvi fiant.

Imitatóres mei estote sicut et ego Christi.  
 Verbum Dómini.

**Alleluia**

Lc 7, 16

¶ Alleluia. ¶ Prophéta magnus surréxit in nobis,  
 et Deus visitávit plebem suam. ¶ Alleluia.

### Evangelium

*Discessit ab eo lepra, et mundatus est.*

¶ Léctio sancti Evangélii secúndum Marcum 1, 40-45  
 In illo témpore:

Venit ad Iesum leprósus déprecans eum et genu flectens et dicens ei: « Si vis, potes me mundare ». Et miséritus exténdens manum suam tétigit eum, et ait illi: « Volo, mundare », et statim discéssit ab eo lepra, et mundátus est.

Et infrémuit in eum statimque eiécit illum, et dicit ei: « Vide némini quidquam díxeris, sed vade, osténde te sacerdóti et offer pro emundatióne tua quæ præcépit Móyses, in testimónium illis ».

At ille egréssus coepit prædicare multum et diffamare sermónum, ita ut iam non posset maniféstare in civitátem introíre sed foris in desértis locis erat; et conveniébant ad eum úndique. — Verbum Dómini.

### Anno C

#### Lectio prima

*Maledictus qui confidit in homine; benedictus qui confidit in Domino.*

Léctio libri Ieremíæ prophétæ

17, 5-8

Hæc dicit Dóminus:

« Maledictus homo qui confidit in homine, et ponit

carnem bráccium suum, et a Dómino recédit cor eius. Erit enim quasi myrícæ in desérto, et non vidébit cum vénérerit bonum; sed habitábit in siccitaté in desérto, in terra salsúginis et inhabitábili.

Benedictus vir qui confidit in Dómino, et erit Dóminus fidúcia eius; et erit quasi lignum quod transplantátur super aquas, quod ad humórem mittit radíces suas, et non timébit cum vénérerit æstus: et erit fólium eius víride, et in témpore siccitatís non erit sollicitum, nec aliquándo désinet fácer fructum ».

Verbum Dómini.

### Psalmus responsorius

Ps 1, 1-2. 3. 4 et 6 (R.: Ps 39, 5 c)

- R. Beatus vir qui pósuit Dóminum spem suam.
- 1 Beatus vir qui non ábiit in consilio impiórum, et in via peccatórum non stetit, et in convéntu derisórum non sedit;
- 2 sed in lege Dómini volúntas eius, et in lege eius meditátur die ac nocte. R.
- 3 Et erit tamquam lignum plantátum secus decúrsus aquárum, quod fructum suum dabit in témpore suo; et fólium eius non défluet, et ómnia quæcúmque fáciat prosperabúntur. R.
- 4 Non sic ímpii, non sic, sed tamquam pulvis quem próicit ventus.
- 5 Quóniam novit Dóminus viam iustórum, et iter impiórum períbit. R.

### Lectio secunda

*Si Christus non resurrexit, stulta est fides vestra.*

Léctio Epístolæ primæ beáti Pauli apóstoli  
ad Corínthios 15, 12. 16-20

Fratres:

Si Christus prædicátur quod suscitátus est a mórtuis, quómodo quidam dicunt in vobis quóniam resurréctio mortuórum non est?

Nam si mórtui non resúrgunt, neque Christus resurréxit; quod si Christus non resurréxit, stulta est fides vestra, adhuc estis in peccátis vestris. Ergo et qui dormiérunt in Christo periérunt. Si in hac vita tantum in Christo sperántes sumus, miserabiliores sumus ómnibus homínibus.

Nunc autem Christus resurréxit a mórtuis, primítiae dormiéntium. — Verbum Dómini.

### Alleluia

Lc 6, 23 ab

R. Alleluia. *R.* Gaudéte et exsultáte: ecce enim merces vestra multa est in cælo.  
R. Alleluia.

### Evangelium

*Beati pauperes. Væ vobis divitibus!*

¶ Léctio sancti Evangélii secúndum Lucam 6, 17. 20-26  
In illo témpore:

Descéndens Iesus cum Duódecim, stetit in loco campestri, et turba multa discipulórum eius, et multitúdo copiosa plebis ab omni Iudéa et Ierúsalem et marítima Tyri et Sidónis.

Et ipse eleváti oculis suis in discípulos suos, dicébat:

« Beáti páuperes, quia vestrum est Regnum Dei.  
 Beáti qui nunc esurítis, quia saturabímini.  
 Beáti qui nunc fletis, quia ridébitis.  
 Beáti éritis, cum vos óderint hómines, et cum sepa-ráverint vos et exprobráverint et eiécerint nomen ve-strum tamquam malum propter Fílium hóminis: gaudéte in illa die et exsultáte, ecce enim merces vestra multa est in cælo; secúndum hæc enim faciébant Prophétis patres eórum.

Verúmtamen vœ vobis divítibus, quia habétis consolatióne vestram.

Vœ vobis, qui saturáti estis nunc, quia esuriéitis.

Vœ vobis, qui ridéatis nunc, quia lugébitis et flébitis.

Vœ, cum bene vobis dixerint omnes hómines, se-cúndum hæc enim faciébant pseudoprophétis patres eórum ». — Verbum Dómini.

**Dicitur Credo.**

### Super oblata

Hæc nos oblátio, quésumus, Dómine, mundet et rénovet, atque tuam exsequéntibus voluntátem fiat causa remuneratiónis ætérnæ. Per Christum.

**Præfatio de dominicis « per annum », pp. 752-759.**

### Ant. ad communionem

Ps 77, 29-30

Manducavérunt, et saturáti sunt nimis,  
 et desidérium eórum áttulit eis Dóminus;  
 non sunt fraudáti a desidério suo.

### Vel:

Io 3, 16

Sic Deus diléxit mundum,  
 ut Fílium suum unigénitum daret,

ut omnis qui credit in eum non péreat,  
 sed hábeat vitam ætérnam.

### Post communionem

Cælestibus, Dómine, pasti delíciis,  
 quésumus, ut semper éadem,  
 per quæ veráciter vivimus, appetámus.  
 Per Christum.

### Feria secunda

#### Ant. ad introitum

Ps 30, 3-4

Esto mihi in Deum protectórem, et in locum refúgii,  
 ut salvum me fácias.

Quóniam firmaméntum meum  
 et refúgium meum es tu,  
 et propter nomen tuum dux mihi eris, et enútries me.

### Collecta

Deus,  
 qui te in rectis et sincéris manére pectóribus ásseris,  
 da nobis tua grácia tales exsístere,  
 in quibus habitáre dignérис.  
 Per Dóminum.

### Anno primo

#### Lectio prior

Consurrexit Cain adversus fratrem suum  
 Abel, et interfecit eum.

#### Lectio libri Génesis

4, 1-15. 25

Adam cognovit uxórem suam Evam, quæ concépit et péperit Cain, dicens: « Possédi hóminem per Deum ». Rursúmque péperit fratrem eius Abel. Fuit autem Abel pastor óvium, et Cain agrícola.

Factum est autem post multos dies ut offérret Cain de fructibus terrae múnera Dómino. Abel quoque óbtulit de primogénitis gregis sui et de adípibus eórum. Et respéxit Dóminus ad Abel et ad múnera eius; ad Cain vero et ad múnera illíus non respéxit. Iratúsque est Cain vehémenter, et cóncidit vultus eius.

Dixítque Dóminus ad eum: « Quare irátus es? et cur cóncidit fácies tua? Nonne si bene égeris, recipies; sin autem male, statim in fóribus peccátum áderit? Sed sub te erit appetitus eius, et tu domináberis illíus ».

Dixítque Cain ad Abel fratrem suum: « Egrediámur foras ». Cumque essent in agro, consurréxit Cain advérsus fratrem suum Abel, et interfécit eum.

Et ait Dóminus ad Cain: « Ubi est Abel frater tuus? »

Qui respóndit: « Nescio; num custos fratri mei sum ego? »

Dixítque ad eum: « Quid fecísti? Vox sanguinis fratri tui clamat ad me de terra. Nunc ígitur maledictus eris super terram, quæ apéruit os suum et suscépit sanguinem fratri tui de manu tua. Cum operátus fúeris eam, non dabit tibi fructus suos; vagus et prófugus eris super terram ».

Dixítque Cain ad Dóminum: « Maior est iniquitas mea, quam ut véniam mériar. Ecce éicis me hódie a fácie terræ; et a fácie tua abscondar, et ero vagus et prófugus in terra; omnis ígitur, qui invénerit me, occídet me ».

Dixítque ei Dóminus: « Nequáquam ita fiet; sed omnis qui occíderit Cain séptuplum puniéatur ». Posuitque Dóminus Cain signum, ut non interfíceret eum omnis qui invenísset eum.

Cognovit quoque adhuc Adam uxórem suam, et péperit filium, vocavítque nomen eius Seth dicens: « Pósuit mihi Deus semen áliud pro Abel, quem occídit Cain ».

Verbum Dómini.

## Psalmus responsoriū

Ps 49, 1 et 8. 16 bc-17. 20-21 (R.: 14 a)

R. Immola Deo sacrificium laudis.

<sup>1</sup> Deus deórum Dóminus locútus est,  
et vocávit terram a solis ortu usque ad occásum.

<sup>8</sup> Non in sacrificiis tuis árguam te;  
holocáusta enim tua in conspéctu meo sunt semper. R.

<sup>16</sup> « Quare tu enárras præcépta mea,  
et assúmis testaméntum meum in os tuum?

<sup>17</sup> Tu vero odísti disciplinam,  
et proiecísti sermónes meos retrórum. R.

<sup>20</sup> Sedens advérsus fratrem tuum loquebáris,  
et advérsus filium matris tuæ  
proferébas opprórium.

<sup>21</sup> Hæc fecísti, et tacui.  
Existimásti quod eram tui símilis:  
árguam te, et státuam illa contra fáciem tuam ». R.

## Anno secundo

## Lectio prior

Probatio fidei vestræ patientiam operatur,  
ut sitis perfecti et integri.

Inítiū Epistolæ beáti Iacóbí apóstoli

1, 1-11

Iacóbus, Dei et Dómini Iesu Christi servus, duodecim Tríbus que sunt in disparsióne, salútem.

Omne gáudium existimáte, fratres mei, cum in tentatióibus variis incidéritis, scientes quod probatio fidei vestræ patientiam operátur; patientia autem opus perfectum hábeat, ut sitis perfecti et integri, in nullo deficiéntes.

Si quis autem vestrūm indiget sapiéntia, póstulet a Deo qui dat ómnibus affluénter et non impróperat, et

dábitur ei. Póstulet autem in fide, nihil hásitans, qui enim hásitat símilis est flúctui maris qui a vento mo-vétur et circumférunt; non ergo ástimet homo ille quod accípiat áliquid a Dómino, vir duplex ánimo, incónstans in ómnibus viis suis.

Gloriétur autem frater húmílis in exaltatióne sua, dives autem in humilitáte sua, quóniam sicut flos feni transíbit. Exórtus est enim sol cum ardóre et arefécit fenum, et flos eius décidit et decor vultus eius depériit; ita et dives in itinéribus suis marcésct.

Verbum Dómini.

**Psalmus responsorius**

Ps 118, 67. 68. 71. 72. 75. 76 (R.: 77 a)

- R. Véniant mihi miseratiónes tuæ, Dómine, et vivam.  
 67 Priúsqam humiliárer ego errávi;  
 nunc autem elóquium tuum custódiam. R.  
 68 Bonus es tu et benefáciens,  
 doce me iustificatiónes tuas. R.  
 71 Bonum mihi quia humiliátus sum,  
 ut discam iustificatiónes tuas. R.  
 72 Bonum mihi lex oris tui,  
 super mília auri et argénti. R.  
 75 Cognóvi, Dómine, quia áequitas iudícia tua,  
 et in veritáte humiliásti me. R.  
 76 Fiat misericórdia tua ut consoléetur me,  
 secúndum elóquium tuum servo tuo. R.

**Alleluia**

Io 14, 6

- R. Allelúa. **V.** Ego sum via, véritas et vita, dicit Dóminus;  
 nemo venit ad Patrem, nisi per me.  
 R. Allelúa.

**Evangelium**

*Quid generatio ista quærít signum?*

† Léctio sancti Evangélii secúndum Marcum 8, 11-13

In illo témpore:

Exiérunt Phariséi et cœpérunt conquírere cum Iesu, quæréntes ab illo signum de cælo, tentántes eum. Et ingemíscens spíritu suo ait: « Quid generatió ista quærít signum? Amen dico vobis: Non dábitur generatióni isti signum ».

Et dimittens eos, íterum ascéndens, ábiit trans fre-tum. — Verbum Dómini.

**Super oblata**

Hæc nos oblátio, quæsumus, Dómine, mundet et rénovet, atque tuam exsequéntibus voluntátem fiat causa remuneratiónis ætérnæ. Per Christum.

**Ant. ad communionem**

Ps 77, 29-30

Manducavérunt, et saturáti sunt nimis,  
 et desidérium eórum áttulit eis Dóminus;  
 non sunt fraudáti a desidério suo.

**Vel:**

Io 3, 16

Sic Deus diléxit mundum,  
 ut Fílium suum unigénitum daret,  
 ut omnis qui credit in eum non péreat,  
 sed hábeat vitam ætérnam.

**Post communionem**

Cælestibus, Dómine, pasti delíciis,  
 quæsumus, ut semper éadem,  
 per quæ veráciter vívimus, appetámus.  
 Per Christum.

## Feria tertia

## Ant. ad introitum

Ps 30, 3-4

Esto mihi in Deum protectórem, et in locum refúgii,  
ut salvum me fáciás.

Quóniam firmaméntum meum et refúgium meum es tu,  
et propter nomen tuum dux mihi eris, et enútries me.

## Collecta

Deus,  
qui te in rectis et sincéris manére pectóribus ásseris,  
da nobis tua grátia tales exsístere,  
in quibus habitáre dignérис.

Per Dóminum.

## Anno primo

## Lectio prior

*Delebo hominem quem creavi a facie terræ.*

## Léctio libri Génesis

6, 5-8; 7, 1-5. 10

Videns Deus quod multa malítia hóminum esset in terra, et cuncta cogitatio cordis inténta esset ad malum omni tempore, pénituit eum quod hóminem fecisset in terra. Et tactus dolore cordis intrínsecus: « Delébo, inquit, hóminem, quem creávi, a facie terræ, ab hómine usque ad animántia, a réptili usque ad vólucres cæli; pénitit enim me fecisse eos ».

Noe vero invénit grátiam coram Dómino.

Dixítque Dóminus ad eum: « Ingrédere tu et omnis domus tua in arcā; te enim vidi iustum coram me in generatiōne hac. Ex ómnibus animántibus mundis tolle septéna et septéna, másculum et féminam; de animántibus vero immundis duo et duo, másculum et féminam. Sed et de volatílibus cæli septéna et septéna, másculum et

fémīnam, ut salvétur semen super fáciem univérsæ terræ. Adhuc enim, et post dies septem ego pluam super terram quadragínta diébus et quadragínta nóctibus, et delébo omnem substántiam, quam feci, de superfície terræ ».

Fecit ergo Noe ómnia quæ mandáverat ei Dóminus. Cumque transíssent septem dies, aquæ dilúvii inundavérunt super terram. — Verbum Dómini.

## Psalmus responsorius

Ps 28, 1 a et 2. 3 ac-4. 3 b et 9 b-10 (R.: 11 b)

R. Dóminus benedícet pópulo suo in pace.

- <sup>1</sup> Afférte Dómino, filii Dei,
- <sup>2</sup> afférte Dómino glóriam nóminis eius,  
adoráte Dóminum in splendóre sancto. R.
- <sup>3</sup> Vox Dómini super aquas,  
Dóminus super aquas multas.
- <sup>4</sup> Vox Dómini in virtúte,  
vox Dómini in magnificéntia. R.
- <sup>5</sup> Deus maiestatis intónuit;
- <sup>9</sup> et in templo eius omnes dicent glóriam.
- <sup>10</sup> Dóminus super dilúvium hábitat,  
et sedébit Dóminus rex in æténum. R.

## Anno secundo

## Lectio prior

*Ipse Deus neminem tentat.*

## Léctio Epístolæ beáti Iacóbi apóstoli

1, 12-18

Caríssimi:

Beátus vir qui suffert tentatiōnem, quia cum probá-tus fúerit accípiet corónam vitæ, quam repromísit Deus diligéntibus se.

Nemo cum tentátor dicat: « A Deo tentor »; Deus enim non tentátor malis, ipse autem néminem tentat. Unusquisque vero tentátor a concupiscéntia sua abstráctus et illéctus; dein concupiscéntia cum concéperit patit peccátum, peccátum vero cum consummátum fúerit generat mortem.

Nolite erráre, fratres mei dilectíssimi. Omne datum óptimum et omne donum perféctum de sursum est, de-scéndens a Patre lúminum, apud quem non est transmutatio nec vicissítudinis obumbratio. Voluntárie génuit nos verbo veritatis, ut simus primítiae quædam creatúræ eius. — Verbum Dómini.

### Psalmus responsorius

Ps 93, 12-13 a. 14-15. 18-19 (R.: 12 a)

R. Beatus homo quem tu erudíeris, Dómine.

12 Beatus homo quem tu erudíeris; Dómine,  
et de lege tua docúeris eum,

13 ut mítiges ei a diébus malis. R.

14 Quia non repéllet Dóminus plebem suam,  
et hereditátem suam non derelínquet.

15 Quia ad iustítiam revertétur iudícium,  
et sequéntur illam omnes qui recto sunt corde. R.

16 Si dicébam: « Motus est pes meus »,  
misericórdia tua, Dómine, sustentábat me.

17 In multitúdine sollicitúdinum meárum in corde meo,  
consolatiónes tuæ lètificavérunt ánimag meam. R.

Alleluia

Io 14, 23

R. Alleluia. y. Si quis díligit me, sermónen meum ser-vábit,  
et Pater meus díliget eum, et ad eum ve-niémus. R. Alleluia.

### Evangelium

Cavete a fermento Pharisæorum et Herodis.

† Léctio sancti Evangélii secúndum Marcum 8, 14-21

In illo témpore:

Oblíti sunt discípuli súmere panes et nisi unum panem non habébant secum in navi. Et præcipiébat eis Iesus dicens: « Vidéte, cavéte a ferménto Pharisæórum et ferménto Heródis ».

Et disputábant ad ívicem quia panes non habérent.

Quo cóngnito ait illis: « Quid disputátiis quia panes non habétis? Nondum cognoscítis nec intellégitis? Cæcátum habétis cor vestrum? Oculos habéntes non vidétis, et aures habéntes non audítis? Nec recordámini, quando quinque panes fregi in quinque mília, quot cóphinos fragmentórum plenos sustulístis? »

Dicunt ei: « Duódecim ».

« Quando illos septem in quáttuor mília, quot spor-tas plenas fragmentórum tulístis? »

Et dicunt ei: « Septem ».

Et dicébat eis: « Nondum intellégitis? »

Verbum Dómini.

### Super oblata

Hæc nos oblátio, quæsumus, Dómine, mundet et rénovet, atque tuam exsequéntibus voluntátem fiat causa remuneratiónis ætérnæ.  
Per Christum.

Ant. ad communionem

Ps 77, 29-30

Manducavérunt, et saturáti sunt nimis,  
et desidérium eórum áttulit eis Dóminus;  
non sunt fraudáti a desidério suo.

**Vel:**

Sic Deus diléxit mundum,  
ut Fílium suum unigénitum daret,  
ut omnis qui credit in eum non péreat,  
sed hábeat vitam ætérnam.

**Post communionem**

Cælestibus, Dómine, pasti delíciis,  
quæsumus, ut semper éadem,  
per quæ veráciter vívimus, appetámus.  
Per Christum.

**Feria quarta****Ant. ad introitum****Ps 30, 3-4**

Esto mihi in Deum protectórem, et in locum refúgii,  
ut salvum me fácias.  
Quóniam firmaméntum meum et refúgium meum es tu,  
et propter nomen tuum dux mihi eris, et enútries me.

**Collecta**

Deus,  
qui te in rectis et sincéris manére pectóribus ásseris,  
da nobis tua grátia tales exsístere,  
in quibus habitáre dignérис.  
Per Dóminum.

**Anno primo****Lectio prior**

*Aspexit viditque quod siccata esset  
facies terræ.*

**Lectio libri Génesis****8, 6-13. 20-22**

Cum transíssent quadragínta dies, apériens Noe fenéstram arcæ, quam fécerat, dimísit corvum; qui egredie-

**Io 3, 16****Feria quarta**

581

bátur et non revertébátur, donec siccáréntur aquæ super terram.

Emísit quoque colúmbam post eum, ut vidéret si iam cessássent aquæ super fáciem terræ. Quæ, cum non invenísset ubi requiésceret pes eius, revérsa est ad eum in arcam, aquæ enim erant super univérsam terram. Extendítque manum, et apprehénsam íntulit in arcam. Exspectátis autem ultra septem diébus áliis, rursum dimísit colúmbam ex arca. At illa venit ad eum ad vésperam, portans ramum olívæ viréntibus fóliis in ore suo. Intelléxit ergo Noe quod cessássent aquæ super terram. Exspectavítque nihilominus septem álios dies, et emísit colúmbam, quæ non est revérsa ultra ad eum.

Igitur sexcentésimo primo anno, primo mense, prima die mensis imminútæ sunt aquæ super terram, et apériens Noe tectum arcæ aspexit, vidítque quod exsiccáta esset superficies terræ.

Ædificávit autem Noe altáre Dómino; et tollens de cunctis pecóribus et volúcribus mundis óbtulit holocáusta super altáre. Odoratúsque est Dóminus odórem suavitatis, et ait: « Nequáquam ultra maledicam terræ propter hómines; sensus enim et cogitatio humáni cordis in malum prona sunt ab adulescéntia sua. Non ígitur ultra percútiám omnem ánimat vivéntem, sicut feci. Cunctis diébus terræ, seméntis et messis, frigus et aestus, aestas et hiems, nox et dies non requiéscent ».

Verbum Dómini.

**Psalmus responsorius****Ps 115, 12-13. 14-15. 18-19 (R.: 17 a)**

R. Tibi, Dómine, sacrificábo hóstiam laudis.  
vel Allelúia.

<sup>12</sup> Quid retríbuam Dómino  
pro ómnibus quæ retríbuit mihi?

- 13 Cálicem salutáris accípiam,  
et nomen Dómini invocábo. R.
- 14 Vota mea Dómino reddam  
coram omni pôpulo eius.
- 15 Pretiósia in conspéctu Dómini  
mors sanctórum eius. R.
- 16 Vota mea Dómino reddam  
coram omni pôpulo eius,
- 19 in átriis domus Dómini,  
in médio tui, Ierúsalem. R.

## Anno secundo

## Lectio prior

*Estote factores verbi et non auditores tantum.*

Léctio Epístolæ beáti Iacóbi apóstoli

1, 19-27

Scitis, fratres mei dilécti. Sit autem omnis homo velox ad audiéndum, tardus autem ad loquéndum, et tardus ad iram; ira enim viri iustitiam Dei non operátur. Propter quod abiciéntes omnem immunditiam et abundántiam malítiae, in mansuetudine suscípite ínsitum verbum, quod potest salváre áimas vestras.

Estóte autem factóres verbi, et non auditóres tantum falléntes vosmetípsos. Quia si quis audítor est verbi et non factor, hic comparábitur viro consideránti vultum nativitatis suæ in spéculo; considerávit enim se et ábiit et statim oblítus est qualis fúerit. Qui autem perspéxerit in lege perfécta libertatis et permánserit, non audítor obliviósus factus sed factor óperis, hic beátus in facto suo erit.

Si quis putat se religiósum esse non freno circumdúcens linguam suam sed sedúcens cor suum, huius vana est religio. Religio munda et immaculáta apud Deum et

Patrem hæc est, visitáre pupíllos et víduas in tribulatióne eorum, immaculátum se custodíre ab hoc século.  
Verbum Dómini.

## Psalmus responsorius

Ps 14, 2-3 ab. 3 cd-4 ab. 5 (R.: 1 b)

- R. Quis requiéscet in monte sancto tuo, Dómine?
- Qui ingréditur sine mácula, et operátur iustitiam;  
qui lóquitur veritátem in corde suo,  
qui non egit dolum in lingua sua. R.
- Nec fecit próximo suo malum,  
et oppróbrium non íntulit próximo suo.
- Ad níhil reputátus est in conspéctu eius malígnus,  
timéntes autem Dóminum glorificat. R.
- Qui pecúniam suam non dedit ad usúram,  
et múnera super innocéntem non accépit.  
Qui facit hæc, non movébitur in æternum. R.

Alleluia

Cf. Eph 1, 17-18

- R. Alleluia. Pater Dómini nostri Iesu Christi illúminet óculos cordis nostri,  
ut sciámus quæ sit spes vocatiónis nostræ.  
R. Alleluia.

## Evangelium

*Restitutus est cæcus,  
et videbat clare omnia.*

† Léctio sancti Evangélii secúndum Marcum 8, 22-26

In illo témpore:

Vénient Iesus et discípuli Bethsáida. Et addúcunt ei cæcum et rogant eum ut illum tangat. Et apprehéndens manum cæci edúxit eum extra vicum et éxspens in

óculos eius, impósitis mánibus ei, interrogábatur eum: « Vides áliquid? » Et aspíciens dicébat: « Vídeo hómines, quia velut árbores vídeo ambulántes ».

Deínde iterum impósuit manus super óculos eius, et cœpit vidére, et restitútus est, et vidébat clare ómnia.

Et misit illum in domum suam dicens: « Nec in vi-cum introíeris ». — Verbum Dómini.

### Super oblata

Hæc nos oblátio, quás sumus, Dómine, mundet et rénovet, atque tuam exsequéntibus voluntátem fiat causa remuneratiónis ætérnæ.

Per Christum.

### Ant. ad communionem

Ps 77, 29-30

Manducavérunt, et saturáti sunt nimis, et desidérium eórum áttulit eis Dóminus; non sunt fraudáti a desidério suo.

### Vel:

Io 3, 16

Sic Deus diléxit mundum, ut Fílium suum unigénitum daret, ut omnis qui credit in eum non péreat, sed hábeat vitam ætérnam.

### Post communionem

Cælestibus, Dómine, pasti delíciis, quás sumus, ut semper éadem, per quæ veráciter vivimus, appetámus. Per Christum.

### Feria quinta

### Ant. ad introitum

Ps 30, 3-4

Esto mihi in Deum protectórem, et in locum refúgi, ut salvum me fácias.

Quóniam firmaméntum meum et refúgium meum es tu, et propter nomen tuum dux mihi eris, et enútries me.

### Collecta

Deus,  
qui te in rectis et sincéris manére pectóribus ásseris,  
da nobis tua grátia tales exsístere,  
in quibus habitáre dignérис.

Per Dóminum.

### Anno primo

#### Lectio prior

*Arcum meum ponam in nubibus et erit signum fœderis inter me et terram.*

### Lectio libri Génesis

9, 1-13

Benedíxit Deus Noe et fíliis eius, et dixit ad eos:

« Créscite et multiplicámini et repléte terram. Et terror vester ac tremor sit super cuncta animália terræ et super omnes vólucres cæli, cum univérsis quæ movéntur super terram; omnes pisces maris mánui vestræ tráditi sunt. Et omne, quod movétur et vivit, erit vobis in cibum: quasi ólera viréntia trádidi vobis ómnia.

Excépto quod carnem cum ságuine non comedétis. Sánguinem enim animárum vestrárum requíram de manu cunctárum bestiárum; et de manu hóminis, de manu viri et fratriis eius requíram ánimat hóminis. Quicúmque effúderit humánum ságuinem, fundéetur sanguis il-lus; ad imáginem quippe Dei factus est homo.

Vos autem créscite et multiplicámini, et ingredímini super terram, et impléte eam ».

Hæc quoque dixit Deus ad Noe et ad filios eius cum eo: « Ecce ego státuam pactum meum vobiscum, et cum sémine vestro post vos, et ad omnem ánimat vivéntem,

quæ est vobíscum, tam in volúcribus quam in iuméntis et pecúdibus terræ cunctis, quæ egréssa sunt de arca, et univérsis béstiiis terræ. Státuam pactum meum vobíscum, et nequáquam ultra interficiétur omnis caro aquis dilúvii, neque erit deínceps dilúvium díssipans terram ».

Dixítque Deus: « Hoc signum fóederis, quod do inter me et vos et ad omnem ánimam vivéntem, quæ est vobíscum in generatiónes sempitérnas: arcum meum ponam in núbibus, et erit signum fóederis inter me et inter terram ».

Verbum Dómini.

### Psalmus responsorius

Ps 101, 16-18, 19-21, 29 et 22-23 (R.: 20 b)

R. Dóminus de célo in terram aspéxit.

- <sup>16</sup> Et timébunt gentes nomen tuum, Dómine, et omnes reges terra glóriam tuam;
- <sup>17</sup> quia ædificávit Dóminus Sion, et appáruit in glória sua.
- <sup>18</sup> Respéxit in oratióne in opum, et non sprevit precem eórum. R.
- <sup>19</sup> Scribántur hæc pro generatióne áltera, et pópulus qui creábitur, laudábit Dóminum.
- <sup>20</sup> Quia prospéxit de excélsu sanctuário suo, Dóminus de célo in terram aspéxit;
- <sup>21</sup> ut audíret gémitus compeditórum, ut sólveret filios mortis. R.
- <sup>22</sup> Fílli servórum tuórum habitábunt, et semen eórum in conspéctu tuo firmábitur,
- <sup>23</sup> ut annúntient in Sion nomen Dómini, et laudem eius in Ierúsalem;
- <sup>24</sup> in conveniéndo pópuli in unum, et regna, ut sérviant Dómino. R.

### Anno secundo

#### Lectio prior

Nonne Deus elegit pauperes? Vos autem exhonora stis pauperem.

Léctio Epístolæ beáti Iacóbi apóstoli

2, 1-9

Fratres mei, nolite in personárum acceptiōne habére fidem Dómini nostri Iesu Christi glóriæ.

Etenim si introíerit in synagógam vestram vir áureum ánulum habens in veste cándida, introíerit autem et pau per in sórdido hábitu, et intendátis in eum qui indútus est veste præclára, et dixéritis: « Tu sede hic bene », páuperi autem dicáitis: « Tu sta illic aut sede sub scabélio meo », nonne iudicáti apud vosmetípos et facti estis iúdices cogitatiónum iniquárum?

Audíte, fratres mei dilectíssimi. Nonne Deus elégit qui páuperes sunt mundo dívites in fide et herédes Regni, quod repromísit diligéntibus se? Vos autem exhonora stis páuperem. Nonne dívites ópprímunt vos, et ipsi trahunt vos ad iudícia? Nonne ipsi blasphemant bonum nomen quod invocátum est super vos?

Si tamen legem perfícitis regálē secúndum Scriptú ram, « Díliges próximum tuum sicut teípsum », bene fáctis; si autem persónas accípitis, peccátum operámíni, redargúti a Lege quasi transgressóres.

Verbum Dómini.

Psalmus responsorius Ps 33, 2-3, 4-5, 6-7 (R.: 7 a)

R. Pauper clamávit, et Dóminus exaudívit eum.

- <sup>2</sup> Benedícam Dóminum in omni témpore, semper laus eius in ore meo.
- <sup>3</sup> In Dómino gloriábitur áнима mea, áudiant mansuéti et lætén tur. R.

- <sup>4</sup> Magnificáte Dóminum mecum,  
et exaltémus nomen eius in idíspsum.  
<sup>5</sup> Exquisívi Dóminum, et exaudívit me,  
et ex ómnibus terróribus meis erípuit me. R.  
<sup>6</sup> Respícite ad eum, et illuminámini,  
et fácies vestrá non confundéntur.  
<sup>7</sup> Iste pauper clamávit, et Dóminus exaudívit eum,  
et de ómnibus tribulatiónibus eius salvávit eum. R.

Alleluia

Io 6, 64 b. 69 b

R. Alleluia. ♀. Verba tua, Dómine, spíritus et vita sunt;  
verba vitæ ætérnæ habes. R. Alleluia.

## Evangelium

Tu es Christus ... Oportet Filium hominis multa pati.

✠ Léctio sancti Evangélii secúndum Marcum 8, 27-33  
In illo témpore:

Egréssus est Iesus et discípuli eius in castélla Cæsaréæ Philíppi; et in via interrogábatur discípulos suos dicens eis: « Quem me dicunt esse hómines? »

Qui respondérunt illi dicéntes: « Ioánnem Baptístam, álii Elíam, álii vero unum de prophétis ».

Et ipse interrogábatur eos: « Vos vero quem me dicitis esse? »

Respónsens Petrus ait ei: « Tu es Christus ». Et comminátus est eis ne cui dícerent de illo.

Et cœpit docére illos: « Opórtet Fílium hóminis multa pati et reprobári a senióribus et a summis sacerdótibus et scribis, et occídi et post tres dies resúrgere »; et palam verbum loquebátur.

Et apprehéndens eum Petrus cœpit increpáre eum. Qui convérsus et videns discípulos suos comminátus est

Petro et dicit: « Vade retro me, Sátana, quóniam non sapis quæ Dei sunt sed quæ sunt hóminum ». Verbum Dómini.

## Super oblata

Hæc nos oblátio, quæsumus, Dómine, mundet et rénovet, atque tuam exsequéntibus voluntátem fiat causa remuneratiónis ætérnæ. Per Christum.

Ant. ad communionem

Ps 77, 29-30

Manducavérunt, et saturáti sunt nimis,  
et desidérium eórum áttulit eis Dóminus;  
non sunt fraudáti a desidério suo.

Vel:

Io 3, 16

Sic Deus diléxit mundum,  
ut Fílium suum unigénitum daret,  
ut omnis qui credit in eum non péreat,  
sed hábeat vitam ætérnam.

## Post communionem

Cælestibus, Dómine, pasti delíciis,  
quæsumus, ut semper éadem,  
per quæ veráciter vívimus, appetámus.  
Per Christum.

## Feria sexta

Ant. ad introitum

Ps 30, 3-4

Esto mihi in Deum protectórem, et in locum refúgii,  
ut salvum me fácias.

Quóniam firmaméntum meum et refúgium meum es tu,  
et propter nomen tuum dux mihi eris, et enútries me.

**Collecta**

Deus,  
qui te in rectis et sincéris manére pectóribus ásseris,  
da nobis tua grácia tales exsístere,  
in quibus habitáre dignérís.  
Per Dóminum.

**Anno primo****Lectio prior**

*Descendamus et confundamus linguam eorum.*

**Léctio libri Génesis**

**11, 1-9**

Erat terra lábii unius et sermónum eorúndem. Cumque hómines proficisceréntur de oriénte, invenérunt campum in terra Sénnaar, et habitavérunt in eo. Dixítque alter ad próximum suum: « Veníte, faciámus láteres et coquámus eos igni ». Habuerúntque láteres pro saxis et bitúmen pro cæmento.

Et dixérunt: « Veníte, faciámus nobis civitátem et turrim, cuíus culmen pertíngat ad cælum, et celebrémus nomen nostrum ántequam dividámur in univérsas terras ».

Descéndit autem Dóminus, ut vidéret civitátem et turrim, quam ædificábant filii Adam. Et dixit: « Ecce unus est póplus et unum lábium ómnibus; cœperúntque hoc fácere, nec desístant a cogitatióibus suis donec eas ópere cópleteant. Veníte ígitur, descendámus et confundámus ibi linguam eórum, ut non áudiatur unusquisque vocem próximi sui ».

Atque ita divíxit eos Dóminus ex illo loco in univérsas terras, et cessavérunt ædificare civitátem. Et idcirco vocátum est nomen eius « Babel », quia ibi confúsum est lábium univérsæ terræ; et inde dispérsit eos Dóminus super fáciem cunctárum régionum. — Verbum Dómini.

**Psalmus resp. Ps 32, 10-11. 12-13. 14-15 (R.: 12 b)**

R. Beátus póplus, quem élégit Dóminus  
in hereditátem sibi.

- 10** Dóminus díssipat consilia géntium,  
írritas facit cogitatiónes populórum.
- 11** Consilium autem Dómini in æténum manet,  
cogitatiónes cordis eius in generatióne et generatiónenem. R.
- 12** Beáta gens, cui Dóminus est Deus,  
póplus, quem élégit in hereditátem sibi.
- 13** De cælo respéxit Dóminus,  
vidit omnes fílios hóminum. R.
- 14** De loco habitáculi sui respéxit,  
super omnes qui hábitant terram,
- 15** qui finxit singillátim corda eórum,  
qui intéllegit ómnia ópéra eórum. R.

**Anno secundo****Lectio prior**

*Sicut corpus sine spiritu emortuum est,  
ita et fides sine operibus.*

**Léctio Epístolæ beáti Iacóbi apóstoli**

**2, 14-24. 26**

Quid próderit, fratres mei, si fidem quis dicat se habére, ópéra autem non hábeat? Numquid póterit fides salváre eum?

Si frater aut soror nudi sunt et índigent victu cotidiáno, dicat autem alíquis de vobis illis: « Ite in pace, calefacímini et saturámini », non dedéritis autem eis quæ necessária sunt cörperis, quid próderit? Sic et fides, si non hábeat ópéra, mórtua est in semetípsa.

Sed dicet quis: « Tu fidem habes et ego ópéra hábeo. Osténde mihi fidem tuam sine opéribus, et ego tibi osténdam ex opéribus meis fidem ». Tu credis quóniam

unus est Deus? Bene facis; et dæmones credunt et contremiscunt. Vis autem scire, o homo inánis, quóniam fides sine opéribus otiósa est? Abraham pater noster nonne ex opéribus iustificátus est, ófferens Isaac filium suum super altáre? Vides quóniam fides cooperabátur opéribus illiū et ex opéribus fides consummáta est, et suppléta est Scriptúra dicens: « Crédidit Abraham Deo, et reputátum est illi ad iustítiam », et Amícus Dei appellátus est.

Vidétis quóniam ex opéribus iustificátur homo et non ex fide tantum. Sicut enim corpus sine spíritu emórtuum est, ita et fides sine opéribus mórtua est.

Verbum Dómini.

**Psalmus responsorius** Ps 111, 1-2. 3-4. 5-6 (R.: cf. 1)

R. Beátus vir qui in mandátis Dómini cupit nimis.

vel Allelúa.

- 1 Beátus vir qui timet Dóminum,  
in mandátis eius cupit nimis.
- 2 Potens in terra erit semen eius,  
generatio rectórum benedicétur. R.
- 3 Glória et divitiæ in domo eius,  
et iustitia eius manet in sǽculum sǽculi.
- 4 Exórtum est in ténebris lumen rectis,  
misericors et miserátor et iustus. R.
- 5 Iucundus homo qui miserétur et cōmodat,  
dispónet res suas in iudicio,  
quia in ætérnum non commovébitur. R.

Alleluia

Io 15, 15 b

R. Allelúa. Y. Vos dixi amícos, dicit Dóminus,  
quia ómnia quaecumque audívi a Patre meo  
nota feci vobis. R. Allelúa.

### Evangelium

*Qui perdiderit animam suam propter me  
et Evangelium, salvam faciet eam.*

† Léctio sancti Evangélii secúndum Marcum 8, 34-39

In illo témpore:

Convocáta Iesus turba cum discípulis suis dixit eis: « Si quis vult post me sequi, déneget se ipsum et tollat crucem suam et sequátur me. Qui enim voluerit ánimam suam salvam fáceré, perdet eam; qui autem perdíderit ánimam suam propter me et Evangélium, salvam eam fáciét.

Quid enim prodest hómini si lucrétur mundum totum et detriméntum fáciat ánimæ suæ? Quid enim dabit homo commutatióñem pro ánima sua?

Qui enim me confúsus fúerit et mea verba in generatióne ista adultera et peccatóre, et Fílius hóminis confundétur eum cum vénérat in glória Patris sui cum ángelis sanctis ».

Et dicébat illis: « Amen dico vobis: Sunt quidam de hic stántibus, qui non gustábunt mortem, donec vídeant Regnum Dei venisse in Virtute ».

Verbum Dómini.

### Super oblata

Hæc nos oblátio, quásimus, Dómine, mundet et rénovet,  
atque tuam exsequéntibus voluntátem  
fiat causa remuneratiónis æternæ.

Per Christum.

Ant. ad communionem

Ps 77, 29-30

Manducavérunt, et saturáti sunt nimis,  
et desidérium eórum áttulit eis Dóminus;  
non sunt fraudáti a desidério suo.

**Vel:**

Sic Deus diléxit mundum,  
ut Fílium suum unigénitum daret,  
ut omnis qui credit in eum non péreat,  
sed hábeat vitam ætérnam.

**Post communionem**

Cæléstibus, Dómine, pasti delíciis,  
quæsumus, ut semper éadem,  
per quæ veráciter vívimus, appetámus.  
Per Christum.

**Sabbato****Ant. ad introitum****Ps 30. 3-4**

Esto mihi in Deum protectórem, et in locum refúgii,  
ut salvum me fácias.  
Quóniam firmaméntum meum et refúgium meum es tu,  
et propter nomen tuum dux mihi eris, et enútries me.

**Collecta**

Deus,  
qui te in rectis et sincéris manére pectóribus ásseris,  
da nobis tua grátia tales exsístere,  
in quibus habitáre dignérис. Per Dóminum.

**Anno primo****Lectio prior**

*Fide intellegimus aptata esse sæcula verbo Dei.*

**Léctio Epistolæ ad Hebráeos****11, 1-7****Fratres:**

Est fides sperandórum substántia, rerum arguméntum  
non apparéntium. In hac enim testimónium consecútui  
sunt seniores.

**Io 3, 16**

Fide intellégimus aptáta esse sæcula verbo Dei, ut  
ex invisibilibus visibilia facta sint.

Fide ampliórem hóstiam Abel quam Cain óbtulit  
Deo, per quam testimónium consecútus est esse iustus,  
testimónium perhibénte munéribus eius Deo, et per il-  
lam defúnctus adhuc lóquitur.

Fide Enoch translátus est ne vidéret mortem, et non  
inveniebátur quia tránstulit illum Deus; ante transla-  
tionem enim testimónium accépit placuisse Deo, sine fide  
autem impossíble placére, crédere enim opórtet accedé-  
tem ad Deum quia est, et inquiréntibus se remunerátor  
fit.

Fide Noe respónso accépto de his quæ adhuc non vi-  
debántur, revéritus aptávit arcā in salútem domus suæ;  
per quam damnávit mundum, et iustitiæ, quæ secúndum  
fidem est, heres est institútus. — Verbum Dómini.

**Psalmus responsorius****Ps 144, 2-3. 4-5. 10-11 (R.: cf. 1 b)**

R. Benedícām nómini tuo, Dómine, in ætérnum.

<sup>2</sup> Per síngulos dies benedícām tibi,  
et laudábo nomen tuum  
in sǽculum et in sǽculum sǽculi.

<sup>3</sup> Magnus Dóminus et laudábilis nimis,  
et magnítudinis eius non est investigatió. R.

<sup>4</sup> Generatió generatióni laudábit ópera tua,  
et poténtiam tuam pronuntiábunt.

<sup>5</sup> Magnificéntiam glóriæ maiestatis tuæ loquéntur,  
et mirabília tua enarrábunt. R.

<sup>10</sup> Confiteántur tibi, Dómine, ómnia ópera tua;  
et sancti tui benedicant tibi.

<sup>11</sup> Glóriam regni tui dicant,  
et poténtiam tuam loquántur. R.

Anno secundo

## Lectio prior

*Linguam nullus hominum domare potest.*

Léctio Epístolæ beáti Iacóbi apóstoli      3, 1-10

Nólite plures magístri fíeri, fratres mei, scientes quóniam maius iudícium accipiémus. In multis enim offéndimus omnes.

Si quis in verbo non offéndit, hic perféctus est vir, potens étiam freno circumdúcere totum corpus. Si autem equórum frenos in ora míttimus ad obœdiéndum nobis, et omne corpus illórum circumférimus. Ecce et naves, cum tam magnæ sint et a ventis válidis minéntur, circumferúntur a mímino gubernáculo ubi ímpetus dirigéntis voluerit; ita et lingua módicum quidem membrum est et magna exsúltat. Ecce quantus ignis quam magnam silvam incéndit; et lingua ignis est, univérsitas iniquitatis, lingua constitúitur in membris nostris, quæ máculat totum corpus et inflámmat rotam nativitatis et inflammat a gehénnā.

Omnis enim natúra et bestiárum et vólucrum et serpéntium et étiam ceterórum domátur et dómita est a natúra humána; linguam autem nullus hóminum domáre potest; inquiétum malum, plena venéno mortífero. In ipsa benedícmus Dóminum et Patrem, et in ipsa maledícmus hómines qui ad similitúdinem Dei facti sunt; ex ipso ore procédit benedíctio et maledíctio. Non opóret, fratres mei, hæc ita fíeri. — Verbum Dómini.

Psalms responorius      Ps 11, 2-3. 4-5. 7-8 (R.: 8 a)

R. Tu, Dómine, servábis nos.

2 Salvum me fac, Dómine, quóniam defécit sanctus, quóniam deminúti sunt fidéles a filiis hóminum.

<sup>3</sup> Vana locúti sunt unusquísque ad próximum suum; in lábiis dolósis, in dúplici corde locúti sunt. R.

<sup>4</sup> Dispérdat Dóminus univérsa lábia dolosa et línguam magniloquam.

<sup>5</sup> Qui dixérunt: « Lingua nostra magnificábimur, lábia nostra a nobis sunt; quis noster dóminus est? » R.

<sup>7</sup> Elóquia Dómini elóquia casta, argéntum igne examinátum, separátum a terra, purgátum séptuplum.

<sup>8</sup> Tu, Dómine, servábis nos et custódies nos, a generatióne hac in æténum. R.

Alleluia

Cf. Mc 9, 6

R. Allelúa. <sup>V.</sup> Cæli aperti sunt et vox Patris intónuit: « Hic est Fílius meus caríssimus: audíte illum ». R. Allelúa.

## Evangelium

*Transfiguratus est coram ipsis.*

† Léctio sancti Evangélii secúndum Marcum      9, 2-12

In illo témpore:

Assúmit Iesus Petrum et Iacóbum et Ioáninem, et ducit illos in montem excélsum seórsum solos. Et transfigurátus est coram ipsis, et vestiménta eius facta sunt splendéntia, cándida nimis quália fullo super terram non potest tam cándida fácere. Et appáruit illis Elías cum Móyse, et erant loquéntes cum Iesu.

Et respóndens Petrus ait Iesu: « Rabbi, bonum est nos hic esse et faciámus tria tabernácula, tibi unum et Móysi unum et Eliae unum ». Non enim sciébat quid respondéret, erant enim extérriti.

Et facta est nubes obúmbrans eos, et venit vox de nube: « Hic est Fílius meus diléctus: audíte illum ». Et

statim circumspiciéntes néminem ámplius vidérunt nisi Iesum tantum secum.

Et descendéntibus illis de monte, præcépit illis ne cui quæ vidíssent narrárent, nisi cum Fílius hóminis a mórtuis resurréxerit. Et verbum continuérunt apud se, conquiréntes quid esset illud « a mórtuis resúrgere ».

Et interrogábant eum dicéntes: « Quid ergo dicunt scribæ quia Elíam opórteat venire primum? »

Qui ait illis: « Elías cum vénerit primo, restítuet ómnia, et quómodo scriptum est super Fílio hóminis ut multa patiátur et contemnátur? Sed dico vobis: Et Elías venit, et fecerunt illi quæcúmque volébant, sicut scrip-tum est de eo ». — Verbum Dómini.

### Super oblata

Hæc nos oblátio, quæsumus, Dómine, mundet et rénovet, atque tuam exsequéntibus voluntátem fiat causa remuneratiónis ætérnæ. Per Christum.

### Ant. ad communionem

Ps 77, 29-30

Manducáverunt, et saturáti sunt nimis, et desidérium eórum áttulit eis Dóminus; non sunt fraudáti a desidério suo.

### Vel:

Io 3, 16

Sic Deus diléxit mundum, ut Fílium suum unigénitum daret, ut omnis qui credit in eum non péreat, sed hábeat vitam ætérnam.

### Post communionem

Cælestibus, Dómine, pasti delíciis, quæsumus, ut semper éadem, per quæ veráciter vivimus, appetámus. Per Christum.

## DOMINICA VII « PER ANNUM »

### Ant. ad introitum

Ps 12, 6

Dómine, in tua misericórdia sperávi.  
Exsultávit cor meum in salutári tuo,  
cantábo Dómino, qui bona tríbuit mihi.

Dicitur Glória in excélsis.

### Collecta

Præsta, quæsumus, omnípotens Deus,  
ut, semper rationabília meditántes, quæ tibi sunt plácita,  
et dictis exsequámur et factis. Per Dóminum.

### Anno A

#### Lectio prima

*Diliges amicum tuum sicut te ipsum.*

#### Léctio libri Levítici

19, 1-2. 17-18

Locútus est Dóminus ad Móysen dicens:

« Lóquere ad omnem cœtum filiòrum Israel, et dices ad eos: Sancti estóte, quia ego sanctus sum Dóminus Deus vester.

Non óderis fratrem tuum in corde tuo, sed públice árgue eum, ne hábeas super illo peccátum. Non quæras ultiónem, nec memor eris iniúriæ cívium tuórum. Díliges amícum tuum sicut te ipsum. Ego Dóminus ». Verbum Dómini.

#### Psalmus responsorius

Ps 102, 1-2. 3-4. 8 et 10. 12-13 (R.: 8 a)

R. Miserátor et miséricors Dóminus.

<sup>1</sup> Bénedic, ánima mea, Dómino;  
et ómnia quæ intra me sunt, nómini sancto eius.

- <sup>2</sup> Bénedic, áнима mea, Dómino,  
et noli oblívisci omnes retributíones eius. R.  
<sup>3</sup> Qui propitiátor ómnibus iniquitátibus tuis,  
qui sanat omnés infirmitátes tuas;  
<sup>4</sup> qui rédimít de intéritu vitam tuam,  
qui corónat te in misericórdia et miseratióibus. R.  
<sup>5</sup> Miserátor et misericors Dóminus,  
longánimis et multæ misericórdiæ.  
<sup>10</sup> Non secúndum peccáta nostra fecit nobis,  
neque secúndum iniquitátes nostras retríbuit nobis. R.  
<sup>12</sup> Quantum distat ortus ab occidénte,  
longe fecit a nobis iniquitátes nostras.  
<sup>13</sup> Quómodo miserétur pater filiórū,  
miséritus est Dóminus timéntibus se. R.

### Lectio secunda

*Omnia vestra sunt, vos autem Christi,  
Christus autem Dei.*

Léctio Epístolæ primæ beáti Pauli apóstoli  
ad Corínthios 3, 16-23

Fratres:

Nescítis quia templum Dei estis et Spíritus Dei hábitat in vobis? Si quis autem templum Dei evréterit, evértet illum Deus; templum enim Dei sanctum est, quod estis vos.

Nemo se sedúcat; si quis vidétur sápiens esse inter vos in hoc século, stultus fiat, ut sit sápiens. Sapiéntia enim huius mundi stultitia est apud Deum; scriptum est enim: « Qui apprehéndit sapiéntes in astútia eórum », et íterum: « Dóminus novit cogitatiónes sapiéntium, quóniam vanæ sunt ».

Itaque nemo gloriétur in homínibus; ómnia enim

vestra sunt, sive Paulus, sive Apóllo, sive Cephas, sive mundus, sive vita sive mors, sive præséntia sive futúra, ómnia enim vestra sunt, vos autem Christi, Christus autem Dei. — Verbum Dómini.

**Alleluia**

1 Io 2, 5

R. Alleluia. y. Qui servat verbum Christi,  
vere in hoc cáritas Dei perfécta est.  
R. Alleluia.

### Evangelium

*Diligitе inimicos vestros.*

† Léctio sancti Evangélii secúndum Matthéum

5, 38-48

In illo témpore: Dixit Iesus discípulis suis:

« Audístis quia dictum est: " Oculum pro óculo et dentem pro dente ". Ego autem dico vobis: Non resistere malo; sed si quis te percússerit in déxtera maxilla tua, præbe illi et álteram; et ei qui vult tecum iudício conténdere et túnicam tuam tollere, remítte ei et pállium; et quicúmque te angariáverit mille passus, vade cum illo duo. Qui petit a te, da ei, et volénti mutuári a te, ne avertáris.

Audístis quia dictum est: " Díliges próximum tuum ", et ódio habébis inimícum tuum. Ego autem dico vobis: Dilígite inimícos vestros et oráte pro persequéntibus vos, ut sitis filii Patris vestri qui in cælis est, quia solem suum oríri facit super malos et bonos et pluit super iustos et iniústos.

Si enim dilexéritis eos qui vos diligunt, quam mercédem habétis? Nonne et publicáni hoc fáciunt? Et si salutavéritis fratres vestros tantum, quid amplius fá-

citis? Nonne et éthnici hoc fáciunt? Estóte ergo vos perfécti sicut Pater vester cælestis perféctus est ».  
Verbum Dómini.

## Anno B

## Lectio prima

*Deleo iniquitates tuas propter me.*

Léctio libri Isaiae prophétae **43, 18-19. 21-22. 24 b-25**

Hæc dicit Dóminus:

« Ne meminéritis priorum, et antiqua ne intueámini. Ecce ego fácio nova, et nunc oriéntur, útique cognoscéatis ea. Ponam in deserto viam, et in ínvio flúmina.

Pópulum istum formávi mihi; laudem meam narrábit.

Non me invocásti, Iacob; nec laborásti in me, Israel.

Servíre me fecísti in peccátis tuis, præbuísti mihi labórem in iniquitatibus tuis. Ego sum, ego sum ipse qui déleo iniquitátes tuas propter me; et peccatórum tuórum non recordábor ». — Verbum Dómini.

**Psalmus responsorius Ps 40, 2-3. 4-5. 13-14 (R.: 5 b)**

R. Sana ánimam meam, Dómine, quia peccávi tibi.

**2** Beátus qui intéllegit de egéno,  
in die mala liberábit eum Dóminus.

**3** Dóminus servábit eum, et vivificábit eum,  
et beatum fáciet eum in terra,  
et non tradet eum in fauces inimicórum eius. R.

**4** Dóminus opem feret illi super lectum doloris eius;  
univérsum stratum eius versábis in infirmitáte eius.

**5** Ego dixi: « Dómine, miserére mei;  
sana ánimam meam, quia peccávi tibi ». R.

**13** Me autem propter innocéntiam suscepísti,  
et statuísti me in conspéctu tuo in æténum.

**14** Benedíctus Dóminus Deus Israel  
a século et usque in séculum. Fiat, fiat. R.

## Lectio secunda

*Iesus non fuit est et non, sed est in illo fuit.*

Léctio Epistolæ secundæ beati Pauli apóstoli  
ad Corínthios

**1, 18-22**

Fratres:

Fidélis Deus quia sermo noster, qui fuit apud vos, non est « est » et « non ». Dei enim Filius Jesus Christus qui in vobis per nos prædicatus est, per me et Silvánum et Timótheum, non fuit « est » et « non », sed « est » in illo fuit. Quotquot enim promissiónes Dei sunt, in illo « est »; ideo et per ipsum « Amen » Deo, ad glóriam per nos.

Qui autem confírmat nos vobíscum in Christum et qui unxit nos Deus, et qui signávit nos et dedit arrabónum Spíritus in córdibus nostris. — Verbum Dómini.

Alleluia

**Lc 4, 18-19**

R. Allelúa. **y.** Evangelizáre paupéribus misit me Dóminus,  
prædicáre captívis remissiónem. R. Allelúa.

## Evangelium

*Filius hominis habet potestatem in terra  
dimitendi peccata.*

**† Léctio sancti Evangélii secundum Marcum 2, 1-12**

Post dies intrávit itérum Jesus Caphárnaum, et audí-tum est quod in domo esset. Et convenérunt multi ita ut non amplius caperéntur neque ad iánuam, et loquebá-tur eis verbum.

Et vénient feréntes ad eum paralýticum, qui a quát-tuor portabátur. Et cum non possent offérre eum illi præ turba, nudavérunt tectum ubi erat, et perfodiéntes

summittunt grabátum in quo paralýticus iacébat. Cum vidísset autem Iesus fidem illórum, ait paralýtico: « Fili, dimittíntur peccáta tua ».

Erant autem illic quidam de scribis sedéntes et cogitantes in córdibus suis: « Quid hic sic lóquitur? Blasphémat, quis potest dimíttere peccáta nisi solus Deus? »

Quo statim cógnito Iesus spíritu suo quia sic cogitárent intra se, dicit illis: « Quid ista cogitáti in córdibus vestris? Quid est facilius dícere paralýtico: "Dimittíntur peccáta tua ", an dícere: " Surge et tolle grabátum tuum et ámbula "? Ut autem sciatis quia potestátēm habet Fílius hóminis in terra dimitténdi peccáta, ait paralýtico: " Tibi dico: Surge, tolle grabátum tuum et vade in domum tuam " ».

Et surrexit, et prótinus sublato grabáto ábiit coram ómnibus, ita ut admiraréntur omnes et glorificárent Deum, dicéntes: « Numquam sic vídimus ».

Verbum Dómini.

## Anno C

### Lectio prima

*Tradidit te Dominus in manum meam,  
et nolui extendere manum.*

Léctio libri primi Samuélis      26, 2. 7-9. 12-13. 22-23

In diébus illis:

Surréxit Saul, et descéndit in désertum Ziph, et cum eo tria mília virórum de éléctis Israel, ut quáreret David in déserto Ziph.

Venérunt ergo David et Abísai ad pópulum nocte, et invenérunt Saul iacéntem et dormiéntem in tentório, et hastam fixam in terra ad caput eius, Abner autem et pópulum dormiéntes in circúitu eius. Dixítque Abísai ad David: « Conclúsit Deus inimícum tuum hódie in ma-

nus tuas; nunc ergo perfódiam eum láncea in terra semel, et secúndo opus non erit ». Et dixit David ad Abísai: « Ne interfíciás eum; quis enim exténdet manum suam in christum Dómini et ínnocens erit ».

Tulit ígitur David hastam et scyphum aquæ, qui erat ad caput Saul, et abiérunt; et non erat quisquam qui vidéret et intellégeret et evigiláret, sed omnes dormiébant, quia sopor Dómini irrúerat super eos.

Cumque transísset David ex advérso et stetísset in vértice montis de longe, et esset grande intervállum inter eos, David ait: « Ecce hasta regis: tránseat unus de púeris regis et tollat eam. Dóminus autem retríbuet unicuíque secúndum iustítiam suam et fidem; trádidit enim te Dóminus hódie in manum meam, et nólui exténdere manum meam in christum Dómini ».

Verbum Dómini.

### Psalmus responsoriū

Ps 102, 1-2. 3-4. 8 et 10. 12-13 (R.: 8 a)

R. Miserátor et miséricors Dóminus.

<sup>1</sup> Bénedic, ánima mea, Dómino;  
et ómnia quæ intra me sunt, nómini sancto eius.

<sup>2</sup> Bénedic, ánima mea, Dómino,  
et noli oblivisci omnes retributíones eius. R.

<sup>3</sup> Qui propitiátur ómnibus iniquitatibus tuis,  
qui sanat omnes infirmitátes tuas;  
<sup>4</sup> qui rédimit de intéritu vitam tuam,  
qui corónat te in misericórdia et miseratióibus. R.

<sup>8</sup> Miserátor et miséricors Dóminus,  
longánímis et multæ misericórdiae.

<sup>10</sup> Non secúndum peccáta nostra fecit nobis,  
neque secúndum iniquitatés nostras retríbuit nobis. R.

- <sup>12</sup> Quantum distat ortus ab occidente,  
longe fecit a nobis iniquitates nostras.  
<sup>13</sup> Quomodo miseretur pater filiorum,  
misertus est Dominus timentibus se. R.

### Lectio secunda

*Sicut portavimus imaginem terreni,  
portabimus et imaginem cœlestis.*

Léctio Epistolæ primæ beati Pauli apóstoli  
ad Corínthios

15, 45-49

Fratres:

Factus est primus homo Adam in animam viventem;  
novissimus Adam in Spíritum vivificantem.

Sed non prius quod spiritale est, sed quod animale  
est, deinde quod spiritale. Primus homo de terra terrenus,  
secundus homo de cælo. Qualis terrenus, tales et  
terrени, et qualis cœlestis, tales et cœlestes; et sicut por-  
tavimus imáginem terreni, portábimus et imáginem cœ-  
lestis. — Verbum Domini.

Alleluia

Io 13, 34

R. Alleluia. V. Mandatum novum do vobis, dicit Dominus,  
ut diligatis invicem, sicut diléxi vos.  
R. Alleluia.

### Evangelium

*Estote misericordes,  
sicut et Pater vester misericors est.*

† Léctio sancti Evangélii secundum Lucam 6, 27-38

In illo tempore: Dixit Iesus discipulis suis:

« Vobis dico, qui auditis: Diligite inimicos vestros,  
bene facite his qui vos odérunt, benedicite maledicentibus

vobis, oráte pro calumniántibus vos. Ei qui te pérçutit  
in maxillam, præbe et áleram, et ab eo qui aufert tibi  
vestimentum, étiam tunicam noli prohibére. Omni petenti  
te, tríbue, et ab eo qui aufert quæ tua sunt, ne répetas.  
Et prout vultis ut fácient vobis hómines, fácite illis si-  
míliter.

Et si dilígitis eos qui vos diligunt, quæ vobis est  
grátia? Nam et peccatóres diligéntes se diligunt. Et si  
bene feceritis his qui vobis bene fáciunt, quæ vobis est  
grátia? Siquidem et peccatóres idem fáciunt. Et si mú-  
tuum dederitis his a quibus sperátiis recipere, quæ vobis  
grátia est? Nam et peccatóres peccatóribus fenerántur ut  
recípiant æquália.

Verúmtamen diligite inimicos vestros et bene fácite et  
mútuum date nihil desperántes; et erit merces vestra  
multa, et éritis filii Altíssimi, quia ipse benígnus est su-  
per ingrátos et malos. Estóte misericórdes, sicut et Pater  
vester misericors est.

Et nolíte iudicáre, et non iudicabímini; et nolíte con-  
demnare, et non condemnabímini. Dimittite, et dimitté-  
mini; date, et dábitur vobis: mensúram bonam, confér-  
tam, coagítatam, supereffluéntem dabunt in sinum ve-  
strum; eádem quippe mensúra qua mensi fuéritis, reme-  
tiétur vobis ». — Verbum Domini.

Dicitur Credo.

### Super oblata

Mystéria tua, Domine, débitis servitiis exsequéntes,  
súpplices te rogámus,  
ut, quod ad honórem tuæ maiestatis offérimus,  
nobis proficiat ad salutem. Per Christum.

Præfatio de dominicis « per annum », pp. 752-759.

**Ant. ad communionem**

Narrábo ómnia mirabília tua.  
Lætábor et exsultábo in te,  
psallam nómini tuo, Altíssime.

Ps 9, 2-3

**Vel:**

Dómine, ego créddi quia tu es Christus Fílius Dei vivi,  
qui in hunc mundum venísti.

Io 11, 27

**Post communionem**

Præsta, quésumus, omnípotens Deus,  
ut illíus salútis capiámus efféctum,  
cuius per hæc mystéria pignus accépimus.  
Per Christum.

**Feria secunda****Ant. ad introitum**

Dómine, in tua misericórdia sperávi.  
Exsultávit cor meum in salutári tuo,  
cantábo Dómino, qui bona trübuit mihi.

Ps 12, 6

**Collecta**

Præsta, quésumus, omnípotens Deus,  
ut, semper rationábilia meditántes,  
quæ tibi sunt plácita, et dictis exsequámur et factis.  
Per Dóminum.

**Anno primo****Lectio prior**

*Prior omnium creata est Sapientia.*

**Ínitium libri Sirácidæ**

1, 1-10

Omnis sapiéntia a Dómino Deo est, et cum illo fuit  
semper, et est ante ævum.

Arénam maris et plúviæ guttas et dies séculi quis  
dinumerávit? Altítudinem cæli et latitúdinem terræ et  
profundum abýssi quis diménsus est? Sapiéntiam Dei  
præcedéntem ómnia quis investigávit?

Prior ómnium créata est sapiéntia, et intelléctus pru-  
dentiæ ab ævo. Fons sapiéntiæ verbum Dei in excélsis,  
et ingréssus illíus mandáta ætérrna.

Radix sapiéntiæ cui reveláta est? et astútias illíus  
quis agnóvit? Disciplína sapiéntiæ cui reveláta est, et  
manifestáta? et multiplicatióne ingréssus illíus quis  
intelléxit?

Unus est altíssimus, créator omnípotens, et rex pot-  
tens, et metuéndus nimis, sedens super thronum illíus  
et dóminans, Deus.

Ipse creávit illam in Spíritu sancto, et vidi, et dinu-  
merávit, et mensus est. Et effúdit illam super ómnia  
ópera sua, et super omnem carnem secúndum datum  
suum, et præbuit illam diligéntibus se.

Verbum Dómini.

**Psalmus responsoriū** Ps 92, 1 ab. 1 c-2. 5 (R.: 1 a)

R. Dóminus regnávit, decórem indútus est.

<sup>1</sup> Dóminus regnávit, decórem indútus est;  
indútus est Dóminus,  
fortitúdine præcínxit se. R.

Etenim firmávit orbem terræ  
qui non commovébitur.

<sup>2</sup> Firmáta sedes tua ex tunc,  
a século tu es. R.

<sup>3</sup> Testimónia tua credibília facta sunt nimis;  
domum tuam decet sanctitúdo, Dómine,  
in longitúdinem diérum. R.

Anno secundo

## Lectio prior

*Si contentiones habetis in cordibus vestris,  
nolite gloriari.*

Léctio Epístolæ beáti Iacóbi apóstoli

3, 13-18

Caríssimi:

Quis sapiens et disciplinátus inter vos? Osténdat ex bona conversatióne operatióne suam in mansuetudine sapiéntiæ. Quod si zelum amárum habétis et contentiões in córdibus vestris, nolite gloriari et mendáces esse ad vérsus veritátem; non est ista sapiéntia desúrsum descén-dens, sed terréna, animális, diabólica; ubi enim zelus et conténtio, ibi inconstántia et omne opus pravum.

Quæ autem desúrsum est sapiéntia, primum quidem pudica est, deínde pacífica, modésta, suadíbilis, plena misericórdia et fructibus bonis, non iúdicans, sine simula-tiōne; fructus autem iustitiæ in pace seminátur faciéntibus pacem. — Verbum Dómini.

Psalmus responsorius Ps 18, 8. 9. 10. 15 (R.: 9 a)

R. Iustitiæ Dómini rectæ, lætificántes corda.

8 Lex Dómini immaculáta, refíciens ániam, testimónium Dómini fidéle, sapiéntiam præstans párvulis. R.

9 Iustitiæ Dómini rectæ, lætificántes corda, præcéptum Dómini lúcidum, illúminans óculos. R.

10 Timor Dómini mundus, pémanens in sǽculum sǽculi, iudicia Dómini vera, iusta ómnia simul. R.

15 Sint, ut compláceant élouquia oris mei, et meditatio cordis mei in conspéctu tuo. Dómine, adiútor meus et redémptor meus. R.

Alleluia

2 Tim 1, 10 b

R. Alleluia. V. Salvátor noster Iesus Christus destrúxit mortem, et illuminávit vitam per Evangélium.  
R. Alleluia.

## Evangelium

Credo: adiuva incredulitatem meam.

† Léctio sancti Evangélii secúndum Marcum 9, 14-28

In illo témpore:

Descéndens Iesus de monte et véniens ad discípulos, vidi turbam magnam circa eos, et scribas conquíre-n tes cum illis. Et conféstim omnis pópulus videns eum stupefáctus est, et accurréntes salutábant eum. Et in terrogávit eos: « Quid inter vos conquíritis? »

Et respóndit ei unus de turba: « Magíster, áttuli filium meum ad te habéntem spíritum mutum, et ubi-cumque eum apprehéderit, allídit illum, et spumat et stridet déntibus et aréscit; et dixi discípulis tuis ut eícerent illum, et non potuérunt. »

Qui respóndens eis dicit: « O generátióne incrédula, quándiu apud vos ero? Quándiu vos pátiar? Afférte illum ad me ». Et attulérunt illum ad eum. Et cum vidísset illum, spíritus statim conturbávit eum, et cárnuens in terram volutabárunt spumas.

Et interroga-vit patrem eius: « Quantum téporis est, ex quo hoc ei áccidit? »

At ille ait: « Ab infántia; et frequénter eum étiam in ignem et in aquas misit ut eum pérderet; sed si quid potes, adiuva nos, misértus nostri ».

Iesus autem ait illi: « Si potes! » Omnia possibília credénti ».

Et contínuo exclámans pater púeri aiébat: « Credo: ádiuva incredulitátem meam ».

Et cum vidéret Iesús concurréntem turbam, commi-nátus est spirítui immúnido dicens illi: « Mute et surde spirítus, ego tibi præcípio, exi ab eo et amplius ne intróreas in eum ». Et clamans et multum discépens eum éxiit; et factus est sicut mórtuus, ita ut multi dícerent: « Mórtuus est! » Iesús autem tenens manum eius ele-vávit illum, et surréxit.

Et cum introísset in domum, discípuli eius secréto interrogábant eum: « Quare nos non potúimus eícere eum? » Et dixit illis: « Hoc genus in nullo potest exire nisi in oratióne ». — Verbum Dómini.

### Super oblata

Mystéria tua, Dómine, débitis servítiis exsequéntes,  
súpplices te rogámus,  
ut, quod ad honórem tuæ maiestátis offérimus,  
nobis proficiat ad salútem.  
Per Christum.

### Ant. ad communionem

Ps 9, 2-3

Narrábo ómnia mirabília tua.  
Lætábor et exsultábo in te,  
psallam nómini tuo, Altíssime.

### Vel:

Io 11, 27

Dómine, ego créddi quia tu es Christus Fílius Dei vivi,  
qui in hunc mundum venísti.

### Post communionem

Præsta, quásimus, omnípotens Deus,  
ut illíus salútis capiámus efféctum,  
cuius per hæc mystéria pignus accépimus.  
Per Christum.

### Feria tertia

#### Ant. ad introitum

Ps 12, 6

Dómine, in tua misericórdia sperávi.  
Exsultávit cor meum in salutári tuo,  
cantábo Dómino, qui bona tríbuit mihi.

#### Collecta

Præsta, quásimus, omnípotens Deus,  
ut, semper rationábilia meditántes,  
quæ tibi sunt plácita, et dictis exsequámur et factis.  
Per Dóminum.

### Anno primo

#### Lectio prior

Præpara animam tuam ad tentationem.

#### Léctio libri Sirácidæ

2, 1-13

Fili, accédens ad servitútem Dei, sta in iustitia et timóre, et præpara ániam tuam ad tentatióne.

Déprime cor tuum et sústine, inclína aurem tuam, et súscipe verba intelléctus, et ne festínes in tempore ob-ductiōnis. Sústine sustentatiónes Dei; coniúngere Deo et sústine, ut crescat in novíssimo vita tua.

Omne quod tibi applícitum fúerit áccipe, et in dolore sústine, et in humilitáte tua patiéntiam habe; quóniam in igne probátur aurum et argéntum, hómines vero receptíbiles in camíno humiliatiónis.

Crede Deo, et recuperábit te, et dírige viam tuam, et spera in illum; serva timórem illíus, et in illo veterásce.

Metuéntes Dóminum, sustinéte misericórdiam eius, et non deflectátis ab illo ne cadatis. Qui timétis Dómi-num, crédite illi, et non evacuábitur merces vestra.

Qui timétis Dóminum, speráte in illum, et in oblec-tatióne véniet vobis misericórdia. Qui timétis Dómi-num, dilígite illum, et illuminabúntur corda vestra.

Respícite, filii, natiónes hóminum; et scítote quia nullus sperávit in Dómino, et confúsus est. Quis enim permánsit in mandátis eius, et derelíctus est? Aut quis invocávit eum, et despéxit illum?

Quóniam pius et miséricors est Deus, et remíttet in die tribulatiónis peccáta; et protéctor est ómnibus exqui-rentibus se in veritáte. — Verbum Dómini.

### Psalmus responsoriū

Ps 36, 3-4. 18-19. 27-28. 39-40 (R.: cf. 5)

R. Commítte Dómino viam tuam, et ipse aget.

<sup>3</sup> Spera in Dómino et fac bonitátem,  
et inhabitábis terram et pascérис in fide.

<sup>4</sup> Delectáre in Dómino,  
et dabit tibi petitiones cordis tui. R.

<sup>18</sup> Novit Dóminus dies immaculatórum,  
et heréditas eórum in ætérnum erit.

<sup>19</sup> Non confundéntur in témpore malo,  
et in diébus famis saturabúntur. R.

<sup>27</sup> Declína a malo et fac bonum,  
et inhabitábis in sǽculum sǽculi.

<sup>28</sup> Quia Dóminus amat iudícium,  
et non derelíquet sanctos suos.

Iniústi in ætérnum disperibunt,  
et semen impiórum exterminábitur. R.

<sup>39</sup> Salus autem iustórum a Dómino,  
et protéctor eórum in témpore tribulatiónis.

<sup>40</sup> Et adiuvábit eos Dóminus et liberábit eos,  
et éruet eos a peccatóribus et salvábit eos,  
quia speravérunt in eo. R.

### Anno secundo

#### Lectio prior

Petitis et non accipitis, eo quod male petitis.

Léctio Epístolæ beáti Iacóbi apóstoli

4, 1-10

Caríssimi:

Unde bella et unde lites in vobis? Nonne hinc, ex concupiscéntiis vestris quæ militant in membris vestris? Concupiscit et non habétis; occíditis et zeláti, et non potéstis adipisci; litigáti et belligeráti. Non habétis propter quod non postuláti; pétitis et non accípitis, eo quod male pétitis, ut in concupiscéntiis vestris insumátis.

Adúlteri, nescítis quia amicítia huius mundi inimíca est Dei? Quicúmque ergo volúerit amícus esse sǽculi huius, inimíicus Dei constitúitur. Aut putáti quia inániter Scriptúra dicat: « Ad invídiam concupiscit Spíritus qui inhábitat in nobis »? Maiórem autem dat grátiam; propter quod dicit: « Deus supérbis resístit, humílibus autem dat grátiam ».

Subicímini ígitur Deo; resístite autem diábolo, et fúgiet a vobis; appropriáte Deo, et appropinquábit vobis. Emundáte manus, peccatóres, et purificáte corda, dúplices ánimo. Míseri estótē et lugéte et ploráte; risus vester in luctum convertátur et gáudium in mærórem. Humiliámini in conspéctu Dómini, et exaltábit vos.

Verbum Dómini.

### Psalmus responsoriū

Ps 54, 7-8. 9-10 a. 10 b-11 a. 23 (R.: 23 a)

R. Iacta super Dóminum curam tuam,  
et ipse te enútriet.

<sup>7</sup> Et dixi: « Quis dabit mihi pennas sicut colúmbæ,  
et volábo et requiéscam?

- <sup>8</sup> Ecce, elongábo fúgiens,  
et manébo in solitúdine ». R.
- <sup>9</sup> Exspectábo eum qui salvum me fáciat,  
a spíritu procéllæ et tempestáte.
- <sup>10</sup> Díssipa, Dómine, dívide línguas eórum. R.
- Quóniam vidi violéntiam et contentióne in civitáte.  
<sup>11</sup> Die ac nocte circúmeunt eam super muros eius. R.
- <sup>23</sup> Iacta super Dóminum curam tuam,  
et ipse te enútriet;  
non dabit in æténum fluctuatióne iusto. R.

**Alleluia****Gal 6, 14**

R. Alleluia. **V.** Mihi absit gloriári nisi in cruce Dómini,  
per quem mihi mundus crucifíxus est et ego  
mundo. R. Alleluia.

**Evangelium**

*Filius hominis traditur. Si quis vult  
primus esse, erit omnium novissimus.*

**† Léctio sancti Evangélii secúndum Marcum 9, 30-36**

In illo témpore:

Profécti de monte Iesus et discípuli sui peragrábant Galilæam; nec volébat quemquam scire. Docébat enim discípulos suos, et dicebat illis: « Filius hóminis tráditur in manus hóminum, et occídent eum, et occísis post tres dies resúrget ». At illi ignorábant verbum, et timébant eum interrogáre.

Et venérunt Caphárnaum. Qui cum domi esset, interrogábant eos: « Quid in via tractabátis? » At illi tacébant. Síquidem inter se in via disputáverant quis esset maior.

Et résidens vocávit Duódecim et ait illis: « Si quis vult primus esse, erit ómnium novíssimus et ómnium míster ». —

Et accípiens púerum, státuit eum in médio eórum, quem cum compléxus esset, ait illis: « Quisquis unum ex huiúsmodi púeris recéperit in Nómine meo, me récipit: et quicúmque me suscéperit, non me súscipit, sed eum qui me misít ». — Verbum Dómini.

**Super oblata**

Mystéria tua, Dómine, débitis servítiis exsequéntes,  
súpplices te rogámus,  
ut, quod ad honórem tuæ maiestátis offérimus,  
nobis profíciat ad salútem.  
Per Christum.

**Ant. ad communionem****Ps 9, 2-3**

Narrábo ómnia mirabília tua.  
Lætábor et exsultábo in te,  
psallam nómini tuo, Altíssime.

**Vel:****Io 11, 27**

Dómine, ego créddi quia tu es Christus Fílius Dei vivi,  
qui in hunc mundum venísti.

**Post communionem**

Præsta, quásumus, omnípotens Deus,  
ut illus salútis capiámus efféctum,  
cuius per hæc mystéria pignus accépimus.  
Per Christum.

## Feria quarta

## Ant. ad introitum

Dómine, in tua misericórdia sperávi.  
Exsultávit cor meum in salutári tuo,  
cantábo Dómino, qui bona tribuit mihi.

## Collecta

Præsta, quæsumus, omnípotens Deus,  
ut, semper rationábilia meditántes,  
quæ tibi sunt plácita, et dictis exsequámur et factis.  
Per Dóminum.

## Anno primo

## Lectio prior

*Eos qui diligunt sapientiam diligit Deus.*

## Léctio libri Siracidae

4, 12-22

Sapiéntia filiis suis vitam inspirat, et súscipit inquiréntes se, et præbit in via iustítiae. Et qui illam díligit, díligit vitam, et qui vigiláverint ad illam, complecténtur placórem eius.

Qui tenérint illam, vitam hereditábunt, et quo introíbit, benédicet Deus. Qui sérviunt ei, obsequéntes erunt Sancto, et eos, qui diligunt illam, díligit Deus. Qui audit illam, iudicábit gentes, et qui intuétur illam, permanébit confidens.

Si crediderit ei, hereditábit illam, et erunt in confirmatione creatúræ illius; quóniam in tentatióne ábulat cum eo, et in primis éligit eum. Timórem et metum et probatióne inducet super illum, et cruciábit illum in tribulatióne doctrinæ suæ, donec tentet eum in cogitationibus suis, et credat ánimæ illius.

Et firmábit illum, et iter addúcet diréctum ad illum, et lætificábit illum, et denudábit abscónsa sua illi, et

Ps 12, 6

## Feria quarta

619

thesaurizábit super illum sciéntiam et intellectum iustítiae. Si autem oberráverit, derelínquet eum et tradet eum in manus inimici sui. — Verbum Dómini.

## Psalmus responsorius

Ps 118, 165. 168. 171. 172. 174. 175 (R.: 165 a)

R. Pax multa diligéntibus legem tuam, Dómine.

<sup>165</sup> Pax multa diligéntibus legem tuam,  
et non est illis scándalum. R.

<sup>168</sup> Servávi mandáta tua et testimónia tua,  
quia omnes viæ meæ in conspéctu tuo. R.

<sup>171</sup> Eructábunt lábia mea hymnum,  
cum docúeris me iustificatiónes tuas. R.

<sup>172</sup> Cantet lingua mea elóquium tuum,  
quia ómnia præcépta tua iustítia. R.

<sup>174</sup> Concupívi salutáre tuum, Dómine,  
et lex tua delectatió mea est. R.

<sup>175</sup> Vivet ánima mea et laudábit te,  
et iudicia tua adiuvábunt me. R.

## Anno secundo

## Lectio prior

*Quæ est vita vestra? Dicatis ergo:  
Si Dominus voluerit.*

## Léctio Epistolæ beáti Iacóbi apóstoli

4, 13 b-18

Caríssimi:

Age nunc qui dícitis: « Hódie aut crástino íbimus in illam civitatem et faciémus quidem ibi annum et mercábimur et lucrum faciémus »: qui ignoráti quæ erit in crástinum vita vestra. Vapor enim estis ad módicum parens, deínceps exterminátur; pro eo ut dicátis:

« Si Dóminus volúerit, et vivémus et faciémus hoc aut illud ». Nunc autem gloriámini in supérbii vestris; omnis gloriátio talis malígna est. Scíenti ígitur bonum fácere et non faciénti, peccátum est illi. — Verbum Dómini.

## Psalmus responsorius

Ps 48, 2-3. 6-7. 8-10. 11 (¶: Mt 5, 3)

- R. Beáti páuperes spíritu,  
quóniam ipsórum est regnum cælórum.  
 2 Audíte hæc, omnes gentes,  
áuribus percípite, omnes qui habitátis orbem.  
 3 Quique húmiles et viri nóbiles,  
simul in unum dives et pauper. R.  
 6 Cur timébo in diébus malis,  
cum iníquitas supplantántium circúmdabit me?  
 7 Qui confídunt in virtúte sua,  
et in multitúdine divitiárum suárum gloriántur. R.  
 8 Etenim seípsum non rédimet homo;  
non dabit Deo propitiatióne suam.  
 9 Nímum est prétium redemptiónis ánimæ eius:  
ad últimum déficit,  
 10 ut vivat usque in finem, nec vídeat intéritum. R.  
 11 Et vidébit sapiéntes moriéntes;  
simul insípiens et stultus peribunt,  
et relínquent aliénis divítias suas. R.

Alleluia

Io 14, 6

- R. Alleluía. ¶ Ego sum via, véritas et vita, dicit Dóminus;  
nemo venit ad Patrem nisi per me.  
R. Alleluía.

## Evangelium

*Qui non est adversum nos, pro nobis est.*

¶ Léctio sancti Evangélii secúndum Marcum 9, 38-39

In illo témpore:

Locútus est Iesu Ioánnes dicens: « Magíster, vídimus quemdam in Nómine tuo eiciéntem dæmónia, et prohibebámus eum, qui non sequebátur nos ».

Iesus autem ait: « Nolíte prohibére eum. Nemo est enim qui fáciat virtútem in Nómine meo et possit cito male loqui de me; qui enim non est advérsus nos, pro nobis est ». — Verbum Dómini.

## Super oblata

Mystéria tua, Dómine, débitis servítiis exsequéntes,  
súpplices te rogámus,  
ut, quod ad honórem tuæ maiestátis offérimus,  
nobis profíciat ad salútem.  
Per Christum.

## Ant. ad communionem

Ps 9, 2-3

Narrábo ómnia mirabília tua.  
Lætábor et exsultábo in te,  
psallam nómini tuo, Altíssime.

## Vel:

Io 11, 27

Dómine, ego créddi quia tu es Christus Fílius Dei vivi,  
qui in hunc mundum venísti.

## Post communionem

Præsta, quésumus, omnípotens Deus,  
ut illi salútis capiámus efféctum,  
cuius per hæc mystéria pignus accépimus.  
Per Christum.

**Feria quinta****Ant. ad introitum**

Dómine, in tua misericórdia sperávi.  
Exsultávit cor meum in salutári tuo,  
cantábo Dómino, qui bona tríbuit mihi.

**Collecta**

Præsta, quásimus, omnípotens Deus,  
ut, semper rationabília medítantes,  
quæ tibi sunt plácita, et dictis exsequámur et factis.  
Per Dóminum.

**Anno primo****Lectio prior**

*Non tardes converti ad Dominum.*

**Léctio libri Sirácidae**

**5, 1-10**

Noli atténdere ad possessiónes iníquas, et ne díixeris:  
« Est mihi sufficiens vita »: nihil enim próderit in témpore vindictæ et obductiónis.

Ne sequáris in fortitudine tua concupiscéntiam cordis tui, et ne díixeris: « Quómodo pótui? » aut « Quis me subíciet propter facta mea? » Deus enim vindicábit.

Ne díixeris: « Peccávi, et quid mihi áccedit triste? » Altíssimus enim est pátiens rédditor. De propitiáto pecáto noli esse sine metu, neque adícas peccátum super peccátum.

Et ne dicas: « Miseratio Dómini magna est, multitúdinis peccatórum meórum miserébitur ». Misericórdia enim et ira ab illo cito próximant, et in peccatóres réspicit ira illius.

Non tardes convérti ad Dóminum, et ne differas de

**Ps 12, 6**

die in diem: súbito enim véniat ira illius, et in témpore vindictæ dispérdet te.

Noli ánxius esse in divítiiis iniústis; non enim próderunt tibi in die obductiónis et vindictæ.

Verbum Dómini.

**Psalmus responsorius**

**Ps 1, 1-2. 3. 4 et 6 (R.: Ps 39, 5 a)**

R. Beátus vir qui pósuit Dóminum spem suam.

**1** Beátus vir qui non ábiit in consilio impiórum,  
et in via peccatórum non stetit,  
et in convéntu derisórum non sedit;

**2** sed in lege Dómini volúntas eius,  
et in lege eius medítatur die ac nocte. R.

**3** Et erit tamquam lignum plantátum  
secus decúrsus aquárum,  
quod fructum suum dabit in témpore suo;  
et fólium eius non défluet,  
et ómnia quæcúmque fáciet prosperabúntur. R.

**4** Non sic ímpii, non sic,  
sed tamquam pulvis quem próicit ventus.

**6** Quóniam novit Dóminus viam iustórum,  
et iter impiórum períbit. R.

**Anno secundo****Lectio prior**

*Merces operariorum, quæ fraudata est, clamat,  
et clamores in aures Domini introierunt.*

**Léctio Epístolæ beáti Iacóbí apóstoli**

**5, 1-6**

Age, nunc, dívites, ploráte ululántes in misériis quæ advénient vobis. Divítiae vestræ putrefáctæ sunt, et vestiménta vestra a tíneis comésta sunt, aurum et ar-

géntum vestrum æruginávit, et ærugo eórum in testimónium vobis erit et manducábit carnes vestras sicut ignis: thesaurizástis in novíssimis diébus.

Ecce merces operariórum qui messuérunt régiones vestras, quæ fraudáta est a vobis, clamat, et clamóres eórum qui messuérunt in aures Dómini Sábaoth introiéunt. Epuláti estis super terram, et in luxúriis fuístis, enutrítis corda vestra in die occisiónis. Addixístis, occidístis iustum. Non résistit vobis. — Verbum Dómini.

### Psalmus responsorius

Ps 48, 14-15 ab. 15 cd-16. 17-18. 19-20 (R.: Mt 5, 3)

R. Beáti páuperes spíritu,  
quóniam ipsórum est regnum cælórum.

<sup>14</sup> Hæc via illórum quorum fidúcia in semetípsis,  
et finis eórum qui cómplacent in ore suo.

<sup>15</sup> Sicut oves in inférno pósiti sunt, mors depásct eos. R.

Descéndent præcípites ad sepúlcrum,  
et figúra eórum erit in consumptióne.

<sup>16</sup> Verúmtamen Deus rédimet ánimam meam,  
de manu ínferi vere suscípiet me. R.

<sup>17</sup> Ne timúeris, cum dives factus fúerit homo,  
et cum multiplicáta fúerit glória domus eius.

<sup>18</sup> Quóniam cum interérerit, non sumet ómnia,  
neque descéndet cum eo glória eius. R.

<sup>19</sup> Cum ánimæ suæ in vita ipsius benedíxerit:  
« Laudábunt te, quod benefecísti tibi »;  
<sup>20</sup> tamen introíbit ad progéniem patrum suórum,  
qui in æténum non vidébunt lumen. R.

Alleluia

1 Th 2, 13

R. Allelúa. R. Accípote verbum Dei, non ut verbum hó-  
mínium,  
sed, sicut est vere, verbum Dei. R. Allelúa.

### Evangelium

Bonum est tibi débilem introire in vitam,  
quam duas manus habentem ire in gehennam.

† Léctio sancti Evangélii secúndum Marcum 9, 41-49

In illo témpore: Dixit Iesus discípulis suis:

« Quisquis potum déderit vobis cálicem aquæ in Nómíne, quia Christi estis, amen dico vobis: Non perdet mercédem suam.

Et quisquis scandalizáverit unum ex his pusíllis cré-déntibus in me, bonum est ei magis ut circumdétur mola asinária collo eius, et in mare mittáatur.

Et si scandalizáverit te manus tua, abscíde illam: bonum est tibi débilem introíre in vitam, quam duas manus habéntem ire in gehénnam, in ignem inexstinguíbilem. Et si pes tuus te scandalizat, ámputa illum: bonum est tibi claudum introíre in vitam, quam duos pedes habéntem mitti in gehénnam. Et si óculus tuus scandalizat te, éice eum: bonum est tibi luscum introíre in Regnum Dei, quam duos óculos habéntem mitti in gehénnam, ubi vermis eórum non móritur et ignis non extínguitur; omnis enim igne salítetur.

Bonum est sal; quod si sal insúlsum fúerit, in quo illud condiétis?

Habéte in vobis sal, et pacem habéte inter vos ».  
Verbum Dómini.

### Super oblata

Mystéria tua, Dómine, débitis servítiis exsequéntes,  
súpplices te rogámus,  
ut, quod ad honórem tuæ maiestátis offérimus,  
nobis profíciat ad salútem.  
Per Christum.

**Ant. ad communionem**

Narrábo ómnia mirabília tua.  
Lætábor et exsultábo in te,  
psallam nómini tuo, Altíssime.

**Ps 9, 2-3****Vel:****Io 11, 27**

Dómine, ego créddi quia tu es Christus Fílius Dei vivi,  
qui in hunc mundum venísti.

**Post communionem**

Præsta, quæsumus, omnípotens Deus,  
ut illíus salútis capiámus efféctum,  
cuius per hæc mystéria pignus accépimus. Per Christum.

**Feria sexta****Ant. ad introitum****Ps 12, 6**

Dómine, in tua misericórdia sperávi.  
Exsultávit cor meum in salutári tuo,  
cantábo Dómino, qui bona tríbuit mihi.

**Collecta**

Præsta, quæsumus, omnípotens Deus,  
ut, semper rationabília meditántes,  
quæ tibi sunt plácita, et dictis exsequámur et factis.  
Per Dóminum.

**Anno primo****Lectio prior***Amico fideli nulla est comparatio.***Léctio libri Sirácidæ****6, 5-17**

Verbum dulce multíplicat amícos et mítigat inimícos;  
et lingua éucharis in bono hómine abúndat. Multi pa-  
cifici sint tibi, et consiliárius sit tibi unus de mille.

Si pòssides amícum, in tentatióne pòsside eum, et  
ne fáciile credas ei; est enim amícus in die tribulatiónis.

Et est amícus qui convértitur ad inimicítiā, et est  
amícus qui ódium et rixam et convícia denudábit. Est  
autem amícus sócius mensæ, et non permanébit in die  
necessitatis.

Amícus, si permánserit fixus, erit tibi quasi coéquális,  
et in domésticis tuis fiduciáliter ager. Si humiliáverit se  
contra te, et a fácie tua absconderit se, unánimem ha-  
bébis amicítiam bonam.

Ab inimícis tuis separáre, et ab amícis tuis atténde.

Amícus fidélis protéctio fortis; qui autem ínvenit il-  
lum, ínvenit thesárum. Amíco fidéli nulla est compará-  
tio, et non est digna ponderatío auri et argénti contra bo-  
nitátem fídei illíus.

Amícus fidélis medicaméntum vitæ et immortalitatís,  
et qui métuant Dóminum invénient illum. Qui timet  
Deum, æque habébit amicítiam bonam, quóniam se-  
cúndum illum erit amícus illíus. — Verbum Dómini.

**Psalmus responsoriū****Ps 118, 12, 16, 18, 27, 34, 35 (R.: 35 a)**

- R.** Deduc me, Dómine, in sémitam præceptórum tuórum.
- 12** Benedíctus es, Dómine;  
doce me iustificatiónes tuas. **R.**
- 16** In iustificatióibus tuis delectábor,  
non oblíviscar sermónum tuum. **R.**
- 18** Revéla óculos meos,  
et considerábo mirabília de lege tua. **R.**
- 27** Viam mandatórum tuórum fac me intellégere,  
et exercébor in mirabília tuis. **R.**
- 34** Da mihi intelléctum, et servábo legem tuam,  
et custódiam illam in toto corde meo. **R.**

<sup>35</sup> Deduc me in sémitam præceptórum tuórum,  
quia ipsam vólui. R.

Anno secundo

Lectio prior

*Ecce Iudex ante ianuam assistit.*

Léctio Epístolæ beáti Iacóbi apóstoli      5, 9-12

Nolíte ingemíscere, fratres, in altérutrum ut non iudicémuni; ecce Iudex ante iánuam assístit.

Exémplum accípíte, fratres, labórís et patiéntiæ Prophétas, qui locúti sunt in Nómíne Dómini. Ecce beatificámus eos qui sustinuérint; sufferéntiam Iob audístis, et finem Dómini vidístis, quóniam miséricors est Dóminus et miserátor.

Ante ómnia autem, fratres mei, nolíte iuráre, neque per cælum neque per terram neque áliud quodcúmque iuraméntum; sit autem vestrum « est » « est » et « non » « non », uti non sub iudicio decidátis.

Verbum Dómini.

Psalmus responsorius

Ps 102, 1-2, 3-4, 8-9, 11-12 (R.: 8 a)

R. Miserátor et misericors Dóminus.

<sup>1</sup> Bénedic, ánima mea, Dómino;  
et ómnia quæ intra me sunt, nómini sancto eius.

<sup>2</sup> Bénedic, ánima mea, Dómino,  
et noli oblivisci omnes retributíones eius. R.

<sup>3</sup> Qui propitiátur ómnibus iniquitatibus tuis,  
qui sanat omnes infirmitatibus tuas;  
<sup>4</sup> qui rédimít de intéritu vitam tuam,  
qui corónat te in misericordia et miseratióibus. R.

<sup>8</sup> Miserátor et misericors Dóminus,  
longánimis et multæ misericórdiæ.

<sup>9</sup> Non in perpétuum conténdet,  
neque in ætérnum irascétur. R.

<sup>11</sup> Quóniam, quantum exaltátur cælum a terra,  
præváluit misericórdia eius super timéntes eum;

<sup>12</sup> quantum distat ortus ab occidénte,  
longe fecit a nobis iniquitatés nostras. R.

Alleluia

Io 17, 17 b. a

R. Alleluia. <sup>y.</sup> Sermo tuus, Dómine, véritas est;  
sanctifica nos in veritáte. R. Alleluia.

Evangelium

*Quod Deus coniunxit, homo non separat.*

† Léctio sancti Evangélii secúndum Marcum 10, 1-12

In illo témpore:

Exsúrgens Jesus venit in fines Iudææ ultra Iordánen, et convénienti íterum turbæ ad eum, et sicut consuéverat, íterum docébat illos.

Et accédentes Pharisæi interrogábant eum si licet viro uxórem dimíttere, tentántes eum.

At ille respóndens dixit eis: « Quid vobis præcépit Móyses? »

Qui dixérunt: « Móyses permísit libéllum repúdií scribere et dimíttere ».

Iesus autem ait eis: « Ad durítiam cordis vestri scripsit vobis præcéptum istud. Ab initio autem creaturæ “másculum et féminam fecit eos. Propter hoc relínquet homo patrem suum et matrem et adhærébit ad uxórem suam, et erunt duo in carne una; itaque iam non sunt duo sed una caro”. Quod ergo Deus coniúnxit, homo non séparet ».

Et in domo íterum discípuli de hoc interrogábant eum. Et dicit illis: « Quicúmque dimiserit uxórem suam et áliam dúixerit, adultérium commíttit in eam, et si ipsa dimiserit vírum suum et álli núpserit, mœchátur. Verbum Dómini.

**Super oblata**

Mystéria tua, Dómine, débitis servítiis exsequéntes,  
súpplices te rogámus,  
ut, quod ad honórem tuæ maiestáris offérimus,  
nobis proficiat ad salútem.  
Per Christum.

**Ant. ad communionem**

Ps 9, 2-3

Narrábo ómnia mirabília tua.  
Lætábor et exsultábo in te,  
psallam nómini tuo, Altíssime.

**Vel:**

Io 11, 27

Dómine, ego créddi quia tu es Christus Fílius Dei vivi,  
qui in hunc mundum venísti.

**Post communionem**

Præsta, quæsumus, omnípotens Deus,  
ut illíus salútis capiámus effectum,  
cuius per hæc mystéria pignus accépimus.  
Per Christum.

**Sabbato****Ant. ad introitum**

Ps 12, 6

Dómine, in tua misericórdia sperávi.  
Exsultávit cor meum in salutári tuo,  
cantábo Dómino, qui bona tríbuit mihi.

**Collecta**

Præsta, quæsumus, omnípotens Deus,  
ut, semper rationabília medítantes,  
quæ tibi sunt plácita, et dictis exsequámur et factis.  
Per Dóminum.

**Anno primo****Lectio prior**

Secundum imaginem suam fecit Deus hominem.

**Léctio libri Sirácidæ**

17, 1-13

Deus creávit de terra hóminem, et secúndum imáginem suam fecit illum; et íterum convértilt illum in ipsam et secúndum se vestívit illum virtute.

Númerum diérum et tempus dedit illi, et dedit illi potestátem eórum, quæ sunt super terram. Pósuit timórem illíus super omnem carnem, et dominátus est bestiárum et volatilium.

Creávit ex ipso adiutorium símile sibi; consílium, et linguam, et óculos, et aures, et cor dedit illis excogitándi, et disciplína intellectus replévit illos.

Creávit illis sciéntiam spíritus, sensu implévit cor illórum, et mala et bona osténdit illis.

Pósuit óculum suum super corda illórum, osténdere illis magnália óperum suórum, ut nomen sanctificatiónis colláudent, et gloriári in mirabilibus illíus, ut magnália enárrent óperum eius.

Addidit illis disciplinam, et legem vitæ hereditávit illos; testaméntum æténum constitútuit cum illis, et iustítiā et iudícia sua osténdit illis.

Et magnália honóris eius vidit óculus illórum, et honórem vocis audiérunt aures illórum. Et dixit illis: « Atténdite ab omni iníquo ». Et mandávit illis unicuíque de próximo suo.

Viae illorum coram ipso sunt semper, non sunt absconditae ab oculis ipsius. — Verbum Domini.

## Psalmus responsorius

Ps 102, 13-14. 15-16. 17-18 a (R.: cf. 17)

R. Misericordia Domini ab aeterno super timentes eum.

<sup>13</sup> Quomodo miseretur pater filiorum,  
misertus est Dominus timentibus se.

<sup>14</sup> Quoniam ipse cognovit fignum nostrum,  
recordatus est quoniam pulvis sumus. R.

<sup>15</sup> Homo sicut fenum dies eius,  
tamquam flos agri sic efflorabit.

<sup>16</sup> Spirat ventus in illum, et non subsistet,  
et non cognoscet eum amplius locus eius. R.

<sup>17</sup> Misericordia autem Domini ab aeterno,  
et usque in aeternum super timentes eum,  
et iustitia illius in filios filiorum;

<sup>18</sup> in eos qui servant testamentum eius. R.

## Anno secundo

## Lectio prior

Multum valet deprecatio iusti operans.

Lectio Epistolæ beati Iacobi apostoli 5, 13-20

Carissimi:

Tristatur quis vestrum? Oret; aequo animo est?  
Psallat. Infirmitur quis in vobis? Advocet presbyteros  
Ecclæsiæ et orent super eum, unguentes eum óleo in  
Nominis Domini: et oratio fidei salvabit infirmum, et  
allevabit eum Dominus; et si peccata operatus fuerit,  
dimittentur ei.

Confitemini ergo alterutrum peccata et orate pro in-  
vicem, ut sanemini. Multum enim valet deprecatio iusti  
operans. Elias homo erat similis nobis passibilis, et ora-

tione oravit ut non plueret, et non pluit super terram  
annos tres et menses sex; et rursum oravit, et cælum  
dedit pluviam et terra germinavit fructum suum.

Fratres mei, si quis ex vobis erraverit a veritate et  
converterit quis eum, scire debet quoniam qui con-  
verti fecerit peccatorem ab errore viae eius salvabit animam  
suam a morte et operiet multitudinem peccatorum.  
— Verbum Domini.

Psalmus responsorius Ps 140, 1-2. 3 et 8 (R.: 2 a)

R. Dirigatur, Domine, oratio mea  
sicut incensum in conspectu tuo.

<sup>1</sup> Domine, clamavi ad te, ad me festina;  
intende vocem meam, cum clamo ad te.

<sup>2</sup> Dirigatur oratio mea sicut incensum in conspectu tuo,  
elevatio manuum mearum ut sacrificium vespertinum. R.

<sup>3</sup> Pone, Domine, custodiā ori meo,  
et vigilias ad ostium labiorum meorum.

<sup>8</sup> Quia ad te, Domine, Domine, oculi mei;  
ad te confugi, non effundas animam meam. R.

Alleluia

Cf. Mt 11, 25

R. Alleluia. **Y.** Benedictus es, Pater, Domine celi et  
terræ,  
quia mysteria Regni pàrvulis revelasti.  
**R.** Alleluia.

Evangelium

Quisquis non receperit Regnum Dei velut parvulus,  
non intrabit in illud.

**†** Lectio sancti Evangelii secundum Marcum 10, 13-16

In illo tempore:

Offerabant Iesu pàrvulos ut tangeret illos; discipuli  
autem comminabantur eis.

At videns Iesus, indigne tulit et ait illis: « Sinite párvulos venire ad me, ne prohibueritis eos, taliū est enim Regnum Dei. Amen dico vobis: Quisquis non re céperit Regnum Dei velut párvulus, non intrabit in illud ».

Et compléxans eos benedicébat impónens manus super illos. — Verbum Dómini.

### Super oblata

Mystéria tua, Dómine, débitis servitiis exsequéntes,  
súpplices te rogámus,  
ut, quod ad honórem tuæ maiestátis offérimus,  
nobis profíciat ad salútem.  
Per Christum.

### Ant. ad communionem

Ps 9, 2-3

Narrábo ómnia mirabília tua.  
Lætábor et exsultábo in te,  
psallam nómini tuo, Altíssime.

### Vel:

Io 11, 27

Dómine, ego créddi quia tu es Christus Fílius Dei vivi,  
qui in hunc mundum venísti.

### Post communionem

Præsta, quásumus, omnípotens Deus,  
ut illius salútis capiámus efféctum,  
cuius per hæc mystéria pignus accépimus.  
Per Christum.

### DOMINICA VIII « PER ANNUM »

#### Ant. ad introitum

Ps 17, 19-20

Factus est Dóminus protéctor meus,  
et edúxit me in latitúdinem,  
salvum me fecit, quóniam voluit me.

Dicitur Glória in excélsis.

#### Collecta

Da nobis, quásumus, Dómine,  
ut et mundi cursus  
pacífico nobis tuo órdine dirigátur,  
et Ecclésia tua tranquilla devotióne létetur.  
Per Dóminum.

### Anno A

#### Lectio prima

Ego non obliviscar tui.

#### Léctio libri Isaiae prophétæ

49, 14-15

Dixit Sion: « Derelíquit me Dóminus, et Dóminus oblítus est mei. Numquid oblívisci potest muller infántem suum, ut non misereátur filio úteri sui? Et si illa oblita fúerit, ego tamen non obliviscar tui ».

Verbum Dómini.

#### Psalmus responsorius Ps 61, 2-3. 6-7. 8-9 ab (R.: 2 a)

R. In Deo tantum quiésce, ánima mea.

<sup>2</sup> In Deo tantum quiésce, ánima mea;  
ab ipso enim salutáre meum.

<sup>3</sup> Verúmtamen ipse refúgium meum et salutáre meum,  
præsidiúm meum, non movébor ámplius. R.

- <sup>6</sup> In Deo tantum quiésce, áнима mea;  
quóniam ab ipso patiéntia mea.
- <sup>7</sup> Verúmtamen ipse Deus meus et salutáre meum,  
præsidium meum, non movébor. **R.**
- <sup>8</sup> In Deo salutáre meum et glória mea;  
Deus fortitudinis meæ,  
et refúgium meum in Deo est.
- <sup>9</sup> Speráte in eo, omnis congregatió pópuli,  
effúndite coram illo corda vestra. **R.**

### Lectio secunda

*Manifestabit Dominus consilia cordium.*

Léctio Epístolæ primæ beáti Pauli apóstoli  
ad Corínthios 4, 1-5

Fratres:

Sic nos exístimet homo ut minístros Christi et dis-  
pensátóres mysteriów Dei. Hic iam quærítur inter dis-  
pensátóres ut fidélis quis inveniátur.

Mihi autem pro mímino est ut a vobis iúdicer aut  
ab humáno die; sed neque meípsum iúdico; nihil enim  
mihi cóncius sum sed non in hoc iustificátus sum, qui  
autem iúdicat me Dóminus est.

Itaque nólite ante tempus quicquam iudicáre, quoad-  
úsque véniat Dóminus, qui et illuminábit abscónrita te-  
nebrárum et manifestábit consilia córdium; et tunc laus  
erit unicuíque a Deo. — Verbum Dómini.

Alleluia

Hebr 4, 12

**R.** Alleluia. **y.** Vivus est sermo Dei et éfficax,  
et discrétor cogitatiónum et intentiónum cor-  
dis. **R.** Alleluia.

### Evangelium

*Nolite esse solliciti in crastinum.*

**†** Léctio sancti Evangélii secúndum Mattháum

6, 24-34

In illo témpore: Dixit Iesus discípulis suis:

« Nemo potest duóbus dómínis servíre; aut enim  
unum ódio habébit et álterum díliget, aut unum sustiné-  
bit et álterum contémnet; non potéstis Deo servíre et  
mammónæ.

Ideo dico vobis: Ne sollíciti sitis ánimæ vestræ quid  
manducétis, neque córpori vestro quid induámini: nonne  
ánima plus est quam esca, et corpus quam vestiméntum?  
Respícite volatília cæli, quóniam non serunt neque me-  
tunt neque cóngregant in hórræ, et Pater vester cæléstis  
pascit illa: nonne vos magis pluris estis illis?

Quis autem vestrum cògitans potest adicere ad æta-  
tem suam cùbitum unum?

Et de vestiménto quid sollíciti estis? Consideráte  
lília agri quómodo crescunt: non labórant neque nent.  
Dico autem vobis, quóniam nec Sálomon in omni glória  
sua coopérta est sicut unum ex istis. Si autem fenum  
agri quod hódie est et cras in clíbanum mittitur, Deus  
sic vestit, quanto magis vos, módicæ fídei?

Nolíte ergo sollíciti esse dicéntes: “ Quid manducá-  
bimus? ”, aut “ Quid bibémus? ”, aut “ Quo operié-  
mur? ” Hæc enim ómnia gentes inquirunt; scit enim  
Pater vester cæléstis quia his ómnibus indigétis. Quéríte  
autem primum Regnum Dei et iustítiam eius, et hæc  
ómnia adiciéntur vobis.

Nolíte ergo esse sollíciti in crástinum, crástinus  
enim dies sollícitus erit sibi ipse; sufficit diéi malitia  
sua ». — Verbum Dómini.

**Anno B****Lectio prima**

*Sponsabo te mihi in sempiternum.*

Léctio libri Osée prophétæ

2, 14 b. 15 b. 19-20

Hæc dicit Dóminus:

« Ecce ego ducam eam in solitúdinem, et loquar ad cor eius; et canet ibi iuxta dies iuventútis suæ, et iuxta dies ascensiónis suæ de terra Ægypti.

Et sponsábo te mihi in sempitérnum; et sponsábo te mihi in iustitia et iudicio, et in misericordia, et in miseratióibus; et sponsábo te mihi in fide, et scies quia ego Dóminus ». — Verbum Dómini.

**Psalmus responsorius**

Ps 102, 1-2. 3-4. 8 et 10. 12-13 (R.: 8 a)

R. Miserátor et misericors Dóminus.

1 Bénedic, ánima mea, Dómino;  
et ómnia quæ intra me sunt, nómini sancto eius.

2 Bénedic, ánima mea, Dómino,  
et noli oblívisci omnes retributíones eius. R.

3 Qui propitiátor ómnibus iniquitatíbus tuis,  
qui sanat omnes infirmitátes tuas;

4 qui rédimít de intéritu vitam tuam,  
qui corónat te in misericordia et miseratióibus. R.

8 Miserátor et misericors Dóminus,  
longánimis et multæ misericórdiæ.

10 Non secúndum peccáta nostra fecit nobis,  
neque secúndum iniquitátes nostras retríbuit nobis. R.

12 Quantum distat ortus ab occidente,  
longe fecit a nobis iniquitátes nostras.

13 Quómodo miserétur pater filiorum,  
miséritus est Dóminus timéntibus se. R.

**Lectio secunda**

*Epiſtola estis Christi ministrata a nobis.*

Léctio Epístolæ secúndæ beáti Pauli apóstoli  
ad Corínthios

3, 1 b-6

Fratres:

Numquid egémus sicut quidam commendatíciis epístolis ad vos aut ex vobis? Epístola nostra vos estis, scripta in córdibus nostris, quæ scitur et légitur ab ómnibus homínibus; manifestatí quóniam epístola estis Christi ministráta a nobis, scripta non atraménto sed Spíritu Dei vivi non in tábulis lapídeis sed in tábulis cordis carnálibus.

Fidúciam autem talem habémus per Christum ad Deum. Non quod sufficiéntes simus cogitare áliquid a nobis quasi ex nobis, sed sufficiéntia nostra ex Deo est, qui et idóneos nos fecit ministros Novi Testaménti, non litteræ sed Spíritus: littera enim occídit, Spíritus autem vivíficat. — Verbum Dómini.

**Alleluia**

Iac 1, 18

R. Allelúia. V. Voluntarie génuit nos Pater verbo ve-  
ritatis,

ut simus initium áliquod creaturæ eius.

R. Allelúia.

**Evangelium**

*Sponsus cum illis est.*

† Léctio sancti Evangélii secúndum Marcum 2, 18-22

In illo témpore:

Erant discípuli Ioánnis et Pharisæi ieunántes. Et vénient et dicunt Iesu: « Cur discípuli Ioánnis et discípuli Pharisæorum ieúnant, tui autem discípuli non ieúnant? »

Et ait illis Iesus: « Numquid possunt convívæ nuptiarum, quándiu sponsus cum illis est, iejunare? Quanto tempore habent secum sponsum non possunt iejunare; vénient autem dies cum auferéntur ab eis sponsus, et tunc iejunábunt in illa die.

Nemo assuméntum panni rudis ássuit vestiménto véteri alióquin suppléméntum aufert aliquid ab eo, novum a véteri, et peior scissúra fit. Et nemo mittit vinum novéllum in utres véteres — alióquin dirúmpet vinum utres et vinum perit et utres — sed vinum novum in utres novos ».

Verbum Dómini.

## Anno C

### Lectio prima

*Ante sermonem non laudes virum.*

#### Léctio libri Sirácidae

27, 5-8

Sicut in percussúra cribri remanébit pulvis, sic apória hóminis in cogitátu illíus.

Vasa fíguli probat fornax, et hómines iustos tentatio tribulatiónis.

Sicut rusticatio de ligno osténdit fructum illíus, sic verbum ex cogitátu cordis hóminis.

Ante sermónem non laudes virum; hæc enim tentatio est hóminum.

Verbum Dómini.

### Psalmus responsorius

Ps 91, 2-3. 13-14. 15-16 (R.: cf. 2 a)

R. Bonum est confitéri tibi, Dómine.

<sup>2</sup> Bonum est confitéri Dómino,  
et psállere nómini tuo, Altíssime,

<sup>3</sup> annuntiáre mane misericórdiam tuam,  
et veritátem tuam per noctem. R.

<sup>13</sup> Iustus ut palma florébit,  
sicut cedrus Líbani succréscet.

<sup>14</sup> Plantáti in domo Dómini,  
in átriis Dei nostri florébunt. R.

<sup>15</sup> Adhuc fructus dabunt in senécta,  
úberes et bene viréntes erunt,

<sup>16</sup> ut annúntient quóniam rectus Dóminus,  
refúgium meum, et non est iníquitas in eo. R.

### Lectio secunda

*Dedit nobis victoriam per Iesum Christum.*

Léctio Epístolæ primæ beáti Pauli apóstoli  
ad Corínthios

15, 54-58

Fratres:

Cum corruptibile hoc indúerit incorruptélam, et mortálē hoc indúerit immortalitatē, tunc fiet sermo qui scriptus est: « Absórpta est mors in victória. Ubi est, mors, victória tua? Ubi est, mors, stímulus tuus? » Stímulus autem mortis peccátum est, virtus vero peccati Lex. Deo autem grátias qui dedit nobis victoriam per Dóminum nostrum Iesum Christum.

Itaque, fratres mei dilecti, stábiles estóte, immóbiles, abundántes in ópere Dómini semper, sciéntes quod labor vester non est inánis in Dómino.

Verbum Dómini.

Alleluia

Phil 2, 15-16

R. Alleluia. <sup>y</sup> Lucétis sicut luminária in mundo,  
verbum vitæ continéntes.

R. Alleluia.

**Evangelium**

*Ex abundantia cordis os loquitur.*

† Léctio sancti Evangélii secúndum Lucam 6, 39-45  
In illo témpore:

Dixit Iesus discípulis et similitúdinem: « Numquid potest cæcus cæcum dúcere? Nonne ambo in fóveam cadent?

Non est discípulus super magístrum, perféctus autem omnis erit sicut magíster eius.

Quid autem vides festúcam in óculo fratris tui, trahem autem quæ in óculo tuo est non consíderas? Quómodo potes dícere fratri tuo: "Frater, sine eíciām festúcam quæ est in óculo tuo", ipse in óculo tuo trahem non videns? Hypócrita, éice primum trabem de óculo tuo, et tunc perspície ut edúcas festúcam quæ est in óculo fratris tui.

Non est enim arbor bona fáciens fructum malum, neque íterum arbor mala fáciens fructum bonum. Unaquæque enim arbor de fructu suo cognoscitur, neque enim de spinis colligunt ficus, neque de rubo vindéiant uvam. Bonus homo de bono thesáuro cordis profert bonum, et malus homo de malo profert malum: ex abundántia enim cordis os eius lóquitur ».

Verbum Dómini.

**Dicitur Credo.**

**Super oblata**

Deus, qui offerénda tuo nómini tríbuis,  
et oblátia devotíoni nostræ servítutis ascríbis,  
quaésumus cleméntiam tuam,  
ut, quod præstas unde sit méritum,  
profícere nobis largiáris ad prémium. Per Christum.

**Præfatio de dominicis « per annum », pp. 752-759.**

**Ant. ad communionem**

Ps 12, 6

Cantábo Dómino, qui bona tríbuit mihi,  
et psallam nómini Dómini Altíssimi.

**Vel:**

Mt 28, 20

Ecce ego vobíscum sum ómnibus diébus,  
usque ad consummatiónem sǽculi, dicit Dóminus.

**Post communionem**

Satiáti múnere salutári,  
tuam, Dómine, misericórdiam deprecámur,  
ut, hoc eódem quo nos temporáliter végetas sacraménto,  
perpétuae vitæ partícipes benígnus effícias. Per Christum.

**Feria secunda****Ant. ad introitum**

Ps 17, 19-20

Factus est Dóminus protéctor meus,  
et edúxit me in latitúdinem,  
salvum me fecit, quóniam voluit me.

**Collecta**

Da nobis, quaésumus, Dómine,  
ut et mundi cursus pacífico nobis tuo órdine dirigátur,  
et Ecclésia tua tranquilla devotíone lätetur.  
Per Dóminum.

**Anno primo****Lectio prior**

*Revertere ad Dominum et cognosce iudicia Dei.*

**Léctio libri Sirácidæ**

17, 20-28

Pæniténtibus dedit Deus viam iustítiae, et confirmávit deficiéntes sustinére, et destinávit illis sortem ve ritatís.

Convrétere ad Dóminum, et relínque peccáta tua;  
precáre ante fáciem Dómini, et míne offendícula. Re-  
vértere ad Dóminum, et avértere ab iniustitia tua, et  
nimis ódito exsecratióne.

Et cognósce iustítias et iudícia Dei, et sta in sorte  
propositiónis et oratiónis Altíssimi Dei. In partes vade  
sáculi sancti, cum vivis et dántibus confessióne Deo.

Non demoréris in erróre impiórum; ante mortem  
confitére: a mórtuo, quasi nihil, perit conféssio. Confi-  
téberis vivens; vivus et sanus confitéberis; et laudábis  
Deum, et gloriáberis in miseratióibus illús.

Quam magna misericórdia Dómini, et propitiatió il-  
lús converténtibus ad se! — Verbum Dómini.

**Psalmus responsorius** Ps 31, 1-2. 5. 6. 7 (R.: 11 a)

R. Lætámini in Dómino et exsultáte, iusti.

<sup>1</sup> Beátus cui remíssa est iniquitas,  
et obtéctum est peccátum.

<sup>2</sup> Beátus vir cui non imputávit Dóminus delictum,  
nec est in spíritu eius dolus. R.

<sup>3</sup> Peccátum meum cóngitum tibi feci,  
et delictum meum non abscondi.

Dixi: « Confitébor adversum me  
iniquitátem meam Dómino ».

Et tu remisisti impietátem peccáti mei. R.

<sup>4</sup> Propter hoc orábit ad te omnis sanctus  
in témpore opportúno.

Et in dilúvio aquárum multárum  
ad eum non approximábunt. R.

<sup>5</sup> Tu es refúgium meum,  
a tribulatióne conservábis me;  
exsultatióibus salútis circúmdabis me. R.

**Anno secundo**

**Lectio prior**

*Christum cum non videritis diligitis, credentes autem,  
exsultatis lætitia inenarrabili.*

Léctio Epístolæ primæ beáti Petri apóstoli 1, 3-9

Benedictus Deus et Pater Dómini nostri Iesu Christi,  
qui secúndum magnam misericórdiam suam regenerávit  
nos in spem vivam per resurrectiōnem Iesu Christi ex  
mórtuis, in hereditátem incorruptibilem et incontami-  
nátam et immarcescibilem, conservátam in cælis pro-  
pter vos qui in virtute Dei custodímini per fidem in salú-  
tem parátam revelári in témpore novíssimo.

In quo exsultatís, módicum nunc si opórtet contri-  
stati in váriis tentatióibus, ut probatio vestræ fidei  
multo pretiósior auro quod perit, per ignem quidem  
probato, inveniátur in laudem et gloriā et honórem in  
revelatiōne Iesu Christi. Quem cum non vidéritis diligi-  
tis, in quem nunc non vidéntes, credentes autem, exsul-  
tatís lætitia inenarrábili et glorificáta, reportantés finem  
fidei vestræ salútem animárum. — Verbum Dómini.

**Psalmus responsorius**

Ps 110, 1-2. 5-6. 9 et 10 c (R.: 5 b)

R. Memor erit Dóminus in sáculum testaménti sui.  
vel Allelúa.

<sup>1</sup> Confitébor Dómino in toto corde meo,  
in consilio iustórum et congregatióne.

<sup>2</sup> Magna ópera Dómini,  
exquirénda ómnibus qui cúpiunt ea. R.

<sup>3</sup> Escam dedit timéntibus se;  
memor erit in sáculum testaménti sui.

<sup>4</sup> Virtútem óperum suórum annuntiávit pôpulo suo,  
ut det illis hereditátem géntium. R.

- <sup>9</sup> Redemptiórem misit pópulo suo,  
mandávit in ætérnum testaméntum suum.  
<sup>10</sup> Laudátio eius manet in sáculum sáculi. **R.**

**Alleluia****2 Cor 8, 9**

**R.** Allelúia. **v.** Iesus Christus egénus factus est, cum es-  
set dives,  
ut illús inópia vos dívites essétis. **R.** Allelúia.

**Evangelium***Quæcumque habes vende, et sequere me.***† Léctio sancti Evangélii secúndum Marcum 10, 17-27**

In illo témpore:

Cum egredéretur Iesus in viam, accúrrens quidam  
et genu flexo ante eum rogábat eum: « Magíster bone,  
quid fáciam ut vitam ætérnam percípiam? »

Iesus autem dixit ei: « Quid me dicis bonum? Nemo  
bonus nisi unus Deus. Præcépta nosti: ne occidas, ne  
adúlteres, ne furéris, ne falsum testimónium díixeris, ne  
fraudem féceris, honóra patrem tuum et matrem ».

Ille autem dixit ei: « Magíster, hæc ómnia conser-  
vávi a iuventúte mea ».

Jesus autem intútus eum diléxit eum, et dixit illi:  
« Unum tibi deest: vade, quæcumque habes vende et da  
paupéribus, et habébis thesárum in cælo, et veni, sé-  
quere me ». Qui contristátus in hoc verbo, ábiit mærens,  
erat enim habens possessiónes multas.

Et circumspíciens Iesus ait discípulis suis: « Quam  
diffícile qui pecúnias habent in Regnum Dei introibunt ». Discípuli autem obstupescébant in verbis eius. At Iesus  
rursus respóndens ait illis: « Filii, quam diffícile est in  
Regnum Dei introire, facilius est camélum per forámen  
acus transíre quam dívitem intráre in Regnum Dei ».

Qui magis admirabántur dicéntes ad semetípsos: « Et  
quis potest salvus fieri? »

Intuens illos Iesus ait: « Apud hómines impossibile  
est sed non apud Deum, ómnia enim possibília sunt  
apud Deum ». — Verbum Dómini.

**Super oblata**

Deus, qui offerénda tuo nómini tríbuis,  
et obláta devotíoni nostræ servítutis ascríbis,  
quásimus cleméntiam tuam,  
ut, quod præstas unde sit méritum,  
profícere nobis largiáris ad præmium.  
Per Christum.

**Ant. ad communionem****Ps 12, 6**

Cantábo Dómino, qui bona tríbuit mihi,  
et psallam nómini Dómini Altíssimi.

**Vel:****Mt 28, 20**

Ecce ego vobíscum sum ómnibus diébus,  
usque ad consummatiónem sáculi, dicit Dóminus.

**Post communionem**

Satiáti múnere salutári,  
tuam, Dómine, misericórdiam deprecámur,  
ut, hoc eódem quo nos temporáliter végetas sacraménto,  
perpétuæ vitæ párticipes benígnus effícias.  
Per Christum.

**Feria tertia****Ant. ad introitum****Ps 17, 19-20**

Factus est Dóminus protéctor meus,  
et edúxit me in latitudinem,  
salvum me fecit, quóniam volúit me.

**Collecta**

Da nobis, quásimus, Dómine,  
ut et mundi cursus pacífico nobis tuo órdine dirigátor,  
et Ecclésia tua tranquilla devotióne lätetur.  
Per Dóminum.

**Anno primo****Lectio prior**

*Sacrificium salutare est attendere mandatis.*

Léctio libri Sirácidae

35, 1-15

Qui consérvat legem multíplicat oblationem: sacrificium salutare est atténdere mandátis, et discédere ab omni iniquitáte; et propitiatióne litare sacrificii super iniustías, et deprecátió pro peccátis recédere ab iniustitia.

Retribuet grátiā qui offert similáginem, et qui facit misericórdiam offert sacrificium. Beneplácitum est Dómino recédere ab iniquitáte, et deprecátió pro peccátis recédere ab iniustitia.

Non apparébis ante conspéctum Dómini vácuus: hæc enim ómnia propter mandátum Dei fiunt. Oblatio iusti impínguat altáre, et odor suavitatis est in conspéctu Altíssimi. Sacrificium iusti accéptum est, et memoriā eius non obliscétur Dóminus.

Bono ánimo glóriam redde Deo, et non mínuas primitias mánum tuárum. In omni dato hílarem fac vul- tum tuum, et in exsultatióne sanctifica décimas tuas.

Da Altíssimo secúndum datum eius, et in bono óculo adinventiónem fáctio mánum tuárum; quóniam Dóminus retríbuens est et sépties tantum reddet tibi.

Noli offérre múnera prava: non enim suscípiet illa. Et noli inspícere sacrificium iniústum: quóniam Dóminus iudex est, et non est apud illum glória persónæ.

Verbum Dómini.

**Psalmus responsorius**

Ps 49, 5-6. 7-8. 14 et 23 (R.: 23 b)

R. Qui immaculátus est in via,  
osténdam illi salutáre Dei.

5 « Congregáte mihi sanctos meos,  
qui disposuérunt testaméntum meum in sacrificio ».

6 Et annuntiábunt cæli iustitiam eius,  
quóniam Deus iudex est. R.

7 « Audi, pópulus meus, et loquar;  
Israel, et testificábor advérsum te:  
Deus, Deus tuus ego sum.

8 Non in sacrificiis tuis árguam te;  
holocáusta enim tua in conspéctu meo sunt semper. R.

14 Immola Deo sacrificium laudis,  
et redde Altíssimo vota tua.

23 Qui immolábit sacrificium laudis,  
honorificábit me,  
et qui immaculátus est in via,  
osténdam illi salutáre Dei ». R.

**Anno secundo****Lectio prior**

*De futura in vos gratia prophetaverunt,  
propter quod, sobrii, perfecte sperate.*

Léctio Epístolæ primæ beáti Petri apóstoli

1, 10-16

Caríssimi:

De salúte animárum exquisíerunt atque scrutáti sunt Prophétæ qui de futura in vos grátiā prophetaverunt, scrutántes in quod vel quale tempus significáret qui erat in eis Spíritus Christi, prænúntians eas quæ in Christo sunt passiónes et posteriòres glórias; quibus revelátum

est quia non sibi ipsis, vobis autem ministrabant ea, quæ nunc nuntiata sunt vobis per eos qui evangelizaverunt vos, Spíritu Sancto misso de cælo, in quæ desiderant ángeli prospícere.

Propter quod succínci lumbos mentis vestrae, sóbrii, perfécte speráte in eam quæ offértur vobis grátiam in revelatióne Iesu Christi. Quasi filii obœdiéntiæ, non configuráti prióribus in ignorántia vestra desidériis, sed secúndum eum qui vocávit vos sanctum, et ipsi sancti in omni conversatióne sitis, quóniam scriptum est: « Sancti éritis, quia Ego sanctus sum ».

Verbum Dómini.

**Psalmus responsorius Ps 97, 1. 2-3 ab. 3 c-4 (R.: 2 a)**

R. Notum fecit Dóminus salutare suum.

1 Cantáte Dómino cáanticum novum,  
quia mirabilia fecit.

Salvávit sibi déxtera eius,  
et bráccium sanctum eius. R.

2 Notum fecit Dóminus salutare suum,  
in conspéctu géntium revelávit iustitiam suam.

3 Recordátus est misericordiæ suæ  
et veritatis suæ dómui Israel. R.

Vidérunt omnes térmimi terræ  
salutare Dei nostri.

4 Iubiláte Deo, omnis terra,  
erúmpite, exsultáte et psállite. R.

**Alleluia**

Cf. Mt 11, 25

R. Alleluia. R. Benedictus es, Pater, Dómine cæli et  
terræ,  
quia mystéria Regni párvulis revelásti.  
R. Alleluia.

### Evangelium

*Accipietis centies tantum  
in tempore hoc cum persecutionibus,  
et in sæculo futuro vitam æternam.*

† Léctio sancti Evangélii secúndum Marcum 10, 28-31

In illo témpore:

Cœpit Petrus Iesu dícere: « Ecce nos dimísimus ómnia et secuti sumus te ».

Ait Iesus: « Amen dico vobis: Nemo est qui relíquerit domum aut fratres aut sorores aut matrem aut patrem aut filios aut agros propter me et propter Evangelium, qui non accípiat cénties tantum nunc in témpore hoc domos et fratres et sorores et matres et filios et agros cum persecutióibus, et in sǽculo futúro vitam æternam.

Multi autem erunt primi novíssimi et novíssimi pri-mi ». — Verbum Dómini.

### Super oblata

Deus, qui offerénda tuo nómini tríbuis,  
et oblata devotióni nostræ servitútis ascríbis,  
quésumus cleméntiam tuam,  
ut, quod prætas unde sit méritum,  
profícere nobis largiáris ad prémium.  
Per Christum.

**Ant. ad communionem**

Ps 12, 6

Cantábo Dómino, qui bona tríbuit mihi,  
et psallam nómini Dómini Altíssimi.

**Vel:**

Mt 28, 20

Ecce ego vobíscum sum ómnibus diébus,  
usque ad consummatiōnem séculi, dicit Dóminus.

**Post communionem**

Satiáti múnere salutári,  
tuam, Dómine, misericórdiam deprecámur,  
ut, hoc eódem quo nos temporáliter végetas sacraménto,  
perpétuæ vitæ partícipes benígnus effícias.  
Per Christum.

**Feria quarta****Ant. ad introitum**

Ps 17, 19-20

Factus est Dóminus protéctor meus,  
et edúxit me in latitudinem,  
salvum me fecit, quóniam vóluit me.

**Collecta**

Da nobis, quássumus, Dómine,  
ut et mundi cursus pacífico nobis tuo órdine dirigátur,  
et Ecclésia tua tranquilla devotione lætétur.  
Per Dóminum.

**Anno primo****Lectio prior**

*Cognoscant gentes quia non est Deus nisi tu.*

**Lectio libri Sirácidae**

36, 1-2 a. 5-6. 13-19

Miserére nostri, Deus ómnium, et résponce nos et  
osténde nobis lucem miseratiónum tuárum.

Et immítte timórem tuum super gentes, ut cognóscant te, sicut et nos cognóvimus quóniam non est Deus præter te, Dómine.

Innova signa et immúta mirabilia. Cóngrega omnes tribus Iacob, ut cognóscant quia non est Deus nisi tu, et enárrent magnália tua; et hereditábis eos sicut ab initio.

Miserére plebi tuæ, super quam invocátum est nomen tuum, et Israel, quem coéquásti primogénito tuo. Miserére civitati sanctificatiónis tuæ, Ierúsalem, civitati requiéi tuæ. Reple Sion inenarrabílibus verbis tuis, et glória tua pópulum tuum.

Da testimónium his, qui ab initio creatúræ tuæ sunt, et súscita prædicatiónes, quas locúti sunt in nómime tuo prophétæ prióres. Da mercédem sustinéntibus te, ut prophétæ tui fidéles inveniántur.

Et exáudi oratiónes servórum tuórum, secúndum benedictiόnem Aaron de pópulo tuo, et dírige nos in viam iustitiae; et sciant omnes, qui hábitant terram, quia tu es Deus conspéctor sæculórum. — Verbum Dómini.

**Psalmus responsoriū**

Ps 78, 8. 9. 11. 13 (R.: Sir 36, 1 b)

R. Osténde nobis, Dómine,  
lucem miseratiónum tuárum.

- 8 Ne memíneris iniquitátum patrum nostrórum,  
cito antícipent 'nos misericórdia tuæ,  
quia páuperes facti sumus nimis. R.
- 9 Adiuva nos, Deus salutáris noster,  
propter glóriam nóminis tui, et líbera nos;  
et propítius esto peccátis nostris propter nomen tuum. R.
- 11 Intróeat in conspéctu tuo gémitus compeditórum;  
secúndum magnitudinem bráccii tui  
supérstites relínque fílios mortis. R.
- 13 Nos autem, pópulus tuus et oves páscuæ tuæ,  
confitébimur tibi in sǽculum;  
in generatióne et generatióne  
annuntiábimus laudem tuam. R.

## Anno secundo

## Lectio prior

*Redempti estis pretioso sanguine  
quasi Agni immaculati Christi.*

Léctio Epístolæ primæ beáti Petri apóstoli      1, 18-25

Caríssimi:

Scitis quod non corruptibílibus argénto vel auro redémpti estis de vana vestra conversatióne a pátribus trádita, sed pretiósso sanguine quasi Agni incontaminátí et immaculátí Christi, præcóngniti quidem ante constitutiónen mundi, manifestáti autem novíssimis tempóribus propter vos qui per ipsum fidéles estis in Deum, qui suscitávit eum a mórtuis et dedit ei glóriam, ut fides vestra et spes esset in Deum.

Animas vestras castificántes in obœdiéntia veritatis, ad fraternitatis amórem non fictum, ex corde ínvicem diligite atténtius, renáti non ex sémine corruptibili sed incorruptibili, per verbum Dei vivum et pérmanens; quia omnis caro ut fenum et omnis glória eius tamquam flos feni; exáruit fenum et flos décidit; verbum autem Dómini manet in ætérnum. Hoc est autem verbum quod evangelizátum est in vos. — Verbum Dómini.

## Psalmus responsorius

Ps 147, 12-13. 14-15. 19-20 (R.: 12 a)

R. Lauda, Ierúsalem, Dóminum.  
vel Allelúia.

<sup>12</sup> Lauda, Ierúsalem, Dóminum;  
colláuda Deum tuum, Sion.

<sup>13</sup> Quóniam confortávit seras portárum tuárum,  
benedíxit filiis tuis in te. R.

- <sup>14</sup> Qui ponit fines tuos pacem,  
et ádipe fruménti sátiat te.
- <sup>15</sup> Qui emíttit elóquium suum terræ,  
velociter currit verbum eius. R.
- <sup>19</sup> Qui annúntiat verbum suum Iacob,  
iustítias et iudícia sua Israel.
- <sup>20</sup> Non fecit táliter omni natióni,  
et iudícia sua non manifestávit eis. R.

## Alleluia

Mc 10, 45

R. Allelúia. V. Fílius hóminis venit ut ministráret,  
et daret ániam suam redemptiōnem pro  
multis. R. Allelúia.

## Evangelium

*Ecce ascendimus in Hierosolymam,  
et Fílius hominis tradetur.*

† Léctio sancti Evangélii secúndum Marcum 10, 32-45

In illo témpore:

Erant discípuli in via ascéndentes in Hierosólymam, et præcedébat illos Iesus, et stupébant, illi autem sequéntes timébant. Et assúmens íterum Duódecim cœpit illis dícere quæ essent ei eventúra:

« Ecce ascéndimus in Hierosolymam, et Fílius hóminis tradétur princípibus sacerdótum et scribis, et damnábunt eum morte et tradent eum géntibus et illúdent ei et cónspuent eum et flagellábunt eum et interfícient eum, et post tres dies resúrget ».

Et accédunt ad eum Iacóbus et Ioánnes filii Zebedáei dicéntes ei: « Magíster, vólumus ut quodcúmque petiérimus a te fáciás nobis ».

At ille dixit eis: « Quid vultis, ut fáciám vobis? »

Illi autem dixerunt ei: « Da nobis, ut unus ad dexteram tuam et alius ad sinistram sedeamus in gloria tua ».

Iesus autem ait eis: « Nescitis quid petatis. Potestis bibere calicem quem ego bibo, aut baptismum quo ego baptizor baptizari? »

At illi dixerunt ei: « Possumus ».

Iesus autem ait eis: « Calicem quidem quem ego bibo, bibetis, et baptismum quo ego baptizor, baptizabimini, sedere autem ad dexteram meam vel ad sinistram non est meum dare, sed quibus paratum est ».

Et audientes decem cœperunt indignari de Iacobo et Ioanne. Et vocans eos Iesus ait illis: « Scitis quia hi qui videntur principali gentibus, dominantur eis et principes eorum potestatem habent ipsorum. Non ita est autem in vobis: sed quicumque voluerit fieri maior inter vos, erit vester minister, et quicumque voluerit in vobis primus esse, erit omnium servus; nam et Filius hominis non venit ut ministraret ei sed ut ministraret et daret animam suam redemptiōnem pro multis ».

Verbum Domini.

### Super oblata

Deus, qui offerenda tuo nomine tribuis,  
et oblatæ devotioni nostræ servitutis ascribis,  
quæsumus clementiam tuam,  
ut, quod prætas unde sit méritum,  
proficere nobis largiaris ad præmium. Per Christum.

### Ant. ad communionem

Ps 12, 6

Cantabo Dominum, qui bona tribuit mihi,  
et psallam nomine Domini Altissimi.

### Vel:

Mt 28, 20

Ecce ego vobiscum sum omnibus diebus,  
usque ad consummationem saeculi, dicit Dominus.

### Post communionem

Satiati munere salutari,  
tuam, Domine, misericordiam deprecamur,  
ut, hoc eodem quo nos temporaliiter vegetas sacramento,  
perpetuae vitae participes benignus efficias.  
Per Christum.

### Feria quinta

#### Ant. ad introitum

Ps 17, 19-20

Factus est Dominus protector meus,  
et eduxit me in latitudinem,  
salvum me fecit, quoniam voluit me.

#### Collecta

Da nobis, quæsumus, Domine,  
ut et mundi cursus pacifico nobis tuo ordine dirigatur,  
et Ecclesia tua tranquilla devotione lætetur.  
Per Dominum.

### Anno primo

#### Lectio prior

Gloria Domini plenum est opus eius.

#### Lectio libri Siracidæ

42, 15-26

Memor ero operum Domini et quæ vidi annuntiabo:  
in sermonibus Domini opera eius. Sol illuminans per  
omnia respexit, et gloria Domini plenum est opus eius.

Nonne Dominus fecit sanctos enarrare omnia mirabilia sua, quæ confirmavit Dominus omnipotens stabiliri in gloria sua? Abyssum et cor hominum investigavit, et in astutia eorum excogitavit.

Cognovit enim Dominus omnem scientiam, et insperavit in signum aevi, annuntians quæ preterierunt et quæ

superuentúra sunt, revélans vestígia occultórum. Non præterit illum omnis cogitátus, et non abscóndit se ab eo ullus sermo.

Magnália sapiéntiæ suæ decorávit, qui est ante sǽculum et usque in sǽculum, neque adiéctum est, neque minúitur, et non eget alicuius consílio.

Quam desiderabília ómnia ópera eius: et tamquam scintilla quæ est consideráre! Omnia haec vivunt et manent in sǽculum, et in omni necessitaté ómnia obáudunt ei.

Omnia duplícia unum contra unum; et non fecit quidquam déesse. Uniuscuiúsque confirmávit bona; et quis satiábitur videns glóriam eius? — Verbum Dómini.

### Psalmus responsorius Ps 32, 2-3. 4-5. 6-7. 8-9 (R.: 6 a)

R. Verbo Dómini cæli facti sunt.

<sup>2</sup> Confitémini Dómino in cíthara,  
in psaltério decem chordárum psállite illi.

<sup>3</sup> Cantáte ei cáanticum novum,  
bene psállite ei in vociferatióne. R.

<sup>4</sup> Quia rectum est verbum Dómini,  
et ómnia ópera eius in fide.

<sup>5</sup> Díligit iustitiam et iudícium,  
misericórdia Dómini plena est terra. R.

<sup>6</sup> Verbo Dómini cæli facti sunt,  
et spíritu oris eius omnis virtus eórum.

<sup>7</sup> Cóngregans sicut in utre aquas maris,  
ponens in thesáuris abýssos. R.

<sup>8</sup> Tímeat Dóminum omnis terra,  
a fácie autem eius formídant omnes inhabitántes orbem.

<sup>9</sup> Quóniam ipse dixit, et facta sunt,  
ipse mandávit, et creáta sunt. R.

### Anno secundo

#### Lectio prior

Vos autem regale sacerdotium, gens sancta,  
ut virtutes annuntietis eius qui vos vocavit.

Léctio Epístolæ primæ beáti Petri apóstoli 2, 2-5. 9-12  
Caríssimi:

Sicut modo géniti infántes rationále sine dolo lac concupíscole, ut in eo crescátis in salútem, si gustástis quóniam dulcis Dóminus.

Ad quem accedéntes, lápidem vivum, ab homínibus quidem reprobátum, coram Deo autem eléctum, pretiósum, et ipsi tamquam lápides vivi ædificámini domus spirítualis in sacerdótium sanctum, offérre spirítuales hóstias acceptábiles Deo per Iesum Christum.

Vos autem genus eléctum, regále sacerdótium, gens sancta, pópulus in acquisitióne, ut virtutes annuntiétes eius qui de ténebris vos vocávit in admiráibile lumen suum; qui aliquándo non pópulus, nunc autem Pópulus Dei, qui non consecútii misericórdiam, nunc autem misericórdiam consecuti.

Caríssimi, óbsecro tamquam ádvenas et peregrínos abstinére vos a carnálibus desidériis, quæ militant advérsus ániam; conversatióne vestram inter gentes habéntes bonam, ut in eo quod detrécant de vobis tamquam de malefactóribus, ex bonis opéribus considerántes gloríficent Deum in die visitatiónis. — Verbum Dómini.

### Psalmus responsorius Ps 99, 2. 3. 4. 5 (R.: 2 c)

R. Introíte in conspéctu Dómini in exultatióne.

<sup>2</sup> Iubiláte Dómino, omnis terra,  
servíte Dómino in lætítia;  
introíte in conspéctu eius in exsultatióne. R.

- <sup>3</sup> Scítote quóniam Dóminus ipse est Deus;  
ipse fecit nos, et ipsíus sumus,  
pópulus eius et oves páscae eius. R.  
<sup>4</sup> Introíte portas eius in confessióne,  
átria eius in hymnis,  
confítēmini illi, benedícite nómini eius. R.  
<sup>5</sup> Quóniam suávis est Dóminus;  
in ætérnum misericórdia eius,  
et usque in generatióne et generatióne véritas eius. R.

**Alleluia** Io 8, 12

R. Alleluia. ¶. Ego sum lux mundi, dicit Dóminus;  
qui séquitur me habébit lumen vitæ.  
R. Alleluia.

### Evangelium

*Rabboni, ut videam.*

† Léctio sancti Evangélii secúndum Marcum 10, 46-52  
In illo témpore:

Proficiscénte Iesu de Iéricho et discípulis eius et plúrima multitudine, fílius Timaei Bartimaeus cæcus se-débat iuxta viam mendícans. Qui cum audíisset quia Iesus Nazarénus est, cœpit clamare et dicere: « Fili David Iesu, miserére mei ». Et comminabántur ei multi ut tacéret; at ille multo magis clamabat: « Fili David, miserére mei ».

Et stans Iesus dixit: « Vocáte illum ». Et vocant cæcum dicéntes ei: « Animæquior es̄to, surge, vocat te ». Qui proiécto vestíménto suo, exsíliens venit ad Iesum. Et respónsens ei Iesus dixit: « Quid vis tibi fáciām? »

Cæcus autem dixit ei: « Rabbóni, ut videam ».

Et Iesus ait illi: « Vade, fides tua te salvum fecit ». Et conféstim vidit, et sequebátur eum in via.

Verbum Dóminum.

### Super oblata

Deus, qui offerénda tuo nómini tríbus,  
et obláta devotíoni nostræ servitútis ascríbis,  
quésumus cleméntiam tuam,  
ut, quod præstas unde sit méritum,  
profícere nobis largiáris ad prémium.  
Per Christum.

### Ant. ad communionem

Ps 12, 6

Cantábo Dómino, qui bona tríbuit mihi,  
et psallam nómini Dómini Altíssimi.

### Vel:

Mt 28, 20

Ecce ego vobíscum sum ómnibus diébus,  
usque ad consummatiόnem sáculi, dicit Dóminus.

### Post communionem

Satiáti múnere salutári,  
tuam, Dómine, misericórdiam deprecámur,  
ut, hoc eódem quo nos temporáliter végetas sacraménto,  
perpétuae vitæ partícipes benígnus effícias.  
Per Christum.

### Feria sexta

#### Ant. ad introitum

Ps 17, 19-20

Factus est Dóminus protéctor meus,  
et edúxit me in latitúdinem,  
salvum me fecit, quóniam voluit me.

### Collecta

Da nobis, quésumus, Dómine,  
ut et mundi cursus pacífico nobis tuo órdine dirigátur,  
et Ecclésia tua tranquilla devotíone lætétur.  
Per Dóminum.

## Anno primo

## Lectio prior

*Parentes nostri viri misericordiæ sunt,  
et nomen eorum vivit  
in generationem et generationem.*

## Léctio libri Sirácidæ

44, 1. 9-12

Laudémus viros gloriósos et paréntes nostros in generatióne sua.

Sunt quorum non est memória: periérunt quasi qui non fúerint; et nati sunt quasi non nati, et filii ipsórum cum ipsis. Sed illi viri misericordiæ sunt, quorum pietátes non defuérunt; cum sémine eórum pémanent bona.

Heréditas sancta nepótes eórum, et in testaméntis stetit semen eórum; et filii eórum propter illos usque in ætérnum manent; semen eórum et glória eórum non derelinquéatur. — Verbum Dómini.

## Psalmus responsorius

Ps 149, 1-2. 3-4. 5-6 a et 9 b (R.: 4 a)

R. Beneplácitum est Dómino in pópulo suo.

1 Cantáte Dómino cáanticum novum;

laus eius in ecclésia sanctórum.

2 Lætetur Israel in eo qui fecit eum,  
et filii Sion exsúltent in rege suo. R.

3 Laudent nomen eius in choro,

in týmpano et cíthara psallant ei.

4 Quia beneplácitum est Dómino in pópulo suo,  
et honorábit mansuétos in salútem. R.

5 Iúbilent sancti in glória,

læténtrur in cubílibus suis,

6 exaltatiónes Dei in gútture eórum:

glória hæc est ómnibus sanctis eius. R.

## Anno secundo

## Lectio prior

*Estote boni dispensatores multiformis gratiæ Dei.*

## Léctio Epístolæ primæ beáti Petri apóstoli

4, 7-13

Caríssimi:

Omnium finis appropinquávit. Estóte itaque prudéntes et vigiláte in oratióibus. Ante ómnia mútuam in vosmetípos caritátem contínuam habéntes, quia cáritas óperit multitúdinem peccatórum; hospitáles ínvicem sine murmuratióne; unusquisque sicut accépit donatióne, in altérutrum illam administrántes sicut boni dispensatores multiformis gratiæ Dei. Si quis lóquitur, quasi sermones Dei; si quis minístrat, tamquam ex virtúte quam largítur Deus; ut in ómnibus glorificétur Deus per Iesum Christum: cui est glória et impérium in sécula sæculórum: amen!

Caríssimi, nólite mirári in fervóre qui ad tentatióne vobis fit, quasi novi áliquid vobis contíngat, sed quemadmodum communicátis Christi passióníbus gaudéte, ut et in revelatióne gloriæ eius gaudeátis exsultántes.

Verbum Dómini.

## Psalmus responsorius Ps 95, 10. 11-12. 13 (R.: 13 ab)

R. Venit Dóminus iudicáre terram.

10 Dícite in géntibus: « Dóminus regnávit ».

Etenim corréxit orbem terræ qui non commovébitur;  
iudicábit pópulos in æquitaté. R.

11 Læténtrur cæli et exsúltet terra,

sonet mare et plenitúdo eius;

12 gaudébunt campi et ómnia quæ in eis sunt.

Tunc exsultábunt ómnia ligna silvárum. R.

<sup>13</sup> A fácie Dómini, quia venit,  
quóniam venit iudicáre terram.  
Iudicábit orbem terræ in iustitia  
et pöpulos in veritáte sua. R.

Alleluia

Io 15, 16

R. Alleluia. V. Ego vos elegi de mundo, ut eatis et fructum afferatis,  
et fructus vester maneat, dicit Dóminus.  
R. Alleluia.

## Evangelium

*Domus mea domus orationis vocabitur  
omnibus gentibus. Habete fidem Dei.*

† Léctio sancti Evangélii secúndum Marcum 11, 11-26

Cum acclamátus esset Iesus a turba, introívit Hierosólymam in templum; et circumspéctis ómnibus, cum iam vespéra esset hora, exiuit in Bethániam cum Duódecim.

Et áltera die cum exírent a Bethánia, esúriit. Cumque vidísset a longe ficum habéntem fólia, venit si quid forte inveníret in ea, et cum venísset ad eam, nihil invenit præter fólia: non enim erat tempus ficórum. Et respóndens dixit ei: « Iam non amplius in ætérnum quisquam fructum ex te mandúcet ». Et audiébant discípuli eius.

Et vénient Hierosólymam. Et cum introísset in templum, cœpit eícere vendéntes et eméntes in templo, et mensas nummulariòrum et cáthedras vendéntium columbas evértit, et non sinébat ut quisquam vas transférret per templum. Et docébat dicens eis: « Non scriptum est: Domus mea domus oratiónis vocábitur ómnibus géntibus? Vos autem fecístis eam spelúncam latrónum ».

Quo audítio príncipes sacerdótum et scribæ quærébant quómodo eum pérderent; timébant enim eum, quóniam univérsa turba admirabátur super doctrína eius.

Et, cum véspera facta esset, egrediebántur de civitáte. Et cum mane transírent, vidérunt ficum áridam factam a radícibus. Et recordáitus Petrus dicit ei: « Rabbi, ecce ficus cui maledixisti áruit ».

Et respóndens Iesus ait illis: « Habéte fidem Dei; amen dico vobis: Quicúmque díixerit huic monti: " Tólle et mittere in mare ", et non hæsítáverit in corde suo sed credíderit quia quod díixerit fiat, fiet ei. Propterea dico vobis: Omnia quæcúmque orántes pétitis, crédite quia iam accepistis et erunt vobis.

Et cum statis in oratióne, dimítte si quid habétis advérsus áliquem, ut et Pater vester qui in cælis est dimittat vobis peccáta vestra ». — Verbum Dómini.

## Super oblata

Deus, qui offerénda tuo nómini tríbuis,  
et oblatae devotióni nostræ servitútis ascríbis,  
quæsumus cleméntiam tuam,  
ut, quod præstas unde sit méritum,  
profícere nobis largiáris ad præmium.  
Per Christum.

Ant. ad communionem

Ps 12, 6

Cantábo Dómino, qui bona tríbuit mihi,  
et psallam nómini Dómini Altíssimi.

Vel:

Mt 28, 20

Ecce ego vobíscum sum ómnibus diébus,  
usque ad consummatiōnem sáculi, dicit Dóminus.

## Post communionem

Satiáti múnere salutári,  
tuam, Dómine, misericordiam deprecámur,

ut, hoc eódem quo nos temporáliter végetas sacraménto,  
perpétuæ vitæ partícipes benígnus effícias.  
Per Christum.

### Sabbato

#### Ant. ad introitum

Ps 17, 19-20

Factus est Dóminus protéctor meus,  
et edúxit me in latitudinem,  
salvum me fecit, quóniam voluit me.

#### Collecta

Da nobis, quásimus, Dómine,  
ut et mundi cursus pacífico nobis tuo órdine dirigátur,  
et Ecclésia tua tranquilla devotione lætétur.  
Per Dóminum.

#### Anno primo

##### Lectio prior

*Danti mihi sapientiam dabo gloriam.*

#### Léctio libri Sirácidæ

51, 17-27

Confitébor et laudem dicam tibi, et benedíciam nōmini Dómini.

Cum adhuc iúnior essem, priúsq; oberrárem, quæsivi sapiéntiam palam in oratióne mea; ante templum postulábam pro illa, et usque in novíssimis inquiráram eam; et efflóruit tamquam præcox uva, lætátum est cor meum in ea.

Ambulávit pes meus iter rectum; a iuventúte mea investigábam eam. Inclinávi módice aurem meam, et excépi illam. Multam invéni in méípsò sapiéntiam, et multum proféci in ea.

Danti mihi sapiéntiam dabo glóriam. Consiliátus sum enim ut fácerem illam, zelátus sum bonum et non confundar.

Collectáta est áнима mea in illa, et in faciendo eam confirmátus sum. Manus meas exténdi in altum, et insipiéntiam eius luxi.

Animam meam diréxi ad illam, et in agnitione invéni eam. — Verbum Dómini.

**Psalmus responsorius** Ps 18, 8. 9. 10. 11 (R.: 9 a)

R. Iustítiae Dómini rectæ, lætificántes corda.

<sup>8</sup> Lex Dómini immaculáta, reficiens ánimam,  
testimónium Dómini fidéle,  
sapiéntiam præstans párvulis. R.

<sup>9</sup> Iustítiae Dómini rectæ, lætificántes corda,  
præcéptum Dómini lúcidum, illúminans oculos. R.

<sup>10</sup> Timor Dómini mundus, pérmanens in sǽculum sǽculi,  
iudicia Dómini vera, iusta ómnia simul. R.

<sup>11</sup> Desiderabília super aurum et lápidem pretiósū multum  
et dulcióra super mel et favum stillántem. R.

#### Anno secundo

##### Lectio prior

*Potest Deus conservare vos sine peccato  
et constituere  
ante conspectum gloriæ suæ immaculatos.*

#### Léctio Epístolæ beáti Iudæ apóstoli

17. 20-25

Vos, caríssimi, mémores estóte verbórum quæ prædicta sunt ab apóstolis Dómini nostri Iesu Christi.

Superædificántes vos metípos sanctíssimæ vestræ fídei, in Spíitu Sancto orántes, ipsos vos in dilectione Dei serváte, exspectántes misericordiam Dómini nostri Iesu

Christi in vitam ætérnam. Et his quidem miserémini dis-  
putántibus, illos vero salváte de igne, rapiéntes, áliis  
autem miserémini in timóre, odiéntes et eam quæ car-  
nális est maculátam túnicam.

Ei autem qui potest vos conserváre sine peccáto et  
constitúere ante conspéctum glóriæ suæ immaculátos in  
exsultatióne, soli Deo Salvatóri nostro per Iesum Chri-  
stum Dóminum nostrum glória, magnificéntia, impérium  
et potéstaſ ante omne sǽculum et nunc et in ómnia  
sǽcula. Amen.

Verbum Dómini.

**Psalmus responsorius** Ps 62, 2. 3-4. 5-6 (R.: 2 b)

- R. Sitívit in te ánima mea, Dómine Deus meus.
- Deus, Deus meus es tu, ad te de luce vígilo.  
Sitívit in te ánima mea,  
te desiderávit caro mea,  
in terra desérita et árida et inaquósa. R.
- Sic in sancto appárui tibi,  
ut vidérem virtútem tuam et glóriam tuam.
- Quóniam mélior est misericórdia tua super vitas,  
lábia mea laudábunt te. R.
- Sic benedíciam te in vita mea,  
et in nómine tuo levábo manus meas.
- Sicut ádipe et pinguédine repleátur ánima mea,  
et lábiis exsultatiónis laudábít os meum. R.

**Alleluia**

Col 3, 16 a. 17 c

- R. Allelúa. R. Verbum Christi hábitet in vobis abun-  
dáner;  
grátias ágite Deo et Patri per Christum.
- R. Allelúa.

**Evangelium**

*In qua potestate hæc facis?*

† Léctio sancti Evangélii secúndum Marcum 11, 27-33

In illo témpore:

Véniant rursus Iesus et discípuli Hierosólymam. Et cum ambuláret in templo, accédunt ad eum summi sa-  
cerdótes et scribæ et seniores et dicébant illi: « In qua  
potestáte hæc facis? Vel quis tibi dedit hanc potestátem  
ut ista fáciás? »

Iesus autem ait illis: « Interrogábo vos unum ver-  
bum, et respondéte mihi, et dicam vobis in qua potestáte  
hæc fáciám; baptísmum Ioánnis de célo erat an ex ho-  
mínibus? Respondéte mihi ». —

At illi cogitábant secum dicéntes: « Si dixérimus: "De  
célo", dicet: "Quare ergo non credidistis ei?" Si autem  
dixérimus: "Ex homínibus" » — timébant pópulum,  
omnes enim habébant Ioánnem quia vere prophéta es-  
set. Et respondéntes dicunt Iesu: « Nescímus ». —

Et Iesus ait illis: « Neque ego dico vobis in qua  
potestáte hæc fáciám ». — Verbum Dómini.

**Super oblata**

Deus, qui offerénda tuo nómini tríbuis,  
et obláta devotióni nostræ servitútis ascríbis,  
quæsumus cleméntiam tuam,  
ut, quod prætas unde sit méritum,  
proficere nobis largiáris ad præmium.  
Per Christum.

**Ant. ad communionem**

Ps 12, 6

Cantábo Dómino, qui bona tríbuit mihi,  
et psallam nómini Dómini Altíssimi.

**Vel:**

Ecce ego vobíscum sum ómnibus diébus,  
usque ad consummatiónem séculi, dicit Dóminus.

**Post communionem**

Satiáti múnere salutári,  
tuam, Dómine, misericórdiam deprecámur,  
ut, hoc eódem quo nos temporáliter végetas sacraménto,  
perpétuæ vitæ partícipes benígnus effícias.  
Per Christum.

**Mt 28, 20****DOMINICA IX « PER ANNUM »****Ant. ad introitum****Ps 24, 16. 18**

Réspice in me, et miseré mei, Dómine,  
quóniam únicus et pauper sum ego.  
Vide humilitátem meam et labórem meum,  
et dimítte ómnia peccáta mea, Deus meus.

**Dicitur Glória in excélsis.**

**Collecta**

Deus, cuius providéntia  
in sui dispositióne non fállitur,  
te súpplices exorámus,  
ut nóxia cuncta submóveas,  
et ómnia nobis profutúra concédas.  
Per Dóminum.

**Anno A****Lectio prima**

*En propono in conspectu vestro benedictionem  
et maledictionem.*

**Léctio libri Deuteronomii****11, 18. 26-28**

Locútus est Móyses pólupo dicens:  
« Pónite hæc verba mea in córdibus et in ánimes  
vestris, et suspéndite ea pro signo in máníbus, et inter  
óculos vestros collocáte.

En propóno in conspectu vestro hódie benedictiónem  
et maledictiónem; benedictiónem, si obœdiéritis man-  
dátis Dómini Dei vestri, quæ ego hódie præcipio vo-  
bis; maledictiónem, si non oboediéritis mandátis Dómi-  
ni Dei vestri, sed recesséritis de via, quam ego nunc

osténdo vobis, et ambulavéritis post deos alienos quos ignoratis ». — Verbum Domini.

## Psalmus responsorius

Ps 30, 2-3 ab. 3 c-4. 17 et 25 (R.: 3 b)

R. Esto mihi, Domine, in rupem præsidii.

2 In te, Domine, speravi, non confundar in æternum;  
in iustitia tua libera me.

3 Inclina ad me aurem tuam,  
accélera, ut éruas me. R.

Esto mihi in rupem præsidii.

4 Quóniam fortitudo mea et refugium meum es tu,  
et propter nomen tuum deduces me et pasces me. R.

17 Illústra fáciem tuam super servum tuum,  
salvum me fac in misericordia tua.

25 Viriliter ágite, et confortétur cor vestrum,  
omnes qui speratis in Domino. R.

## Lectio secunda

*Homo iustificatur per fidem sine operibus Legis.*

Léctio Epistolæ beati Pauli apóstoli  
ad Romános

3, 21-25 a. 28

Fratres:

Nunc sine Lege iustitia Dei manifestata est, testificata a Lege et Prophétis, iustitia autem Dei per fidem Iesu Christi, in omnes qui credunt; non enim est distíctio; omnes enim peccavérunt et egent glória Dei, iustificati gratis per grátiam ipsius per redemptiónem quae est in Christo Iesu; quem propósuit Deus propitiatórium per fidem in sanguine ipsius.

Arbitrámur enim iustificari hóminem per fidem sine opéribus Legis. — Verbum Domini.

## Alleluia

Io 15, 5

R. Alleluia. V. Ego sum vitis, vos pálmites, dicit Dóminus.

Qui manet in me, et ego in eo, hic fert fructum multum.

R. Alleluia.

## Evangelium

*Domus supra petram  
et domus supra arenam ædificata.*

† Léctio sancti Evangélii secúndum Mattháeum

7, 21-27

In illo tempore: Dixit Iesus discípulis suis:

« Non omnis qui dicit mihi: "Dómine Dómine", intrábit in Regnum cælórum, sed qui facit voluntátem Patris mei qui in cælis est. Multi dicent mihi in illa die: "Dómine Dómine, nonne in tuo nómine prophetávimus, et in tuo nómine dæmónia eiécimus, et in tuo nómine virtútes multas fécimus?" Et tunc confitébor illis: "Numquam novi vos; discédite a me qui operámini iniquitátem". »

Omnis ergo qui audit verba mea hæc et facit ea, assimilábitur viro sapiénti, qui ædificávit domum suam supra petram. Et descéndit pluvia et venérunt flúmina et flaverunt venti et irruérunt in domum illam, et non cécidit; fundáta enim erat supra petram.

Et omnis qui audit verba mea hæc et non facit ea, similius erit viro stulto, qui ædificávit domum suam supra arénam. Et descéndit pluvia et venérunt flúmina et flaverunt venti et irruérunt in domum illam, et cécidit, et fuit ruína eius magna ».

Verbum Domini.

## Anno B

## Lectio prima

*Memento quod et ipse servieris in Ægypto.*

Léctio libri Deuteronomii

5, 12-15

Hæc dicit Dóminus:

« Obsérrva diem sábbati ut sanctífices eum, sicut præcépit tibi Dóminus Deus tuus. Sex diébus operáberis et fácies ómnia ópera tua. Séptimus dies sábbati est, id est réquies Dómini Dei tui.

Non fácies in eo quidquam óperis tu, et fílius tuus, et fília, servus, et ancílla, et bos, et ásinus, et omne iu-méntum tuum, et peregrínus qui est intra portas tuas; ut requiéscat servus tuus et ancílla tua sicut et tu.

Meménto quod et ipse servieris in Ægypto, et edúxerit te inde Dóminus Deus tuus in manu fortí et brác-chio exténto. Idcirco præcépit tibi ut observáres diem sábbati ».

Verbum Dómini.

## Psalmus responsorius

Ps 80, 3-4. 5-6 ab. 6 c-8 a. 10-11 ab (R.: 2 a)

R. Exsultáte Deo adiutori nostro.

3 Súmite psalmum et date týmpanum,  
psaltérium iucúndum cum cíthara.

4 Bucináte in neoménia tuba,  
in die plenæ lunæ, in sollemnitáte nostra. R.

5 Quia præcéptum in Israel est,  
et iudícium Deo Iacob.

6 Testimónium in Ioseph pósuit illud,  
cum exíret de terra Ægypti. R.

7 Sermónem quem non nóveram, audívi.  
Divérti ab onéribus dorsum eius,

manus eius a cóphino recessérunt.

8 In tribulatióne invocásti me et liberávi te. R.

10 Non erit in te deus alienus  
neque adorábis deum extráneum.

11 Ego enim sum Dóminus Deus tuus  
qui edúxi te de terra Ægypti. R.

## Lectio secunda

*Vita Iesu in corpore nostro manifestatur.*

Léctio Epístolæ secúndæ beáti Pauli apóstoli  
ad Corínthios

4, 6-11

Fratres:

Deus qui dixit: « De ténebris lux splendéscat », ipse illúxit in córdibus nostris ad illuminatióne sciéntiæ gloriæ Dei in fácie Iesu Christi.

Habémus autem thesárum istum in vasis fictílibus, ut sublímitas sit virtútis Dei, et non ex nobis; in ómnibus tribulatióne pátimur sed non angustiámur, aporiámur sed non destitúimur, persecutióne pátimur sed non derelíquimur, déicimur sed non perímus, semper mortificatióne Iesu in córpore circumferéntes, ut et vita Iesu in córpore nostro manifestétur.

Semper enim nos qui vívimus in mortem trádimur propter Iesum, ut et vita Iesu manifestétur in carne nostra mortáli.

Verbum Dómini.

Alleluia

Io 17, 17 b. a

R. Allelúia. y. Sermo tuus, Dómine, véritas est;  
sanctífica nos in veritáte.

R. Allelúia.

## Evangelium\*

*Dominus est Filius hominis etiam sabbati.*

† Léctio sancti Evangélii secúndum Marcum

2, 23 — 3, 6

Factum est cum Dóminus sábbatis ambuláret per sata, discípuli eius coepérunt prágredi velléntes spicas. Pharisæi autem dicébant ei: « Ecce, quid fáciunt sábbatis quod non licet? »

Et ait illis: « Numquam legístis quid fécerit David, quando necessitatēm hábuit et esúriit ipse et qui cum eo erant? Quómodo introívit in domum Dei sub Abíathar príncipe sacerdótum et panes propositiónis manducávit, quos non licet manducáre nisi sacerdótibus, et dedit étiam eis qui cum eo erant? »

Et dicébat eis: « Sábbatum propter hóminem factum est, et non homo propter sábbatum; itaque dóminus est Filius hóminis étiam sábbati ». — Verbum Dómini.

Et introívit íterum in synagógam. Et erat ibi homo habens manum áridam; et observábant eum si sábbatis curáret illum ut accusárent eum.

Et ait hómini habénti manum áridam: « Surge in médium ». Et dicit eis: « Licet sábbatis bene fáccere an male? Animam salvam fáccere an pérdere? » At illi tacébant. Et circumspíciens eos cum ira, contristátus super cæcitaté cordis eórum, dicit hómini: « Exténde manum ». Et exténdit, et restitúta est manus eius.

Et exeúntes Pharisæi statim cum Herodiánis consílium faciébant advérsus eum quómodo eum pérderent.

Verbum Dómini.

## vel brevior

† Léctio sancti Evangélii secúndum Marcum 2, 23-28

Factum est cum Dóminus sábbatis ambuláret per sata, discípuli eius coepérunt prágredi velléntes spicas. Pharisæi autem dicébant ei: « Ecce, quid fáciunt sábbatis quod non licet? »

Et ait illis: « Numquam legístis quid fécerit David quando necessitatēm hábuit et esúriit ipse et qui cum eo erant? Quómodo introívit in domum Dei sub Abíathar príncipe sacerdótum et panes propositiónis manducávit, quos non licet manducáre nisi sacerdótibus, et dedit étiam eis qui cum eo erant? »

Et dicébat eis: « Sábbatum propter hóminem factum est, et non homo propter sábbatum; itaque dóminus est Filius hóminis étiam sábbati ». — Verbum Dómini.

## Anno C

## Lectio prima

*Cum venerit alienigena, exaudies eum.*

Léctio libri primi Regum

8, 41-43

In diébus illis: Orávit Sálomon in templo dicens:

« Alienígena, qui non est de pôpulo tuo Israel, cum vénerit de terra longíqua propter nomen tuum (audiéatur enim nomen tuum magnum et manus tua fortis et bráccium tuum exténtum ubique); cum vénerit ergo, et oráverit in hoc loco, tu exáudies in cælo, in firmaménto habitáculi tui, et fácies ómnia pro quibus invocáverit te alienígena; ut discant univérsi pôpuli terrárum nomen tuum timére, sicut pôpulus tuus Israel, et probent quia nomen tuum invocátum est super domum hanc quam ædificávi ». — Verbum Dómini.

**Psalmus responsorius** Ps 116, 1. 2 (¶: Mc 16, 15)

¶. Eúntes in mundum univérsum,  
prædicáte Evangélium.

vel Alleluia.

<sup>1</sup> Laudáte Dóminum, omnes gentes,  
collaudáte eum, omnes pópuli. ¶.

<sup>2</sup> Quóniam confirmáta est super nos misericórdia eius,  
et véritas Dómini manet in ætérnum. ¶.

### Lectio secunda

*Si adhuc hominibus placerem,  
Christi servus non essem.*

Inítiū Epístolæ beáti Pauli apóstoli ad Gálatas

1, 1-2. 6-10

Paulus apóstolus, non ab homínibus neque per hóminem, sed per Iesum Christum et Deum Patrem qui suscitávit eum a mórtuis, et qui mecum sunt omnes frátres, Ecclésiis Galátiae.

Miror quod tam cito transferímini ab eo qui vos vocávit in grácia Christi in áliud Evangélium, quod non est áliud; nisi sunt áliqui qui vos contúrbant et volunt convértere Evangélium Christi.

Sed licet nos aut ángelus de cælo evangélizet vobis prætérum quod evangelizávimus vobis, anáthema sit! Sicut prædiximus, et nunc íterum dico, si quis vobis evangelizáverit præter id quod accepsítis, anáthema sit!

Modo enim homínibus suádeo aut Deo? Aut quæro homínibus placére? Si adhuc homínibus placérem, Christi servus non essem.

Verbum Dómini.

Alleluia

¶. Alleluia. ¶. Sic Deus diléxit mundum, ut Fílium suum unigénitum daret;  
omnis qui credit in eum habet vitam ætérnam. ¶. Alleluia.

Evangelium

*Nec in Israel tantam fidem inveni.*

¶ Léctio sancti Evangélii secúndum Lucam 7, 1-10

In illo témpore:

Cum implésset Iesus ómnia verba sua in aures plebis, intrávit Caphárnaum. Centuriónis autem cuiúsdam servus male habens erat moritúrus, qui illi erat pretiósus. Et cum audísset de Iesu, misit ad eum seniores Iudæorum, rogans eum ut veníret et salváret servum eius.

At illi cum veníssent ad Iesum, rogábant eum solli-cite dicéntes: « Dignus est ut hoc illi præstes, díligit enim gentem nostram et synagógam ipse ædificávit nobis ».

Iesus autem ibat cum illis. At cum iam non longe es-set a domo, misit centúrio amícos dicens ei: « Dómine, noli vexári; non enim dignus sum ut sub tectum meum intres, propter quod et me ipsum non sum dignum ar-bitrátus ut venírem ad te: sed dic verbo, et sanétur puer meus. Nam et ego homo sum sub potestáte constitútus, habens sub me mili-tes; et dico huic: "Vade", et vadit; et álio: "Veni", et venit; et servo meo: "Fac hoc", et facit ».

Quo audíto, Iesus mirátus est eum, et convérsus, se-quéntibus se turbis dixit: « Dico vobis, nec in Israel tantam fidem invéni ». Et revérsi qui missi fúerant domum, invenérunt servum sanum. — Verbum Dómini.

Dicitur Credo.

**Super oblata**

In tua pietate confidentes, Dómine,  
cum munéribus ad altária veneránda concúrrimus,  
ut, tua purifícante nos grátia,  
iísdem quibus famulámur mystériis emundémur.  
Per Christum.

*Præfatio de dominicis «per annum», pp. 752-759.*

**Ant. ad communionem**

**Ps 16, 6**

Ego clamávi, quóniam exaudísti me, Deus;  
inclína aurem tuam, et exáudi verba mea.

**Vel:** **Mc 11, 23. 24**

Amen dico vobis, quidquid orántes pétitis,  
crédite quia accipiétiſ, et fiet vobis, dicit Dóminus.

**Post communionem**

Rege nos Spíritu tuo, quésumus, Dómine,  
quos pascis Fílli tui Córpoře et Sanguine,  
ut te, non solum verbo neque lingua,  
sed ópere et veritáte confítentes,  
intráre mereámur in regnum cælórum. Per Christum.

**Feria secunda****Ant. ad introitum**

**Ps 24, 16. 18**

Réspice in me, et miseré mei, Dómine,  
quóniam únicus et pauper sum ego.  
Vide humilitátem meam et labórem meum,  
et dímítte ómnia peccáta mea, Deus meus.

**Collecta**

Deus, cuius providéntia in sui dispositióne non fállitur,  
te súpplices exorámus,

ut nótia cuncta submóveas,  
et ómnia nobis profutúra concédas.  
Per Dóminum.

**Anno primo****Lectio prior**

*Tobias plus timens Deum quam regem.*

**Inítium libri Tobíæ**

**1, 1 a. 2; 2, 1-9**

Tobías, ex tribu et civitáte Néphthali, cum captus es-  
set in diébus Salmánasar, regis Assyriórum, in captivitáte  
tamen pósitus, viam veritátiſ non deséruit.

Cum vero esset dies festus Dómini, et factum esset  
prándium bonum in domo Tobíæ, dixit filio suo: « Vade  
et adduc áliquos de tribu nostra timéntes Deum, ut epu-  
léntur nobíscum ». Cumque abiísset, revérsus nuntiávit ei  
unum ex fíliis Israel iugulátum iacére in platéa. Statimque  
exsiliens de accúbitu suo, relínquens prándium, ieíúnus  
pervénit ad corpus. Tollénsque illud portávit ad domum  
suam occúlte, ut, dum sol occubuísset, caute sepeliéret  
eum. Cumque occultáasset corpus, manducávit panem cum  
luctu et tremóre, mémorans illum sermónen, quem  
dixit Dóminus per Amos prophétam: « Dies festi vestri  
converténtur in lamentatióneſ et luctuſ ».

Cum vero sol occubuísset, abiit et sepeliévit eum.  
Arguébant autem eum omnes próximi eius, dicéntes:  
« Iam huius rei causa intérfici iussus es, et vix effugísti  
mortis impérium; et íterum sépeli mórtuos? » Sed To-  
bias, plus timens Deum quam regem, rapiébat córpora  
occisórum, et occultábat in domo sua, et médiis nótii-  
bus sepeliébat ea.

**Verbum Dómini.**

## Psalmus responsorius Ps 111, 1-2. 3-4. 5-6 (R.: 1 a)

R. Beatus vir qui timet Dominum.

vel Alleluia.

- <sup>1</sup> Beatus vir qui timet Dominum,  
in mandatis eius cupit nimis.
- <sup>2</sup> Potens in terra erit semen eius,  
generatio rectorum benedicetur. R.
- <sup>3</sup> Gloria et divitiae in domo eius,  
et iustitia eius manet in seculum seculi.
- <sup>4</sup> Exortum est in tenebris lumen rectis,  
misericors et miserator et iustus. R.
- <sup>5</sup> Iucundus homo qui miseretur et commodat,  
disponet res suas in iudicio,  
quia in aeternum non commovetur.  
In memoria aeterna erit iustus. R.

## Anno secundo

## Lectio prior

Pretiosa nobis promissa donata sunt  
ut efficiamini divinae consortes naturae.

## Initium Epistolae secundae beati Petri apostoli 1, 1-7

Simon Petrus servus et apostolus Iesu Christi his  
qui coequalem nobis sortiti sunt fidem in iustitia Dei  
nostri et Salvatoris Iesu Christi: gratia vobis et pax  
multiplicetur in cognitione Dei et Iesu Domini nostri.

Quomodo omnia nobis divinae virtutis suae ad vitam  
et pietatem donatae per cognitionem eius qui vocavit  
nos propria gloria et virtute, per quam pretiosa et maxima  
nobis promissa donata sunt ut per haec efficiamini  
divinae consortes naturae, fugientes eam, quae in mundo  
est in concupiscentia, corruptionem, et propter hoc ipsum  
curam omnem subinferentes ministrante in fide vestra

virtutem, in virtute autem scientiam, in scientia autem  
continentiam, in continentia autem patientiam, in pa-  
tientia autem pietatem, in pietate autem amorem fra-  
ternitatis, in amore autem fraternalitatis caritatem.

Verbum Domini.

## Psalmus responsorius

Ps 90, 1-2. 14-15 ab. 15 c-16 (R.: cf. 2 b)

R. Deus meus, sperabo in te.

- <sup>1</sup> Qui habitat in protectione Altissimi,  
sub umbra Omnipotentis commorabitur.
  - <sup>2</sup> Dicit Dominus: « Refugium meum  
et fortitudo mea, Deus meus, sperabo in eum ». R.
  - <sup>14</sup> Quoniam mihi adhaesit, liberabo eum;  
suscipiam eum, quoniam cognovit nomen meum.
  - <sup>15</sup> Clamabit ad me, et ego exaudiam eum;  
cum ipso sum in tribulacione. R.
- Eripiam eum et glorificabo eum.  
<sup>16</sup> Longitudine diorum replebo eum,  
et ostendam illi salutare meum. R.

## Alleluia

Ap 1, 5 ab

R. Alleluia. ¶ Iesu Christe, testis es fidelis, Primogenitus  
mortuorum:  
dilexisti nos, et lavasti peccata nostra in  
sanguine tuo. R. Alleluia.

## Evangelium

Apprehendentes filium dilectum occiderunt,  
et elecerunt extra vineam.

## ¶ Lectio sancti Evangelii secundum Marcum 12, 1-12

In illo tempore: Coepit Iesus summis sacerdotibus et  
scribis et seniорibus in parabolis loqui:

« Víneam pastinávit homo, et circúm dedit sepem et fodit lacum et ædificávit turrim, et locávit eam agrícola, et péregre proféctus est.

Et misit ad agrícolas in témpore servum, ut ab agrícolis accíperet de fructu víneæ; qui apprehénsum eum cecidérunt et dimisérunt vácum. Et íterum misit ad illos álium servum; et illum in cápite vulneravérunt et contumeliis affecérunt. Et álium misit, et illum occidérunt, et plures álios, quosdam cädentes, álios vero occidéntes.

Adhuc unum habébat, filium diléctum: misit illum ad eos novíssimum dicens: "Reverebúntur filium meum". Colóni autem illi dixérunt ad ínvicem: "Hic est heres: veníte, occídámus eum, et nostra erit heréditas". Et apprehendéntes eum occidérunt, et eiecérunt extra víneam.

Quid ergo fáciet dómínu斯 víneæ? Véniet et perdet colónos, et dabit víneam áliis.

Nec Scriptúram hanc legístis:

"Lápídem quem reprobávérunt ædificántes, hic factus est in caput ánguli: a Dómino factum est istud, et est mirábile in óculis nostris"? »

Et quærébant eum tenére, et timuérunt turbam, cognovérunt enim quóniam ad eos parábola hanc díxerit. Et relícto eo abiérunt. — Verbum Dómini.

### Super oblata

In tua pietáte confidéntes, Dómine,  
cum munéribus ad altária veneránda concúrrimus,  
ut, tua purificánte nos grátia,  
iisdem quibus famulámur mystériis emundémur.  
Per Christum.

### Ant. ad communionem

Ego clamávi, quóniam exaudísti me, Deus;  
inclína aurem tuam, et exáudi verba mea.

Ps 16, 6

Mc 11, 23. 24

### Vel:

Amen dico vobis, quidquid orántes pétitis,  
crédite quia accipiétis, et fiet vobis, dicit Dóminus.

### Post communionem

Rege nos Spíritu tuo, quásumus, Dómine,  
quos pascis Fílii tui Córpo et Sángüine,  
ut te, non solum verbo neque lingua,  
sed ópere et veritáte confiténtes,  
intráre mereámur in regnum cælórum.  
Per Christum.

Ps 24, 16. 18

### Ant. ad introitum

Réspice in me, et miseré mei, Dómine,  
quóniam únicus et pauper sum ego.  
Vide humilitátem meam et labórem meum,  
et dimítte ómnia peccáta mea, Deus meus.

### Collecta

Deus, cuius providéntia in sui dispositióne non fállitur,  
te súpplices exorámus,  
ut nóxia cuncta submóveas,  
et ómnia nobis profutúra concédas.  
Per Dóminum.

### Anno primo

### Lectio prior

*Non est contristatus contra Deum,  
quod plaga cæcitatis evenerit illi.*

### Lectio libri Tobíæ

2, 10-23

Cóntigit quadam die ut Tobías fatigátus a sepultúra,  
véniens in domum suam, iactásset se iuxta parítem et

obdormisset; et ex nido hirúndinum dormiénti illi cálida stércora incíderent super óculos eius, fierétque cæcus.

Hanc autem tentatióne ídeo permísit Dóminus eveníre illi, ut pósteris darétur exémplum patiéntiæ eius, sicut et sancti Iob. Nam, cum ab infántia sua semper Deum timúerit et mandáta eius custodíerit, non est contristátus contra Deum, quod plaga cæcitatís evénerit ei; sed immóbilis in Dei timóre permánsit, agens grátiás Deo ómnibus diébus vitæ suæ.

Nam sicut beáto Iob insultábant reges, ita isti paréntes et cognáti eius irridébant vitam eius, dicéntes: « Ubi est spes tua, pro qua eleemósynas et sepultúras faciébas? » Tobías vero increpábát eos, dicens: « Nólite ita loqui; quóniam filii sanctórum sumus, et vitam illam exspectámus, quam Deus datúrus est his qui fidem suam numquam mutant ab eo ».

Anna vero, uxor eius, ibat ad opus textrínū cotídie, et de labóre mánuum suárum vícum, quem cónsequi pótterat, deferébat. Unde factum est ut hædum caprárū accipiens, detulísset domi; cuius cum vocem balántis vir eius audísset dixit: « Vidéte, ne forte furtívus sit: réddite eum dóminis suis, quia non licet nobis aut édere ex furto áliquid aut contíngere ». Ad hæc uxor eius iráta respóndit: « Maniféste vana facta est spes tua, et eleemósynæ tuæ modo apparuérunt ». Atque his et áliis huiuscémodi verbis exprobrábat ei.

Verbum Dómini.

#### Psalmus responsorius

Ps 111, 1-2. 7 bc-8. 9 (R.: cf. 7 c)

R. Parátum cor iusti, sperans in Dómino.  
vel Allelúia.

I Beátus vir qui timet Dóminum,  
in mandátis eius cupit nimis.

<sup>2</sup> Potens in terra erit semen eius,  
generátio rectórum benedicéatur. R.

<sup>7</sup> Ad auditóne mala non timébit.  
Parátum cor eius, sperans in Dómino,  
<sup>8</sup> confirmátum est cor eius, non timébit,  
donec despíciat inimícos suos. R.

<sup>9</sup> Distríbuit, dedit paupéribus;  
iustitia eius manet in séculum séculi,  
cornu eius exaltábitur in glória. R.

#### Anno secundo

#### Lectio prior

Novos cælos et terram novam exspectamus.

Léctio Epístolæ secúndæ beáti Petri apóstoli

3, 12-15 a. 17-18

Caríssimi:

Exspectáte et properáte advéntum diéi Dei, propter quam cæli ardéntes solvéntur et eleménta ignis ardóre tabéscunt. Novos vero cælos et terram novam secúndum promíssum ipsíus exspectámus, in quibus iustitia hábitat.

Propter quod, caríssimi, hæc exspectántes satágite immaculáti et invioláti ei inveníri in pace, et Dómini nostri longanimitátem salútem arbitrámini.

Vos ígitur, fratres, præsciéntes custodíte ne iniquórum erróre simul abdúcti excidátis a própria firmitáte, créscite vero in grátia et in cognitióne Dómini nostri et Salvatóris Iesu Christi. Ipsi glória et nunc et in diem æternitátis. Amen! — Verbum Dómini.

Psalmus responsorius Ps 89, 2. 3-4. 10. 14 et 16 (R.: 1)

R. Dómine, refúgium factus es nobis,  
a generatióne in generatióne.

- <sup>2</sup> Priúsqam montes nasceréntur  
aut gignerétur terra et orbis,  
a sáculo et usque in sáculum tu es Deus. R.
- <sup>3</sup> Redúcis hóminem in púlverem;  
et dixisti: « Revertímini, filii hóminum ».
- <sup>4</sup> Quóniam mille anni ante óculos tuos  
tamquam dies hestérra quæ præteriit,  
et custódia in nocte. R.
- <sup>10</sup> Dies annórum nostrórum sunt septuagínta anni,  
aut in valéntibus octogínta anni,  
et maior pars eórum labor et dolor,  
quóniam cito tránsunt, et avolámus. R.
- <sup>14</sup> Reple nos mane misericórdia tua,  
et exsultábimus et delectábimus ómnibus diébus nostris.
- <sup>16</sup> Appáreat servis tuis opus tuum,  
et decor tuus filiis eórum. R.

**Alleluia****Cf. Eph 1, 17-18**

R. Alleluia. ¶ Pater Dómini nostri Iesu Christi illúminet  
óculos cordis nostri,  
ut sciámus quæ sit spes vocatiónis nostræ.  
R. Alleluia.

**Evangelium**

*Quæ sunt Cæsaris reddite Cæsari,  
et quæ sunt Dei Deo.*

¶ Léctio sancti Evangélii secúndum Marcum **12, 13-17**

In illo témpore:

Mittunt ad Iesum quosdam ex Pharisáis et Hero-diánis ut eum cáperent in verbo. Qui veniéntes dicunt ei: « Magíster, scimus quia verax es et non curas quemquam, nec enim vides in fáciem hóminum, sed in veri-

tate viam Dei doces. Licet dare tribútum Césari an non? Dábimus an non dábimus? »

Qui sciens versútiam eórum ait illis: « Quid me tentátis? Afférte mihi denárium ut videam ». At illi attulérunt. Et ait illis: « Cuius est imágó hæc et inscríptio? »

Illi autem dixérunt ei: « Cæsari ».

Iesus autem dixit illis: « Quæ sunt Cæsaris réddite Césari et quæ sunt Dei Deo ». Et mirabántur super eo. Verbum Dómini.

**Super oblata**

In tua pietáte confidéntes, Dómine,  
cum munéribus ad altária veneránda concúrrimus,  
ut, tua purificánte nos grátia,  
iísdem quibus famulámur mystériis emundémur.  
Per Christum.

**Ant. ad communionem****Ps 16, 6**

Ego clamávi, quóniam exaudísti me, Deus;  
inclína aurem tuam, et exáudi verba mea.

**Vel:****Mc 11, 23. 24**

Amen dico vobis, quidquid orántes pétitis,  
crédite quia accipiétis, et fiet vobis, dicit Dóminus.

**Post communionem**

Rege nos Spíritu tuo, quæsumus, Dómine,  
quos pascis Fílii tui Córpore et Sánguine,  
ut te, non solum verbo neque lingua,  
sed ópere et veritáte confítentes,  
intráre mereámur in regnum cælórum.  
Per Christum.

## DOMINICA X « PER ANNUM »

**Ant. ad introitum**

Ps 26, 1-2

Dóminus illuminatio mea, et salus mea, quem timébo?  
 Dóminus défensor vitæ meæ, a quo trepidábo?  
 Qui tríbulant me inimíci mei, ipsi infirmáti sunt.

**Collecta**

Deus, a quo bona cuncta procédunt,  
 tuis largíre supplicibus,  
 ut cogitémus, te inspiránte, quæ recta sunt,  
 et, te gubernánte, éadem faciámus.  
 Per Dóminum.

**Super oblata**

Réspice, Dómine, quæsumus,  
 nostram propítius servitútem,  
 ut quod offérimus sit tibi munus accéptum,  
 et nostræ caritatis augmémentum.  
 Per Christum.

**Ant. ad communionem**

Ps 17, 3

Dóminus firmaméntum meum, et refúgium meum,  
 et liberátor meus. Deus meus adiútor meus.

**Vel:**

1 Io 4, 16

Deus cáritas est, et qui manet in caritáte  
 in Deo manet et Deus in eo.

**Post communionem**

Tua nos, Dómine, medicinális operátió,  
 et a nostris perversitatibus cleménter expédiat,  
 et ad ea quæ sunt recta perdúcat.  
 Per Christum.

## DOMINICA XI « PER ANNUM »

**Ant. ad introitum**

Ps 26, 7. 9

Exáudi, Dómine, vocem meam, qua clamávi ad te.  
 Adiútor meus esto, ne derelínquas me,  
 neque despícias me, Deus salutáris meus.

**Collecta**

Deus, in te sperántium fortitúdo,  
 invocatióibus nostris adésto propítius,  
 et, quia sine te nihil potest mortális infírmitas,  
 grátiae tuæ præsta semper auxílium,  
 ut, in exsequéndis mandátis tuis,  
 et voluntáte tibi et actiōne placeámus. Per Dóminum.

**Super oblata**

Deus, qui humáni géneris utrámque substántiam  
 præséntium múnérum et aliménto végetas  
 et rénovas sacraménto, tríbue, quæsumus,  
 ut eórum et corpóribus nostris subsídium non desit  
 et méntibus. Per Christum.

**Ant. ad communionem**

Ps 26, 4

Unum pétii a Dómino, hoc requíram,  
 ut inhábitem in domo Dómini ómnibus diébus vitæ meæ.

**Vel:**

Io 17, 11

Pater sancte, serva eos in nómine tuo, quos dedísti mihi,  
 ut sint unum sicut et nos, dicit Dóminus.

**Post communionem**

Hæc tua, Dómine, sumpta sacra commúnio,  
 sicut fidélium in te unióinem præsígnat,  
 sic in Ecclésia tua unitatís operétur efféctum.  
 Per Christum.

## DOMINICA XII « PER ANNUM »

## Ant. ad introitum

Ps 27, 8-9

Dóminus fortitúdo plebis suæ,  
et protéctor salutárium Christi sui est.  
Salvum fac pópulum tuum, Dómine,  
et bénedic hereditati tuæ, et rege eos usque in sǽculum.

## Collecta

Sancti nóminis tui, Dómine,  
timórem páriter et amórem fac nos habére perpétuum,  
quia numquam tua gubernatióne destítuis,  
quos in soliditaté tuæ dilectionis instítuis.  
Per Dóminum.

## Super oblata

Súscipe, Dómine, sacrificium placatiónis et laudis,  
et præsta, ut, huius operatióne mundáti,  
beneplácitum tibi nostræ mentis offerámus afféctum.  
Per Christum.

## Ant. ad communionem

Ps 144, 15

Oculi ómnium in te sperant, Dómine,  
et tu das illis escam in tempore opportúno.

## Vel:

Io 10, 11. 15

Ego sum pastor bonus,  
et ánimam meam pono pro óvibus meis, dicit Dóminus.

## Post communionem

Sacri Córporis et Sánguinis pretiói alimónia renováti,  
quæsumus, Dómine, clemétiā tuam,  
ut, quod gérimus devotióne frequénti,  
certa redemptióne capiámus. Per Christum.

## DOMINICA XIII « PER ANNUM »

## Ant. ad introitum

Ps 46, 2

Omnes gentes, pláudite mánibus,  
iubiláte Deo in voce exsultatiónis.

## Collecta

Deus, qui, per adoptiōnem grátiae,  
lucis nos esse filios voluísti,  
præsta, quæsumus, ut errorum non involvámur ténebris,  
sed in splendóre veritatis semper maneámus conspíciu.  
Per Dóminum.

## Super oblata

Deus, qui mysteriorum tuórum  
dignánter operáris efféctus,  
præsta, quæsumus,  
ut sacris apta munéribus fiant nostra servítia.  
Per Christum.

## Ant. ad communionem

Ps 102, 1

Bénedic, áнима mea, Dómino,  
et ea quæ intra me sunt nómini sancto eius.

## Vel:

Io 17, 20-21

Pater, pro eis rogo, ut ipsi in nobis unum sint,  
ut credat mundus quia tu me misisti, dicit Dóminus.

## Post communionem

Vivíficet nos, quæsumus, Dómine,  
divína quam obtúlimus et súmpsimus hóstia,  
ut, perpétua tibi caritáte coniúncti,  
fructum qui semper máneat afferámus.  
Per Christum.

## DOMINICA XIV « PER ANNUM »

## Ant. ad introitum

Ps 47, 10-11

Suscépimus, Deus,  
misericórdiam tuam in médio templi tui.  
Secúndum nomen tuum, Deus,  
ita et laus tua in fines terræ;  
iustitia plena est déxtera tua.

## Collecta

Deus, qui in Fílii tui humilitáte  
iacéntem mundum erexísti,  
fidélibus tuis sanctam concéde lætitiam,  
ut, quos eripuísti a servitúte peccáti,  
gáudiis fáciás pérfrui sempítérnis. Per Dóminum.

## Super oblata

Oblátio nos, Dómine, tuo nómini dicáta puríficet,  
et de die in diem ad cælestis vitæ tránsferat actiōnem.  
Per Christum.

## Ant. ad communionem

Ps 33, 9

Gustáte et vidéte, quóniam suávis est Dóminus;  
beátus vir, qui sperat in eo.

## Vel:

Mt 11, 28

Veníte ad me, omnes qui laboráti et oneráti estis,  
et ego refíciám vos, dicit Dóminus.

## Post communionem

Tantis, Dómine, repléti munéribus,  
præsta, quæsumus, ut et salutária dona capiámus,  
et a tua numquam laude cessémus. Per Christum.

## DOMINICA XV « PER ANNUM »

## Ant. ad introitum

Ps 16, 15

Ego autem cum iustitia apparébo in conspéctu tuo;  
satiábor dum manifestábitur glória tua.

## Collecta

Deus, qui errántibus, ut in viam possint redire,  
veritatis tuæ lumen osténdis,  
da cunctis qui christiana professióne censéntur,  
et illa respúere, quæ huic inimíca sunt nómini,  
et ea quæ sunt apta sectári. Per Dóminum.

## Super oblata

Réspice, Dómine, múnera supplicántis Ecclésiæ,  
et pro credéntium sanctificatiónis increménto  
suménda concéde. Per Christum.

## Ant. ad communionem

Ps 83, 4-5

Passer invénit sibi domum  
et turtur nidum, ubi repónat pullos suos.  
Altária tua, Dómine virtútum,  
Rex meus, et Deus meus!  
Beáti qui hábitant in domo tua,  
in séculum séculi laudábunt te.

## Vel:

Io 6, 57

Qui mandúcat meam carnem et bibt meum sanguinem,  
in me manet et ego in eo, dicit Dóminus.

## Post communionem

Sumptis munéribus, quæsumus, Dómine,  
ut, cum frequentatióne mystérii,  
crescat nostræ salutis efféctus. Per Christum.

## DOMINICA XVI « PER ANNUM »

**Ant. ad introitum**

Ps 53, 6. 8

Ecce Deus ádiuvat me,  
et Dóminus suscéptor est ánime meæ.  
Voluntárie sacrificábo tibi,  
et confitébor nómini tuo, Dómine, quóniam bonum est.

**Collecta**

Propitiáre, Dómine, fámulis tuis,  
et cleménter grátiae tuæ super eos dona multíplica,  
ut, spe, fide et caritáte fervéntes,  
semper in mandátis tuis vígili custódia persevérant.  
Per Dóminum.

**Super oblata**

Deus, qui legálium differéntiam hostiárum  
únius sacrificíi perfectióne sanxísti,  
áccipe sacrificíum a devótis tibi fámulis,  
et pari benedictíone, sicut múnera Abel, sanctífica,  
ut, quod sínguli obtulérunt ad maiestátis tuæ honórem,  
cunctis profíciat ad salútem. Per Christum.

**Ant. ad communionem**

Ps 110, 4-5

Memóriam fecit mirabilium suórum  
misericors et miserátor Dóminus;  
escam dedit timéntibus se.

**Vel:**

Ap 3, 20

Ecce sto ad óstium et pulso, dicit Dóminus:  
si quis audíerit vocem meam, et aperúerit mihi iánuam,  
intrábo ad illum, et cenábo cum illo, et ipse mecum.

**Post communionem**

Pópulo tuo, quásimus, Dómine, adéstō propítius,  
et, quem mystériis cælestib⁹ imbuísti,  
fac ad novitátem vitæ de vetustáte transire. Per Christum.

## DOMINICA XVII « PER ANNUM »

**Ant. ad introitum**

Ps 67, 6-7. 36

Deus in loco sancto suo;  
Deus qui inhabitáre facit unánimes in domo,  
ipse dabit virtútem et fortitúdinem plebi suæ.

**Collecta**

Protéctor in te sperántium, Deus,  
sine quo nihil est válidum, nihil sanctum,  
multíplica super nos misericórdiam tuam,  
ut, te rectóre, te duce,  
sic bonis transeúntibus nunc utámur,  
ut iam possímus inhærere mansúris. Per Dóminum.

**Super oblata**

Súscipe, quásimus, Dómine, múnera,  
quæ tibi de tua largítate déférimus,  
ut hæc sacrosáncta mystéria, grátiae tuæ operánte virtúte,  
et præséntis vitæ nos conversatióne sanctíficent,  
et ad gáudia sempitérna perdúcant. Per Christum.

**Ant. ad communionem**

Ps 102, 2

Bénedic, ánima mea, Dómino,  
et noli oblivisci omnes retributiónes eius.

**Vel:**

Mt 5, 7-8

Beáti misericórdes,  
quóniam ipsi misericórdiam consequéntur.  
Beáti mundo corde, quóniam ipsi Deum vidébunt.

**Post communionem**

Súmpsimus, Dómine, divínū sacraméntum,  
passiónis Filii tui memoriále perpétuum;  
tríbue, quásimus,  
ut ad nostram salútem hoc munus profíciat,  
quod ineffábili nobis caritáte ipse donávit. Qui vivit.

## DOMINICA XVIII « PER ANNUM »

## Ant. ad introitum

Ps 69, 2. 6

Deus, in adiutorium meum intende;  
 Dómine, ad adiuvandum me festina;  
 Adiutor meus et liberátor meus es tu;  
 Dómine, ne moreris.

## Collecta

Adésto, Dómine, famulis tuis,  
 et perpétuam benignitatem largire poscentibus,  
 ut his, qui te auctorem et gubernatorem gloriántur habere,  
 et grata restáures, et restauráta consérves.  
 Per Dóminum.

## Super oblata

Propítius, Dómine, quæsumus, hæc dona sanctifica,  
 et, hostiæ spiritalis oblatiōne suscépta,  
 nosmetípos tibi pérfice munus æternum. Per Christum.

## Ant. ad communionem

Sap 16, 20

Panem de cælo dedisti nobis, Dómine,  
 habéntem omne delectamētum,  
 et omnem sapórem suavitatis.

## Vel:

Io 6, 35

Ego sum panis vitæ, dicit Dóminus.  
 Qui venit ad me non esúriat,  
 et qui credit in me non sítiet.

## Post communionem

Quos cælesti récreas múnere,  
 perpétuo, Dómine, comitare præsidio,  
 et, quos fovére non désinis,  
 dignos fieri sempiterna redemptiōne concéde.  
 Per Christum.

## DOMINICA XIX « PER ANNUM »

## Ant. ad introitum

Ps 73, 20. 19. 22. 23

Réspice, Dómine, in testamētum tuum,  
 et ánimas páuperum tuórum ne derelínquas in finem.  
 Exsúrge, Dómine, et iúdica causam tuam,  
 et ne obliscáris voces queréntium te.

## Collecta

Omnípotens sempitérne Deus,  
 quem patérno nómine invocáre præsúmimus,  
 pérfice in córdibus nostris spíritum adoptiōnis filiōrum,  
 ut promíssam hereditatēm íngredi mereámur.  
 Per Dóminum.

## Super oblata

Ecclésiæ tuæ, Dómine, múnera placátus assúme,  
 quæ et misericors offerénda tribuísti,  
 et in nostræ salutis poténter éfficis transire mystérium.  
 Per Christum.

## Ant. ad communionem

Ps 147, 12. 14

Lauda, Ierúsalem, Dóminum,  
 qui adipe fruménti sátiat te.

## Vel:

Io 6, 52

Panis, quem ego dédero, caro mea est pro sǽculi vita,  
 dicit Dóminus.

## Post communionem

Sacramentórum tuórum, Dómine,  
 commúnio sumpta nos salvet,  
 et in tuæ veritatis luce confírmet.  
 Per Christum.

## DOMINICA XX « PER ANNUM »

**Ant. ad introitum****Ps 83, 10-11**

Protéctor noster, áspice, Deus,  
et rēspice in fáciem Christi tui,  
quia mélior est dies una in átriis tuis super mília.

**Collecta**

Deus, qui diligéntibus te bona invisibilia præparasti,  
infunde córdibus nostris tui amoris afféctum,  
ut, te in ómnibus et super ómnia diligéntes,  
promissiónes tuas, quæ omne desidérium súperant,  
consequámur. Per Dóminum.

**Super oblata**

Súscipe, Dómine, múnera nostra,  
quibus exercéntur commércia gloriósa,  
ut, offeréntes quæ dedísti,  
teípsum mereámur accípere. Per Christum.

**Ant. ad communionem****Ps 129, 7**

Apud Dóminum misericórdia,  
et copiosa apud eum redémpcio.

**Vel:****Io 6, 51-52**

Ego sum panis vivus,  
qui de cælo descéndi, dicit Dóminus:  
si quis manducáverit ex hoc pane, vivet in aëternum.

**Post communionem**

Per hæc sacraménta, Dómine, Christi partícipes effécti,  
cleméntiam tuam humíliter implorámus,  
ut, eius imáginis confórmes in terris,  
et eius consórtes in cælis fieri mereámur. Per Christum.

## DOMINICA XXI « PER ANNUM »

**Ant. ad introitum****Ps 85, 1-3**

Inclína, Dómine, aurem tuam ad me, et exaudi me.  
Salvum fac servum tuum, Deus meus, sperántem in te.  
Miserére mihi, Dómine, quóniam ad te clamávi tota die.

**Collecta**

Deus, qui fidélium mentes unius éfficis voluntatis,  
da pôpulis tuis id amare quod præcipis,  
id desiderare quod promittis,  
ut, inter mundanas varietates,  
ibi nostra fixa sint corda, ubi vera sunt gáudia.  
Per Dóminum.

**Super oblata**

Qui una semel hóstia, Dómine,  
adoptónis tibi pôpulum acquisisti,  
unitatis et pacis in Ecclésia tua  
propítius nobis dona concédas.  
Per Christum.

**Ant. ad communionem****Ps 103, 13-15**

De fructu óperum tuorum, Dómine, satiabitur terra,  
ut educas panem de terra, et vinum lœtificet cor hóminis.

**Vel:****Io 6, 55**

Qui manducat meam carnem et bibit meum sanguinem,  
habet vitam aëternam, dicit Dóminus;  
et ego resuscitabo eum in novíssimo die.

**Post communionem**

Plenum, quæsumus, Dómine,  
in nobis remédium tuæ miseratiōnis operare,  
ac tales nos esse pérfice propítius et sic fovéri,  
ut tibi in ómnibus placere valeámus.  
Per Christum.

## DOMINICA XXII « PER ANNUM »

**Ant. ad introitum****Ps 85, 3. 5**

Miserére mihi, Dómine, quóniam ad te clamávi tota die;  
 quia tu, Dómine, suávis ac mitis es,  
 et copíosus in misericórdia ómnibus invocántibus te.

**Collecta**

Deus virtútum, cuius est totum quod est óptimum,  
 ínsere pectóribus nostris tui nóminis amórem, et præsta,  
 ut in nobis, religiónis augménlo, quæ sunt bona nútrias,  
 ac, vigiláti stúdio, quæ sunt nutrita custódias.

Per Dóminum.

**Super oblata**

Benedictióinem nobis, Dómine, cónferat salutárem  
 sacra semper oblátio,  
 ut, quod agit mystério, virtúte perficiat.

Per Christum.

**Ant. ad communionem****Ps 30, 20**

Quam magna multitúdo dulcédinis tuæ, Dómine,  
 quam abscondísti timéntibus te.

**Vel:****Mt 5, 9-10**

Beáti pacífici, quóniam filii Dei vocabúntur.  
 Beáti qui persecutióne patiúntur propter iustitiā,  
 quóniam ipsórum est Regnum cælórum.

**Post communionem**

Pane mensæ cælestis refécti, te, Dómine, deprecámur,  
 ut hoc nutriméntum caritatis corda nostra confírmet,  
 quátenus ad tibi ministrándum in frátribus excitémur.  
 Per Christum.

## DOMINICA XXIII « PER ANNUM »

**Ant. ad introitum****Ps 118, 137. 124**

Iustus es, Dómine, et rectum iudícium tuum;  
 fac cum servo tuo secúndum misericórdiam tuam.

**Collecta**

Deus, per quem nobis et redémpcio venit  
 et præstátur adóptio,  
 filios dilectionis tuæ benígnus inténde,  
 ut in Christo credéntibus  
 et vera tribuátur libértas, et heréditas ætéerna. Per Dñum.

**Super oblata**

Deus, auctor sincéræ devotiónis et pacis, da, quæsumus,  
 ut et maiestátem tuam  
 conveniénter hoc múnere venerémur,  
 et sacri participatióne mystérii fidéliter sénsibus uniámur.  
 Per Christum.

**Ant. ad communionem****Ps 41, 2-3**

Quemádmodum desíderat cervus ad fontes aquárum,  
 ita desíderat áнима mea ad te, Deus;  
 sitívit áнима mea ad Deum fortē vivum.

**Vel:****Io 8, 12**

Ego sum lux mundi, dicit Dóminus;  
 qui séquitur me, non ábulat in ténebris,  
 sed habébit lumen vitæ.

**Post communionem**

Da fidélibus tuis, Dómine,  
 quos et verbi tui et cælesti sacraménti pábulo  
 nutris et vivificas,  
 ita dilécti Filii tui tantis munéribus profícere,  
 ut eius vitæ semper consórtes éffici mereámur.  
 Per Christum.

## DOMINICA XXIV « PER ANNUM »

## Ant. ad introitum

Cf. Sir 36, 18

Da pacem, Dómine, sustinéntibus te,  
ut prophétæ tui fidéles inveniántur;  
exáudi preces servi tui, et plebis tuæ Israel.

## Collecta

Réspice nos, rerum ómnium Deus créator et rector,  
et, ut tuæ propitiatiónis sentiámus efféctum,  
toto nos tríbue tibi corde servíre. Per Dóminum.

## Super oblata

Propitiáre, Dómine, supplicatióibus nostris,  
et has oblatiōnes famulórum tuórum benígnus assúme,  
ut, quod sínguli ad honórem tui nómínis obtulérunt,  
cunctis proficiat ad salútem. Per Christum.

## Ant. ad communionem

Ps 35, 8

Quam pretiósia est misericórdia tua, Deus!  
Fílii hóminum sub umbra alárum tuárum confúgient.

## Vel:

Cf. 1 Cor 10, 16

Calix benedictiónis, cui benédicimus,  
communicatió Sanguinis Christi est;  
et panis, quem frágimus,  
participatió Córporis Dómini est.

## Post communionem

Mentes nostraras et córpora possídeat,  
quásimus, Dómine, doni cælestis operatió,  
ut non noster sensus in nobis,  
sed eius prævéniat semper efféctus. Per Christum.

## DOMINICA XXV « PER ANNUM »

## Ant. ad introitum

Salus pôpuli ego sum, dicit Dóminus.  
De quacúmque tribulatióne clamáverint ad me,  
exáudi eos, et ero illórum Dóminus in perpétuum.

## Collecta

Deus, qui sacræ legis ómnia constitúta  
in tua et próximi dilectione posuísti,  
da nobis, ut, tua præcepta servántes,  
ad vitam mereámur perveníre perpétuam.  
Per Dóminum.

## Super oblata

Múnera, quásimus, Dómine,  
tuæ plebis propitiátus assúme,  
ut, quæ fidei pietáte profiténtur,  
sacraméntis cælestibus apprehéndant. Per Christum.

## Ant. ad communionem

Ps 118, 4-5

Tu mandásti mandáta tua custodíri nimis;  
útinam dirigántur viæ meæ  
ad custodiéandas iustificatiónes tuas.

## Vel:

Io 10, 14

Ego sum pastor bonus, dicit Dóminus;  
et cognósco oves meas, et cognóscunt me meæ.

## Post communionem

Quos tuis, Dómine, réfisis sacraméntis,  
contínuis attólle benígnus auxíliis,  
ut redemptiōnis efféctum  
et mystériis capiámus et móribus. Per Christum.

## DOMINICA XXVI « PER ANNUM »

**Ant. ad introitum****Dan 3, 31. 29. 30. 43. 42**

Omnia, quæ fecísti nobis, Dómine, in vero iudicio fecísti,  
quia peccávimus tibi, et mandátis tuis non obœdívimus;  
sed da glóriam nómini tuo, et fac nobíscum  
secúndum multitudinem misericórdia tuæ.

**Collecta**

Deus, qui omnipoténtiam tuam  
parcéndo máxime et miserando maniféstas,  
grátiam tuam super nos indesinénter infúnde,  
ut, ad tua promíssa curréntes,  
céléstium bonórum fáciás esse consórtes. Per Dóminum.

**Super oblata**

Concéde nobis, miséricors Deus,  
ut hæc nostra tibi oblátio sit accépta,  
et per eam nobis fons omnis benedictiónis aperiátur.  
Per Christum.

**Ant. ad communionem****Ps 118, 49-50**

Meménto verbi tui servo tuo, Dómine,  
in quo mihi spem dedísti;  
hæc me consoláta est in humilitáte mea.

**Vel:****1 Io 3, 16**

In hoc cognóvimus caritátem Dei:  
quóniam ille ánimam suam pro nobis pósuit;  
et nos debémus pro frátribus ánimás pónere.

**Post communionem**

Sit nobis, Dómine, reparátio mentis et córporis  
céleste mystérium,  
ut simus eius in glória coherédes,  
cui, mortem ipsíus annuntiándo, compátimur. Qui vivit.

## DOMINICA XXVII « PER ANNUM »

**Ant. ad introitum****Est 13, 9. 10-11**

In voluntáte tua, Dómine, univérsa sunt pósita,  
et non est qui possit resistere voluntáti tuæ.  
Tu enim fecísti ómnia, cælum et terram,  
et univérsa quæ cæli ámbitu continéntur;  
Dóminus universórum tu es.

**Collecta**

Omnípotens sempitérne Deus,  
qui abundántia pietátis tuæ  
et mérita súpplicum excédis et vota,  
effúnde super nos misericórdiam tuam,  
ut dimittas quæ consciéntia métuit,  
et adícas quod orátiō non præsumit. Per Dóminum.

**Super oblata**

Súscipe, quásumus, Dómine,  
sacrificia tuis institúta præceptis,  
et sacrís mystériis,  
quæ débitæ servítutis celebrámus offício,  
sanctificatióнем tuæ nobis redemptiόnis  
dignánte adímple. Per Christum.

**Ant. ad communionem****Lam 3, 25**

Bonus est Dóminus sperántibus in eum,  
ánimæ quærénti illum.

**Vel:****Cf. 1 Cor 10, 17**

Unus panis et unum corpus multi sumus,  
omnes qui de uno pane et de uno cálice participámus.

**Post communionem**

Concéde nobis, omnípotens Deus,  
ut de percéptis sacraméntis inebríemur atque pascámur,  
quátenus in id quod súmimus transeámus. Per Christum.

## DOMINICA XXVIII « PER ANNUM »

## Ant. ad introitum

Ps 129, 3-4

Si iniquátes observáveris, Dómine,  
Dómine, quis sustinébit?  
Quia apud te propitiáto est, Deus Israel.

## Collecta

Tua nos, quæsumus, Dómine, grátia  
semper et prævéniat et sequátur,  
ac bonis opéribus iúgiter præstet esse inténtos.  
Per Dóminum.

## Super oblata

Súscipe, Dómine, fidélium preces  
cum oblationib⁹ hostiárum,  
ut, per hæc piæ devotionis officiā,  
ad cælestem gloriām transeámus.  
Per Christum.

## Ant. ad communionem

Ps 33, 11

Dívites eguérunt et esuriérunt;  
quæréntes autem Dóminum non minuéntur omni bono.

## Vel: 1 Io 3, 2

Cum apparúerit Dóminus, símiles ei érimus,  
quóniam vidébimus eum sicuti est.

## Post communionem

Maiestátem tuam, Dómine, supplíciter deprecámur,  
ut, sicut nos Córporis et Sánguinis sacrosáncti  
pascis aliménto,  
ita divínæ natúræ fárias esse consórtes.  
Per Christum.

## DOMINICA XXIX « PER ANNUM »

## Ant. ad introitum

Ps 16, 6. 8

Ego clamávi, quóniam exaudísti me, Deus;  
inclína aurem tuam, et exaudi verba mea.  
Custodi me, Dómine, ut pupillam oculi;  
sub umbra alárum tuárum prótege me.

## Collecta

Omnípotens sempítérne Deus,  
fac nos tibi semper et devótam gérere voluntátem,  
et maiestáti tuae sincéro corde servíre.  
Per Dóminum.

## Super oblata

Tríbue nos, Dómine, quæsumus,  
donis tuis líbera mente servíre,  
ut, tua purificánte nos grátia,  
iísdem quibus famulámur mystériis emundémur.  
Per Christum.

## Ant. ad communionem

Ps 32, 18-19

Ecce oculi Dómini super timéntes eum,  
et in eis qui sperant super misericórdia eius;  
ut éruat a morte ánimas eórum, et alat eos in fame.

## Vel: Mc 10, 45

Filius hóminis venit,  
ut daret ániam suam redemptiōnem pro multis.

## Post communionem

Fac nos, quæsumus, Dómine,  
cælestium rerum frequentatiōne profícere,  
ut et temporálibus beneficiis adiuvémur,  
et erudiámur ætérnis.

Per Christum.

## DOMINICA XXX « PER ANNUM »

## Ant. ad introitum

Ps 104, 3-4

Lætetur cor quæréntium Dóminum.  
Quérите Dóminum, et confirmámini,  
quárte fáciem eius semper.

## Collecta

Omnípotens sempítérne Deus,  
da nobis fídei, spei et caritatis augmémentum,  
et, ut mereámur ásseque quod promíttis,  
fac nos amáre quod prǽcipis.  
Per Dóminum.

## Super oblata

Réspice, quásimus, Dómine,  
múnera quæ tuæ offérimus maiestáti,  
ut, quod nostro servítio géritur,  
ad tuam glóriam pótius dirigátur.  
Per Christum.

## Ant. ad communionem

Ps 19, 6

Lætabimur in salutári tuo,  
et in nómine Dómini Dei nostri magnificábimur.

## Vel:

Eph 5, 2

Christus diléxit nos, et trádidit semetípsum pro nobis,  
oblatióne Deo in odórem suavitatis.

## Post communionem

Perficiant in nobis, Dómine, quásimus,  
tua sacraménta quod cóntinent,  
ut, quæ nunc spécie gérimus,  
rerum veritáte capiámus.  
Per Christum.

## DOMINICA XXXI « PER ANNUM »

## Ant. ad introitum

Ps 37, 22-23

Ne derelíngas me, Dómine Deus meus,  
ne discédas a me; inténde in adiútórium meum,  
Dómine, virtus salútis meæ.

## Collecta

Omnípotens et misericors Deus, de cuius múnere venit,  
ut tibi a fidélibus tuis digne et laudabíliter serviátur,  
tríbue, quásimus, nobis,  
ut ad promissiónes tuas sine offensióne currámus.  
Per Dóminum.

## Super oblata

Fiat hoc sacrificíum, Dómine, oblátio tibi munda,  
et nobis misericórdiæ tuæ sancta largítio.  
Per Christum.

## Ant. ad communionem

Ps 15, 11

Notas mihi fecísti vias vitæ,  
adimplébis me lætitia cum vultu tuo, Dómine.

## Vel:

Io 6, 58

Sicut misit me vivens Pater, et ego vivo propter Patrem,  
et qui mandúcat me, et ipse vivet propter me,  
dicit Dóminus.

## Post communionem

Augeátur in nobis, quásimus, Dómine,  
tuæ virtutis operátio,  
ut, refécti cælestibus sacraméntis,  
ad eórum promíssa capiénda tuo múnere præparémur.  
Per Christum.

## DOMINICA XXXII « PER ANNUM »

## Ant. ad introitum

Ps 87, 3

Intret oratio mea in conspectu tuo;  
inclina aurem tuam ad precem meam, Dómine.

## Collecta

Omnípotens et misericors Deus,  
univérsa nobis adversántia propitiátus exclúde,  
ut, mente et corpore páriter expedíti,  
quæ tua sunt líberis méntibus exsequámur.  
Per Dóminum.

## Super oblata

Sacrificiis præséntibus, Dómine,  
quæsumus, inténde placátus,  
ut, quod passiónis Fílli tui mystério gérimus,  
pio consequámur afféctu. Per Christum.

## Ant. ad communionem

Ps 22, 1-2

Dóminus regit me, et nihil mihi déerit;  
in loco páschuæ ibi me collocávit,  
super aquam refectionis educávit me.

## Vel:

Lc 24, 35

Cognovérunt discípuli Dóminum Iesum  
in fractione panis.

## Post communionem

Grátias tibi, Dómine, reférimus sacro múnere vegetáti,  
tuam cleméntiam implorántes,  
ut, per infusiórem Spíritus tui,  
in quibus cælestis virtus introívit,  
sinceritatis grácia persevérat.  
Per Christum.

## DOMINICA XXXIII « PER ANNUM »

## Ant. ad introitum

Ier 29, 11. 12. 14

Dicit Dóminus:

Ego cógito cogitatiónes pacis, et non afflictiónis;  
invocabítis me, et ego exáudiam vos,  
et redúcām captivitátem vestram de cunctis locis.

## Collecta

Da nobis, quæsumus, Dómine Deus noster,  
in tua semper devotióne gaudére,  
quia perpétua est et plena felicitas,  
si bonórum ómnium iúgiter serviámus auctóri.  
Per Dóminum.

## Super oblata

Concéde, quæsumus, Dómine,  
ut óculis tuæ maiestatis munus oblátum  
et grátiā nobis devotónis obtíneat,  
et efféctum báetæ perennitatis acquírat. Per Christum.

## Ant. ad communionem

Ps 72, 28

Mihi autem adhærere Deo bonum est,  
pónere in Dómino Deo spem meam.

## Vel:

Mc 11, 23. 24

Amen dico vobis, quidquid orántes pétitis,  
crédite quia accipiétes, et fiet vobis, dicit Dóminus.

## Post communionem

Súmpsimus, Dómine, sacri dona mystérii,  
humíliter deprecántes,  
ut, quæ in sui commemoratióne  
nos Fílius tuus fáceret præcépit,  
in nostræ proficiant caritatis augmémentum. Per Christum.

## HEBDOMADA XXXIV « PER ANNUM »

**Ant. ad introitum**

Ps 84, 9

Loquéatur Dóminus pacem in plebem suam,  
et super sanctos suos,  
et in eos qui convertuntur ad ipsum.

**Collecta**

Excita, quásimus, Dómine, tuórum fidélium voluntátes,  
ut, divíni óperis fructum propénsius exsequéntes,  
pietátis tuæ remédia maióra percípiant.  
Per Dóminum.

**Super oblata**

Súscipe, Dómine, sacra múnera,  
quæ tuo nómini iussísti dicánda,  
et, ut per ea tuæ pietati reddámur accépti,  
fac nos tuis semper oboédire mandátis.  
Per Christum.

**Ant. ad communionem**

Ps 116, 1-2

Laudáte Dóminum, omnes gentes,  
quóniam confirmáta est super nos misericórdia eius.

**Vel:**

Mt 28, 20

Ecce ego vobíscum sum ómnibus diébus,  
usque ad consummationem sǽculi, dicit Dóminus.

**Post communionem**

Quásimus, omnípotens Deus,  
ut, quos divína tríbuis participatióne gaudére,  
a te numquam separári permíttas.  
Per Christum.

## ALLELUIA CUM VERSU ANTE EVANGELIUM

quæ adhiberi possunt loco textuum  
qui singulis Missis proponuntur

Fériis Adventus usque ad diem 16 decembris

1. Cf. Ps 79, 4  
R. Allelúa. *y.* Veni ad liberándum nos, Dómine,  
Deus noster;  
illústra fáciem tuam, et salvi érimus.  
R. Allelúa.
2. Ps 84, 8  
R. Allelúa. *y.* Osténde nobis, Dómine, misericórdiam  
tuam,  
et salutáre tuum da nobis. R. Allelúa.
3. Is 33, 22  
R. Allelúa. *y.* Dóminus iudex noster, lágifer noster,  
rex noster:  
ipse salvábit nos. R. Allelúa.
4. Is 40, 9-10  
R. Allelúa. *y.* Exálta in fortitúdine vocem tuam,  
tu qui evangelizas;  
ecce Dóminus Deus in fortitúdine véniat.  
R. Allelúa.
5. Is 45, 8  
R. Allelúa. *y.* Roráte, cæli, désuper, et nubes pluant  
iustum;  
aperiátur terra, et gérminet Salvatórem.  
R. Allelúa.
6. Is 55, 6  
R. Allelúa. *y.* Quérите Dóminum, dum inveníri potest,  
invocáte eum, dum prope est. R. Allelúa.

7.

Lc 3, 4. 6

R. Alleluia. *V.* Paráte viam Dómini,  
rectas fácite sémitas eius;  
vidébit omnis caro salutáre Dei. R. Alleluia.

8.

R. Alleluia. *V.* Veni, Dómine, et noli tardáre;  
reláxa facínora plebis tuæ. R. Alleluia.

9.

R. Alleluia. *V.* Ecce Dóminus noster cum virtúte véniet,  
et illuminábit óculos servórum suórum.  
R. Alleluia.

10.

R. Alleluia. *V.* Veni, Dómine, visitáre nos in pace,  
ut latémur coram te corde perfécto.  
R. Alleluia.

11.

R. Alleluia. *V.* Ecce véniet Rex, Dóminus terræ,  
et ipse áuferet iugum captivitátis nostræ.  
R. Alleluia.

12.

R. Alleluia. *V.* Prope est dies Dómini;  
ecce véniet ad salvándum nos. R. Alleluia.

13.

R. Alleluia. *V.* Dóminus véniet, occúrrite illi;  
ipse est princeps pacis. R. Alleluia.

14.

R. Alleluia. *V.* Ecce véniet Dóminus,  
ut salvet pópulum suum;  
beáti qui paráti sunt occúrrere illi.  
R. Alleluia.

## Feriis Adventus a die 17 usque ad diem 24 decembris

1.

R. Alleluia. *V.* Sapiéntia Altíssimi,  
fórtiter suavitérque dispónens ómnia:  
veni ad docéndum nos viam prudéntiæ.  
R. Alleluia.

2.

R. Alleluia. *V.* Dux domus Israel,  
qui Móysi in Sina legem dedísti:  
veni ad rediméndum nos in bráccio exténto.  
R. Alleluia.

3.

R. Alleluia. *V.* Radix Iesse, stans in signum populórum:  
veni ad liberándum nos, iam noli tardáre.  
R. Alleluia.

4.

R. Alleluia. *V.* Clavis David, qui áperis portas ætérni  
Regni:  
veni, et educ vinctum de domo cárceris se-  
déntem in ténebris. R. Alleluia.

5.

R. Alleluia. *V.* Oriens, splendor lucis ætérnæ et sol  
iustítiae:  
veni, et illúmina sedéntes in ténebris et  
umbra mortis. R. Alleluia.

6.

R. Alleluia. *V.* Rex géntium et lapis anguláris Ecclésiæ:  
veni, et salva hóminem quem de limo  
formásti. R. Alleluia.

7.

R. Alleluia. *V.* Emmánuel, rex et légifer noster:  
veni ad salvándum nos, Dómine, Deus no-  
ster. R. Alleluia.

## Feriis ante Epiphaniam

1. Io 1, 14. 12 b

R. Alleluia. ¶. Verbum caro factum est, et habitávit in nobis.

Quotquot recepérint eum, dedit eis potestátem filios Dei fieri. R. Alleluia.

2. Hebr 1, 1-2

R. Alleluia. ¶. Multifárie olim Deus loquens pátribus in prophétis, novíssime diebus istis locútus est nobis in Fílio. R. Alleluia.

3.

R. Alleluia. ¶. Dies sanctificátus illúxit nobis: veníte, gentes, et adoráte Dóminum; quia hódie descéndit lux magna super terram. R. Alleluia.

## Feriis post Epiphaniam

1. Mt 4, 16

R. Alleluia. ¶. Pópulus qui sedébat in ténebris vidi luxem magnam, et sedéntibus in régione umbræ mortis lux orta est eis. R. Alleluia.

2. Mt 4, 23

R. Alleluia. ¶. Prædicábat Iesus Evangélium Regni, et sanábait omnem infirmitátem in pópulo. R. Alleluia.

3.

Lc 4, 18-19

R. Alleluia. ¶. Evangelizáre paupéribus misit me Dóminus, prædicáre captívis remissiónem. R. Alleluia.

4.

Lc 7, 16

R. Alleluia. ¶. Prophéta magnus surréxit in nobis, et Deus visitávit plebem suam. R. Alleluia.

5.

Cf. 1 Tim 3, 16

R. Alleluia. ¶. Glória tibi, Christe, prædicáto géntibus; glória tibi, Christe, crédito in mundo. R. Alleluia.

## Dominicis et feriis per annum

1.

1 Sam 3, 9; Io 6, 69 b

R. Alleluia. ¶. Lóquere, Dómine, quia audit servus tuus; verba vitæ ætérnæ habes. R. Alleluia.

2.

Ps 18, 9

R. Alleluia. ¶. Verba tua, Dómine, lætificántes corda, sermo tuus illúminans óculos. R. Alleluia.

3.

Ps 24, 4 c. 5

R. Alleluia. ¶. Sémitas tuas, Deus meus, édoce me, dírige me in veritaté tua. R. Alleluia.

4.

Ps 26, 11

R. Alleluia. ¶. Legem pone mihi, Dómine, in via tua, et dírige me in sémitam rectam. R. Alleluia.

5.

Ps 94, 8 ab

R. Alleluia. ¶. Hódie nolít obduráre corda vestra, sed vocem Dómini audíte. R. Alleluia.

6.

Ps 110, 8 ab

R. Alleluia. *V.* Fidélia ómnia mandáta tua, Dómine,  
confirmáta in sǽculum sǽculi. R. Alleluia.

7.

Ps 118, 18

R. Alleluia. *V.* Revéla óculos meos, Dómine,  
et considerábo mirabília de lege tua.  
R. Alleluia.

8.

Ps 118, 27

R. Alleluia. *V.* Viam iustificatiónum tuárum ínstrue me,  
et exercébor in mirabílibus tuis.  
R. Alleluia.

9.

Ps 118, 34

R. Alleluia. *V.* Da mihi intelléctum et scrutábor legem  
tuam, Dómine,  
et custódiam illam in toto corde meo.  
R. Alleluia.

10.

Ps 118, 36 a. 29 b

R. Alleluia. *V.* Inclína cor meum, Deus, in testimónia  
tua;  
et legem tuam da mihi benígne. R. Alleluia.

11.

Ps 118, 88

R. Alleluia. *V.* Secúndum misericórdiam tuam vivífica me,  
et custódiam testimónia oris tui. R. Alleluia.

12.

Ps 118, 105

R. Alleluia. *V.* Lucérna pédibus meis verbum tuum,  
et lumen sémitis meis. R. Alleluia.

13.

Ps 118, 135

R. Alleluia. *V.* Fáciem tuam illúmina super servum tuum,  
et doce me iustificatiónes tuas. R. Alleluia.

14.

Ps 129, 5

R. Alleluia. *V.* Spero in Dóminum,  
spero in verbum eius. R. Alleluia.

15.

Ps 144, 13 cd

R. Alleluia. *V.* Fidélis Dóminus in verbis suis,  
et sanctus in ómnibus opéribus suis.  
R. Alleluia.

16.

Ps 147, 12 a. 15 a

R. Alleluia. *V.* Lauda, Ierúsalem, Dóminum,  
qui emíttit elóquium suum in terra.  
R. Alleluia.

17.

Mt 4, 4 b

R. Alleluia. *V.* Non in solo pane vivit homo,  
sed in omni verbo quod procédit de ore Dei.  
R. Alleluia.

18.

Cf. Mt 11, 25

R. Alleluia. *V.* Benedíctus es, Pater, Dómine cæli et  
terræ,  
quia mystéria Regni párvulis revelásti.  
R. Alleluia.

19.

Cf. Lc 8, 15

R. Alleluia. *V.* Beáti qui in corde bono et óptimo verbum  
Dei rétinent,  
et fructum áfferunt in patiéntia, R. Alleluia.

20.

Io 6, 64 b. 69 b

R. Alleluia. *V.* Verba tua, Dómine, spíritus et vita;  
verba vitæ ætérnæ habes. R. Alleluia.

21.

Io 8, 12

R. Alleluia. *V.* Ego sum lux mundi, dicit Dóminus;  
qui séquitur me habébit lumen vitæ.  
R. Alleluia.

22.

Io 10, 27

R. Alleluia. *V.* Oves meæ vocem meam áudiunt, dicit Dóminus;  
et ego cognósco eas, et sequúntur me.  
R. Alleluia.

23.

Io 14, 6

R. Alleluia. *V.* Ego sum via, véritas et vita, dicit Dóminus;  
nemo venit ad Patrem, nisi per me.  
R. Alleluia.

24.

Io 14, 23

R. Alleluia. *V.* Si quis díligit me, sermónen meum  
servábit, dicit Dóminus;  
et Pater meus díliget eum et ad eum ve-  
niémus. R. Alleluia.

25.

Io 15, 15 b

R. Alleluia. *V.* Vos dixi amícos, dicit Dóminus,  
quia ómnia quæcúmque audívi a Patre meo,  
nota feci vobis. R. Alleluia.

26.

Io 17, 17 b. a

R. Alleluia. *V.* Sermo tuus, Dómine, véritas est;  
sanctífica nos in veritaté. R. Alleluia.

27.

Cf. Act 16, 14 b

R. Alleluia. *V.* Aperi, Dómine, cor nostrum,  
ut intendámus verbis Fílli tui. R. Alleluia.

28.

2 Cor 5, 19

R. Alleluia. *V.* Deus erat in Christo mundum reconcilians  
sibi,  
et pósuit in nobis verbum reconciliatiónis.  
R. Alleluia.

29.

Cf. Eph 1, 17-18

R. Alleluia. *V.* Pater Dómini nostri Iesu Christi  
illúminet óculos cordis nostri,  
ut sciámus quæ sit spes vocatióis nostræ.  
R. Alleluia.

30.

Phil 2, 15-16

R. Alleluia. *V.* Lucétis sicut luminária in mundo,  
verbum vitæ continéntes. R. Alleluia.

31.

Col 3, 16 a. 17 c

R. Alleluia. *V.* Verbum Christi hábitet in vobis  
abundánter;  
grátias ágite Deo et Patri per Christum.  
R. Alleluia.

32.

1 Th 2, 13

R. Alleluia. *V.* Accípите verbum Dei, non ut verbum hó-  
minum,  
sed, sicut est vere, verbum Dei. R. Alleluia.

33.

2 Th 2, 14

R. Alleluia. *V.* Deus vocávit nos per Evangélium,  
in acquisitióne glóriæ Dómini nostri Iesu  
Christi. R. Alleluia.

34.

2 Tim 1, 10 b

R. Alleluia. *V.* Salvátor noster Iesus Christus destrúxit  
mortem,  
et illuminávit vitam per Evangélium.  
R. Alleluia.

35.

Hebr 4, 12

R. Alleluia. *V.* Vivus est sermo Dei et éfficax,  
et disrétor cogitatiónum et intentiónum  
cordis. R. Alleluia.

36.

Iac 1, 18

R. Allelúia. **V**. Voluntárie génuit nos Pater verbo  
veritátis,  
ut simus inítiū aliquod creatúræ eius.  
R. Allelúia.

37.

Iac 1, 21

R. Allelúia. **V**. In mansuetudine suscípite ínsitum  
verbum,  
quod potest salváre ánimas vestras.  
R. Allelúia.

38.

1 Petr 1, 25

R. Allelúia. **V**. Verbum Dómini manet in ætérnum;  
hoc est autem verbum quod evangelizátum  
est in vos. R. Allelúia.

39.

1 Io 2, 5

R. Allelúia. **V**. Qui servat verbum Christi,  
vere in hoc cáritas Dei perfécta est.  
R. Allelúia.

## TEXTUS COMMUNES

pro cantu psalmi responsorii

« Psalmus de more sumitur e Lectionario, eo quod singuli textus directo conectuntur cum singulis lectionibus: electio igitur psalmi e lectionibus pendet.

Attamen, ut populus responsum psalmodicum facilius proferre valeat, textus aliqui responsorum et psalmorum pro diversis temporibus anni aut pro diversis ordinibus Sanctorum selecti sunt, qui adhiberi valent, loco textus lectioni respondentis, quoties psalmus cantu profertur » (Institutio generalis Missalis Romani, n. 36).

## Responsa

## Tempore Adventus

Veni, Dómine, ad liberándum nos.

## Tempore Nativitatis

Hódie vídimus glóriam tuam, Dómine.

## Per annum

a) cum psalmo laudativo:

Confitémini Dómino, quóniam bonus.

vel

Confitébimur tibi, Dómine,  
quia mirabília sunt ópera tua.

vel

Cantáte Dómino cáanticum novum.

b) cum psalmo deprecativo:

Prope est Dóminus invocántibus eum.

vel

Exáudi nos, Dómine, et salva nos.

vel

Miserátor et miséricors Dóminus.

## Psalmi

## Tempore Adventus

Ps 24, 4 bc-5 ab. 8-9. 10 et 14 (R.: 1 b)

- R. Ad te, Dómine, levávi ániam meam.  
 4 Vias tuas, Dómine, demónstra mihi,  
 et sémitas tuas édoce me.  
 5 Dírige me in veritáte tua et doce me,  
 quia tu es Deus salútis meæ. R.  
 8 Dulcis et rectus Dóminus,  
 propter hoc peccatóres viam docébit;  
 9 díriget mansuétos in iudicio,  
 docébit mites vias suas. R.  
 10 Univérsae viæ Dómini misericórdia et véritas  
 custodiéntibus testaméntum eius et testimónia eius.  
 14 Familiáriter aget Dóminus cum timéntibus eum,  
 ut testaméntum suum maniféstet illis. R.

vel Ps 84, 9 ab-10. 11-12. 13-14 (R.: 8)

- R. Osténde nobis, Dómine, misericórdiam tuam,  
 et salutare tuum da nobis.  
 9 Audiam quid loquátur Dóminus Deus,  
 quóniam loquétur pacem ad plebem suam et sanctos suos.  
 10 Verúmtamen prope timéntes eum salutare ipsíus,  
 ut inhábitet glória in terra nostra. R.  
 11 Misericórdia et véritas obviavérunt sibi,  
 iustitia et pax osculátæ sunt.  
 12 Véritas de terra orta est,  
 et iustitia de cælo prospéxit. R.  
 13 Etenim Dóminus dabit benignitatēm,  
 et terra nostra dabit fructum suum.  
 14 Iustitia ante eum ambulábit,  
 et ponet in via gressus suos. R.

## Tempore Nativitatis

97, 1. 2-3 ab. 3 cd-4. 5-6 (R.: 3 c)

- R. Vidérunt omnes térmīni terræ salutare Dei nostri.  
 1 Cantáte Dómino cáanticum novum,  
 quia mirabília fecit.  
 Salvávit sibi déxtera eius,  
 et bráccium sanctum eius. R.  
 2 Notum fecit Dóminus salutare suum,  
 in conspéctu géntium revelávit iustitiam suam.  
 3 Recordátus est misericórdia sue  
 et veritatis sue domui Israel. R.  
 Vidérunt omnes térmīni terræ  
 salutare Dei nostri.  
 4 Iubiláte Deo, omnis terra,  
 erúmpite, exultáte et psálite. R.  
 5 Psálite Dómino in cíthara,  
 in cíthara et voce psalmi;  
 6 in tubis ductílibus et voce tubæ córneæ,  
 iubiláte in conspéctu regis Dómini. R.

## In Epiphania

Ps 71, 2. 7-8. 10-11. 12-13 (R.: cf. 11)

- R. Adorábunt te, Dómine, omnes gentes terræ.  
 1 Deus, iudíciū tuum regi da,  
 et iustitiam tuam filio regis;  
 2 iúdicit pópulum tuum in iustitia,  
 et páuperes tuos in iudicio. R.  
 7 Florébit in diébus eius iustitia et abundántia pacis,  
 donec auferátur luna.  
 8 Et dominábitur a mari usque ad mare,  
 et a flúmine usque ad térmīnos orbis terrárum. R.  
 10 Reges Tharsis et ínsulæ múnera ófferent,  
 reges Arabum et Saba dona addúcent.

- <sup>11</sup> Et adorábunt eum omnes reges,  
omnes gentes sérvient ei. R.  
<sup>12</sup> Quia liberábit ínopem clamántem,  
et páuperem cui non erat adiútor.  
<sup>13</sup> Parcer páuperi et ínopi,  
et ánimas páuperum salvas fáciet. R.

## Tempus per annum

Ps 18, 8. 9. 10. 15 (R.: Io 6, 64 b)

- R. Verba tua, Dómine, spíritus et vita sunt.  
<sup>8</sup> Lex Dómini immaculáta, refíciens ániam, testimónium Dómini fidéle, sapiéntiam præstans párvulis. R.  
<sup>9</sup> Iustitiæ Dómini rectæ, lètificántes corda, præcéptum Dómini lúcidum, illúminans óculos. R.  
<sup>10</sup> Timor Dómini mundus, pémanens in séculum sáculi, iudicía Dómini vera, iusta ómnia simul. R.  
<sup>15</sup> Sint, ut compláceant elóquia oris mei, et meditátio cordis mei in conspéctu tuo, Dómine, adiútor meus et redémptor meus. R.

## vel

Ps 26, 1. 4. 13-14 (R.: 1 a)

- R. Dóminus illuminatio mea et salus mea.  
<sup>1</sup> Dóminus illuminatio mea et salus mea, quem timébo? Dóminus protéctor vitæ meæ, a quo trepidábo? R.  
<sup>4</sup> Unum pétii a Dómino, hoc requíram:  
ut inhábitem in domo Dómini  
ómnibus diébus vitæ meæ,  
ut vídeam voluptátem Dómini,  
et visítem templum eius. R.  
<sup>13</sup> Credo vidére bona Dómini in terra vivéntium.  
<sup>14</sup> Exspécta Dóminum, viriliter age,  
et confortétur cor tuum et sústine Dóminum. R.

## vel

Ps 33, 2-3. 4-5. 6-7. 8-9 (R.: 9 a)

- R. Gustáte et vidéte quóniam suávis est Dóminus.  
<sup>2</sup> Benedícum Dóminum in omni témpore, semper laus eius in ore meo.  
<sup>3</sup> In Dómino gloriábitur ánima mea, áudiant mansuéti et lètentur. R.  
<sup>4</sup> Magnificáte Dóminum mecum, et exaltémus nomen eius in idíspum.  
<sup>5</sup> Exquisívi Dóminum, et exaudívit me, et ex ómnibus terróribus meis erípuit me. R.  
<sup>6</sup> Respícite ad eum, et illuminámini, et fácies vestræ non confundéntur.  
<sup>7</sup> Iste pauper clamávit, et Dóminus exaudívit eum, et de ómnibus tribulatióibus eius salvávit eum. R.  
<sup>8</sup> Vallábit Angelus Dómini in circúitu timéntes eum, et erípiet eos.  
<sup>9</sup> Gustáte et vidéte quóniam suávis est Dóminus; beátus vir qui sperat in eo. R.

## vel

Ps 62, 2. 3-4. 5-6. 8-9 (R.: 2 b)

- R. Sitívit in te ánima mea, Dómine, Deus meus.  
<sup>2</sup> Deus, Deus meus es tu, ad te de luce vígilo. Sitívit in te ánima mea, te desiderávit caro mea. In terra desérta et árida et inaquósa. R.  
<sup>3</sup> Sic in sancto appárei tibi, ut vidérem virtútem tuam et glóriam tuam.  
<sup>4</sup> Quóniam mélior est misericórdia tua super vitas, lábia mea laudábunt te. R.

5 Sic benedícam te in vita mea,  
et in nómíne tuo levábo manus meas.  
6 Sicut ádipe et pinguédine repleáтур ánima mea,  
et lábiis exsultatiónis laudábit os meum. R.  
8 Quia fuísti adiútor meus,  
et in velaménto alárum tuárum exsultábo.  
9 Adhésit ánima mea post te,  
me suscépit déxtera tua. R.

vel

Ps 94, 1-2. 6-7. 8-9 (R.: 8)

R. Utinam hódie vocem Dómini audiátis:  
« Nolite obduráre corda vestra ».  
1 Veníte, exsultémus Dómino;  
iubilémus Deo salutári nostro.  
2 Præoccupémus fáciem eius in confessióne,  
et in psalmis iubilémus ei. R.  
3 Veníte, adorémus et procidámus,  
et génu a flectámus ante Dóminum qui fecit nos,  
quia ipse est Deus noster,  
et nos pópulus páscuæ eius et oves manus eius. R.  
4 Utinam hódie vocem eius audiátis:  
« Nolite obduráre corda vestra,  
sicut in Meríba secúndum diem Massa in desérto,  
ubi tentavérunt me patres vestri:  
probavérunt me, etsi vidérunt ópera mea ». R.

vel

Ps 99, 2. 3. 5 (R.: 3 c)

R. Nos pópulus eius et oves páscuæ eius.  
2 Iubiláte Dómino, omnis terra,  
servítate Dómino in lætitia;  
introíte in conspéctu eius in exsultatióne. R.

3 Scítote quóniam Dóminus ipse est Deus;  
ipse fecit nos, et ipsius sumus,  
pópulus eius et oves páscuæ eius. R.  
5 Quóniam suávis est Dóminus;  
in ætérnum misericórdia eius,  
et usque in generatióne et generatióne véritas eius. R.

vel

Ps 102, 1-2. 3-4. 8 et 10. 12-13 (R.: 8 a)

R. Miserátor et misericors Dóminus.

1 Bénedic, ánima mea, Dómino;  
et ómnia quæ intra me sunt, nómini sancto eius.  
2 Bénedic, ánima mea, Dómino,  
et noli oblívisci omnes retributiónes eius. R.  
3 Qui propitiátur ómnibus iniquitatibus tuis,  
qui sanat omnes infirmitátes tuas;  
4 qui rédimit de intéritu vitam tuam,  
qui corónat te in misericórdia et miseratióibus. R.  
8 Miserátor et misericors Dóminus,  
longánimis et multæ misericórdiæ.  
10 Non secúndum peccáta nostra fecit nobis,  
neque secúndum iniquitatés nostras retríbuit nobis. R.  
12 Quantum distat ortus ab occidente,  
longe fecit a nobis iniquitatés nostras.  
13 Quómodo miserétur pater filiorum,  
miséritus est Dóminus timéntibus se. R.

vel


Ps 144, 1-2. 8-9. 10-11. 13 cd-14 (R.: cf. 1)

R. Benedícam nómini tuo in sǽculum, Deus meus rex.  
vel Alleluia.

1 Exaltábo te, Deus meus rex,  
et benedícam nómini tuo  
in sǽculum et in sǽculum sǽculi.

- <sup>2</sup> Per síngulos dies benedíciam tibi,  
et laudábo nomen tuum  
in séculum et in séculum séculi. R.
- <sup>8</sup> Miserátor et miséricors Dóminus,  
longánimis et multæ misericórdiæ.
- <sup>9</sup> Suávis Dóminus univérsis,  
et miseratíones eius super ómnia ópera eius. R.
- <sup>10</sup> Confiteántur tibi, Dómine, ómnia ópera tua;  
et sancti tui benedicant tibi.
- <sup>11</sup> Glóriam regni tui dicant,  
et poténtiam tuam loquántur. R.
- <sup>13</sup> Fidélis Dóminus in ómnibus verbis suis,  
et sanctus in ómnibus opéribus suis.
- <sup>14</sup> Allevat Dóminus omnes qui córruunt,  
et érigit omnes depréssos. R.

ORDO MISSÆ CUM POPULO



<http://www.ccwatershed.org/vatican>

*A very special announcement will be made in early 2014 ...*